

საქართველოს რევოლუციური მუზეუმი

პროლეტარებო ყველა ძვეყნისა, შერთდით!



საქართველოს  
რევოლუციური მუზეუმი



54924

410

№ 1

წელიწადი გეოტხე.

ყოველთვიური სალიტერატურო, საგზატვრო  
და სამეცნიერო ჟურნალი

იანვარი

ტფილისი: სახელგამი: 1927

საქართველოს  
პროლეტარული  
კულტურის  
საზოგადოებრივი  
ცენტრის  
ბიბლიოთეკა





ქართული  
ბიბლიოთეკა

ს. შ. უ. ს. **≡ 3 ≡** რეკ. № 454  
პოლიგრაფ. **≡ 3 ≡** მთავ. № 164  
ტრესტის სტამბა. ტირ. № 2000.



# მხატვრული ლიტერატურა

საქართველო  
რუსეთი  
დასავლეთი

## ლ ე ნ ი ნ

დღეს სულ-განაბული ვიქცევით ფიქრებად;  
ხსოვნა დაამძიმებს გონებას ლოდევით...  
და წუთით ისეთი დუმილი იქნება,  
როგორც უღაბნოში ქარიშხლის ლოდინით.  
დღეს ისე შევხედავთ ჩვენ ერთი-მეორეს,  
ისე ერთნაირი გრძნობები მოცვივა,  
რომ ვიგრძნობთ უსიტყვოდ—ლენინის მეომრებს,  
გულშიაც ლენინის სისხლი და ხორცი გვაქვს.  
ჩვენ ძველი ცხოვრების გარდაქმნას ვუნდებით,  
სუნთქვაც ხომ რა არის! მასაც შევედავეთ,  
და მჯერა იქნება, ისეთი წუთები,  
როდესაც სიზმარშიც ლენინს შეხედავენ.  
როცა დაიბადე—ცივ ვოლგის ნაპირზე,  
არ ვიცი, მოვიდნენ თუ არა მოგვები;  
მე ვიცი მხოლოდ, რომ შენს განვლილ მანძილზე  
უბრალო ქვაც არის სიცოცხლის მომგვრელი.  
ჩვენია ცხოვრება და ნაცვლად მახვილის,  
ქუჩებზე ელავენ ქარხნების ალები;  
მეც ვმღერ; თუ მომესმა ბრძოლების ძახილი  
დავაგდებ კალამს და ხმლით დავტრიალდები.  
ვინა სთქვა გაშლილი ბრძოლები გათავდა!  
პარტიის ფოლადის მკლავი ვინ მოლუნა!  
დავიცვათ, ვაშენოთ, მზათა ვართ—მზათა ვართ,  
სისხლში გაბანილი დროშა და კომუნა.

## ბრძოლა წიფის

გვირაბთან 1905 წელს

მოგონებები წარსულ დღეებზე  
ჰყვავიან სულში ატმის რგულებად  
და მენატრება თოვლი ხეებზე—  
გადაპენტილი ბამბის ქულებად.

ხეობა. მკაცრი დუმლით სერის,  
გარინდებული ლიხის მწვერვალი.  
თითქოს სიჩუმე ტყიდან გიმხერის  
გაფითრებული ნადირის თვალით.

ეს იყო ღამე სისხლით ნაფერი!  
შე მაშინ ვიყავ ბავში პატარა,—  
როდესაც გვირაბს მოადგა მტერი  
და ცეცხლი სოფლებს გადმოატარა.

ვის ახსოვს წიფის ფიცხელი ომი!  
ბრძოლის სიუხვე და ანდამატი..  
მებრძოლთა მკერდი, როგორც მთა ლომის  
და ჩხერიმელა მორთული ფატი.

წითელი რაზმი—რკინის მკვნეტელი  
იბრძოდა მტერთან გულდაგულ მისვლით,  
მაგრამ მოირწყო ცივი კედელი  
კეთილშობილი რაინდთა სისხლით.

მას შემდეგ—როცა მთაში გოდებენ  
და შრიალებენ მწვანე შქერები—  
დალუპულ გმირებს მოიგონებენ  
სოფლის შაირი და სიმღერები.



## სოფელი

გახარებული დუღარევი მომეგება და მითხრა:  
— შვილო! დაცალე თოფი, დაიჯირო, დაიძახე,  
ხალხმა გაიგოს, რომ მამაშენის თუჯახში ვაჭის თესლი  
არ დაღუვლა...

\* \* \*

ისევ სოფელი, ჩალა, ყავარი,  
შეყვარებული გულით ნახული,  
აქ არის ჩემი ნაბინაეარი—  
ეხლა მღუმარე, მობალახული.  
აი, ეს ქობი. აგერ ბებია.  
დედი, ჩემი ხმა კიდევ გახარებს...  
შევცქერი ვაზებს ოქროს-თმებიანს,  
ჩემსკენ რომ მორცხვად თავი დახარეს.  
ჯერ ისევ ბაგშვი ვიყავი მაშინ,  
სულს მოგონება დღესაც ანაზებს...  
სად იყო სევდა სიმღერის ხმაში,  
ყველა მიყვარდა ამ ქვეყანაზე.  
ძლივს გადავურჩი იღბალს დაცერილს.  
ეხლა ლექსებში სულ სხვა გულია.  
დედი, ხომ ატყობ სახეს დასერილს—  
ტყუზე ქარიშხალს გადაუვლია.

\* \* \*

აბა, ვინა მყავს, რომ მომეგებოს,—  
ისე დავტოვე ჩემი მამული.  
მარტო ბებერი დედა მეგება  
ფეხქვეშ, ცრემლებით თვალმონამული.  
— შვილო, მობველი! შვილო, სამიწე  
თავი მოუკვდეს ბარემ დედაშენს!  
ბიჭო, შენობას მე ვინ გამიწევს,  
ან ვინ აუხდის მოყვრებს ზედაშეს.  
მეხვევა დედა—ფური ფშაური,  
მუდამ იმედის ცეცხლის მთესავი,  
და გული ისევ იწევს ხმაურით,  
ფიქრი იშლება შუადღესავით.



\* \* \*

ვინ მოვიკითხო? ყველა წავიდა.  
ჩემი ტოლები სადღა არიან!  
ზოგი დათარსა ბედმა თავიდან,  
ზოგი ცხოვრების ქარმა არია.  
რა კარგი იყო პატარაობა,  
როცა ვანთებდით ჭია-კოკონებს!  
წამოიზარდა მერე თაობა,  
და ვაშლს ვესროდით ლამაზ გოგონებს.  
არ ვიცი, აღბად მე მეჩვენება  
სოფელი ეხლა სულ სხვანაირი:  
აღარც მაყრები, დოლი, ქენება  
და აღარც სუფრის სიტყვა-შაირი.  
მარტო საღამო ძველებურია,  
ცაში ელავენ საცეცხლურები.  
ეზოში გაბმით ღმუის მურია  
და მიჭრიალებს სადღაც ურემი...

\* \* \*

ყაშმა წაიღო შენი დროება,  
შენი მკითხავი, მნათე, საყდარი.  
ძველი სიმშვიდე და მყუდროება,  
დედი, ამ ქვეყნად აღარსად არი.  
ხმა რომ გუგუნებს,—ცეცხლის ქარია  
და მოვლენ კიდევ სულ სხვა ქარები...  
მთებში დაცემულ ღამეს მთვარიანს  
გააღვიძებენ რკინის ხარები.  
შენ შეუბნები: აღარ წავიდე,  
მივხედო ვენახს, კალოს, ნალიას...  
დედი, მე გულში ნაღველს ჩავიდებ,  
მაგრამ აქ ყოფნა აღარ მცალიან...  
ეხლა გრიგალის გადაქროლაა.  
ყველგან დოლია, ყველგან მარულა.  
ვხედავ სოფელშიც გულის თრთოლაა  
და ცეცხლი აქაც შემოპარულა.  
მეც იქით ასე მიტომ ვიშური,  
არც ხიფათია და არც შიშია...  
რაზიკაულო! ქროლა გიჟური  
ჩემში რომ ღელავს—შენი ჯიშია...  
და ეტოვებ სოფელს გაშლილს დარებად,  
ღამე რომ ავლებს ვერცხლის ყაითანს.  
მივალ, თუმც ვიცი ჩემს გადარევას,  
გრიგალი სადმე თან გადაიტანს.

## წინაპრებს

ასწიეთ თასი, გამოსცალეთ: ყოველი მხრიდან  
ჩვენ შორის ჩატყდა სამშვიდობო გზა იარაღი;  
ვიგონებ იმ დროს როს ქართლოსის მზეს მკლავით თხრიდა,  
პატარა კაზი ირემივით მთიდან მყვირალი.  
დარიალიდან დერბენტამდე ყოველი თხრილი,  
გულებ-დაღეწილ რაინდების არის სამარე;  
გამხმარ თავებით აშენებულ ქედების ირგვლივ,  
დავდივარ როგორც უცხოელი, ცნობის მოყვარე.  
მომავლანდება როს არაბთა მძვინვარე ხროვამ,  
დევის მუხლივით შეგინგრიათ გულის ფიცარი...  
დროთა ტრიალმა ჩვენ ერთმანეთს გამოგვათხოვა,  
ჩვენ წინაპრებო ერთმანეთი გადავიცანით.  
თუ თქვენ კისერზე დაიმტვრიეთ ოსმალოს ხმალი,  
ჩემთვის ერთია დღეს ერეკლეც და მამადხანი...  
დღეს შემოგვხედავს მეგობრულათ აზიის თვალი,  
ერთ დროს მრისხანე სააკაძით გადანათხარი.  
რა უყოთ მერე რომ სიცოცხლე ჩემიც აქ ენთოს,  
ეს რას მავალებს! მე სიცოცხლეს სხვა თვალით უმზერ!  
არ არის სივრცე რომელმაც დღეს ჩვენ შეგვაერთოს,  
არ არის სიტყვა ერთნაირათ რომ მოგვხედეს გულზე.  
არ მეშინია უცხოეთში ბედის მოლუნვის,  
ტკივილს ვერ მომგვრის მე სამშობლო მიწის სიშორე;  
სანამდი ელავს გაბასრული ხმალი კომუნის,  
მე ჩემს სამშობლოს ქვეყანაზე ყველგან ვიშოვი.



## ქველ პოეტს

შენ ფოტროდან ხარ, მე ფოლადით გამოვითალე,  
 შენ ეტრფი ძველს — უცხოელის მტვრიან ქიანურს.  
 მე მინდა ხალხს დაუტოვო სიტყვა მართალი,  
 დავეძებ აზრს გამჭრიახს და ადამიანურს.  
 დრომ არ დამტოვა, რადგან მქონდა ტვინი მხედველი  
 და დახსნილ საგნებს მოვრეკავდი მკვრივი ფეხებით.  
 მე არ ვყოფილვარ შენებრ სიხმრის გამომყიდველი  
 და დღე გამოველ ღამისაგან ჩამოხერხილი;  
 და ფრთა მაგარი, მომსახავი დიდი მინდვრების,  
 მღვრიე ძახილით მოუხმობდი კაცურ ნახტომებს.  
 ავიცვრ მკლავი და მივიღე სისხლი დროების,  
 და სიხარული ბედს ვესროლე ცხენის ლახტით.  
 შენ წვრილმანი ხარ და ძარღვი გაქვს ნაწყალმაკევი,  
 დაშლილ ფეხებით არ მოყვები ნივთთა ბროწეულს;  
 და უცხოეთში ნასესხებ ხმას, ოფლით დაკერილს,  
 დასტოვებ ხალხში უსიკოცხლოდ ჩამორწეულებს;  
 მე ახალი ვარ, ჩემი ხმაა სხვაგვარ ხარისხის,  
 გადმომტყორცნელი სივრცეების ძველებს ვაცოფებ.  
 მე დავლევ სისხლს, რომ ქიქაში სისხლი დამისხათ,  
 მე ვუმღერ ხალხს და ამ ხალხში მთლიან კაცობას.  
 ვინც ეტრფის ფშანს, და ქარებში წახრილ ლერწამებს.  
 ვისაც სიყვითალე სულში ფოთლად უტარებია, —  
 ის ჩემზე კარგათ ვერც ერთ მიზანს ველარ იწამებს,  
 და მიწის სისქეც ჩემზე ძლიერ არ ყვარებია.  
 ჩემთვის უცხოა ხაზობრივი დგომა ბერძნების,  
 მე არ ვიკეთებ ნილაბებს და ხისლის პარიკებს.  
 მე წინაპრებმა კაცობრივი ხმა მაინდურძეს,  
 და ჩლუნგი სმენით ამ მოძახილს შენ ვერ გაიგებ.  
 შენ მიგდებული და ნათრევი ჯაგლაგ ცხენივით,  
 სცადე ქალაღდზე ძველი ხმების ლექსად შეკრება;  
 მე და შენ შორის, შენ გამოხვალ დამარცხებული,  
 მაგრამ სირცხვილი შენ გარეცხილს არ დაგეკვრება.  
 ჩვენ ვივლით წინ, მე გამიგებს წუთისოფელი,  
 სანამ ფეხები უფსკრულებით არ დაბორკდება;  
 და მე მოვიტან წრფელ სიმღერებს, სივრცე მოფენილს,  
 რომელიც ხალხში არასოდეს აღარ მოკედება.  
 შენ ფოტროდან ხარ, მე ფოლადით გამოვითალე,  
 შენ ეტრფი ქორს და უცხოელ მტვრიან ქიანურს.  
 მე მინდა ხალხს დაუტოვო სიტყვა მართალი,  
 დავეძებ აზრს გამჭრიახს და ადამიანურს.

## ს ი ს ხ ლ ი

### რომანი

#### I

კობტად ჩაცმული შავგვრემანი ბიჭი მინდვრის კუთხეში სდგას, იელის ბუჩქნართან, და შეშფოთებულად გასცქერის სოფლის გზას, რომელიც ბუჩქნარით მინდორზე გამოდის.

სახეზე ეტყობა, რომ უძინარია და დიდი სულიერი ვაება გადახდილი.

მინდორი პატარაა, ტრიალის. მხოლოდ გზის მხრით თავყვითელა იელის რამდენიმე ბუჩქი შეჭკორებია და იქვე ობლად მიჩქმალულა თეძოვებ-შემხმარი. პანტა-ვაშლის ერთად ერთი ხე.

შავგვრემანი ბიჭი ისე სდგას, თითქოს ამ ვაშლის ხეს ამოფარებია.

მოკლე ჩოხა აცვია. წელი წერწეტა აქვს და ბეჭებში განიერი. რქის ტარიანი უბრალო ხანჯალი არტყია და თავი თეთრი ყაბალახით აქვს წაკრული.

დილის მზეზე ნაფერ ფოლადად უციალობს უწვერ-ულვაშო სახე, რომელსაც სულის ფორიაქი სკელ ღრუბლად შესწოლია. იგი ისე მოუთმენლად გასცქერის გზას, თითქოს ამოწვდილი მოელვარე სატევარი იყოს.

თრთოლავს.

მოლოდინად არის გადაქცეული.

მოაწია თუ არა განთიადმა, ეს ბიჭიც აქ გაჩნდა, თითქოს ხის ტოტზე მჯდარიყო და ღამე ასე გაეთენებოს. მოვიდა, დადგა და ამდენი ხანია ფეხი არ მოუცვლია, თვალი გზის ხაზისაგან არ მოუცილებია.

ნისლიანი იყო რიქრაეი, და ბიჭი აჩრდილსა ჰგავდა. პანტა-ვაშლზე შეხიზნული ჩიტები დაათრთხო. როცა გითენდა, შეუბრალებელი თვალებით გაჰხედა მიდამოს, თითქოს შეუტია ბავშობიდან შეზრდილ არე-მარეს:

— მოლალატევ! — და ხანჯალზე ხელი წაივლო.

შერე მზეც ამოვიდა. სარულით გასჭრა ლაყვარდის სიღრმე და მხიარულის დაჭკვრით გაჰყვა თავის გზას.

ჰო, დღეა, უკვე დიდი დღე, და შავგვრემან ბიჭს კი ლოდინი არ უმართლდება.

ჰო, რა საშინელია, როცა იცი, რომ ამოა სულისკვეთება!

მაგრამ, დეე, ნუ მოვა....

ვიდრემდის თვითონ დედამიწა ფეხებიდან არ გაეცლებას, ის თავად დანი-  
შნულ ადგილს არ მოშორდება.

ასე ფიქრობს და ხმას არ იღებს, რადგანაც გრძნობს, რომ ხმა დაფერფ-  
ლილი აქვს, და სიტყვა ყელიდან არ ამოუვა. მის ნაცვლად ქარქაშიდან  
ხანჯალს ამოსწევს და ისევ ჩარტყმით ჩააგებს.

სახეზე ბრაზის ელვა გაუნავარდებს, თვალეში ცეცხლის ალი ჩაუდგება.

იგი არც შეფიქრდება, ისე დაჰკლავს ყველას, ვინც არამხადაა ამ ქვეყნად  
და სიცოცხლეს სწამლავს.

ჰოო, როგორ შესცდა, რომ ეს არ შეასრულა, როცა საშუალება  
ჰქონდა...

ახლა რაღა დროს!

აი ვარდომაც როგორ უღალატა!

ეს მოხდა ათ დღეში. ათი დღე რა დიდი დროა მაინცა-და-მაინც, რომ  
ადამიანის ბედის ასე სასტიკად შეცვლა შეეძლოს?

სახლში არ იყო ათი დღე. მხოლოდ გუშინ საღამოს დაბრუნდა ანაკლიი-  
დან, სადაც სწორედ ათი დღის წინად ურემი გარეკა თხილით დატვირთული.  
ივაჭრა. დააგვიანდა. მაგრამ დაბრუნდა მოგებულნი, გახარებულნი. ვარდოს უცხო  
საჩუქარი ჩამოუტანა, სოფელში რომ არავის უნახავს ისეთი. — თურქმა მიჰყიდა  
საიდუმლოდ.

სახლამდის რომ მოაწია, შემოაღამდა. ღიღინით შემოჰყვი სოფლის შე-  
კას. ვარდოს სახლთან უნდა გამოეელო. აქ ხმა ასწია და შეუკრიმანჭულა. — ნათ-  
ქვაში ჰქონდა სატრფოსთვის, რომ მშვიდობით დაბრუნებას კრიმანჭულით აც-  
ნობებდა... ეს კიდევ იმის ნიშანი იყო, რომ ვარდო დილით ადრე მინდორზე,  
ბუჩქნართან, უნდა გამოსულიყო.

კარგად დაინახა, რომ ვარდოს ოდა არაჩვეულებრივად განათებულიყო.  
ყველა ფანჯრიდან სინათლე გამოსჰვიოდა და უცხო ფუსფუსი ისმოდა.

გაიკვირვა ანდრომ. შესწყვიტა კრიმანჭული. წამოდგა ურემზე და ხელჩა-  
მოფარებული თვალეში მიაპყრო ნაცნობ კარმიდამოს.

— ვინ სტუმრებია, ნეტავი?

ასე გაიარა მცირედ შეფიქრიანებულმა.

თავის ეზოს რომ მიადგა, კიშკართან მამიდა დახვდა. ამ საღამოს მოე-  
ლოდა. სიმღერასაც მოჰკრა ყური, კარი გაუღო, დაბრუნება მიულოცა.

— რა ამბავია, მამიდა?

— მშვიდობა, გენაცვალოს მამიდა... დაგაგვიანდა, ანდრო!

— ჰოო, აღარ დაიღია ეს ტიალი გზა.

ურემი მის ადგილას დააყენა. ნიშა და ლომა ბალახზე მიუშვა. სახლში შე-  
ვიდა. ტახტზე ჩამოჯდა. ხურჯინიც გვერდით მოიდგა. მამიდას საიდუმლო ღი-  
მილით გადახვდა.

— რაები ვივაჭრე... რაები ჩამოვიტანე, მამიდავ! გაგახარებ.

მამილამ კი თვალები აარიდა.

— შენ კი რას შეტყუვი აქაურობის? — ისე ჰკითხა, მიახვედრა, ვისზე გკითხებოდა.

მამილა კი უცნაურად გაუყუჩდა. მერე პირიც მოიქუშა.

— ჰო?

— ვარდოს ათხოვებენ, შვილო... დანიშენა მოხდა.

ჯერ ხუმრობა ეგონა. იქნება, მამილა მაჯავრებდესო. მაგრამ მალე გამოირკვა საშინელი სინამდვილე.

მამილაც კი გრძნობდა თავს შეურაცყოფილად. დაწვრილებით უამბო, რაც იცოდა. ჩამოსთვალა ყველა, ვინც საქმე მოაგვარეს.

— ქუთაისში რომ ვარდოს ბიძა მსახურობს, მდიდარი, იმან მოაწყო ყველაფერიო.

— ბოლოს სიძეც დაუსახელა.

— იმ ჩინოვნიკ სოლომონს რომ შარშან, ბუნტის დროს აქ სტუმრად ჰყავდა, ის არის... ჩინებიანი... თუ გახსოვს!

ანდრო ველარ იგონებს, როგორ გაატარა ამის შემდეგ ღამე.

განთიადს კი დაასწრო და აქ, ამ მინდორს, ბუჩქნარს, ამ პანტა-ვაშლს მოაშურა თანახმად ურმიდან მიცემული ნიშანისა.

მაგრამ სადაც არის შუადღეც მოაწევს, და ვარდო კი რა სჩანს.

ახლა კი ცხადია, რომ ყველაფერი მართალია, რაც მამილამ უთხრა...

დიახ, ათმა დღემ დააკარგეინა ანდროს ვარდო... ორმოცმა ფუთმა თხილმა დაპლუპა ანდრო!

იგი დღესვე ასჩეხავს თხილნარს!.. ამიერიდან არ უნდა იგი!

და დარბევის ქარი შემოუქროლებს. აჯანყების ცეცხლი მოედება.

დღესვე დაამსხვრევს ურემსაც, და საკუთარი ხელით დაჰკლავს ლომას და ნიშას!

თუ არა ეს თხილი, ეს ურემი და ხარ-კამეჩები, ის ფეხს არ მოიცივლიდა სოფლიდან... და მაშინ ვარდოსაც ვერავინ წაართმევდა...

მამა არა ჰყავს და დედა. ძმა არასოდეს არა ჰყოლია არც და. ახლა იმასაც ნაღვლობს, რომ მამილა ჰყავს. — პირველად ხომ მისი პირიდან გაიგონა: „ვარდოს ათხოვებენო“...

ჰოო, შემოაკედება ხალხი ანდროს, ღმერთმანი!

და სიანჩხლით ამოსწევს ხანჯალს. მოეჩვენება, რომ დახოცილთა სისხლმა ითქრიალა.

გულს ესალმუნება.

ხანჯალს ისევ ჩააგებს.

ამავე დროს ანაზღად შეამჩნევს, რომ იელის ერთი ბუჩქი შეირხა და ვილაციის ლანდი მინდვრის პირს აეკრა.

ნუ თუ ვარდოა?

სახეზე სისხლი აუვარდება. გულისცემა შეუჩერდება. — თავს ძირს დაპბრის. — არ შეუძლია ვარდოს შეხედოს.

— გამარჯობა, ანდრო. გავიგე შენი ჩამოსვლა. — მოგესმენა ანდროს ბოხი ხმა და თავს მალლა შეისვრის. მის წინ პირმცინარი არსენა — სტეხს და გახარებული ესალმება. კარგა მოზრდილი ქალაღდის შეკვრა იღლიაში ამოუჩრია.

— დაგაგვიანდა, ბიჭო! — და ხელს ჩამოსართმევად გაუწოდებს.

— გაგიმარჯოს, არსენა... — ძალდატანებული ვალიშებით უპასუხებს მეგობარს ანდრო და ხელს უგულოდ ჩამოსართმევს.

— აი, რა მოგიტანე, სამი დღეა, რაც არჩილმა გამოაგზავნა... — და არსენა ფრთხილად მიიხედ-მოიხედავს... — შენ რომ იცი, ის უნდა იყოს, მაგრამ უწენოდ მაინც არ გავხსენით... გადმოგცე? — შეკვრას გაუწოდებს.

— არჩილმა? — გაკვირვებით ხმას აუწევს ანდრო. შეკვრას ფიცხლად გამოართმევს. გასინჯავს. — ჰო, ვიცი... კარგი, დასტოვე. — ეტყვის მერე დაბნევით.

— ის არის ხომ? ა? — დაბალი ჩურჩულით ჰკითხავს არსენა და თვალეში ჩახედავს. ვერ შეამჩნევს, რომ ანდროს მაინცა-და-მაინც გახარებოდეს ამანათის მიღება.

— ახლა კი არსენა... თუ ძმა ხარ... — დაიწყებს ბორძიკით, მაგრამ სიტყვას ვერ დაამთავრებს. ისევე მზერათ გადაიქცევა, ისევე მოლოდინი შეიპყრობს.

არსენა შიმხვდარია, თუ რა სჭირს მეგობარს.

— ვიცი ანდრო... განა არ ვიცით, რაც მოხდა. ამიტომაც გკითხე, ახლა გადმოგცე, თუ არა მეთქი! — ამბობს იგი და თანაგრძნობიან თვალეებს აადევნებს. — მაგრამ შენს თავს ესე ადვილად არ დავაჩაგვრინებთ... ყველანი შენთან ვართ!

— არა, არსენა... თუ ძმა ხარ, ნუ... — გააწყვეტინებს ანდრო შებზარული ხმით.

— ესაო და დიდი კაცი არისო და გაუვაო, ეს არ იქნება! ისედაც გამწარებულეები ვართ. — განაგრძობს მაინც არსენა. — გულახდით მითხარი, ანდრო... აი, იონაშაც დამაბარა და სანდრომაც მითხრა: თუ შენ თანახმა იქნები, იმ კაცს მოგაშორებთ...

— არასოდეს!

— რათა?.. ხომ ვიცით, ვინც ბრძანდება? დიდი ციხის უფროსია ქუთაისში... შარშან კი ჯაშუშობისათვის სდევნიდენ ჩვენები და სოლომონ ვარაძე აქ მალამდა, ძმის სახლში... ვითამ სტუმარიო... გვატყუებდა თურმე... ახლა ჩვენი საქმეც, ხომ ხედავ, არც ისე წაგებული ყოფილა, როგორც აქ ჰგონიათ... აი, არჩილიც კარგ ამბავს იტყობინება... ეს პროკლამაციები, სჩანს, რასმე ნიშნავს ალბად... ა? შენ როგორ ფაქრობ: იფიქრებს კიდევ?

— ა? ალბად... შეიძლება...

ანდროს თვითონაც არ ესმის, რასაც ამბობს... იგი თვალს მოჰკრავს, რომ გზის პირად ბუჩქი შეირხა, და აენტება.

— დამაცა, არსენა... — ეტყვის და ხელს მოუთმენლად მკლავზე წააფლებს, განზე გასწევს. ანიშნებს, წადიო. — უკაცრავად... მაგრამ... თავი დამანებე ახლა, თუ ხათრი გაქვს...

არსენაც შენიშნავს, რომ ბუჩქნარში ვიღაცა შემოვიდა. მიხვდება ანდროს აღელვების მიზეზს.

— კარგი, შენი ჭირიმე... — გახარებით ეტყვის და ბევრს ჩუქნის წაუთათუნებს აღერსით და მერე აჩქარებით მოშორდება იქაურობას. ანდრო კი თვალებს არ უჯერის:

გზიდან მინდორზე ვარდოს მეგობარი ლიზიკო გადმოუხვევს და ანდროსკენ გაუპირდაპირებს.

ფარული იმედის უკანასკნელი ნატამალი მოსწყვეტა გულზე ანდროს.

— ის არ მოვა... — იტყვის თავისთვის და მწარე ღიმილის მსგავსი ნაოქი სახის ერთ ნახევარს მოუქცევს.

— ანდრო, ვარდომ შენთან გამომავხანა საიდუმლოდ, — სხაპასხუბით დაიწყებს მოახლოვებისთანავე ლიზიკო. — მან იცის, რომ შენ აქ მოელი და მითხრა, ნახეო... თვითონ ვერ ვნახავს... და ეს ბარათი გამოგიგზავნა.

ანდრო უსიტყვოდ გამოართმევს ბარათს. ხელში შეკმუჭნის. არც კი დახედავს. სიჩუმეს ჩამოაგდებს.

— კარგი... სხვა არაფერიო? — ვითამ დამშვიდებულად ჰკითხავს გვიან.

— არაფერი ანდრო... — და ლიზიკო მოულოდნელად ანდროს საიდუმლო ტანჯვის ყველა ხვეულებში შეიჭვრიტავს. ეს მისდა უნებურად მოხდება. ანდრო მიუხვდება და უცებ გამოიცვლება.

— არაფერი? — გუგუნით გაიმეორებს ანდრო და გოგოს თვალებს შეანათებს.

წითელი ალი უბრიალებს გამობედვაში და თვალებიდან ისრები სცვივა. უცებ მალა ამართავს ბარათიან ხელს და ლიზიკოს ზედ სახესთან მიუტანს. შეუბრალებელი მუქარით ეტყვის:

— ალბად, ქორწილზე მპატიეებს ქალბატონი! არა? უთხარი, ანდრო მადლობელია და გეწვევათქო!

ამ სიტყვებით შეკმუჭნილ ქალაღს ლიზიკოს სახეში ესვრის.

— წერილები აწი მის ლექურიან კავალერს სწეროს!

— ანდრო, არ იცი განა, რომ ვარდის ბრალი არ არის?

— აჰა... მაშ, მართლა გათავებულა საქმე... თუ ასეა, იცოდეთ, მოლაღტეებო, რომ ანდრო ქარივადე ამას თავის დროზე ვაგინსენებსო! ვაგინსენებსო ისე, რომ... — უკანასკნელ სიტყვებს კბილებში გამოსცრის და არსენასაგან მიღებულ შეკრვრას მალა ასწევს შესვრით.

— იცოდეს ყველამ, რომ ჩვენი დრო კიდევ დადგება... აი, ამას ხომ ხედავ?.. — დასტექს, შეკვრას პაერში შეათამაშებს და შეშინებულ გოგონას ზურგს შეაქცევს. არც კი გამოემშვიდობება, ისე ტანის მუქარიანი რხევითა და სასტიკი ნაბიჯით თავის სახლისკენ გასწევს.

## II

ვარდოს გათხოვება ყველასათვის მოულოდნელი იყო: მშობლებისათვისაც და თვითონ ვარდისათვისაც.

საცოდავ გოგოს ფიქრადაც არ მოსვლია, რომ ასეთ საკვირველ ბედს ეწეოდა.—იგი მას მოვარდნილივით დაატყდა თავს.

ანდროს ანაკლიას წასვლის მეორე დღესვე სოლომან ვარდნილის კაცი, საგუბერნიო სამმართველოს მოხელე და ორი სახლის პატრონი ქუთაისში მოულოდნელად ეწვია ვარდოს მამას, თავის უმცროს ძმას, და თან მელიტონ აბლანდია ჩამოიყვანა.

სიძე!—უთხრა მან ვარდოს მშობლებს და აბლანდია წინ დაუყენა.

— ამ ვაჟბატონს თურმე ჴარშანდელს აქეთ უყვარს ჩვენი ვარდო. ეს ამბავი როგორც თქვენ, ისე მეც აქამდის არ შემიტყვია. გავიგე თუ არა, არ დანიყოვნებია: დასაქორწინებლად ჩამოვიყვანე. სამი დიდი ღირსება აქვს: აზნაურია, დაწინაურებული ჩინოვნიკი და კარგი ჯამაგირიც აქვს. არას ვამბობ იმაზე, რომ ჩემი გაზრდილიც არის და წარჩინება წარჩინებაზე მოელის. მომილოცავს.

ვარდოს მამას თვალი მოეჭრა:

მბრწყინავი ეპპოლეტები. სირმის ქუჩუჩიანი ხმალი. ორი „მენდალი“ გულზე და არწივიანი ოქროს ფერი ღილები ორ რაზმად მკერდზე.

იშვიათი სასიძო კაცი სოფლის გოგოსთვის.

ვარდოს დედის ყველა ოცნებას ხორცფერი შეესხა.

ვარაძეებს ჭკუით იცნობდენ: სად გიჟი უსახლოკარო ანდრო ქარივამე და სად ეს „ლუბერნატორისთანა“ კაცი!

სოლომანის ეს წყალობა ყველა წყალობაზე უფრო დიდად მიიჩინეს.

სთქვეს:

— ბიძაც სწორედ ასეთი უნდაო!

— ნუ მეხუმრებით... სტუმარზე გათხოვება სად გაგონილა!—ამბობდა შეშინებული ვარდო. არ უნდოდა დაეჯერებინა.

მაგრამ მამა სასტიკად შეუწყრა. სიღინჯე და თავდაჭერილობა მოსთხოვა გადაჭრით.

მერე ნიშნის ნივთებიც მიართვეს.

მაშინ ვარდომ ხმა გაჰკმინდა და ცხარე ცრემლით ტირილი დაიწყო.

არავინ აღმოაჩნდა მშველელი. არც თანამგრძობი უბედურებაში, ლიზიკოს გარდა.

ანდრო კი შორს იყო.

როცა ანდრო ჩამოვიდა, უკვე შველაც გვიან იყო. მაგრამ ვარდომ მაინც მისწერა წერილი. ამცნო გასაჭირი. ეგონა, დიდი უბედურება დატრიალდებოდა: ანდრო მოვიდოდა, მოწინააღმდეგეს მოჰკლავდა, ხოლო თვითონ მას შორს გაიტაცებდა.

მაგრამ მინაწერი ქალაღდი რომ უკან დაუბრუნდა ლიზიკოს ხელითვე და ანდროს განწყობილებაც შეიტყო, უცებ ჩაფუკვით მოეშვა, თითქოს სიცოცხლე გასცლოდეს და მკვდარვით გახევებული დარჩა.

ახლა აღარ სტიროდა, ხოლო ცრემლი კი მაინც სდიოდა თავის თავად, შეუწყვეტლივ.

წაუნწარდა სიძეს გამარჯვება. იგი მით ანუგეშეს, რომ უთხრეს, აქაურ ქალებს ასე სჩვევიათ გათხოვების დროს... ყურადღებას ხუ მიაქცევ... მალე გაუვლის და შეგეჩვევაო.

ასე მოხდა:

ანდროს დაბრუნების მეორე დღესვე, სალამოს, დანიშნულებს ჯვარი დასწერეს გაუხმაურებლად.

ქორწილის ნაცვლად უბრალო ვახშამი მოაწყვეს უახლოვეს ნათესავებისათვის.

— ნამდვილი ქორწილი ქუთაისში გვექნებაო! — გამოაცხადა სოლომონმა და ორი ეტლი დააბარებინა მახლობელ დაბიდან გვიან ნაშუალამევისათვის, რომ ადრინაი დილის მატარებელზე არ დაგვიანებოდათ. — რკინის გზის სადგურამდე თხუთმეტობდნ ვერსი იქნებოდა ვარაძეების სახლიდან.

ყველაფერი სოლომონის გეგმაზე ხდებოდა. მას სოფლური ჩვეულებები არ უყვარდა და დავიდარების თავი არ ჰქონდა. სიძითურთ სამსახურში მიეჩქარებოდა. ისედაც შეაგვიანდათ და ჩქარობდნ.

ვარდოს დედას მაინც ძალიან სწყუდებოდა გული. მისი ქალი ისე უბედურად გამოიქცირებოდა, რომ თავი ვერ დაენებებია. ამიტომ გადაეწყვიტა, გაპყოლოდა ქუთაისში და სრულ დამშვიდებადნ მასთან დარჩენილიყო.

...

ანდრო იმ ღამეს ძლივს მონახეს მისმა მეგობრებმა. ამათ იცოდნ ვარდოს თავს რაც ხდებოდა, და უნდოდათ გამოერკვიათ, რას ფიქრობდა ანდრო: გაჩუმებას თუ თავის გამოდებას.

მაგრამ ანდრომ უცნაურად დაიჭირა მათთან თავი.

როცა უთხრეს, — ვარდო ამღამეს ქუთაისში მიჰყავსთო, — ისე ჩაიცინა, თითქოს ეს მისი მოხერხებული საქმე ყოფილიყო. მერე სულ სხვა საგანზე ჩამოუგდო ლაპარაკი.

— დამიჯერეთ, ძმებო, — დაიწყო მან თვალის არიდებით, — რომ ვარაძის ქალის ამბავი სულაც არ მაინტერესებს... თქვენ ამბობთ, მიჰყავსთო... წაიყვანონ... მე რა? აბა, თქვენ თვითონ გასინჯეთ, რა თავგამოსადებია ვარაძეების ბუდის ბარტყი?... მე დიდი ხანია, რაც თავი მინებებული მქონდა... თუმცა ამაზე არც ღირს ლაპარაკი... ჰო, მე კი, აი, რა უნდა ვითხრათ: არჩილი ფოთში მიბარებს, და რას იტყვით ამაზე?

ამ ცნობამ უცებ დააინტერესა და ძალიანაც გააკვირვა მეგობრები.

არსენა ჩახმახზე შესდგა,

— რა ამბავიაო, კარგად გვითხარი, თუ ძმა ხარ... გამოგზავნილი ხომ მართლა პროკლამაციის აღმოჩნდა? — ერთმანეთზე გადამბით ჰკითხა მან ანდროს. მერე იონამ ჩამოართვა სიტყვა:

— დიდი საქმეა რაღაც, იცოდნ, რაკი ვიხარებთ, თუ შეგიძლიათ, თუ წერილი მოგწერა? არჩილი ახლაც ფოთში იმყოფება?

ქურნალი „მნათობი“ № 1 (32)

საქართველოს  
საგარეო  
საგანმარტო  
საზღვაო  
საქმეთა  
სამინისტრო





შემოეხვივნენ მეგობრები ანდროს. სულ დაავიწყდათ ვარდოს ამბები. ეზოს კუთხეში იდგენ, კაკლის ჩრდილში. მთვარიანი ღამე იყო, თბილი და წყნარი.

ანდროს სახე არ უჩანდა. გარდა კაკლის ჩრდილისა, ყანაჩხჩხაკი — შქონდა ჩამოფარებული.

— პროკლამაცია სულ ახალი უნდა იყოს... უკანასკნელი... ვიბორგის მოწოდებაა... — არსენასკენ მიმართვით დაიწყო ანდრომ, დინჯად, გულჩათხრობით. მერე იონას მიუბრუნდა:

— არჩილი ამ ეამად ფოთშია, ამხანაგო... უთუოდ საქმეზე მიბარებს... წერილი არ მოუწერია, ერთი ამხანაგის პირით შემომითვალა...

— მერე აპირობ წასვლას?

— ყოველ მიზეზგარეშე...

— რა თქმა უნდა, უთუოდ უნდა წახვიდე... ჩვენც დაგვიბარე, თუ საქირონი ვიქენით! ხომ ხედავ, აქ აღარ გვეცხოვრება.

და მცირე ხნით ღუმილი ჩამოვარდა ფიქრიანი.

— ხო, მართლა... პროკლამაციებიც უნდა გადმომეცა თქვენთვის... დამავიწყდა... დაეითვალე და დაეაწყვე. სულ სამასი ცალია. თითოს ას-ასი გვერგება. ზედ აწერია, როგორც წესი და რიგია: „პროლეტარებო ყველა ქვეყნისა, შეერთდით“. ქვეშ ბათომის კომიტეტი აწერს ხელს. ჩვენი პარტიისა.

— წაიკითხე?

— კი. „არც ერთი შაური და არც ერთი სალდათი“ მთავრობას არ მისცეთო, განაცხადეს თურმე ღუმის დეპუტატებმა. ეს ამბავი სწერია. ჩვენც უნდა ვემზადოთ...

ორი ცალი პროკლამაცია ჯიბიდან ამოიღო და ამხანაგებს გადასცა. ამბათაც მთვარის სინათლეზე გაიწიეს და თვალების ზედმიტანიტ მოგრძო ოთხკუთხიან ფურცლებს თვალღერება დაუწყეს.

— ჰოპო... ახლა ერთხელ კიდევ გაიგებენ, რაც ბიჭები ვართ... გათავდაო კი ფიქრობდენ...

— დაიცათ, ბარემ მოგიტანთ და გადმოგცემთ თქვენ — თქვენს წილს... განაწილებული მაქვს. — და ანდროს სახლისკენ გაიქცევა. ორ კოხტა შეკვრას გამოიტანს და მეგობრებს გადასცემს.

— ფრთხილად, იცოდეთ. ზოგი ხელზე დაარიგეთ. ზოგიც აქა-იქ გააკარით და ზოგიც დააბნიეთ... მთელ უბანს უნდა მოედვას, აი...

— ფიქრი ნუ გაქვს, ანდრო... პირველად ხომ არ ვართ ამ საქმეზე. არც ერთი არ დაიკარგება.

სთქვეს გახარებით და ქალღლები უბეებში ჩაიჩარეს.

ამას შემდეგ ეზოში გაიარ-გამოიარეს.

ანდროს თავის მომავალ მუშაობაზე ლაპარაკობდა. აგზნებული და ოცნებიანი იყო მისი სიტყვა. ხშირად და დაყინებით იმეორებდა ტერორს და სულ კვლასა და ელექტას უტრიალებდა.

მისი აზრით, იგი მუშად, ჩაირიცხებოდა ფოთში და არჩილის ხელმძღვანე-

ლობით პარტიულ მუშაობას დაიწყებდა. შეადგენდა ტერორისტების ჯგუფს და ბომბების კეთებას შეისწავლიდა:

— ყველა ტერორს ჩემს თავზე მივიღებ.— ამბობდა გალესილი მუროსძიებით და წამდა-უწყუმ ხანჯლის ტარს ჰკიდებდა ხელს.— მუსორგისკის მონტანატიებს. სისხლით უნდა გაირეცხოს ეს ქვეყანა. სხვა გზა არ არის. გახსოვდეთ, ჩემგან დაზოგვა არ იქნება ამერიიდან!—

ხმას აუწია. თითქოს მტერს შეუტია. მაგრამ უცებ შუა გასწყვიტა ხმა. დადუმდა. ყაბალახი მთელ სახეზე ჩამოიფარა.

მოკრძალებით უსმენდნენ მას მეგობრები. ესენიც ჩუმად ოცნებობდნენ „მუშად გახდომას“ და დიდ ქალაქში თავგადასავლიან ცხოვრებას.

— მე რა! ერთი კაცი ვარ, თავს ყველგან გავიტან. — განაგრძო ისევ ანდრომ, ახლა კი გრძნობის დამორჩილებით, მაგრამ უაღრესად სევდიანი ხმით. — რომც დავიღუპო, არაფერია... არ მენალვლება...

ლამესაც სევდა რამ შესწოლოდა უნახესი, და მთვარეც თალხად მოგვირისტებულ ციდან სევდას რასმე ათოვდა ყმაწვილების გულს.

— ჩვენც რომ დავიღუპოთ, არ გვენალვლება. შენთან ვართ ანდრო.

შუალამე იქნებოდა, როცა ანდრომ მეგობრები სათითაოდ მათ სახლამდის შიაცილა. გამოემშვიდობა და შინისკენ წამოვიდა.

მოდითოდა იგი ნელა, ორლობეებით. კმაყოფილი იყო, რომ მეგობრები ასე შეიქცია და ვარდოს ამბავი კი მიჩქმალა. არჩილთან წასვლაზე ყოველთვის ფიქრობდა, მაგრამ აქამდის ვარდო აკაეებდა. ახლა კი, თუმცა არჩილს არ დაუბარებია, მაინც ბრსებითად მართალი უთბრა ამხანაგებს: გულში წასვლა ამოეჭრა.

რომ დაუფიქრდა მეგობრებთან ნათქვამს, ძალიან დაუჯდა ქკუაში. ტერორისტობის იდეა განსაკუთრებით მოეწონა.

— რა თქმა უნდა!.. ამდენი ხანი კი გავაცდინე! — ჩაილაპარაკა ხმამაღლა. შერე თითქოს წამოსცდაო, გულაყუჩებით: — აქ აწი რა დამრჩენია?

ამ შეკითხვაზე თავისივე თავი დაიჭირა. არ ესიამოვნა საკუთარი კილო. ნაბიჯს მოუმატა. მაგრამ მაინც ეკაიდა აჩრდილივით ვარდოსზე ფიქრი და სახეზე წამოაწითლა.

სხვისაგან რომ დაფაროს, თავის თავს ხომ ვერ დაუნალავს, რაც დაემართა.

დაემართა კი ის, რომ...

ფიქრი არ დაასრულა. სადღაც სიღრმეში შერცხვა. თავმოყვარეობის შელახვა იგრძნო.

ასე განვლო სოფლის მჭიდროდ დასახლებული ნაწილი. მალე გაშლილ განაპირას გამოვიდა.

მარჯვნივ გზა მის სახლში მიდიოდა, მარცხნივ კი ვარაძეების უბნისკენ უბვეედა ხეივნივით.

ხეივანმა მოგონება აუშალა. გაუცხოველდა მის ხავერდოვან ჩრდილში გან-

ცდილი სიყვარული. მერე ვარდოს სახეც მოელანდა და ფოთოლოა იდუმალ შრიალში სატრფოს ჩურჩული მოესმა.

გაჰყვა ხეივანს.

გრძნობდა, თუ რა ძალა ეზიდებოდა აქეთკენ, მაგრამ ანდროს ნას ურჩობას ვერ უწევდა, ისე სტკივოდა გული.

ნაცნობი ხეები მდუმარედ ესალმებოდნენ. თითქოს რაღაცას უსაყვედურებდნენ.

აი, ის ცაცხვი, რომლის ძირში უკანასკნელად ერთად ისხდნენ ის და ვარდო.

ღამეც ასეთივე იყო მაშინ...

გული აუჩვილდა, მისი ფარული გრძნობის დახშული კარიც ერთბაშად გაიღო.

ცრემლმა თვალეზზე მიუღიტინა და ალერსის წყურვილმა — გულზე. გადაუარა სიანჩხლემ. ბაღს დაემსგავსა.

მივიდა ცაცხვთინ და მის ძირში პირქვე დაემხო ქვითინით.

დიდხანს იყო ასე.

მერე გაყუჩდა. სული განაბა.

როცა სულის მოსათქმელად ბოლოს თავი ასწია და მიმოიხედა, ნახა, რომ თავს ტყის დედოფალი დასდგომოდა თვალეზაფერფლილი და სახეგატანჯული. ანდრომ იცნო იგი. არა ერთხელ ენახა თავის საყვარელ საოცნებო ადგილებში განმარტოვებისა და გულზე დარდის მოწოლის დროს. ეს იყო ტყისა და ღამის კეთილი დედოფალი. მაგრამ ასე მოწყენილი კი არასოდეს არ უნახავს და ასე ახლოს არ შეუხედავს.

მთვარის შუქისა და ხეების ჩრდილის ფარდაზე იდგა. თეთრი უხვი თმა გაეშალა. ზოგი შიშველ მოლივლივე ტანზე შემოეთარა, ზოგიც ჰაერში შეეფინა.

— რა დაგმართნია, ჩემო ბიჭუნო? რა ნალველი ჩაგდგომია გულში? ადექი... სომ მიცანი: მე საიდუმლო სიყვარულის დედოფალი ვარ! გამინაწილე შენი გულის დარდი. ვიცი, სიყვარულისგან იტანჯები... ეს მე არ დამემალება. გამიმეღავნე საიდუმლო, გულზე მოგეშვება...

წამოდგა ადრო.

ასეთნაირად არავის მიუალერსებია მისთვის, ასე ტკბილად არავის მიუმართავს მისთვის.

— ჰო, მე ვიცი: შენ ფიქრობ, რომ ვარდომ გიღალატა და ამისგან ხარ უბედური. ეს კი ტყუილია, ჩემო ბიჭუნო. ვარდოს შენთვის არ უღალატნია. პირიქით... შენ გადააგდე მისი წერილი, ლიზიკოს ხელით რომ გამოგიგზავნა. რატომ არ წაიკითხე მაინც? რა იცოდი, რა ეწერა წერილში? იქნება, შველას გთხოვდა სატრფო, და შენი იმედი ჰქონდა... შენ კი... კარგი ბიჭი ხარ, ანდრო, მაგრამ ავი ხარ!.. შენ გგონია, რომ ვარდო არ იტანჯება? აი, გუშინ და გუშინ წინ ღამეს აქ იყო, ამ ხეივანში, ამ თქვენი ცაცხვის ძირში და ცხარე ცრემლით სტიროდა. ვიხმობდა, ვიჩივოდა, რატომ მიმატოვეო...

— მე? მე მივატოვე? იმ დაწყევლილ ანაკლიაში შემავიანდა... რომ ჩამოველ, მითხრეს, თხოვდებო. რა მექნა? მერე დანიშნულ ადგილზე წავიყვანეს. გამოცხადდა. არ მნახა. პირობა დაარღვია.

— საწყალი ბიჭი! ვერ მიხვდი, რომ ვარდოს ბრალი არ იყო? ვერ მოიხარე, რომ შენს სატრფოს ძალა დაატანეს? პატარა ხომ არა ხარ, რომ არ იცოდე ამ ქვეყნის ბოროტების ამბავი! ჰო, რა მებრალემა საცოდავი გოგო! შენ კი ახლაც ექვობ, რომ იგი იტანჯება. აი, ამ წუთშიაც მესმის მე მისი ქვითინი... რაც გამოუცხადეს გათხოვება, მის მერე ტირილი არ შეუწყვეტია. ეს იცოდე, ანდრო: ის ყველა უბედურზე უფრო უბედურია, იგი ამ ღამ მიჰყავთ აქედან და უკანასკნელად ეთხოვება ქალწულის იმედებს, ეთხოვება თავის უმანკო სიყვარულსაც შენდამი... ნეტავი, გუშინ მოსულიყავი აქ, რომ გენახა... აი, ამ ხის ძირში იჯდა და ცრემლისაგან იცლებოდა. ბევრი ვანუგეშე, ვეაღერსე, მაგრამ ვერ დავაწყნარე. შენი ბრალია, ანდრო, რომ ახლა ყველაფერი გვიანაა.

— რატომ გგონია, რომ ყველაფერი გვიანაა. მე მეგობრები მყავს... ჩვენ არ გვეშინია, არსენა ისეთია, რომ ტყვიას ხელით იჭერს.

— მაგრამ შენ ხომ უარი სთქვი ვარდოზე. იმის მაგიერ, რომ შეველა გეთხოვნა მეგობრებისათვის, არჩილთან წასვლაზე ელაპარაკე... რა უცნაური ხარ! იქნება მართლა ფიქრობ აქედან წასვლას?

— კი, შორს... ძალიან შორს მინდა წავიდე, აქაურობას მოვშორდე.

— მერე არ გეშინია, რომ დაიღუპო? ქვეყანა დიდია და შენ კი პატარა ხარ... ობოლიც ხარ, ღარიბი... არავინ მოსარჩლე არ გეყოლება... სჯობდა, ვარდო რომ არ დაგეკარგა და აქ დარჩენილიყავ.

— თუ მართალია, რასაც მეუბნები, მე ამ ღამეს მოვიტაცებ ვარდოს...

— გვიან არის... აი, ყური დაუგდე: გესმის რა ამბავია? ცისკრის წინამორბედი პრეკავს, და ვარდოსაც უკვე მიაგზავრებენ სადგურზე... მშვიდობით, ჩემო უბედურო და მშვენიერო გოგონავ! უკანასკნელი ნატვრაც კი აუსრულებელი დაგრჩა...

— რა ნატვრა, მითხარი...

— ნატვრობდა, შორიდან მაინც დაენახე... უკანასკნელად...

...

მაგრამ ტყის დედოფლის უკანასკნელი სიტყვები სულ სხვა ხმაზე ჩაესმენ ანდროს. მოჩვენების ნაცვლად ახლა წკრიალა ეფენები ეღარუნობდენ შორით და მიწურული ღამის წყნარ ყრიამულს აქრთობდენ.

ანდრო შეფთხრიალებით გამოერკვევა. ყურებს დასცქვეტს. მიმოიხედავს. გარემო გამოცვლილი ეჩვენება. ცისკიდური შენაცრებული.

ეფენების ეღარუნს ცხენების ფეხის ყრუ თქარათქორის ხმაც შერეოდა.

— ვარდო მიჰყავთ მტარვალებს!

მიაყურებს:

მახლობელ გზატკეცილზე ეტლები მიჩხარუნებდენ და ეფენების წკარუნნი შორი-შორს მიმოიფანტებოდა ჩუმსა და წყნარ სივრცეში.

— ჰა, ბიჭო, ანდრო! — კივილით აღმოხდება კვლავ ანდროს და ქარივით მოსწყდება თავის ადგილს.

ხეივანს გაირბენს.

ახლა უფრო გარკვევით მოესმება ეტლების ხმაურობა.

ანდროც მოუფიქრებლად მისკენ გიჟივით გაექანება.

თავში ის აზრი და უტრიალებს, რომ დაეწიოს ეტლს. მაგრამ ცოტას რომ გაირბენს, აზრი შეეცვლება: წარმოიდგენს გასარბენ მანძილს და ეტლების სიშორეს და უცებ შესდგება. ფეთებით შეათვალეირებს მიდამოს და ერთი ფიქრის სისწრაფით იქვე გზის პირად მდებარე ყანაში გადახტება. წინ წამოწეულ ცალ მხარს სახეზე წამოიხურავს და ზრდა დასრულებულ სიმინდში შრი-ალ-ფრიალით შეიჭრება. — ახლა ის განზრახვა აქვს, რომ გზა მოსკრას და ვარდოს რკინის გზის სადგურზე მიუსწროს. —

გარკვეული არა აქვს, თუ რას მოიმოქმედებს, როცა ვარდოს დაინახავს, მაგრამ რომ უთუოდ უნდა ნახოს, ეს კი გულში ამოჭრილი აქვს.

კარგად იცის, თუ როდის გამოივლის მატარებელი და რა მანძილიც უდევს წინ გასაღევი. — მუხლების სიძარდის იმედი და აქვს და შურდულით გასროლილ ქეასავეით სჭრის სივრცეს.

გარბის პირდაპირი ხაზით, — ყანებით, ეზოებით, ჩიგვნარებით. გარბის სულის მოუთქმელად, ბურთივით შეკუმშული, როგორც უკანასკნელი სულისკვეთება განწირული იმედისა...

შორიდან კი ხან ყრუდ, ხან კიდევ მკათიოდ, მოესმის თავისებურ რითმზე აწყობილი, დრო გამოშვებით ტორების ჩათქარათქორებით შემკრთალი, ეფენების საბედისწერო ღღარუნ-ჩხარუნი.

იგი ისე ადევნებია ანდროს, თითქოს ვარდოს უიმედო ვედრება იყოს... ქვითინში ჩამხვრჩალი სატრფოს ხმობა, ძაბილი.

თითქოს ტყის მოჩვენებული დედოფალიც ამ ღღარუნში განაგრძობდა თავის საყვედურს და ანდროს უკანასკნელ იმედს უქარწყლებდა.

და გარბის ანდრო ამ საბედისწერო მოძახილით აფორიაქებული, მისი რითმით აგზნებული და მასვე აყოლილი თავისი დაუხოგველი მუხლთა ქნევით, ათრთოლებული გულისძგერით და ყრმის აჯანყებული ფიქრების ქარული დენით.

### III

მატარებელი დაინძრა პატარა სადგურიდან ახალ გათენებულზე, და რკინისგზის ლიანდაგის გასწვრივ მდებარე მინდორზე, მჭშინავი ორთქლმავალის პირდაპირ, გახელებულის ლანდს დამსგავსებული ანდროც გამოჩნდა.

კაცის ფერი არ ედვა და ბარბაცით მოქანაობდა.

ქამარ-ხანჯალი შეეხსნა გზა-და-გზა და მხარზე გადაეგდო. ჩოხასა და ახალ-ლოხზე ღილები შეეგლიჯა. თმა აბურძგნოდა და სასიკვდილოდ განწირულივით ხრიალებდა.

მოჰკრა თვალი მიმავალ მატარებელს თუ არა, მოწყვეტით შესდგა და

აორთქლებული თვალები ადრიან დილის ბინდში შეტყუარცნილი რონოდების ფანჯრებს შეაქრო.

აერია ყველაფერი. თავსბრუ დაესხა და თვალებში სინათლე ჩაქრო. სწრაფად და რახრახით ჩაიარეს რონოდებმა. გაიციალეს ფანჯრებმა. თავი და მიატრიალა. მათკენ ანდრომ და თვალები უიმედოდ გააყოლა. ტანი ვერ დასძრა ადგილიდან. ფეხები გახევებოდა და მუხლებში კანკალი ჩასდგომოდა. — გრძობდა, რომ კვლავ სარბენად ძალა არ შესწევდა.

როცა მატარებელი მიიშალა, თვალები დაეწკურა. მერე შეიბრა. ჩაიღმუილა დაქრილი ნადირივით. წაბარბაცდა და ჩათუშვით მიწაზე გაერთხა. გრძნობა დაჰკარგა.

...  
გათენდა.

ქვეყანა დღის ნაჩვევ კვალში ჩასდგა, ჩვეულებრივი სახე მიიღო: — მზე ამოვიდა. დღე გაიშალა.

კვირა იყო.

მალე სოფლის საყდარზე ზარიც ჩამოჰკრეს.

დაიწყო ხალხის მიმოსვლა.

როცა ანდრო გონს მოვიდა, მზე სახეში უნათებდა და ყურში ზარის რეკა უწივოდა.

წამოდგა. მიიხედ-მოიხედა. სიზმარივით მოაგონდა ყველაფერი, რაც თავს გადახდა. მაგრამ მის განხილვაში არ შესულა. — აზრდაკარგულივით გამოიციკირებოდა.

უხმოდ ადგა. იმ ადგილს მიაპყრო თვალები. სადაც დილის მატარებელი მიიშალა. კვლავად დაინახა მსრბოლავი რონოდები და ყურში რახრახი ჩაესმა. სული ეტკინა.

მაგრამ განცდილის ხელმეორედ ატანა აღარ შეეძლო.

— გათავდა! — უნდოდა ეთქვა, მაგრამ მხოლოდ ტუჩები შეენძრენ, ხმა კი მკერდშივე ჩაუწყდა.

და მერე თავდახრილი, თითქოს პარვით, გაჰყვა იმავე უგზო მიმართულებას თავის სახლისაკენ, რომლითაც წუხელ თავგანწირვით მორბოდა.

მალე მიუფარა ტყეს აჩრდილივით.

ლოღნით მიდიოდა. ხეებს ეფარებოდა. თავი ისე მიჰქონდა, თითქოს შიგ ტვინში ისარი ჰქონიყო შერქობილი.

გამშრალ პირში მწკატე გემო ჩასდგომოდა, შხამიანი.

გულში კი — აოხრების ბოლი.

...  
ტყის ბოლოს წყარო იყო. მერე სოფელი იწყებოდა. წყაროსთან შესდგა. ძელზე ჩამოჯდა. აქ სიჩუმე იყო და ნესტიანი სიგრილე. ხელი დაიბანა. სახეზე წყალი შეისხა. დაისვენა გარინდებულად. არაფერზე არ ფიქრობდა. აზრის ძაფი გაწყვეტოდა. ასე იყო კარგა ხანს.

მერე, მოსეზე გავიდა. შინისაკენ გაუპირდაპირა.

პირდაპირ მომავალი ორი ქალი შენიშნა შორითვე: ერთი მალევე მეორე დაბალი, რომელიც პირველს ცოტა დაშორებით მოსდევდა.

ეტყობოდათ წირვაზე მიდიოდენ.

ანდრომ იცნო ისინი. გადასახვევი ახლოს არ იყო. უნდა შეხვედროდა. არ უნდოდა კი.

პირველი ქალი არჩილ დადიშიანის დედა იყო, სალომე. მეორე კი მისი განუყრელი მოახლე—მაიკო.

ანდრომ ნაბიჯი შეანელა. მკერდზე გახსნილი ახალუხი შეისწორა. ქამარ-ხანჯლის მორტყმას ვერ მოასწრებდა. ამჯობინა ხელში დაეჭირა.

არჩილის დედა კი წარბებზეკრული უახლოვდებოდა. გაკვირვებით უმზერდა, თითქოს თვალებს არ უჯეროდა, რომ ანდროს ხედავდა.

— აბა, მაიკო, — მიმართა მან მოახლეს ანდროს გასაგონად, — შეხედე ერთი, ვინ მოდის?.. ნუ თუ ანდროა?

— ის არის... შეჩვენებული! — გაიკვირვა მოახლემაც შიშდაკრულად.

— აი, სად ყოფილა, და მას კი სად ეძებენ! — სალომე შუაგზაზე შეჩერდა. ცოტა კიდევ დაიახლოვა ანდრო და მერე შეტევიტ:

— ალბად, საიდუმლო კრებიდან მობრძანდები, ვაებატონო! სწორეა: სახეზე გეტყობა, რომ არ გიძინია... ბუნტს ამზადებ კიდევ? ალბად არჩილმა დავავალა!.. თურმე, ნუ იტყვიტ, ამისათვის ეძებდა ამ დილიტ პოლიცია! გაგიგეს? ასე გინდა... პატივსაც გცემენ! მადლობა ღმერთს, ახლა მაინც გამარჯვებულია რუსის ხელმწიფე.

ანდროც შესდგა და ქალბატონ სალომეს მორიდებული სალამი მისცა.

— საწყალი მამიდაშენი მეცოდება, თორემ შენ რა შესაბრალებელი ხარ: ეშმაკი, დაუცხრომელი!.. მე რომ არჩილი დამეკარგა, ამაში წილი შენც გიდეგს... ნეტავი, ამდენხანს გაეციმბირებიტ, ქირისუფალიც მოისვენებდა და სოფელიც...

სთქვა და ნაოქებიანი თეთრი ხელის ხმელ თითებში მომსხო გიშრის კრიალოსანი გაათამაშა.

ამპარტავნული სანახაობა ჰქონდა და მითქმაში ბატონური კილო დაჰკრავდა. გარდასული სილამაზის ლანდი უკრთოდა პირისახეზე. სწორი ცხვირი და მარცხენა ლოყაზე მიმჯდარი მოდილო ხალი სიმტკიცის იერს ჰფენდნენ. ხოლო წელთა დენით შეფერულილ თვალებში დროებისაგან მიყენებული მწუხარება დარდის მუქ მრშიათ შეჰქსოვოდა.

— რას გვერჩი, შვილო... რა დაგვიშავებია?.. აი, ახლაც, ამ თემშარაზე რომ გამოსულხარ და თავს აკერინებ, გამზრდელ მამიდას რას ეუბნები? სახლკარს ვის უტოვებ?.. ღმერთს რა პასუხს აძლევ ამდენ საცოდავებისათვის? მოხუცებულობას რატომ გვიმწარებ რომ თავი გაგიწირავს!

დაასრულა ჩათუთქვით და ისევ გზა განაგრძო.

— ნუ ხარ აქ, შე უღვთო... წადი, დაიმალე სადმე! დაგიჭერენ!.. არ გესმის? — შეუცაცხანა ანდროს მაიკომაც და თავის ქალბატონს აედევნა.

ანდროს არ გაჰკვირებია ასეთი შეხვედრა: არჩილის დედას ყოველ მის დანახვაზე უთუოდ მოაგონებოდა შვილი, პოლიცია, ჩხრეკა, დაპატიმრება და

ათასი ასეთი უბედურება, რაშიც წილი ანდროსაც ედგა, როგორც არჩილის უახლოეს თანამშრომელს.

მაიკოს შეცაცხანებაზე სხვა დროს ანდროს უთუოდ გაეცინებოდა. მაიკო ხორციით და სულით სალომეს ისე შებერებოდა, რთმის დაქოქუდადებელი აზროვნების ნიჭი დაჰკარგოდა. იგი თავის ქალბატონის ფიქრებისა და წარმოდგენის უშუალო გამოძახილი გამხდარიყო.

ანდროც ყოველთვის საციმბირო კაცად ჰყავდა წარმოდგენილი, რომელზედაც პოლიციას მუდამ უნდა ენადირნა. თუმცა მაინც ეცოდებოდა და სალომესებურად არიგებდა ჭკუაზე, როცა შემთხვევა მიეცემოდა: ჯერ გაჰკიცხავდა, მერე გააფრთხილებდა და მამიდას შეაცოდებდა, ბოლოს არჩილის დაკარგვასაც დააბრალებდა.

ამიტომ ანდრო ერთსაც და მეორესაც გაუჩუმდა.

მაგრამ მიმავალი სალომე კიდევ განაგრძობდა ჩივილს:

უბედურება არ არის, მაი, რომ ჩემი სტუდენტი შვილი, დიდი ზურაბ დადიშიანის შთამომავლობა ანდროსთანა ბიჭებს მეგობრობს? მე კი მას ჩემი ქალობა შევალე და ქმრის სიკვდილის შემდეგ ერთი ნათელი დღეც არ მინახავს... განა იმისათვის გაუწიე მამობა, იმისთვის გავგზავნე რუსეთში, რომ სწავლის დამთავრებისმაგიერ ყველა ოხერს გადაკიდებოდა და ჩემი ამაგი დაევიწყნა?

ამის გაგონებამ გული დასწყვიტა ანდროს. უკადრისობას არ მოელოდა არჩილის დედისაგან. სანახევროდ მისას იყო გაზრდილი, არჩილთან ერთად.

ცალი ყბა მოექცა.

— ჰეე...—წარსთქვა გულდაწყვეტით, მაგრამ არ დაასრულა. ხელი ჩააქნია და აჩქარებული გაჰყვა გზას.

წინ კიდევ დაინახა მომავალი მლოცველები. რომ არ შეხვედროდა ვისმე, შოროდან გადაუხვია. —აღამიანთან დალაპარაკება ახლა აუტანელი იყო მისთვის, ისე ეზარებოდა.

• • •

სახლს უახლოვდებოდა, როცა მახლობელ ტყიდან გამაფრთხილებელი სტვენა მოესმა. მიიხედა. —არსენა ხეს ამოფარებოდა და ხელის საიდუმლო ნიშნებით ეძახდა: აქეთ წამოდიო. არსენას გვერდით იონაც შენიშნა. ესეც გაფაციცებით უქნევდა ხელს: ნუ მიხვალ-ჩემთან მოდიო!

გაკვირვებულმა ანდრომ მეგობრებთან მიიბრინა.

— რა ამბავია, ყმაწვილებო?

— ის ამბავია, ანდრო, რომ დასაჭერად დაგეძებენ! ამ დილას ყოფილან შენთან და გაგჩხრიკეს. პროკლამაცია სახლში გქონია. იპოვეს და წაიღეს. ახლა უნდა დაიმალე, თორემ უთუოდ დაგიჭერენ.

ანდრო შეფითრდა.

— პროკლამაციები წაიღეს?

— მამიდამ გვითხრა, წაიღესო. იმას კიდევ ჰგონია, რომ შენ დაქერილიცა ხარ და ძალიან შეშინებულა... წუხელ სახლში არ ყოფილხარ!

ანდროს სიტყვის ამოღებაც არ დააცალეს ამხანაგებმა. ჩაიყენეს შუაში და ტყის გულისაკენ გააქანეს.



— ნეტავი, საიდან ვაიგეს, რომ სახლში პროკლამაცია მქონდა! რომ არავინ იცოდა!? — შეეკითხა ანდრო გზა-და-გზა მეგობრებს. *მარქსიზმში*

— ამაში დამნაშავე მე უნდა ვიყო, ანდრო. — დაიწყო შეწუხებულად და თავის გამართლებით არსენამ. — მაგრამ ფიქრადაც არ მომსულია, რომ ასეთი ამბავი დატრიალდებოდა... წუხელ შინ რომ დავბრუნდი, ძილი გამიტყდა რაღაც... ვიფიქრე, რაღა დრო გავაცდინო მეთქი... ღამეც მთვარიანი იყო... ავდექი და კანცელიარიისკენ წავედი და ხუთი ცალი პროკლამაცია წინაკედლებზე ავაკარი. ათიოდეც წინ მოედანზე გავაპნიე. კვირაა, ხალხი გაივლის, ნახავს მეთქი... ჰო და, ეს ალბად შენთვის დაუბრალებიათ...

ანდროსთვის ახლა სალომეს და მაიკოს გაანჩხლება ვასაგები შეიქმნა.

— მერე მთელმა სოფელმა გაიგო, რომ გამჩხრიკეს?

— დილით იყვნენ... ყველამ გაიგო. შენც დაჭერილი გგონიხართ.

გულჩათხრობით მიჰყვებოდა ანდრო მეგობრებს. უნებისყოფოდ ეჭირათავი, თითქოს არსენასა და იონას ხათრისთვის მიდიოდა ტყეში დასამალად. ასე შევიდნენ ტყის შუაგულში.

— შენ, მგონი, წუხელ არც გიძინია, ანდრო. ფერზე არ ხარ... დასვენება თუ გჭირია, მიწეჭი ხის ძირში, ცოტა წაიძინე... ჩვენ გიყარაულებთ. — ეუბნება არსენა ანდროს, დიდად შეკვირვებული მისი არაჩვეულებრივი მოქანცულობით.

— უგუნებოდ კი ვარ... მაგრამ არ გეგონოსთ შიშისაგან მჭირდეს... დამიჭერენ, თქვენი ჭირი წამილია... ნუ შეწუხდებით...

— არც ისეა საქმე! შენს თავს არავის დაგანებებთ... სალამომდის აქ დავრჩეთ, მერე...

— მერე მე ფოთისკენ გაუდგები გზას! — ჩამოართვა უცებ სიტყვა ანდრომ არსენას. — მაინც უნდა წავსულიყავ... — მერე სახის შეუცვლელად ჩაიცინა, რაღაც არაბუნებრივად. — ხე, ხე... ურია წყალს მიჰქონდა, გზაც იქითკენ ჰქონდა... ასეთი საქმე მჭირს!... —

სთქვა და მოწყვეტით ერთი წიფელის ძირში მიწვა. ყაბალახი დაამრგვალა. თავქვეშ ამოიდვა.

— პასპორტი რომ მქონდეს, მართლა წავიდოდი ამლამესვე... ფული კი შეყოფოდა... იმ ოხერ თხილზე მონაგები... მამიდასაც კი ვუწილადებდი...

თვალი ეხუჭებოდა.

არსენა თავთან მიუჯდა. იონა ცოტა მოშორებით დადგა მზირად.

— პასპორტი სანდროს ვარდა, აქ სხვას არავის აქვს... იმას უნდა გამოვართვათ... სანდროს პასპორტი ძალიან გამოვადგება. ვითომ სანდრო ხარ და ბიძია — ერასტოსთან მიდიხარ... ხომ კარგია!.. ერასტოს მაინც ვერ აუვლი გვერდს ფოთში... იცოდე, შედგამოჭრილია სანდროს პასპორტი...

ქკვიანური გამომეტყველებით ამბობს არსენა.

— მართალია. უერასტოდ არჩილსაც ვერ მივაგნებ...

— მისი ბინა ხომ იცი? ყოფილხარ...



ქართული

მწერლის

— ხომ არ გამოუცვლია, თუ იცი?..

იონა უპასუხებს:

— არა... ამასწინად სანდრომ წერილი გაუგზავნა... ისევ მამდვილად ვიცი.

მაგრამ ანდრო უკვე ველარ უსმენს მეგობრებს. სადღაც არსენას იქით იცქირება ძილქვეშ და ისეთი სახე აქვს თითქოს აღარაფერი აინტერესებს.

— ხო... ძალიან კარგი.—უაზროდ ამბობს და თვალებს ხუჭავს.—უკაც-რავად... არ შემოძლია.

— დაიძინე—დაიძინე!—მზრუნავი წაქეზებით ეტყვის არსენაც და ხმას გაკმინდავს. ხოლო მცდელობებს კი მიაპყრობს სახეზე. უნდა იქვი დაიდასტუროს მეგობრის ასეთი მოქანცულობისა და უძინარობის შესახებ.

რა დიდი მიხვედრაა საჭირო: ანდროს რაღაცა აწუხებს და მალავს. ეს უთუოდ ვარდოს გათხოვებასთან არის დაკავშირებული. მაგრამ არსენას უნდა მაინც რაღე ნიშანი ჰპოვოს მეგობრის სახეზე, საბუთი. ძილში ხომ ვერ დაჰტარავს, თუ გულში ცეცხლი უნთია.

ცოტახანში მართლაც ენიშნება:

კანს შიგნით რომელიღაც ძარღვი უცნაურად აუცახცახდება ანდროს და უფერულ, ელვასავით ღრავნილ ზოლებს ცალ ლოყაზე გაავლებს ვიდრე კისრამდის.

— აი, გულის კრილობისაგან არის!—დაიმტკიცებს არსენა იქვს და ერთხანს კიდევ არ მოაცილებს თვალებს მეგობრის სახეს. მერე უცებ წამოდგება, ფეხაკრეფით მიიბრუნს იონასთან და დიდმნიშვნელოვანი საიდუმლოებით ჰკითხავს:

— შენ რას ფიქრობ, იონა, იმაზე, რომ ანდრო წუხელ სახლში არ ყოფილა? სად იქნებოდა შენი აზრით?

— რატომ მკითხავ ასე? რა არის?—გაუკვირდება იონას.

— პროკლამაციები რაკი შინ აღმოაჩნდა, სჩანს, სხვა საქმეზე ყოფილა... ა?

— რა საქმეზე?

— მე მგონია, იმ გოგოს წაყვანას არც ისე უმნიშვნელოდ ჩაუვლია მისთვის, როგორც გვარწმუნებდა.

— შესაძლებელია... მაგრამ რატომ დაგვიმალავდა?

— ხომ იცი, ძალიან გულჩათხრობილი კაცია... ვინ იცის, რა წვალება გადაწყდა, მაგრამ არ ამბობს!.. ისე კი კაცის ფერი არ ადევს და... უცნაურად იქცევა.

— ჰუჰ, როგორ მებრალებ, რომ იცოდე? შევცდით, არსენა, თორემ არც უნდა გვეკითხა, ისე მოგვეშორებია თავიდან ის ვიღაც ოხერი...

— განა არ მინდოდა? მაგრამ არ ქნა, თავი მოიკლა... მეგობრებში სიბრალოლიანი სიჩუმე ჩამოვარდება.

— ეტყობა, უჭმელიცაა.—იწყებს ისევ არსენა. — მოდი, გაიქეცი და რაღე საკმელი მოარბენინე... მე ვიყარაულებ. ცოდვია.—

იონა თანხმობის სახეს უჩვენებს. თითქოს შეფაცურდება წასასვლელად.

— მოიცა... შენი აზრით, არ სჯობია, რომ არ წავიდოდეს? თავს ხომ აქაც შეინახავს? ცუდი დროა: ქალაქებში თურმე ხვრეტაჲ გაჩენილი...

— არჩილთან მივდივარო, თორემ არც მე ვურჩევდნენ... გიომაც აიჩემა შარშან წასვლა... წავიდა და მისი კვალი არა სჩანს... დაიკარგაო, ამბობენ. ძალიან საშიშია შორს წასვლა.

არსენას ოცნებიანი აზრი დააფრინდება სახეზე.

— კარგი ტერორისტი კი იქნება, ბიჭო, ანდრო... ძალიან მაგარია და გაბედული! ჰე, ნეტავი მეც მივდიოდე, ის კი არა... დიდი ბრძოლაა თურმე გაჩაღებული. გაზეთებში არ სწერენო, თორემ რამდენს იქიდან მთავრობა აზრ-ჩობსო ჩვენიანებს, იმდენს აქედან ჩვენებიც ჰკლავენო სამაგიეროდ... აქ კი რა ცხოვრებაა? ლაჩრები გამოვდექით, ყველამ აგვიგდო.

— ჩვენი რა ბრალია? დრო დაუდგათ, ძმაო.

გულდაწყვეტილები იყვნენ 1905 წლის ყმაწვილი გზირები. ნალვლობდენ, რომ ცუდი დრო დაუდგათ.

მცირე ხანს კიდევ ილაპარაკეს. მერე იონა საქმლის მოსატანად გაიქცა. არსენა საყარაულოდ დადგა.

ანდროს კი ტყის სიგრილეში ისე ჩასძინებოდა, როგორც ბუმბულში.

ხშირ ხეებს შორის მზე მხოლოდ აქა-იქ ატანდა. მისგან მდებოდა ისე იყო მოხარატებული, თითქოს ფირუხისა და მარგალიტის თვალები ყოფილიყო ზედ მიმობნეული.

გარეშამო მყუდრო სიჩუმე იდგა. მსუბუქი, ფრთხილი, რომელიც ყოველ ჩქამზე შევლის ნუკრივით შეკრთებოდა ხოლმე, ყურების დაცქვეტით მიმოიხედავდა და ისევ გაყუჩდებოდა სულის განაბვით. თითქოს ანდროს ყარაულობდა, თითქოს ანდროს ძილს უაღერსებდა.

ანდროს მართლა შვება რამ მისცემოდა ძილში. ფერი შესცვლოდა: ლოყები ოდნავ შეწითლებოდა და გარემოს მშვიდი იერი სახის გამომეტყველებაში შექსოვოდა. აკვანში ჩაკრულ ჩვილ ბავშს დამსგავსებოდა. თითქოს უკანასკნელი დღეების მისი ტანჯვა ზღაპარი ყოფილიყო და ბედისწერის შეუბრალებელი დაყვავება გამანადგურებელი ფორიაქით არ შეჭრილიყო მის შეგნებაში.

არსენამ ერთხელ კიდევ შეათვალიერა მიდამო. მერე ისევ ანდროსთან დაბრუნდა და თავთან დაუჯდა.

სახეზე რომ დახვდა, გაკვირვებას მიეცა, თითქოს ვერ იცნო შეგობარი. გაუხარდა, რომ უჩინარი ძარღვი კანქვეშ აღარ უცახცახებდა ანდროს და ამასწინად საშიშად ამღვრეული გამომეტყველება სრულად დამშვიდებოდა.

— გაუვლია!—გაიფიქრა კმაყოფილებით. მერე თავი მალლა ასწია და მახვილივით მჭრელი თვალები ოთხივ კუთხით ტყის ტატანს შეაფლო.

— ჰეე, არავენ იფიქრო, დრო დამიდგაო და... აქა ვართ!!

ლამეა.

ტყის პირად ოთხი ლანდი სდგას:

ანდრო გულამოსკენით მტირალ მამიდას ეთხოვება და მის თავს არსენასა და იონას აბარებს.

— ჩემი ჯავრი ნუ გაქვს, მამიდა. მალე დავბრუნდები. ჩემს არსენასა და იონას ამუშავებენ. ლომას და ნიშასაც მოუვლიან. ყანებს მიხედავენ... შენც საზრდო არ მიგაკლდება.

პატარა ხურჯინი მხარზე აქვს გადაგდებული. უხანჯლოა. ვაშლის ხის ჯობი-ლა უჭირავს ხელში. გვერდში არსენა და იონა ამოდგომიან.

— თუ ვინმემ გკითხოს, უთხარი, მის ჭკუაზე დადისთქვა, მე არა ვიცირა თქვა...

და დაჩუმდება.

მამიდას სლოკინი ახრჩობს.

მერე უცებ შედგრად გაისმება:

— მშვიდობით!

და სამი მეგობრის ლანდი ერთდროულად მოსწყდება ტყის კალთას.

ანდროს უკანასკნელ სიტყვას კი სივრცის უჩინარი მავთულები გაიტაცებენ, ტყის სიღრმისკენ გაათამაშებენ და შორს უფსკრულში გადასტყორცნიან.

კენესა შეარხევს ჰაერს.

გარემოს გული ჩაეთუთქება.

კარგა დიდი მანძილი ჰქონდათ გასავლელი მეგობრებს. გადაეწყვიტათ, ყოველი ხიფათის თავიდან ასაცილებლად მახლობელ სადგურისათვის გვერდი აევილოთ, და ანდრო მეორე სადგურზე ჩაესვათ ფოთის მატარებელში.

ხმის ამოუღებლად, ფრთხილად მიდიოდნენ:

წინ არსენა, ცოტა დაშორებით—ანდრო, და შემდეგ კი იონა.

#### IV

დიდი რეაქციის თარეში იდგა საქართველოში...—

სამხედრო წესები. სავლელ სასამართლოები. სახრჩობელები. ეკზეკუციები. მასიური გადასახლება. ხვრეტა. დარბევა.

აქრობდნენ 1905 წლის რევოლუციის ცეცხლს.

მაგრამ ხალხი მაინც არ ნებდებოდა, ბორგაედა. შფოთს განაგრძობდა.

ბევრი შეხიზნებოდა ტყესა და მთებს. უმთავრესად წითელრაზმელები. პროფესიონალ რევოლუციონერებს და პარტიულ მუშებს კიდევ ქალაქებში გაეჩინათ საიდუმლო ბინები. არ სცხრებოდნენ.

მასების მაგიერ ბრძოლას ახლა ესენი აწარმოებდნენ.

იყო ტერორი და ექსპროპრიაცია.

თავდაპირველად ამ ბრძოლას დისციპლინის უღელი ედგა. მიზანშეწონილები ახრი ჰქონდა. „გამოსვლების“ სადავე პარტიებს ეჭირათ ხელთ.

მაგრამ გამარჯვებული რეაქცია ფართო შემოტევას აწარმოებდა. გაშლილი ფრონტით მოდიოდა.

თანდათან შეიზღუდა რევოლუციონური პარტიების გავლენის ფარგალი

და ორგანიზაციული კავშირის თოკიც პარტიათა, ჯგუფთა და ქალკე პირთა შორის დამოკლდა.

მაღე დემორალიზაციამაც იჩინა თავი.

დაიწყო „დამოუკიდებელი“ ექსპროპიაციები.

მერე გაჩნდნენ ვილაც-ვილაცეები, რომელთაც შემოიღეს „ქუჩისხანის“ წერილების წერა და ფულის მუქარით მოთხოვნა.

გახშირდა ვაჭრების გატაცება ტყეში და მათი დაბეგვრა, და სხვა ათასი უწესოება.

მთავრობა პოლიტიკურ პარტიებს აბრალებდა ამ ამბებს. პარტიები კი დევ—მთავრობას.

ანარქია იყო გამეფებული.

ანდრო ქარივადე მშვიდობით ჩავიდა ფოთს.

მას კარგად ჰქონდა გათვალისწინებული მოსალოდნელი ხიფათი როგორც გზაზე ისე ქალაქშიც, სანამ არჩილამდე მიაღწევდა.

ორს რასმე ამყარებდა იმედს: ბედს—ფარულად, და აშკარად კი—პასპორტს და მოგზაურობის ლეგალურ მიზანს.

ეშინოდა არჩილთან მისვლამდე არ ჩავარდნოდა თანდარმებს, მერე კი, მისი აზრით, არაფერი გაუჭირდებოდა.

ზედმიწევნით გაეზეპირებია თავისი ვინაობა სანდროს პასპორტის მიხედვით. პასუხიც დაელაგებინა გუნებაში იმ შემთხვევისათვის, თუ ვინმე შეეკითხებოდა სოფლიდან წამოსვლის მიზეზს.

იგი ალექსანდრე, იგივე სანდრო, როსტომის ძე გერგაძე იყო, ფოთელი მუშის, ერასტო გერგაძის, ბიძაშვილი და ოჯახური საქმეების გამო ბიძასთან მიემგზავრებოდა სასწრაფო დავალებით.—ამ მხრით ანდროს თამამად ეჭირა თავი: თუ ვინმე იქვს შეიტანდა მის ჩვენებაში, სულ ადვილად გამოირკვეოდა, რომ ფოთში მართლა ცხოვრობდა ერასტო გერგაძე, რომელიც, რა თქმა უნდა, ყოველთვის დაადასტურებდა, რომ სანდრო მისი მკვიდრი ბიძაშვილი იყო.

მზე ჩასულიყო და საღამოს ბინდი ნისლად დასწოლოდა ქალაქს, როცა ანდრო თავისი პატარა ხურჯინით მხარზე და ჯოხით ხელში ფოთის სადგურიდან გამოვიდა და ჩამოსულ ხალხში გარეული ქალაქისკენ გაემართა.

პირველი ხიდის ყურესთან შესდგა. დაიწინაურა ჩამოსულები. მერე გაიხედ-გამოიხედა გარეშამო და რიონის მარჯვენა ნაპირს გაჰყვა აუჩქარებლად.—ნავთსადგურის მიმართულებით გზას გაუდგა.

ანდრო ორჯერ ყოფილა ფოთში და ორჯერვე ამ ქუჩით უვლია ერასტოს ბინისკენ. კარგად იცნობდა ფოთის ამ კუთხეს.

ერასტო გერგაძეს მუშების უბანში ჰქონდა დაქირავებული ორთვალისანი პატარა ხის სახლი.

ეს უბანი ზედ ნავთსადგურს ეკვროდა იმ მხრით, სადაც საზღვარგარეთელი დიდი გემები სდგებიან და შავიქვით იტვირთებიან. იგი პატარა და ღარიბ სოფელს მოჰგავდა.—საქათმეებივით წერილ ბოძებზე შემდგარი სახლები, ვიწ-

რო სარკმლიანები, შეძარცული ყავრის სახურავებითა და ხავსაკიდებული კედლებით. ღობეშენგრეული უსწორმასწორო ეზოები ჰაერში შეყირავებული ქვის საქაჩავებით. ვიწრო ბრუნდი შუკები და მათ გასწრავ გვერდებშელეწილი ქვის სახის კარები.

უბანი განსაკუთრებულ ცხოვრებას ატარებდა. მისი მცხოვრებნი მსხვერპლის განმავლობაში სამუშაოზე იმყოფებოდნენ, და ჩაკეტილ-ჩარაზულ სახლებში კაცის სული იშვიათად თუ მოიპოვებოდა. მიდამოც ნაოხრალი სოფლის შთაბეჭდილებას სტოვებდა. მხოლოდ ფერდებჩაცვივნილი მშიერი ძაღლები ეზოდან ეზოში დაძრწოდნ და გემების საყვირის ყოველ გაგონებაზე შუკებით ზღვისკენ გარბოდნ წვაგ-წკავითა და უიმედო ღრუნით.

მაგრამ შეღამებისას სურათი იცვლება. მუშები შინ ბრუნდებოდნ და უბანიც გამოცოცხლდებოდა. სარკმელში სინათლე გაიბრქვეიალებდა ო მდუმარე სახლებიც ახმაურდებოდნ: დაიწყებოდა აივნების მოაჯირებზე გადმოდგომა ო შავი ქვის მტვერით შემურული ხელპირის საყოველთაო ბანვა, წენგოიანი ტანსაცმელის გამოცვლა. გაძახ-გადმოდახება. მერე მისვლა-მოსვლა, პურის ჭამა. ზოგჯერ კიდევ მოგვიანოდ გაისმოდა მეგრულ-გურული კრიმანქულიანი სიმღერები ო სადღეგრძელოები.

მოაწია თუ არა ამ უბნამდის, ანდრომ მყისვე ნაცნობ შუკას მიაშურა. სამშვიდობოს ეგონა თავი და გამარჯვებულის სითამამე ეტყობოდა. ერასტოსათვის საღამოც კი პირზე ეკერა გამზადებული.

მაგრამ შუკის პირად მომალლოდ მდგომ ერთი ჩაბნელებული სახლის აივნიდან ეიდაცა ლანდივით გადმოიხნიქა და წელზეითა ტანი შუკისკენ უცნაურად გადმოისროლა. ასე დაუწყო მხერა უშიშრად მიმავალ ანდროს.

ეოცა ანდროს, მაგრამ გზა მაინც განაგრძო.

— ჰეი, რომელი ხარ? შესდეგ! — შეუტია უცებ უცნობმა გურულ კილოზე. ანდრომ ვერ გაარჩია, ნამდვილად შემოუტია ლანდმა თუ ეხუმრა. მის ხმას ხუმრობის კილოც დაჰკრავდა.

შესდეგა ანდრო. შეათვალიერა უცნობი, რომელიც ოჩოკოჩად მოეჩვენა ამ ღამეში.

— არავინ... მე ვარ... — მიუგო დაბნევით, ფრთხილად.

— შენ რომ ხარ, გხედავ... რას მალავ ვინაობას, ძმავე? სთქვი! ისე მიიპარები, ავი სული უნდა იყო... სად მიდიხარ? — დამხთური აღარ ხუმრობდა.

— ერასტო გერგაძესთან... რა გნებაეს? —

— ასე სთქვი, შე კაი კაცი! სამეგრელოდან მოდიხარ? — შეაღბილა ხმა უცნობმა, ხელის გული თვალებზე ჩამოიფარა და კიდევ დაკვირვებით შეათვალიერა ანდრო.

— დაად...

— რა ამბავია სოფელში? ხომ არაფერი სჭირს?

— მშვიდობა...

— მშვიდობა მოგცეს მამაზეციერმა... — ახლა ხუცური წართქმით გააბა

უცნობმა. მერე უცებ ორი თითი პირში ჩაიდვა და ზედი-ზედ მოკლედ, მაგრამ მაღლა დასტვინა. შემდეგ ისევ ანდროს მოუბრუნდა.

— კაცო, შენ, იქნება, ერასტოს ბიძაშვილი ხარ? *ერასტოს*

— დიალ...— გაუბედავად დაუდასტურა ანდრომ. *აი, ბიძაშვილი*

— ბიჭოს! სანდრო ხომ არ ხარ, ჩქიმი ჯიშაია? ვერ ვიცანი!—

ახლა კი დაიბნა ანდრო. აღარ იცოდა, რა ეპასუხნა. მის ბედზე მახლობელმა ჭიშკარმა შეიჭრიალა და ერასტოს ხმაც გაისმა:

— სამსონა ხარ? რამ დაგაყენა სტეფენის ვუნებაზე?— შუა შუკაზე გამოვიდა და ანდროსკენ წამოვიდა.

— სტუმარი ჩამოვივიდა... აბა, თუ იცნობ? მე კი ვერ ვიცანი... უცხო მეგონა და არ გამოუშვი.— უთხრა აივნისაგან ერასტოს სამსონამ.

— ანდრო?! საიდან, ბიჭო!— მიახლოვებისთანავე იცნო ერასტომ ანდრო. გაუხარდა. მეიდა. ხელი ჩამოართვა. გადაკოცნა.— რა ამბავია? ხომ არა სჭირს რა?

— არა... სანახავად ჩამოვედი.

— მე კი სანდრო მეგონა! რამდენი ბიძაშვილი გყოლია, შენ ჩემო ბიძა! — ჩაურთო სამსონამ ვაკვირვებით ერასტოს სატყუაში.

— მაშ შენ რა მეგონა? გერგაძეებს ნუ ეხუპრები!— ხუმრული კვნესით ესროლა მას ერასტომ, ხელი ხელში გაუყარა ანდროს და ბინისკენ წაიყოლია.

დაბალჭერიანი ოთახი. ბუხრის თავზე პატარა ლამპა. ბუხარში ბეჭეტავი ცეცხლი და ზედ მიდგმული მაღალ ყელიანი ძველებური თუნგი. შუა ოთახში გრძელი მაგიდა, გარეშამო სამიოდე ტაბურეტი. კუთხეში, კედლის გასწვრივ, უზეწრო და უბალიშო ლეიბ-საბანი გადაფენილი მოგრძო ტახტი.

ანდრო თვალის ერთი მოსმით შეათვალიერებს ერასტოს ნაცნობ ოთახს, ხურჯინს ჩამოიხსნის და კუთხეში მიაყუდება.

— დაჯექი, ანდრო... მიაბზე ჩვენი სოფლის ამბავი... როგორ არიან?— ანდრო ჩუმად ჩამოჯდება სკამზე. რალაც გარინდულია და ხმას ვერ იღებს. ხოლო ზედმეტი ბარგივით ღიმილი კი შერჩენია სახეზე.

— რამ გაგაჩუმა ასე, ანდრო? იმ გურულს ხომ არ შეუშინებია?

ანდრო შეაგვიანებს პასუხს.

— გარა... შემაჩერა და...


— ამხანავია... სანდრო ჰგონებია, ალბად.


ანდრო უცებ წამოდგება. უხერხულად მიიხედ-მოიხედავს. ბორძიკით დაიწყებს:

— ერასტო... სანდროს სახელს მე ვატარებ... მისი პასპორტი მაქვს... და ვითომ შენთან ჩამოვედი... სანდრო დამიძახე.

— ჰოო... ასე გაქვს საქმე? კარგი და პატიოსანი... მერე რა ვუყოთ, შე კაცო... დღეს ყველა ასე სცხოვრობს. ამან ჩაგიფიქრა?... მაშ, ჩემო სანდრო, ახლა მაინც მიაბზე რამე...

ამ დროს შეუმჩნევლად ანდროს პირდაპირ კედლის კარი გაიღება და გა-

ბოლებული პაპიროსით პირში, თავზე გიდელივით ჩამოცმული  მალლო თხელტანიანი კაცი კართან აეტუზება.

თვალის შევლებითანავე იცნობს მას ანდრო. აენტება.  ვარდება. გაოცდება.

მის წინ მისი საყვარელი არჩილი სდვას და სახეში მოლიმარი შესცქერის. უმწეო თვალებით შეხედავს ანდრო ერასტოს.

„ნუ თუ მართლა არჩილია?“

— ვერ მიცანი, ანდრო?— ეტყვის ბოლოს არჩილი და ჩამოსართმევად ხელს გაუწოდებს. ანდრო კი ბავშვივით გადაეხვევა.

— ყოჩაღ, ჩემო ანდრო... ძალიან მიხარია შენი ნახვა... არ მოგელოდი... მერე ერასტოს მიუბრუნდება.

— მე ჯერ ნიკო მეგონა... ხმა რომ გავიგონე, გამიკვირდა. სად ნახე?

— მეც მეგონა, ნიკო იყო... სამსონამაც ისეთი ნიშანი მოგვცა. გავიხედე: ანდრო... უკაცრავად... ეს სანდრო კი შემჩა ხელში.

— ეს რა ამბავია, ანდრო?... ხომ არ იმალები, სახელი რომ გამოგიცვლია...

ანდრო მხოლოდ თავს დაუქნევს დასტურის ნიშნად.

— პოპო... ემატოს ჩვენს ოჯახს... აბა მითხარი, რაშია საქმე?— არჩილი სკამს მოსწევს. ანდროს გვერდით დასდგამს.

— მოჰყევი შენი თავგადასავალი...

დაჯდება. ანდროს გვერდით მოსვამს.

არ ელოდა ანდრო, რომ არჩილს ერასტოსთან ნახავდა. მოულოდნელი ვახარებისაგან ენა პირში ვერ მოებრუნებია.

მაგრამ როგორც იყო უამბო მეგობრებს თავგადასავალი. ხოლო, რა თქმა უნდა, ნაწილობრივ: პროკლამაციების ამბავი და მასთან დაკავშირებული მისი გაჩხრეკა და დაპატიმრების განზრახვა.

— მე ვყოფილვარ დამნაშავე!— დააბოლავა მისი სიტყვა არჩილმა.— თუმცა არ ვნალვლობ სრულიად. შენც ნუ ინალვლებ, ჩემო ანდრო: ვინც ვარგა, დღეს ყველა ამ ყოფაშია... შენ რას იტყვი, ერასტ: საქირო იყო ხომ აქ ანდრო?

— რა საკითხავია!.. რომ არ ჩამოსულიყო, უნდა დაგვებარებინა...

შეაქებენ ანდროს. მიუალერსებენ.

განსაკუთრებით არჩილი ეფერება. ესიყვარულება.

— ჯავრი ნუ გაქვს: ერთად ვიქნებით. ერთად ვიმუშავებთ... ადრე თუ გვიან გამარჯვება ჩვენია, ეს იცოდე.— ეტყვის და წასაქვებლად ლოყაზე ხელს მიუთათუნებს.

ზღვისფერი თვალები აქვს არჩილს, მეოცნებე. ბორბ სახეზე სინათლე უკრთის და მოსიყვარულე იერი უთამაშებს. ჯადოიანი მზერა აქვს. ხმა-გულითაღი, დაუსრულებლად თავაზიანი.— სულ არა ჰგავს მებრძოლს.

„ამას კი ყველაფერს გაუმხელ“, ფიქრობს თავისთვის ანდრო.— „არაფერს დაუფთარავ“.—



ამისგან გულის ტვირთი უმსუბუქდება. შვებას რასმე იგრძნობს. თამამად იწყებს საუბარს.

არჩილს ახლა სოფლის ამბავი აინტერესებს. ნათესავეებს შეუთხოვს, ცეზობლებს. მახლობლებს. შორეულებსაც.

ამასობაში ერასტო ჩაის დაამზადებს.

მაგიდას მოუსხდებიან.

აქმლებათ მოგონებანი: 1905 წლის ისტორია, თავგადასავალი, გამარჯვება. დამარცხება.

ბოლოს არჩილი შეპარვით ვარდოს ამბავსაც ჰკითხავს ანდროს.

უცებ შეწითლდება ანდრო. თვალებს დაჰხრის.

— არ ვიცი... დიდი ხანია არ მინახავს!

არჩილს არ გამოეპარება ანდროს ქურდული უხერხულობა.

— აფხაზურ ჩვეულებას ხომ არ მისდევ, ანდრო? ჯერ არ შეგირთავს ის ქალი, და რას ემართლები?—

მაგრამ მეორე წინადადებაზევე შეიცვლის ხუმრულ კილოს. — შეამჩნევს, რომ ანდრო ამ საგანზე საუბრისთვის არ არის განწყობილი.

„ალბად ერთმანეთს ებუტებიან, ჩემი და ცაცას არ იყოს“, გაიფიქრებს. „საკვირველია, რომ ეს საყვარელი ყველგან ერთნაირია“. — და საკუთარი თავისადმი მიმართული ირონიული ღიმილი სახეზე აეკვრება.

• • •

იმ საღამოს ერასტოს ბინაზე არჩილს საიდუმლო მოლაპარაკება ჰქონდა დანიშნული. მასთან ძველი პარტიული მუშა უნდა მოსულიყო, ცნობილი კონსპირატორი — ნიკო. მაგრამ აგვიანებდა.

ანდრომ ერთხანს სულაც დაავიწყა არჩილს ეს პაემანი. ძალიან მოგვიანოდ გაახსენდა, როცა ბავშობის მეგობართან საუბრით გული მოაჯერა.

— მართლა, სად არის ეს ნიკო ამდენხანს? — გახსენებისთანავე ჰკითხა მან ერასტოს. — ახალი ხომ არაფერი შეგიტყვია მათი საქმისა?

— ახალი არაფერი... მზადებაში არიან.

— ნეტავი, გადაიფიქრებდენ!.. ა? შენ რას ფიქრებ: ძალიან სახიფათოა მათი განზრახვა! — მერე ანდროს გადახედა, შეუცინა. — ანდროსთან ყველაფერი ითქმის... ესეც დიდი შესაიდუმლეა... ხო და, შენი არ ვიცი, ერასტო, მე კი წინააღმდეგი ვარ მაგ საქმისა... კაცო, ბოლშევიკებს აქ ორგანიზაცია არ აქვთ და ჩვენს ხარჯზე უნდათ ფონს ვასვლა... რა ხალხია, არ ვიცი, სწორე ვითხრა. ველარ ვეგუები ამ ბოლო დროს რაღაც... დაუჩემებიან, გინდათ თუ არა, უნდა მოხდეს ექსპრობრიაციაო... იმას კი არ უწევენ ანგარიშს, რომ ამის დრო არ არის... ესეც არ იყოს, დიდი უაზრობა გამოდის...

— მგონი, სამსონასაც უპარობენ გადაბირებას. ვაჟკაცი არისო... ისიც არ არის წინააღმდეგი, როგორც ვატყობ...

— წარმოიდგინე! ჩვენს ხალხს ნამდვილი ყაჩაღური ბუნება აქვს!

— ფული იქნება, და მუშაობასაც უფრო გავაჩაღებთო...

— ჰე... ეს დამღუპველი გზაა... პარტიის ღალატია!

— რაც კი ბრძოლის დროს მტერს ასუსტებს, ყველაფერი მისაღებიაო...  
 — ეს კი ჩვენ გვასუსტებს და არა მტერს! რამდენი მსხვერპლი სჭირია, სარგებლობა კი არაფერი მოაქვს. პირობით რყვნის ხალხს... ჩვენი ჯიშის რევოლუციებიც ამას აღნიშნავენ. არა, მე არ მივცემ ნებას, ჩვენს რაიონში ექსპროპრიაცია მოახდინონ!.. შეუძლებელია! — ცხარობდა არჩილი და კუთხიდან კუთხეში დადიოდა პაპიროსის განუწყვეტელი ბოლებით.

ანდრო კი სმენად იყო გადაქცეული. არჩილის გაცხარების მიზეზი მაინცაღ მაინც კარგად ვერ ვაერკვია, ხოლო კი მიმბდარიყო, რომ საკითხი დიდად საიდუმლო საქმეს შეეხებოდა. მალულ სიხარულს განიცდიდა, რომ ასე ახლოს იყოფებოდა არჩილთან, და პარტიულ საიდუმლოებას მის წინაშე არ ფარავდენ.

მაგრამ მალე შუკიდან ზედიზედ ორჯელ თავისებური სტვენა გაისმება, და მეგობრები ყურების ცქვეტით ზეზე წამოვარდებიან. ერასტო კარისკენ გაეშურება.

— სამსონას ნიშანია! ეს კი ნიკოა, ალბად!

— სხვა არავინ იყოს, იცოდუ! — მიაძახებს მას არჩილი და კარამდის მიპყვება. მიაყურებს ერთხანს და მერე ზედ კართან მოკლედ გაივლის — გამოავლის. აღელვებას ვერ მალავს. სახეზე ოდნავ შეფითრდება.

ბოლოს, თითქოს პირველად შემჩნიოს ანდრო, უცებ შესდგება მის წინ და ნაძალადევი მოფერებით გაუღიმებს:

— შენ ნუ გეშინია, ანდრო... ამბანავია...

— ხელს თუ შეგიშლი, წავალ და მერე... — საიდუმლო შიშის გამოხატვით დაიწყებს ანდრო.

— არა... შენ აქ მოისვენებ... ნუ მოგერიდება... აი ლოგინი... დაწეჭი. დაიძინე. ნამგზავრი ხარ... თუ რასმე ყური მოჰკრა, გულს ჩაიმარხე შენებურად... — ეტყვის მას არჩილი. ერთხელ კიდევ მიუალერსებს შეხედვით და იმავე კარით გადის, რომელითაც ამის წინად შემოვიდა.

V

ნიკოს ორი ამბანავი მოჰყვა თან. ერთი მათგანი პარტიული იყო, მიხელა-იმერული, რომელსაც არჩილიც კარგად იცნობდა. მეორეს კი პირველად ხედავდა. არ ესიამოვნა ამათი მოსვლა. ეუცხოვა ეს მეორე, უცნობი. „სხვა“ წრის კაცად მოეჩვენა, — მუშის იერი არ ჰქონდა, არც პარტიული ამბანავის დალი აჩნდა: ბედნიერი. შემთხვევის მაძიებელს მიაიმგავსა. არა ერთი და ორი ენახა ასეთი ამკოლი. ეწყინა. გუნება შეეცვალა.

ნიკოს მოსვლამდე ფიქრობდა, შეკამათებოდა მას ამბანავურად და ამნაირად დაერწმუნებინა, რომ მისი განზრახვა დაუშვებელი იყო პარტიული ინტერესის თვალსაზრისით. ახლა კი მის საიდუმლო ოთახში ამ უცხოს შემოსვლამ ისე იმოქმედა მასზე, რომ წინასწარ გადასწყვიტა, უკამათოდ უარეყო ნიკოს წინადადება და სიტყვა არ გაეგრძელებინა პაემანის საგნის შესახებ.

მაგრამ ნიკომ ჩვეულებრივი საუბრით დაიწყო. მოუშინაურა ახალი გაცნობილი და შემდეგ მოსვლის მიზანი განუმარტა.

არჩილი ძალაუნებურად მიჰყვა.

მალე დიდი კამათი შეექმნათ.

კამათის საგანი იყო, ქალაქის რაიონში, პატარა ქალაქის შუა, საფოსტო მატარებელზე თავდასხმა და სახაზინოს დატაცება.

ნიკო ამტკიცებდა, რომ ეს ექსპროპრიაცია აუცილებელი იყო და პარტიისათვის მრავალი მხრით მნიშვნელოვანი. მისი აზრით ეს აქტი თავისთავად აგიტაცია იქნებოდა, რომელიც ხალხს ერთხელ კიდევ მოაგონებდა რევოლუციონერების სიძლიერეს. გარდა ამისა ის დეზორგანიზაციასაც შეიტანდა მტრის ბანაკში და პარტიასაც ქონებრივად გააძლიერებდა, რაც ასე საჭირო იყო არალეგალური მუშაობის საწარმოებლად.

ნიკო დაბალი, მაგრამ მკვრივად შეკრული ტანის კაცი იყო. მკერდბურთიანი. შეუპოვარი სანახაობა ჰქონდა: სქელი, გაერთიანებული წარბები. ლურსმანდ მომზირალი თვალები, სახნისისებური ცხვირის ჩრდილში მიმალულები ყურსალებივით. მოურიდებელი ლაპარაკი სჩვეოდა. ხმას ბრძანების კილოს ატანდა და თავისებურს, ხაიგრძლივ პარტიულ მუშაობაში შეძენილ რიხს.

პარტიული სკოლა ბათომში ჰქონდა გავლილი. თავიდანვე ტერორისტობდა. ფრაქციული განხეთქილების ჩამოვარდნის შემდეგ ქუთაისის კომიტეტში მუშაობდა. ახლა ექსპროპრიაციების გაბედულ მომწყობათ ითვლებოდა და რ. ს. დ. მ. პ. იმერეთ-სამეგრელოს კომიტეტის ერთერთი ბურჯთაგანი იყო.

ამ საღამოსაც ისეთი იყო, როგორც ყოველთვის: შეუპოვარი და მოურიდებელი. მოითხოვდა, რათა ფოთის ორგანიზაციას აქტიური მონაწილეობა მიეღო განზრახულ ექსპროპრიაციაში.

— ამ შემთხვევაში მე შენი წისილმდეგი ვარ პრინციპიალურად, ამხანაგო ნიკო. — ჩამოართვა მას არჩილმა სიტყვა, როცა მოუსმინა. — ესეც რომ არ იყოს, უგნურება იქნებოდა ახლა ფოთში ზედმეტი რეპრესიების გამოწვევა... ძლივძლივობით აღვადგინეთ აქ ორგანიზაცია და განვაახლეთ პარტიული მუშაობა. ახლა კი შენი გეგმით ყველაფერი უნდა დაიშალოს და ისევ დაინგრეს.

— ეს რატომ, კაცო?

— ადვილი გასაგებია: რეაქციაა. საველე სასამართლოები. თვითნებობა. მოხდება თუ არა ახლოს ასეთი დიდი ექსპროპრიაცია, ნაცარტუტას აგვადენენ.

ნიკო დაძვინავი ღიმილი მოწყდა სახეზე. ამხანაგებს გადახედა. მერე ისე შეარქო არჩილს თვალები, თითქოს საშინელი ეჭვი შეჰქონდა მის გულწრფელობაში.

— ამხანაგო, მე არ ვიცი, რას აკეთებს აქ თქვენი ორგანიზაცია და რისი რევოლუციონერები ხართ, თუ ბრძოლის დროს აქტიურ მოქმედებას გაუბიხართ. ნაცარტუტას აგვადენენო... ორგანიზაცია ორგანიზაციისათვის კი არ უნდა არსებობდეს, არამედ ბრძოლისათვის, ამხანაგო არჩილ.

— კი, მაგრამ ბრძოლაცაა და ბრძოლაც.

— ჰე, სხვანაირად მსჯელობ რაღაც... ასე ლიკვიდატორები ლაპარაკობენ, კაცო.

— უკაცრავად. ასე ლაპარაკობს „ერესდევრბე“.

— ჩვენც ვიცით, რას ლაპარაკობს ჩენი პარტია... ამას მე ახლა ფოთელი ამხანაგები ვერ მასწავლიან. თუმცა ის კი არ მაქვს შენთან სადაც, მხოლოდ, თუ არ მოხდეს ეს აქტი... ეს უკვე გადაწყვეტილია და მე სრულ მონაწილეობა ქუთაისიდან მაქვს. აქ მხოლოდ ის არის გამოსარკვევი, მიიღებს მონაწილეობას ამ საქმეში ფოთის ორგანიზაცია თუ არა?

— თუ საკითხი ასე სდგას, მე შემძლია მოკლედ გიპასუხო: არა.

— ეს პირადად შენი პასუხია, თუ...

— ჩემიც და იმ ორგანიზაციისაც, რომელსაც მე ამ უამიდ ვხელმძღვანელობ—იგი სავსებით გამოხატავს პარტიის შეხედულებას ამ საგანზე.

— შეეჭვება...

— გარწმუნებ, რომ ასეა.

— თქვენ ამახინჯებთ პარტიის აზრს. მე ამას აშკარად ვამბობ. აქაო და ბრძოლაზე ხელს ვიღებთ და ამას პარტია გვიკარნახებსო... სირცხვილია, სხვა არა იყოს... პარტიის თქვენ არაფერი გცხიათ!!

— თქვენ კი, ამხანაგო, ამ საკითხის არაფერი გესმისთ!

აქ ნიკო უცებ გაუჩუმდა არჩილს. ზიზლით შეათვალიერა თავიდან ბოლომდის და სახის შეუცვლელად გიჟივით გადიხარხარა.

— გესმისთ, ხალხო, ეს კაცი რას ამბობს?—გაოცებით მიმართა მან მასთან მოსულებს.—და ასეთი კაცი ათასზე მეტი მუშის ხელმძღვანელად გვევლინება! ჩვენ გარეშე მტერს ვებრძვით და შიგნით კი უარესი გვეყოლია!..—მერე ისევ არჩილს მიუბრუნდა.—ამხანაგო, ჩვენ კი, მუშებს, გვეგონია, რომ მტერს ტერორზე ტერორითვე უნდა გაეცეს პასუხი და ინტელიგენტურ ქანაობასა და წაჯექ-უკუჯექობას პარტიაში ადგილი არ უნდა ჰქონდეს! მე გეუბნებით თქვენ იმ მუშების აზრს, რომელთა ხელმძღვანელად თავი მოგაქვსთ... თქვენ, ინტელიგენტები, ჯერ კიდევ შორს ხართ მუშებისაგან! მაშ! ჩენი სისხლი იღვრება, და თქვენ კი წამომჯდარხართ აქ კაბინეტებში და რალაცას მივდებ-მოვდებით... პროგრამაო. პრინციპიო. გვაშინებთ! კმარა. გადმოგვეცი სადავეები, ბატონებო, და იცოდეთ, რომ რევოლიუცია ჯერ კიდევ არ დამარცხებულა.

ნიკომ კარგად იცოდა ნიშნის აღება. „ინტელიგენტი“ და „ინტელიგენტური ქანაობა“ უდიდეს ბრალდებათ ითვლებოდა პარტიულ წრეებში.

შეწუხდა არჩილი. ერთხანს თითქოს საპასუხო არაფერი ჰქონდა. მერე უცებ წამოწითლდა სახეზე. წამოდგა და ჩვეულებრივად მოკლედ გაიარ-გამოიარა პატარა ოთახში.

— რა საქროა ჩემთან ასე ლაპარაკი, ნიკო?—მოულოდნელი სილბილით დაიწყო მან.—პირველად ხომ არ მხედავ, შე კაი კაციო. დემაგოგიას აქ ადგილი არ უნდა ჰქონდეს. ვინც მიცნობს, მან ჩემი „ქანაობის“ ამბავიც უნდა იცოდეს. არ მგონია, რომ შენც არ იცნობდე ჩემს მუშაობას. და, განა იმის უფლება არ მაქვს მე, რომ პარტიის სახელით გითხრა: ასეთი ტაქტიკა არ არის ჩვენი პარტიის ტაქტიკა. ჩვენ მასიური, პროლეტარული, მუშათა პარტია ვართ და არა შეთქმულები. ამიტომ შეუწყნარებელია ის, რასაც შენ მეუბნები. ამბობ, ქუთაისმა მომცა მონდობილებაო...



— დიადაც. ქუთაისის კომიტეტმა...  
 — რა ვუყოთ მერე. ქუთაისის კომიტეტი შემცდარა...  
 — იქნება, იმიტომ რომ ის ბალშევიკურია.  
 — მე ეს არ მითქვამს. ვამბობ, რომ ამ შემთხვევაში იგი პარტიულ გეზს  
 ღალატობს...

— უკაცრავად, ამხანაგო, უნდა გაგაწყვეტინო. მე აქ ფრაქციულ კამათისათვის არ მოვსულვარ... სჩანს, რომ თქვენ ფრაქციით ხართ დაბრმავებული და ფოთშიც ცალმხრივ პოლიტიკას აწარმოებთ.

— სრულიადაც არა.

— ფიცი მწამს და ბოლო მაკვირვებს. აქი ახლა სთქვი, რომ ქუთაისელი ამხანაგები პარტიას ღალატობენო... უნდა ვითხრა, რომ პირადად შენგან ამას არ მოველოდი, ამხანაგო არჩილ. ცხადია, იმდენად ხარ ამ საქმის წინააღმდეგი, რანდენადაც მისი ინიციატივა ჩვენ, ბალშევიკებს, გვეკუთვნის. მაშ, რა არის ეს, თუ არა ფრაქციული ბრძოლა? ამ ხაზით თქვენ იქამდისაც მიხვალთ, რომ რევოლუციასაც კი ეტყვიით უარს, რაკი ის ჩვენ გვწამს.

— ჰეე, შენ დენაგოგიას არ ეშვები, ნიკო. ეს ხერხი ჩემთან ვერ გასჭრის! — გაცხარდა ახლა არჩილიც, — მე გეუბნები, პრინციპიალურად წინააღმდეგი ვარ შეტქი. ფრაქცია კი აქ არაფერ შუაშია. თუ მართალი გინდა, მე არც ბოლშევიკი ვარ და არც მენშევიკი...

— ვიცით, ვიცით... — დიდმნიშვნელოვანი ორაზროვნებით გააწყვეტინა ნიკომ.

— რა იცით, კაცო? თქვენ პარტიის დეზორგანიზაციას ახდენთ და კიდევ პირიქით მედავები... რა უფლებით, ნეტავ ვიცოდე!

ახლა ნიკოც წამოდგა. ოფიციალური პოზა მიიღო და რიხით განაცხადა:

— თქვენ შეგიძლიათ ეს საკითხი საოლქო კომიტეტში გადაიტანოთ, ამხანაგო, ხოლო რაც შეეხება საქმეს, იგი უთუოდ უნდა შესრულდეს. რა თქმა უნდა, თქვენ შეგიძლიათ მასში მონაწილეობა არ მიიღოთ. მორჩა და გათავდა. მეტი სალაპარაკო თქვენთან არ მაქვს. მაგრამ ერთიც გულახდილათ კი უნდა ვითხრა... რაც უნდა იყოს, ერთად გვიმუშავენია: თქვენისთანებს პარტიაში ადგილი არ უნდა ჰქონდესთ... ნუ გეწყინება!

სთქვა და გასავალ კარებს მიაშურა.

— აბა, ამხანაგებო, ნულარ ვაცოვნებთ, წავიდეთ. — მოუბრუნდა იგი მასთან მისულებს და კართან შესდგა. ისინიც უმაღვე წამოიშალნენ.

— არ შემიძლია დაგაკავოთ. — მიზართა ნიკოს თავშეკავებით არჩილმა. — ამ ამბავს ხვალვე ჩავიტან ქუთაისში. საინტერესოა, მართლა ასე მსჯელობენ ქუთაისელი ამხანაგები თუ არა...

— მარტო ამისათვის თუ აპირებ წასვლას, ნუ ირჯები: შემიძლია დაგარწმუნო, რომ ასეა საქმე.

— არა, მაინც უნდა წავსულეყავი... სხვა საქმეც ბევრია. გარწმუნებს...

— ხო, უთუოდ საქიროა ფოთის ქაობის იქითაც გაიხედოს კაცმა, რომ არ ჩამორჩეს! — გესლით ესროლა ნიკომ და გავიდა. მისი ამხანაგებიც მიჰყვნენ.

ხოლო ამით ნიშნად გამოსაღმებისა გასვლისას სახე ირიბად მიიქცეის და თავი ასე დაუქნიეს არჩილს. ამანაც ასევე უბასუხა.

— ერასტო, გააცილე!— მიმართა ნაძალადევად დამშვიდებული ხმით ერასტოს, რომელიც მთელი დღის განმავლობაში კუთხეში იდგა გაქვავებულივით და თავდახრილი ისმენდა კამათს.

ნიკოს წასვლის შემდეგ არჩილი ერთხანს კიდევ დარჩა თავის პატარა ოთახში: ბრაზს იმორჩილებდა. მერე ჩვეულებრივი პოზა მიიღო: ცალი ხელი ზურგს უკან ქამარზე ჩამოიკიდა, ცალით კი გაბოლებული პაპაროსი ტუჩებთან გაათამაშა და ამ სახით რამდენჯერმე გაიარ-გამოიარა ოთახში.

— მოდი და იმუშავე ამისთანა ხალხში!— სთქვა ბოლოს და ერასტოს ოთახში გავიდა.

სმენად გადაქცეული ანდრო კი ზედ კართან წამდგარიყო და ისე აბრიალებდა თვალებს თითქოს, მთელ ოთახს ანათებდა.

— შენ კიდევ არ დაგიძინია, ანდრო?— ჰკითხა მას არჩილმა შესვლისთანავე.

— არა...

— რატომ მერე? ხომ არაფერი გინდა?

— მე რა უნდა მინდოდეს?— და ანდრომ თვალებში ჩახედა არჩილს. არჩილმა შეამჩნია, რომ მისი მეგობარი მასზე ნაკლებ არ იყო აღელვებული. მოეწონა. უცებ მოუღბა გული.

— გაგაჯავრა იმ კაცმა, ანდრო?... არა უშავს, ამხანაგია...— გაღიმებით უთხრა არჩილმა.

— თუ ამხანაგია, რატომ არ გიჯერის?

— შე კაცო, განა არ იცი, რომ კამათის დროს ეს ხშირად ხდება?

— მაგრამ ის ხომ ფედერალისტი არ იყო ან ნაციონალისტი...

— ჰოო... ძველ ამბებს იგონებ, არა? მოიცა ცოტა და ახალსაც ბევრს გაიგებ. შენ ჰგონია, რომ სხვა პარტიის კაცთან შეიძლება მარტო კამათი? მაგრამ ის მითხრი, ყველაფერი გესმოდა?

ანდრომ თავი დაუქნია.

— სიტყვა არსად, იცოდე!... ახლა დამშვიდდო და დაისვენე...

— ბოლშევიკები და ჩვენ ხომ ერთი პარტია ვართ?

— კი... მაგრამ ცოტა უთანხმოება გვაქვს... ამასაც მალე შეიტყობ. აქ წრე გვაქვს მოწინავეების და შენც იქ ჩაგრიცხავ. უთუოდ ბევრი უნდა იმეცადინო, იკითხო. ეს ახლა ძალიან საჭიროა... მე გიხელმძღვანელებ...

— ქუთაისში მივდივარო რომ სთქვი?

— ორი ან სამი დღით მხოლოდ. მინამ აქაური ამხანაგები გაიცანი...

შენს თავს ერასტოს ჩავაბარებ...

— მარტო მიდიხარ?

— მაშ...

— რატომ? არ გეშინია, რომ დაგიკვირონ? მე წამოგყვები!

— მერე შენ რას მიშველი? არა, ჩემო კარგო ბიჭი, მე არა მიშავს. ხშირად დავდივარ: საქმე ისე გვაქვს მოწყობილი. რკინისგზებზე, თქვენივე ქველანი ჩვენს ორგანიზაციაში არიან... არხეინად იყავ, მე არა გამოქირდები.

თვალეები გაუყარეს ერთმანეთს. უალრესად სათუთმა სიყვარულმა გაირბინა მათ შორის. ორსავე, შეთანხმებულებსავად, ბავშობის დროის მეგობრობა მოაგონდათ, ერთად გატარებული სიყრმე.

დადუმდნენ ერთხანს.

ანდროს თვალეები დაენამა.

შენისთანა მეგობარი მე არ მყავს, ანდრო. — დაარღვია არჩილმა სიჩუმე.

— შენ დიდი კაცი ხარ და ნასწავლი... მე რა?

— ჰე, ნეტავი, შენად მაქცია, ანდრო! არ იცი, თუ რამდენი უბედურება მჭირს... — მაგრამ უმაღვე ხმა გამოიცივალა და მოულოდნელად: — ჰო, მართლა, წელან ერასტოსთან გკითხე ვარდოს ამბავი... უკაცრავად... შენ ცოტა სხვანაირი კაცი ხარ, არ უნდა მეკითხა სხვასთან... ახლა კი მითხარი, როგორ არის შენი ვარდო? გიყვართ ხომ ერთმანეთი?

ანდრო დაიბნა. ვერ უპასუხა. თვალეები ძირს დაჰხარა.

— ა? რაღაცას მიმაღაფ, იცოდე...

როცა ანდრომ თავი ასწია და არჩილს თვალეები გაუსწორა, ველარ დაჰფარა საიდუმლო.

— ვარდო გაათხოვეს... — ძლივს ამოზიდა გულის სიღრმიდან და სახეზე ნერვიულმა კანკალმა გადაურბინა.

— როგორ თუ გაათხოვეს? — შეიცხადა არჩილმა. — როდის? ვისზე? რას შეუბნები, ანდრო?

— არაფერია... მერე გეტყვი... ახლა ნუ... — ხმაზე დაეტყო, რომ მეტის თქმისათვის ძალა არ შესწევდა ანდროს. მის სიტყვებში არჩილს ბედთან შერიგებულის სისუსტეც მოესმა და დამარცხებულის ფარული შურისძიების კივილიც...

თანაგრძნობის გამოსახატად არჩილმა სიტყვა ვერ მონახა. ისლა შესძლო, რომ მძლავრად მოხვია ხელეები მეგობარს და გულში ჩაიკრა.

— რა მშვენიერი სიყვარული დაუღუპავსთ... რა დიდი გრძნობა დაუხრჩვიათ!.. — ამბობდა იგი სადღაც მკერდის შიგნით და ასე დიდხანს ეხვეოდა ანდროს.

(გაგრძელება იძნება).

# ტფილისი

რომანი

## პროლოგი

### ტფილისის აპოლოგია

საქართველოს დედაქალაქი—ტფილისი.

იყო: მცხეთა.

მცხეთაში ბატონობდნენ მესხები, ტფილისში—ტაბალები.

„ვახტანგ აშენებდა ქალაქსა ტფილისსა და საფუძველი ოდენ დაედვა“.

მეხუთე საუკუნეში ქრ. შ. მეფემან დაჩი „განასრულნა ზღუდენი ტფილისისანი და, ვითარ ებრძანა ვახტანგის, იგი შეიქმნა სახლად სამეფოდ“, და ასე: „ტფილისს კაცნი დასხდებოდეს“.

„მცხეთაჲ ათხელდებოდა და ტფილისი ეშენებოდა, არმაზნი შემცირდებოდეს და კალაჲ განდიდებოდა“.

ეს იყო...

არაფის ახსოვს...

მატიანეები იბნევიან...

რით არის შესანიშნავი ტფილისი?—

უპირველეს ყოვლისა, ტფილისი დედაქალაქია საქართველოსი.

და თუ თქვენ საქართველოს რუკას დააკვირდებით, იგი ჰგავს (ალბათ, წმიდა შუშანიკის) ძუძუს თავს: ცხელ მონღოლეთიდან და ლირწ სპარსეთიდან უბერავდა ქარი ხორშაკი.

ტფილისში აწამეს აბო ტფილელი და ამ სტრიქონების დამწერს, ისევე როგორც იოანნე საბანის-ძეს, უნახავს ავლაბრის ხილთან, ძველ საგოდებელს ქვემოდ, სადილეგოს მახლობლად, როგორ ანთია წმინდა კელაპტრები, როგორ ლოცულობენ მისი ხატის წინ დამხობილი ფეხშიშველი მოხუცი დედაკაცები და როგორ გაჰკივის მოლა შაჰ-აბასის მეჩეთიდან.

დაბახანაში ისმის ქობინების ცემა და მოდის იქიდან ნედლი ტყავის სუნი. ლილახანაში ფრიალობენ გასაშრობად გაკიდებული ლურჯი, წითელი და შავი ხამის თოფები.



სირაჯხანაში რუმბები წვანან ბაყბაყ მღვებებით და შვითანბარში იცო-  
ხნებიან სპარსეთიდან, ერევანზე და ბორჩალოზე გამოვლით, დაძრული აქლე-  
მების ქარავნები: სცოხნიან გვალვას და გადმოკიდებულ მწვეფელს ჩამოს-  
დით ყვითელი დუქი.

გუგუნებს სიონის ზარი, ანჩისხატი ეხმაურება და ძველი ტფილისის  
უბნებში დგას: ებრაელების, ნედლი ტყავების, ოსური ყველის, დამარილებული  
თევზის, თუთუნის, ჩონჩორიკის, აბანოებისა და ღუთმა ნესვების სუნი.

სამიკიტნოში ჰკიდია საწყალ ნიკალა ფიროსმანის ერთ თლაშოის ფასად  
დახატული მუშანბები: „ორთაქალის ტურთები“ და „აღდგომის ბატკანი“.

ფეხმორთხმული თათრები ჰინით შეღებულ წვერებით სხედან ყაფაზასავით  
პატარა დუქნებში, წითელ ვარდიან მუცელგამოზერულ ღვინის ჭიქებით დარო-  
ჩინიან ჩაის შაქრის მიკვნიტით სვამენ, სწევენ ნარგილეს და ჰყიდიან: ჰინას,  
ბასმას, კეეს, ყვითელ კოქს, კაიშაკს, კაკილებს, ძველ პავონებს და თვალს  
აყოლებენ აბანოში მიმავალ გავაგანიერ ქალებს.

იქა-აქ ახორხოტებულ ხალხში ცეცხლივით ანთია მუსულმან ქალის მოხუ-  
რული ჩარსავი და აბრაზებს მზეს.

ლეკები ჰყიდიან: კავკავის ნაბდებს, ქეჩებს, თოქალთოებს, ტყაპუჩებსა და  
ვერცხლის ზარნიშიან ლეკურ ქამარ-ხანჯალს.

ქარვასლებში ფეხქვეშ სათელავად აფენია თუთუნ მოყრილი წარაგანის,  
სინეს და თექური თვალისმომკრელი ნოხები და საუკუნეთა გვალვით გადახვე-  
ტილ რუხ მეტებს იცავს წითელარმიელი.

სადლაც ჩაიხანეში ისმის თარის ხმა და ვილაც აშოლლანი მთელი დღე  
მღერის ისტერიულად ერთსა და იმავეს ტვინის ამომღებად და არ იცი სად  
გაექცე ამ აბეზარსა და მრუშ სიტყვებს:

ჩემო გულის აზიზო,

. . . . . ბუზი გაზისო!..

იბნ-ხაუკალი „გზათა და სამეფოთა წიგნში“ 977—978 წ. წ. ამბობს:

„ტფილისი ბაბ-ულ-აბვაბზე (ე. ი. დარუბანდი) მცირეა: ირგვლივ ალიზის  
ორი ვალავანი არტყია და ვალავანს სამი ალაყაფი აქვს; ქალაქი კარგად არის  
გამაგრებული, სავსე ყოვლითა სიკეთითა და განთქმული დიდის იაფობით. სიმ-  
დიდრითა და დოვლათით იგი ფრიად აღემატება სხვა მდიდარ ქალაქებს; აბა-  
ნოს წყალი უცეცხლოდ სდულს, ქალაქი მდინარე მტკვარზეა გაშენებული. წის-  
ქვილები ტფილისში (ისე როგორც მოსულში და რაკაში ტიგრსა და ეფრატზე),  
ნავებზე არის გამართული“!..

ტფილისში ბევრი უცნაური ამბები ხდება და, როცა შენ სიციცხლეში  
პირველად ტფილისს დაინახავ, კენჭი უნდა გადაყლაპო, იმიტომ რომ ტფილისი  
ავია, ტფილისმა დაცდა იცის.

ტფილისმა ჩაყლაპა ბევრი ქალაქები (ოდესღაც: მცხეთა... ახლა: ქუთაისი).  
ვინ გადაუხდის სამაგიეროს!...

ის ორპირია სატევარივით, მრუში და მტრისა და მოყვრის დაუნდობელი.  
მას ბევრი საყვარლები ჰყოლია.

არსად არ არის ისეთი ხალხი, როგორც ტფილისში: ტფილისის მოქალაქენი, ყარაჩოხელნი,—ტფილისის ყუყი.

ტფილისის სიყვარულით ახურდა ოქროს ქურქიანი სპარსული საბეჭდო ვეფხი, გადმოეწეოთ თრიალეთის მთებს და სიკვდილი და სიყვარული იხილა ერთბაშად. ენტოვკის ტყვიით განგმირული ჩამოატარეს ის ქართლელმა გლეხებმა სათივე ურმით და ურემი მოდიოდა ისე, თითქოს ციდან ჩამოღებულ ოქროს ჯავარიანი მზე მოჰქონდა.

თბილისი, თფილისი, ტფილისი, ტაბალისი...

ქალაქი ხმაურობს წისქვილებით, ბაზრებით, ძველი დანგრეული უბნებით, ბაღებით, სირაჯხანით, ბანიან სახლებით, კვეციქია გოგოები რომ გადმოეფინებიან ხოლმე შაბათ საღამოობით.

ტფილისი ჰყვავის: თეატრებით, კინოებით, ცირკებით, პროსპექტებით, სადაც ახველებენ ქლექიანი პროსტიტუტები, ნორჩი პიონერები დადიან ლოროტოების ხროტინით და სახელგამთან ხეების ძირას დგანან პოეტები და პედაგოგები პონორარის მოლოდინში ეჯიბრებიან ერთი-მეორეს ცინიზმში და ამბობენ ძველ ანეკდოტებს.

პროსპექტზე დადის საქმის ხალხი პორტფელებით, ქალი და კაცი, განურჩევლად სქესისა, სარწმუნოებისა და ეროვნებისა,—და ეს ხალხი სულ სხვანაირი, სულ უცხო ჯიშის,—ვინც უწინდელ ტფილისს იცნობდა, მას აოცებს ეს: —ჯურღმულებიდან, კატორღებიდან, ციხეებიდან, შორეულ ციმბირიდან, ქარხნებიდან, სოფლებიდან და ტყეებიდან მოვარდნილი წვივმაგარი ხალხი.

დადიან, დაჰქრიან, დაფრინავენ.

ყველა ჩქარობს, ყველა საქმეს აკეთებს. ცხოვრება ბრუნავს წისქვილის ქვასავით და ეს ცხოვრება სდულს აქ, ტფილისში,—პოეტები რომ დედა-ტფილისს ეძახიან.

არ არის ხსენება ძველი კალასკების, დროშკების, ეგზარხის კარეტის, ძველი მწვანე კონკები რომ დაფორთხავდნენ ტფილისის ქუჩებში მაშინ, როცა ტფილისს ჯერ კიდევ ტკბილად ეძინა ურმულში.

საღამოობით ტფილისი ილექება ზაჰესით, კინოებში ჰკივიან პლაკატები. ნატა ვაჩნაძის ეშხით მიბნედილი როიალი დასტირის ესმა ფულავას ბედს, სამიკიტნოში ოხუნჯობს სერგია ერისთავი, იეთიმ გურჯი მღერის ბაიათებს და ჩარლი ჩეპლინი, სასაცილო კაცი კატელოკით, ფეხმოქცეული, გონძლორა და წამებულ ვერ პოულობს თავის ადგილს ტფილისის უჩვეულო ცხოვრებაში, ის ზედმეტია და დაფორთხავს ეკრანზე ულაზათოდ, დაათრევს ფეხებს და ხალხი იხოცება სიცილით ამ უადგილო კაცის უადგილო მოქმედებით და ასე: ჩარლი ჩეპლენის მადლით გამართლებულია პლაკატის კივილი:

Сплошной смех!..

Гомерический хохот!..

შუალამით, როცა კინოები დაიხურება და ტფილისს ძილქუში დააწვება, ჩეპლინი გამოვა გარეთ, დაღლილი და წამებული გაივლის პროსპექტზე. რუსთველის

ოქტობრიდან შემოხვდება ნიამორივით ყელმოღერებული მეთორმეტე საუკუნის თეთრი პოეტი და მდაბალ ქართულ სალამით გაუშლის ჩარლი ჩეპლინს მაღალ შაირით დაწერილ უკვდავ პოემის ადგილს. ჩარლი წევბუჩქებუნიცა ეხვევა ვეფხის ტყავში (სცივა, საცოდავს, უბინაოსა და გარეთ დარჩენილს!), ბამბუკის ჯოხით უშვებს ცაში საპნის ბუშტებს და ფეხებზე ჰკიდია მას, ახალ ტარიელს, ეს მთავარიანი, საშუალო საუკუნეების რაპსოდიიდან ამოღებული მაღალი ლამე.

ბუკინისტების შაურიან გაცრეცილ ბროშურებიდან გამოძვრება განთქმული ავაზაკი ტატო წულუკიძე და სუფთად გაპარსული მისტერ ნატ პინკერტონი და ინგლისური ყალიონით კარტონის კაცივით დაეკიდება ცას გალურჯებულს.

და, როცა, ჯერ კიდევ ბინდებში, გამთენიის ხანს, შეეხოვეები ჰგვიან კუჩებს და ყველგან დგას მტვერი და საალიონო სიგრილე, პატარა ბიჭს „Киршичани“-ს სტვენით მოაქვს სახამებელით სავსე ვედრო, ციდან ყურით ჩამოხსნილ ჩარლი ჩეპლინს მოათრევს, ჯერ კიდევ ლიტოგრაფიულ მურის ნედლი სუნი რომ ასდის, და აკრავს მას პლაკატის ბოძზე სახამებელით.

და მერე ასე არის ის გაკრული სამი დღე საკუთარ ჯვარზე და ეს ცემენტის სვეტი არის მისი გოლგოთა.

საქმეს რომ მორჩება, პატარა ბიჭი პონტოელ პილატესავით ხელებს იშმუშნის და ქალაქი გუგუნებს:

— ჯვარს აცვი ეგე, ჯვარს აცვი და ტატო წულუკიძე მოგვიტევე ჩვენ!..

და კაცი იგი უცხო (იმის მაგიერ რომ სასოების ცრემლი წამოვარდეს და სთქვას:

— მიუტევე, უფალო, რამეთუ არა იციან რასა იქმონენ!..—) იკრიჭება უშნოდ და ქალაქი ხარხარებს.

ნაძალადევი გუგუნებს რკინიგზის მთავარი სახელოსნოების საყვირი და მუშები მიდიან ხელებით, ნამძინარევ თვალების შმუშვნით სამუშაოდ და არღვევენ ქუჩების საალიონო მყუდროებას.

საცაა მახათაზე მზეც შემოჯდება და გათენდება.

და მე ავტორი ამ სტრიქონებისა, სიხარულით ვკითხულობ ახალ პლაკატებს, უცქერ ახალ ქრისტეს (თუ ახალ ტარიელს?) და მიხარია რომ მე, ასე რომ შეხარება შებინდების ხანს ჩემი უსიხარულო ოთახი, ვიშოვი სადმე სამაბზს და ვნახავ ამ ტაკიმასხარას და ყოვლად უადგილო კაცს, ახლა რომ პლაკატზე არის გაკრული და კატელოკ მოხდილი ჰყვირის მურებით:

ილი, ილი, ლამა საბაქთანია!.. ღმერთო ჩემო, ღმერთო ჩემო, რისთვის დამიტევე მე!..

მე ვბრაზობ, მოთმინებიდან გამოუდივარ: რა უნდა ამ ევროპიელ ტაკიმასხარას ტფილისს რომ შესჩივის, როცა ჩვენ, მაწანწალა შარვალგამოხეული და უბედო პოეტები ვყრივართ აქ გადაყრილ ლეკვებივით და შევჩივით ბედს, იარაღის, სულს ბოროტს, ათას ვინმეებს და საშველი მაინც არ არის.

ტფილისის ირგვლივ წვანან ზურგადატყავებული აცოხნილი აქლემები: მთაწმიდა, შავნაბადა, თელეთი, თაბორი, კოჯორი, მახათა, ლოტკის გორა და

მოხვეულ მკლავში მომწყვდეული ფუნუკულორი დვას ბავშვის სათამაშოსა და დაპყურებს ტფილისს ხუთქიმიანი ვარსკვლავი.

როცა მე ავდივარ ფუნუკულორზე, მიწა მიდის სადღაც, თმაში ჩატრე-ნილი ცა მეწევა ზევით, დგება აქლემი და იაკობ გოგებაშვილის ამოღებულ პატარა ალექსივით ქუდს უქნევ ტფილისს და გადავძახი:

— შვიდობით, საყვარელო დედ-მამაო!..

ყოველ ღამე დიდუბეში ნიკო ბარათაშვილი დგება საფლავიდან, გამოვლის მუშტაიდს და მიდის პლუხანოვის პროსპექტზე.

შიშით აკანკალებული პროსტიტუტები გზას უთმობენ ამ უცნაურ კოქლსტოლონაჩალნიკს, ერთ დროს რომ გაჭორა მთელი ტფილისი და მტკვარი ჩააგდო თავის ფიქრებში.

ტფილისის ბალები ბორგავენ სათარას, ჩამჩი მელქოს, ლოპიანას, საათონოვას და ბესიკის მუხამბაზებში.

დაყუდებული დვას დავით გურამიშვილი, ფეხმოქცეული, საპყარი და მოს-თქვამს უცნაურად:

ეეო, მეეო,  
ღმერთო, მიშველეო!..

ანა ბატონიშვილის ეშხი გათრობდა შენ, ტფილისო! ჩაწექ მის ნაწნა-ვებში და ჰერივის ლიმონების სურნელებაში ახურდი ალერსს მოწყურებული.

იმ დროს, როცა ეს მოხდა, პოეტები იყვნენ გუბერნატორები, გენერლები, ბანკის დირექტორები, ახლა შარია გუბერნატრობა, ახლა ჩვენ შარვალ გამოხეული დაედევართ პროსპექტებზე, რომ ათი შაური ვიშოვოთ სადი-ლისათვის, ვფიქრობთ პოეზიის ფორმალ მეთოდებზე და სრულიად არ გვაინ-ტერესებს ეს ბანკობია და ათასი „რამე-რუმეები“.

ეს იყო უწინ: მთავარმართებელ გრიგოლ ორბელიანის ბინას მიადგა აუტა-ნელ ურმის ბეგარით ამბოხებული ხალხი და შესჩივლა თავის პოეტს: ის გაიკით-ხავდა, ის გაიგებდა მის გულის ტკივილს (ის პოეტი იყო!), მაგრამ ხალხის გულის მესაიდუმლე პოეტმა შეძლეგი სიტყვებით მიმართა ხალხს:

— რა უყოთ მერე, განა მარტო თქვენა ხართ ამ დღეში, აი, ხომ ხედავთ, ჩემი ცხენიც გაპყავთ ბეგარაზე!..

მაშინ წარსდგა ერთი ყარაჩოხელი და უთხრა:

— შე დალოცვილო, შენა და ჩვენ ვინ გაგვასწორა, შენ ცხენს არჩენ და ჩვენ ცხენი გვარჩენსო!..

ორბელიანმა იგრძნო რომ ის არ იყო ხალხის გულის მესაიდუმლე, რომ ამ ხალხსა და მის შორის ხიდი ჩატეხილი იყო და ხიდი არ გაიდებოდა.

რა არ გახსოვს შენ, ტფილისო!..

რის მომსწრე არ ხარ!

სარკინოზები, ხაზარები, ჰუნნები, ბიზანტიელები, მონღოლები, არაბები, სელჯუკები, ოსმალები (და ვინ იცის კიდევ ვინ!), ყველას უნდოდა შენ, მაგრამ შენ იყავ უკარებელი, თავაგდებული, შენ განარისხე ბასილი დიდი კეისარი,

შენ იყავ ქართლის ბედი და, ვისაც საქართველოს ბედის იღვარა ვოფო უნ-  
დოდა, — შენ უნდა აეოხრებინე.

ამიტომ მოვიდა დიდი საქურისი ქოსა ალა-მაჰმად-ხანის მიხედვით. სიონზე  
ქუსლი და აკივლებულ კალოუბანს გაახსენდა დაშუშებული ტყუილები.

შენ დედალ ხობობივით კრიახობდი საუკუნეებში.

თეთრი მეფე ვახტანგ გორგასალი მოაგდო აქ მიწის უინის სათავესთან  
დედალმა ხობობმა, აქ იყო შენი კერია და კერიადან გადმოდიოდა ცხელი გო-  
კორდის წყალი.

დაემხო ვახტანგ და საფუძველი ოდენ დასდო.

შენ ყაბახივით იყავ აწეული ამქრის დროშებით, ყეინობებით, ბერიკაობით,  
ჯოჯოობით, ბარბარობით, ქაშუეთობით სალაყბოს თავზე და ასე ლაყბობაში  
გავატარეს.

ოო, ტფილისში ღამეები არის უჯებირო, ღრმა და ღურღუნციანი და მე,  
ავტორს ამ სტრიქონებისას, ხშირად შიში მიპყრობს, არ გავიგუდო ამ ბალიშე-  
ბივით ცხელ და ვნებიან ღამეებში.

ყოველ ღამე, როცა ფუნქულორზე ხუთბოლოიანი წითელი ვარსკვლავი  
აკიანთდება, მეფის მოადგილე მ. ს. ვორონცოვი იბერტყავს თუჯის გრძელ  
მოსასხამს, შლის სრულიად რუსეთის თვითმპყრობელ იმპერატორის რესკრიპტს  
და ასე შთვარის სინათლეზე კითხვით ჩამოდის იგი გრანიტის კვარცხლბკიდან  
და ალექსანდრ სერგეევიჩ პუშკინთან ერთად მკლავ გაყრილი მიდის აბანოში  
და ამ ორ ფრიად პატივცემულ გვამთ აქვთ შთვარიან ღამეში სენტიმენტალური  
დიალოგი:

— ალექსანდრ სერგეევიჩ, ალექსანდრ სერგეევიჩ! — ამბობს მ. ს. ვორონ-  
ცოვი მწუხარე ხმით და ბრინჯაოს ხელს ნერვიულად უქერს პუშკინის მკლავს.  
— სად გაქქრა, ნეტავ, ეს იტალიანური ოპერა, ქართველი წარმტაცი კნეინები,  
ეს რაუტები, ჯვარიმამობა და თავადი პოეტები!.. ეს გლუხარიჩიც რომ დაი-  
კარგა!..

ალექსანდრ სერგეევიჩ პუშკინი მბრებს იწევს, არ იცის რა უპასუხოს.  
მან მხოლოდ ტფილისის აბანოების ამბავი იცის და ამაზე ლაპარაკი მოვეტონია.

ვორონცოვი მაინც სჩივის ფრანციცულად, წუწუნებს და უზარმაზარ  
ბრინჯაოს ფეხებს ადგამს ცხენივით.

ასე მიდიან ისინი სეიდაბადის ქუჩით ურიების უბანზე და მერე მთელი  
ღამე დგაფუნობენ, ეს უზარმაზარი ბრინჯაოს ძეგლები აბანოში აპოკალიპ-  
სიურ ვაყებივით და გულგახეთქილ მეჭისეებს არა აქვთ მელი ღამე ძილი და  
მოსვენება.

ახლა ტფილისი სულ სხვანაირია, პუშკინის გვერდით დგას კამოს ძეგლი,  
აკაკი შეჭხარის მთაწმინდას და ოპერის ბაღში მთელი ღამე მღერის ტკბილი  
ვანო სარაჯიშვილი.

ახლა ბევრია ტფილისში მალაზიები, საწუგბაროები, კოოპერატივები,  
რესტორანები უცნაური, ჯერ გაუგონარ წარწერებით.

ერთი სანუგბარო ბატონ ჰენეს ეკუთვნის.

ერთ აღდგომა ღამეს ამ სანუგბაროდან გაიპარა პასკის შაქრის ვერძი, ჰელლეს ვერძით აცურდა ცაში და მხარეულის თეთრ ხალათში შემოსილი საწყალი ჰენე დიდხან ჰყვიროდა, მაგრამ ვერძი გაფრინდა, ხელსა და ხელს შუა გაჰქრა იგი.

და ასე ღამით გამოფორთხდებიან: სიბნელე, ღამებში, შეეზრევი, მილიკა ციონერები და იცავენ ტფილისს ყოველისაგან ავისა.

და, როცა კახეთის მხრით მზე ცას კახური ღვინოსავით შეღებავს, ტფილისის გრენადერთა მე-15-ე პოლკის ღრუბლის წვერებიანი გრენადერი დაუქრავს 1826—1829 წ. წ. დასავლეთ კავკასიის დაპყრობისათვის უმაღლეს განკარგულებით ბოძებულ ვერცხლის სასიგნალო საყვირზე დილის საარს და ფორსიან მარშით გადაჰყვება ხელწასულ მთვარეს მთების გადაღმა.

ასე იწყება დღე საქმიანი...

## თავი პირველი

### ტფილ სის დღეები

ყოველ ცისმარე დღე გაზაფხულის მზე ამოდის კალოსავით, ბრუნავდა სპილენძის კეერი, ხვატი ბულრაობდა და აყრიდა ტფილისს თავარა სიცხეს ქოქოლასავით.

სდულდა ასფალტის ტროტუარები, ჰხურდა თუნუქის სახურავები და ეკლესიის თეთრი გუმბათები თეთრად ფიცხდებოდნენ ციდან გადმოღვრილ მზეზე.

— ნა-ა-ვთი-ი!... Ke-e-rossi-ia!..

— მაწონი!.. მაწონი!..

— აი, წიწმატი, ბოლოკი, ოხრაბუში, სტაფილო მოვიდა-ა!...— ისმოდა სიცხით დათენთილი ხმა გვალვის ზუზუნში და კვდებოდა სადღაც მივარდნილ უბნების შესახვევებში და ქუჩაბანდებში.

თვალე მკუთხული ბელურები ჩამოხუთულ ხეებზე მოფუყულიყვნენ და სულს ძლივს იბრუნებდნენ.

სადღაც მთავარ ქუჩაზე ცარიელი ჯაგვა ხრიგინებდა და ვატმანი რეკდა ტრამვაის ზარას.

ფუნიკულორი გამხდარ ვირის ზურგივით ამართულიყო და ორი თეთრი ფაიფურის ეკლესია ეკიდა ძვირუფას ხურჯინივით.

რატუშის საათი რეკდა მალალ შუადღეს:

— ნაუ!.. ნაუ!.. ნაუ!.. (თორმეტჯერ).

სიცხე ირეოდა ჩახუთულ ეზოებში და იგი: საწვიმარ მილში მომწყვდეული, ვერ ეტეოდა და გაეციენებელი და ბრაზიანი ზუზუნებდა სკასავით, მერე ვახელებული დააცხრებოდა ძაღლებს, კატებს და არწყვდა ტვინში ლოშქრსა და ცოფიან ლორწოს.

ასე ბორგავდა მთელი დღე გვალვა ქალაქში და, როცა მზე გადიხრებოდა დასავლეთიდან შემოჰქრავდა ბუდეზე ავარდნილი ქარი, ჰაერი აირეოდა, წა-

მოვიდოდა ცაში მძიმე მწვირიანი ღრუბლები ელვით, ქუხილით, უეცრად მოსკდებოდა ცა და კოკისპირულ წვიმას დაუშვებდა.

ბავშვები მხიარულ ეჩვილით გარბოდნენ სახლებში და ძველ შაბაქიან აივნებიდან დასცქეროდნენ დიდრონი თვალებითა და დაღვრემილი სახეებით როგორ რეცხდა ეზოს ნიაღვარი, როგორ ივსებოდა ხრიალით საწვიმარებ ქვეშ სარეცხისათვის შედგმული გეჯები და როგორ მიჰქონდა ტომარა მოხურულ იეზიდის ქალს წვიმის წყლით სავსე ვედრო.

იდგენ ისინი (ბავშვები, ბავშვები!...) მოაჯირზე ჩამოდებულ ნიკაპებით და ოცნებობდნენ იმ ოქროს თევზზე, წვიმას რომ უნდა ჩამოჰყოლოდა ციდან, მაგრამ ოქროს თევზი არ ვარდებოდა.

წვიმა სპილენძის შაურიანებით მძიმედ ეცემოდა გახურებულ ტროტუარებზე და მოღუნული სახლები ღიღინებდნენ საწვიმარებით წვიმის უცნაურ სიმღერას.

მოქალაქენი თავს აფარებდნენ ალაყაფებს და ქუჩაზე გადმოკიდებულ აივნებს.

მამადავითიდან თქეში მოაგდებდა ჩამოხვეტილ ლორღს, ხრეშს, ეზოებიდან გამოტაცებულ ნაგავს, ქუჩები ილეკებოდა მოვარდნილ ნიაღვარით და მოძრაობა წყდებოდა.

საცოდავად იდგენ წვიმის ქვეშ მოფუყული ტრამვაის რონოდები, ავტოები, ეტლები. გახურებულ ტროტუარებზე ორთქლი აღიოდა ისე, როგორც წვიმის ქვეშ დარჩენილ ცხენის ზურგებზე, ჰაერი მძიმდებოდა მიწის სუნით და ალაყაფებში ყაყანობდნენ შეხიზნული პოეტები, საბჭოთა მოსამსახურეები, მეკურტნეები, მეხილეები და პაპიროსით მოვაჭრე ჩამოკონკილი თამბაქოს ტრესტის შიკები.

ზოგი იდგა ისე, ხმის ამოუღებლად და დაღვრემილ სახით მოუთმენლად გასცქეროდა ჯერ ნიაღვრისაგან წალეკილ ქუჩებს და მერე ტყვიისფერ მძიმე ღრუბლებით გადაგრაგნილ ცას.

იწვიმებდა ასე მხიარულად ეს გაზაფხულის დღე საწვიმარებში აღურტულით, ქუჩებში ტლაშუნით ერთს ან ორ საათს და მერე უეცრად სადმე ერთ ადგილას გაიხეოდა შუაზე შავი ღრუბელი და ამ ნახევში გამოიხედავდა გახარებული და გარეცხილი ლურჯი ცა.

ქალაქში აგრილდებოდა და ქუჩებში იყო ხალისი და სიხარული.

საზაფხულო ბაღებში მთელი ღამე გრიალებდა ლითონის სამხედრო ორკესტრი და საზაფხულო კინოებიდან ისმოდა ფოქსტროტის ნაწყვეტი და მერე... ტანგეიზერის უვერტიურა.

რუსთველის პროსპექტზე სეირნობდნენ საბჭოთა ქალიშვილები და ელაპარაკებოდნენ რეგისტრატორებს, საქმის მწარმოებლებს, სტატისტიკოსებს, ადგილკომებსა და კურსანტების სკოლიდან ახალ გამოშვებულ უფროსთა შემადგენლობას რუსეთის ეკონომიურ მდგომარეობაზე, ტროცკიზმზე, დემოგრაფიაზე, პიერ ბენუას „ატლანტიდაზე“, ბალისტიკაზე, დუგლას ფერბენკსზე და ჩარლი ჩეპლინზე.

ერთი მათგანი პარიზიდან ჩამოსულ ემიგრანტ მუშას მერი შერვაშიძის ამბავს ეკითხებოდა და ძლიერ სწუხდა, რომ ასეთი დიდებული და ულამაზესი ქალი მთელ ქვეყანაზე პაკენტან მოდელად მსახურებდა და რემინგტონზე მუშაობდა. საგან ინდიგოსფრად შეღებილ თითებით თმის სარკს ისინჯავდა (დამხრახსნი ექნა, რომ დაკარგულიყო! სარკის დაკარგვა თაყვანისმცემლის დაკარგვას უდრიდა და, იქნებ, ამასაც, ახლა რომ ელაპარაკებოდა).

ოდევკოლონისა და ლორიგანის პუდრის სუნი უერთდებოდა აკაციისა და ცაცხვის სურნელებას და ჰაერი ბრუვდებოდა.

მიყრუებულ ქუჩებში ჩაღვრილ კამფეტით მოტკბილულ სანტიმენტალურ ბინდებში სეირნობდენ შეყვარებულნი გალურსულნი ხმის ამოუღებლად და თეთრი ფეშტამალ აფარებული მეფხოვე უცქეროდა მათ მნიშვნელოვანად და კიდევ უფრო მნიშვნელოვანად ახველებდა.

სადღაც ისმოდა გარმონის ხმა ღვილიც ხოშზე მოსულ მალაკნის ყრუ ჭყვილი.

ისე, იყო: მყუდროება, სიყვარული, მოწყენილობა და მოწყენილობაში ამართული მილიციონერის წითელი ტარი.

მთელი დღის განმავლობაში ჩამონალვარი სიცხე ოთახებში შეიმწყვდებოდა და იდგა გახურებულ შპალერისა და ბალღინჯოების ბუღი.

გულშეღონებული მოქალაქენი ალებდენ კარებს, იდგენ ორკოლ ნიაფში, სულს იბრუნებდენ და ოცნებობდენ ბაკურიანისა და აბასთუმნის სიგრილეზე და სურნელოვან ზინთიან ნაძვებზე.

ეს შპალერი, ეს სიცხე და ეს კოშმარით მოფუყული კომოდი გულს აღონებდა და მიიჩქაროდენ ისინი ფუნქულორზე: იქ სიგრილე იყო, ლალიძის ხილველი წყლები, ნაყინი და სიამოვნება.

## თავი მეორე

### ნარგისის თვალები

მე ვცხოვრობ მტკვრის ჰირას ბნელ, ნოტიო სარდაფში.

ცალი კედელი მტკვარს გადასცქერის და ჩემი ოთახიდან პატარა რიკულებიანი აივანი არის მტკვარზე გადაკიდებული. ასე რომ, როცა მე აივანზე გავდივარ, ვხედავ მტკვრის ბინძურ ნაპირებს და წყალში ჩაღმულ თევზის საჭერ ბადეებს.

სინათლე მხოლოდ ამ მხარიდან შემოდის, მზე იშვიათად აღგება და მე სული მეხუთება ამ ზანდუკივით ბნელ და ნოტიო ოთახში.

ფეხები მუდამ ცივი მაქვს და ჩემი დიასახლისი გახურებულ აგურს რომ არ მაძლევდეს, არ ვიცი რა დამემართებოდა. გულს ვერაფერს უდებ და ოთახში ვერ ვიციდი.

ამიტომ ვარ მე ხშირად ქუჩაში და ჩემი ნაცნობები მეძახიან მე მაწანწაღას და დედის იმედების გამაცრუებელს.



მაგრამ, მიუხედავად ამისა, ხანდახან მაინც დგება დრო, როცა მე რამდენიმე ხნით ვიკეტები ოთახში, გარეთ არ გამოვდივარ, გულს ცეცხლი მედება და სულაწრიალებული დავრბივარ ოთახში, მერე გახურებული მუხლები წელში ოთხად მოღუნული ვჯდები ჩემ საწერ მაგიდასთან და ვწერ „მეგობრებო“. ხან ვტირი, ხან ვიცინი, ზოგიერთ საყვარელ სიტყვებს ვიძახი ხმამაღლა, ყურს უგდებ მათ ხმაურს, მიხარია და ერთ თვეში ვაკეთებ იმდენს, რაც ერთი წლის განმავლობაში უნდა გამეკეთებინა, მერე დგება ისევ აუტანელი სიცარიელე, ყველა აზრები მიმატოვებენ და ჩემი გონება მაშინ ემსგავსება დარბეულ ციხე-ქალაქს, ყველა სასწაულთმოქმედი სიტყვები გამწირავენ და მე არ ვიცი სად წავიდე, რით უშველო თავს და ხშირად არის ღამეები, როცა თვითმკვლელები ამოფორთხდებიან მტკვრის ნაპირებიდან, დალორწილნი, ლაინისფერი მოადგებიან ოთახის სარკმელს და თვალ დაკაკლულნი გალურჯებულ ფრჩხილებით ჰფხოქნიან მინებს.

ახლა მე უცნაურ გუნებაზე ვარ.

მე რომანი მინდა დავწერო ჩემ სიყვარულზე. ეს არ იქნება ის, რასაც ასე მიაჩვიეს ხალხი იაფფასიანმა და დიდტირაქიანმა მწერლებმა.

ახლა გაზაფხულია და ადრე ჩამოცხა.

გარეთ ჰაერი სდულს და ტანში უცნაურ მოღლილობას ვგრძნობ. ალბათ, სამეგრელოს ციება კიდევ მიდგას სისხლში და ყურები მიშხუის. ლოგინზე მიწოლილს წელში გაწყვეტილ გველივით მეზარება ადგომა.

სიცხით მოთენთილი ვკითხულობ „ქილილა და დამანას“.

და ახლა მე, ამ უშველებელ მოსაწყენ წიგნს რომ ვკითხულობ, მანანას, ალბათ, აწუხებს სიცხე და ვარდისფერ შილით კოფტით გამოდის აივანზე სულის მოსაბრუნებლად.

ის მოხდენილია, შავგვრემანი, ეშხიანი და თვალები... მანანას აქვს ორი სულ უბრალო ნამიანი თვალი. ის არც გიშერივით არის, არც ფირუზივით, სულ მთლად უბრალო და სრულიად ჩვეულებრივი არის ეს თვალები... და... რა ვიცი მე რა!.. მე მინდა ავწერო ეს თვალები, ახლა რომ ამ ქალაქიდან შემომცქერიან, მაგრამ ვხედავ რომ არაფერი უჩვეულო ამ თვალებში არ არის ისეთი, რისი აწერაც შეიძლებოდა და ვბრაზობ: მაშ რატომ მომწონს ასე, რათ მინდა რომ მის ფინჯნებში ჩამდგარი ცრემლი დავაშრო კოცნით!

პაპიროსს სულმოუთქმელად ვეწევი და ბოლში ვარ გახვეული.

ნისლი ფიქრია მთებისა, — ამბობს ვაჟა, ალბათ, ეს ბოლიც ჩემი ფიქრებია, ასე რომ ირევა ჩემს ირგვლივ და მაბრუებს.

ბოლი იზმორება და ლიბრ ბოლში დამცქერის მე მისი ატმისფერი სახე და თვალები.

და ეს ორი თვალი იცქირება ისე უბრალოდ, როგორც ყველა თვალები ამ ქვეყანაზე.

ის ცხრამეტი წლისაა, მკლავები წყაროსავით გრილი აქვს ღ, როცა მკლავში ხელს ვკიდებ, რომ ქუჩის ერთი მხრიდან მეორეზე გადავიყვანო, ტანში ჟრუან-

ტელი მივლის, ენა მებმება, სუნთქვა მიჭირს და მე ვიცი, მე ~~კარგად ვიცი,~~  
რომ ის ჰგონობს ჩემ ჟრეოლას, წითლდება და შემკრთალი ხმით ~~მეკითხება~~

— რად სუნთქავთ ასე მძიმედ, დაილაღეთ?..

მე რაღაც ღმერთი მიწყურება ამ სიტყვებზე, ვბრაზობ ჩემ ~~სახესზე~~ (მწყურებ  
კლასელი გიმნაზიელი ხომ არა ვარ!) და მთლად აღეწილი ვბუტბუტობ უაზროდ  
რაღაც ამგვარს:

— არაფერია, არაფერი... ისე... გული მაქვს სუსტი...

მან კარგად იცის რომ გული არაფერ შუაშია, მაგრამ კმაყოფილია ამ პა-  
სუხით და მერე ჩუმად არის.

ასეთ სიტყვების შემდეგ საჭიროა სიტყვის ბანზე აგდება დამის გართობა,  
მაგრამ რომ არაფერი შემიძლია! თავში აზრის ნატამალი არ გამაჩნია და ისევ  
სიჩუმეს ვარჩევ.

მივდივართ ნელა.

მე უცქერ მის დაბრილ კისერს. კისერი: შავგვრემანი და ატმის ბუსუსიანი.  
მინდა დავეკონო, მაგრამ თავს ვიკავებ.

როცა ის მიდის, მე მიყვარს მისი გვერდიდან ცქერა.

ის მიდის ქვექვევით, მენჯი განიერი, ფეხები მომსხო ღეს ფეხები უცნაურად  
მოხდენილი... წვივი კოჭიდან ისე არის მოხვეული ქალურ სილბილით რომ,  
როცა ვხედავ, სუნთქვა მიმძიმს. კაბა ეტმასნება მის ტანს და მე არ ვიცი რა  
ვქნა, თვალთ მიბნელებდა.

ასე ვფიქრობ მე მანანაზე და ეს უბედური დიდტანიანი წიგნი უცნაურად  
ყბედ პერსონაჟებით, ქვეყნის არაკები რომ იციან, ასვენია მძიმედ ჩემ მუცელზე.

უეცრად მაგონდება რომ მე რომანის საწერად ვემზადები, გული მომდის,  
რომ ასეთი ზარმაცი ვარ და ეს წიგნი ამდენი ხანია ვერ წამიკითხავს. გაბრაზე-  
ბულმა პაპიროსი მოვიქნიე და იატაკზე დავარტყი. — პაპიროსს ანთებულთ თამბა-  
ქო წასძვრა და ბოლვა დაიწყო.

წამოვდექი, ფეხი დავაჭირე, — ჩავაქრე.

დავდივარ ოფახში წინ და უკან.

ჩემი ოთახის სიგრძე ათი ნაბიჯია, განით რვანახევარი.

დავდივარ ჯიბეში ხელებ ჩაწყობილი ამ ოთხმოცდახუთ კვადრატთან  
ოთახში (ქირას ამ ანგარიშით მახდევინებენ) და ვფიქრობ მანანას თვალებზე.

დავცქერი იატაკს და მის კვადრატებში ირწევა თვალები, მანანას ნა-  
მიანი თვალები და მე მაგონდება ლექსი, ბაყალი გეო რომ მღერის ხოლმე:

— ბეგუ, დუხტერ, ქი ბაბე ტუი გედაი,

დუ ჩეშმე ნარგისი ქარი ქუჯაი?..

— ჩი ქარ დარი, ქი ბაბე მენე გედაი,

დუ ჩეშმე ნარგისი დადი ხუდაი.

(— მითხარ, გოგონავ, მამაშენი რომ ეგრე ღარიბია,

— ეს შენი ორი ნარგისის ძვირფასი თვალები სადაური საქმეა?..

— რა შენი საქმეა, მამაჩემი რომ ეგრე ღარიბია,

ეს ორი ნარგისის თვალი ალლაპის ნაჩუქარია!..)

როცა მისი თვალები იცქირებიან... არაფერი არ ხდება ქვეყანაზე. ან რა უნდა მოხდეს? თვალი თვალია! ყველაფერი ისევ ისე არის, არაფერიც არა, მაგრამ მაინც რომ ხდება რაღაც?.. ალბათ, მე ვიცვლები.

მისი თვალების დანახვაზე მე მაგონდება: ყაფია, პაფიზის კაზალები, ჯელაღდდინ რუმიჯ ჰყეფს მის თვალებში და სადღაც დნება შექერივით შირაზის ზარხოშიანი ბაიათი.

ეს თვალები სარკმელია მანანას სულის და მე კარგად ვიცი: შიგ რომ ჩამახედა დაეინახავდი დიდ ცოდვას და ნახევარ ქვეყნიერებას.

— რა დროს თვალებია?..— ვბრაზობ ისევ და დავდივარ ოთახში.

თავი მიხურს, ყურებში უცნაური რეკაა.

შუბლზე ხელი გადავისვი, ისევ წამოვწექი და განვაგრძობ კითხვას ამ გაუთავებელ გრძელ არაკებისას, მაგრამ თავში მაინც არაფერი შედის, მოთმინება მეკარგება და მეზნევა გულისყური.

მანანას თვალები მიწყვია უბეში და არ მასვენებენ.

ბრძენი ტურები ქილილა და დამანა სხედან მის წამწამთა ჩეროში და აქვთ დაუცხრომელი პაექრობა: რომელი სჯობია ამ ორ თვალში.

ოჰ, როგორ ცხელა!

მანანა ახლა იხუთება, ალბათ, თავის ოთახში და დგას აივანზე სულის მოსათქმელად

მოაჯირზე დაყრდნობილი დასცქერის იგი ბაყალ გეოს ხილის დუქანს და ფიქრობს... არ ვიცი ვისზე, იქნებ, დაპატიმრებულ მამაზე!..

გეოს არ ასვენებს მისი სიყვარული, იცვამს შავ ჩოხას და ყარაჩოხულ ნაოჭიან მაღალ ჩექმას. აბაზიან გაცვეთილ სარკეში ხალს იგრებს, მუცელზე ცხრაგირვანქიან ვერცხლის სამარხ ქამრის ზღმარტლივით ბალთას ისწორებს და გამოდის გარეთ.

დადის დუქნის წინ თავმომწონედ, პინით შუბლშეღებულ ყოჩს ეალერსება და მერე თვითონაც ყოჩივით გაჩერდება. უღვაშებზე ხელს ისვამს და ქურდულად შესცქერის აივანზე გადმომდგარ მანანას, რომ კაბის ქვეშ ფეხები წვივებამდე დაინახოს.

— აბა, ბიჭო, ყოჩაღად იყავი, აი!.. საცაა სამსახური გათავდება და მუშტარი მოაძალებს!..— გადასძახებს ბიჭს რატომღაც ხმამაღლა, რომ მანანამ გაიგონოს.

— მითხარ, გოგონავ, მამაშენი რომ ეგრე ლარიბია, ეს შენი ორი ძვირფასი ნარგისის თვალი სადაური საქმეა?..

— რა ვიცი მე, სადაური საქმეა!..— ვბრაზობ და დავრბივარ ოთახში ტუსალივით.

## თავი მესამე

მანანა



ახლა ღამეა.

ქალაქს სძინავს.

მაუდის ცაზე ჰკიდია მთვარე-მინანქარი.

მე ვწევარ, — არ მეძინება.

გადაწეულ რიდევებში გატეხილი მთვარე მათოვს შაქარს.

ნაცნობ პროსტიტუტის გრძელი, მწუხარე მონოლოგი არ შორდება ჩემ ვონებას.

ის ავადმყოფი იყო, ასლიოდა ტრიმიტალამინის, იოდოფორმისა და იაფ-ფასიან ოდეკოლონის სუნნი. მას თოთხმეტი წლის შვილი ჰყავს, ასწავლის გერმანელების ლიცეიში და იშვიათად ნახულობს. ეშინია ბავში არ მიხვდეს მის პროფესიას და არ დაიჩაგროს. ყოველ შაბათობით უგზავნის პანსიონში საჩუქრებს და ჰხარობს, რომ მის ბინძურ ცხოვრებაში არის სინათლე, მის გულს ასე რომ ათბობს.

შემოვა იგი ჩემთან, ოთახში, ლოგინზე ჩამოჯდება ათასჯერ მომიყვება ამბავს, როგორ დაჰკარგა უმანკოება, როგორ დაადგა ამ გზას, როგორ ჰშურს პატიოსან ქალებს მყუდრო ცხოვრება და მე არ ვიცი რა ურჩიო.

ქუჩაში ახლა დადის საეჭვო ხალხი: იმიტომ რომ ღამეა.

მე უცქერ ფანჯარას: ელექტროს მავთულზე ზის მთვარის სხივი და ბავშივით იცინის.

ოთახი ჩემი ექვსკუთხედიან და ფანჯარაში ჰამაკივით ჰკიდია მტკვარი.

ღუღუნებს მტკვარი.

კოჭლი პოეტის ფიქრები ნისლივით ადგას მტკვარს და ამძიმებს ღამის ზისოვლეს. სივრცეებში მესმის გაფრენილ მერანის ფლოქების თქარუნი და თმა-ვაშლილ პოეტის ექსტატიური ყიჟინა.

მკერდზე ხელი მივიჭირე და ყური მიუგდე: ჩემი გული სცემს უცნაურად, თავი მტკივა და ხანდახან მგონია, რომ თავი მიხმება.

ვიკიდებ ხელს: არაფერს ვგრძნობ, თითქოს აგური მებას კისერზე. მინდა ვიკივლო, რომ თავი გამიხმა, მაგრამ ტვინში უეცრად შემოვა ციციანათელასავით აცახცახებული წმიდა ცეცილია და უცნაურად გამეცინება.

ეს, ალბათ, იმიტომ, რომ ჩემს ირგვლივ ცხოვრობენ: პროსტიტუტები, ქურდები, სპეკულიანტები, ებრაელები, სტუდენტები, დალალეები და ვინ იცის კიდევ რა ხალხი არ ცხოვრობს აქ და ოთახში შემოდის იოდოფორმის სუნნი, ტვინი მძიმდება ასეთ ჰაერში და ფიქრები მახინჯ ბავშივით იბადებიან.

დერეფანში ბნელა და დერეფანში დგას აბანოს ჭრის, თავგებისა და საპნიან დამპალ წყლის სუნნი.

დერეფანში დევს აგური: ბინძური, გახეხილი და ეს აგური არ სცილდება ჩემ ფიქრებს (იქნებ სწორედ ეს აგური მიხმობს თავს!) აგურ ქვეშ მე ოთახის კასალებს ვინახავ, მეზარება მისი ტარება, ფეხები ზამთარ-ზაფხულ ცივი მაქვს

და, როცა ფეხები მთლად გამიშეშდება, დიასახლისი გახურებულ აგურით მითბობს ფეხებს.

უცნაური ქალია ჩემი დიასახლისი.

აგურს სომხის გოგოს სირანუშას გაახურებინებს და ეს ჩოფურა ყრუ-მუნჯი და თვალეზ დაკუსული მოსამსახურე გოგო განსაკუთრებულ მზრუნველობით მისრესს ფეხებს და მე არ ვიცი რა ვქნა, როგორ დავაღწიო თავი მის ქურდულ ალერსს.

შენ, — ჩემი სიყვარული, შენ, — სიზმარი!.. —

შენ გძინავს შენ ძველებური სურაიან ქართულ აივანზე ამ სიცხეში და მთვარე პერანგის აშივებიან უბეში გაყრის შაქარს ტკბილს და მიღულულ თვალეზში გაშხეფებს ახალგაზდა დედის რძესავით ჩჩვილ სხივებს.

— მთვარევ, ნუ აყრი შაქარსა,  
შენ ვერ იშოვი მაგ ქალსა!.. —

მინდა შეეძახო მთვარეს, მაგრამ მე თვითონვე მაკვირვებს ჩემი თავი, რათ დაიბადა ასე უცნაური და ეჩუმდები.

მე გამოვხვიე ჩემი გული ჰიგროსკოპიულ ბამბაში და მოგაბარე ავადმყოფი შესანახავად.

ასე დავრჩი მე გლახაკი და საცოდავი გულგაღადრული.

აღზევანს წავიდენ მარილზე, მარილი მოიტანეს ბროლის და დამაყარეს გახსნილ ქრილობაზე. მეტკინა ხორცი და შემოგხედე შენ დაქრილ ირმა ხარის საწყალ თვალეზით.

შენ იყავ მწუხარე:

— შენი თვალეზი: ნარგისი!.. შენი წარბები: ყორნის ფრთა!.. —

რა გაახარებს შენ გულს!..

აი ინებე ჩემი თავი და შავკანიანი ბნელი ფიქრები (რა ვქნა, სხვა რომ არაფერი გამაჩნია), აქამდის მაიმუნები ისხდენ თხილის ნაჭუჭებში და პლეკდენ შპალერს, ახლა ისინი ავზნიან ფოქსტროტით შემოესივნენ ქალაქს და ისმის ტამ-ტამის დაფი.

შავკანიანი კანკანი ბნელდასავით დააწვა მთვარით ალოკილ პროსპექტებს და რესტორანებიდან ისმის ჭიქების მსხვრევა და კახპების კივილი.

მე მეჩვენება ქვეყნის გარდაქმნა: ჩემს ქალღმერთ მოდგმას მოსდევს ბნელი უტიღური მონღოლური ირიბ თვალეზით.

მამაშენი დაპატიმრებულია კონტრრევოლუციისათვის, მეტეხში ზის და შენ ყოველდღე სადილი დაგაქვს საპატიმროში.

შენ გეშინია და ყოველ ორშაბათს დადიხარ დიდუბის ეკლესიაში.

ლოცულობ სასოებით და კენჭს კედელზე აკრავ.

შენ ხარ ახალგაზდა და შენი პატარა მკერდი ჯერ კარგად არც დამწიფებულა.

შენ გაცვია ღებერთირების ბაზარში ნაყიდი ამერიკული ტანსაცმელი, დეკორატიული სიგრძეზეა ჩაჭრილი და მკერდზე პერანგის მაღალი რიდე გაქვს აფარებული, იმიტომ რომ ხარ შავგვრემანი, მორცხვი და ამას გარდა მკერდს ატყობივით გაქვს ბუსუსიანი და შენ გრცხვენია ამისი.

ალბათ, როცა ხანში შეხვალ, მკერდი ბალნით შეგემოსება, მაგ ნარგისის თვალებს შეაშრება მაღლი და ნამი, და ახლა რომ ასე ნაზი და მიმზიდველი ხარ, მაშინ იქნები: ცოლი, დედა, დიასახლისი, მზარეული, კაპასი და ძროხა.

არ იკითხავ მერე ფრანგულ და ინგლისურ მსუბუქ რომანებს.

ყველაფერი დაგაფიწყდება და მუდამ ქმრის თვალეში შემყურე იქნები.

არც როიალს გაეკარები და ასე, შენი დიდი გვარის დიდი მოდგმა გადაშენდება შენში.

შენ წმინდა ხარ და ჩამორჩენილი.

არაფერი ახალი არ მოგწონს, გეშინია.

მე მიყვარს შენი ნარგისის ნამიანი თვალეები, შენი ყორნისფრთა წარბები.

შენ ხარ დაბალი და ძვალმსხვილი.

მე ვნახე ერთხელ ახალგაზდა ძროხა, ის იყო გათქვირული, რძიანი და წმინდა.

მას ადამიანებმა წაართვეს ხბო და გაჰყიდეს დასაკლავად.

ზმუოდა ძროხა გამგმირავად:

— ბეე!..

ხბოო!..

ბეეე!..

ბაა!..

ხბოო!..

მე შემეცოდა დედა.

აკანკალებული მიველ მასთან და უთხარ შემდეგი:

— ჩემო ძროხავ, შენ, თარაქამას, წაგართვეს ხბო და გწველიან. შენ არ შეგიძლია არც ლაპარაკი და არც ჩივილი, იმიტომ რომ არა გაქვს ენა. შენ პირუტყვი ხარ და მე მეტყველი?...—ეგ, ჩემო ლაბავ, ნუ შეგშურდება... რა ვქნა, მეც შენსავით ვარ, მე გამომწველეს და ახლა რძეგამშრალი ვხში:

— ოხერა, მოხრა!..

არა ხორბი

უხარია!..

ტანჯვამ დამლალა მე და სიტყვებმა დაჰკარგეს აზრი და მნიშვნელობა. მე მინდა ახლა ვიზმუვლო ხარივით. აქ მენდე, ლაბავ!.. მოდი, ძროხავ, ვიცხოვროთ ერთად!.. ერთგულად ვწიოთ კაპანი ჩვენი და უსიხარულო ზმუილით დავლიოთ დღენი. შენ არ იცი: სარდანაპალი პირუტყვად გადიქცა, წმიდა ქრისტეფორე ძალღივით ჰყევს და მე ხარი ვიქნები. ასე ვივლით მე და შენ ერთად: მე შენი ქმარი და შენ ჩემი ცოლი.

მაგრამ ძროხა დგას თავისთვის, ალბათ, არ ესმის ჩემი სიტყვები, კუდით ბუზს იგერიებს და დაღვრემილს თვალთაგან ცრემლი ჩამოსდის.

პირუტყვის ცრემლი მდულარესავეით გადაესხა ჩემ გულს და მე ვიგრძენ უცნაური სიტყვების ხმაური:

— ძროხა,  
სახრე,  
ძახრი,—  
უხმო ენას ყელში გაყრილს,  
ძროხას დარდით წელში გახრილს,  
არხი—ხორხი ჭვალეებს დაყრის!..

ათრთოლებულმა შუბლზე ხელი გადავისვი, მარცხენა ხელი გულზე მივიჭირე, ძროხის წინაშე მუხლთ მოვიყარე და მივმართე მუდარით:

— მოოხრი,  
მოოხი, მოოხი,—  
მოშებმარე!..  
ხარი,  
ხობა,  
ყობა,  
ყვაბი.  
რა ვქნა, მითხარ, ძროხავ, როცა  
ტკივილს ბოღმა გამოყობა?..

აკანკალებულ ძროხას მუხლთ მოეკეცა, დაწვა ქალივით და ცალი რქით მიწას დაერკო. მიწამ იგრძნო ძროხის სითბო და იმანაც ძროხასავეთ ამოიფშვინა.

ეს ძროხა შენ ხარ, ახლა იქ, სარეცელში რომ გძინავს და ლირწი მთვარე შაქარს რომ გათოვს. შენ ხარ, იმიტომ რომ, შენ აჰყევ ვილაც ყბედსა და სულელ პოეტს, რომელსაც თავი ჰომიროსი ჰგონია, მაგრამ, რა ვქნა, მე მაინც მიყვარხარ და ვიქნები ასე.

მე მინდა რომ შენი სახელი იყოს ლაბა ან და ბეხია.

ვინ დაგარქვა შენ მანანა?..

ქალო, შენ რომ სატრფო გყავს, მე ხისას გავთლი მისთანას, მაგრამ რა ვქნა, რა შემიძლია მე, როცა შენ მაინც ის გირჩევნია ჩემ თავს!

შენ, ჩემო ლაბავ, შენ მიყვარხარ მე.

მე მინდა გითხრა მეცხრამეტე საუკუნის ლიტერატურიდან ამოღებული ქათინაური, მაგრამ არ მაგონდება.

მობრძანდი ჩემ სიყვარულში ისე, როგორც საკუთარ ოჯახში, და დაბრძანდი დედოფალივით: დაგხვდება ბუხარი ნაკვერცხლებით, ამოღებული ბოშურ რომანსების ბუტაფორიდან.

ჩემ თავში ფიქრები ჰგავს ახორხლილ სკამებს და ეს სკამები ჰგვანან ნა-

ზამთრ კალოშებივით გაცვეთილ უფერულ დღეებს, რომელნიც შევქაშე მე და, რომელთაც მე უნდა შემჭამონ.

მე შეველ სკამებში და დავაწყე რიგში.

უცნაურად იდგენ ორკესტრში პიუპიტრები, ინსტრუმენტები და ფეულაბსნილი ნოტები და გაროფილი შავი კოშმარული როიალი.

ლამურასავით უხმოდ აფართქალდა პიუპიტრზე დირიჟორი და წავიდა ცაში გულგათეთრებული.

როიალმა პირი დააბჩინა და დაქრილი გორილლასავით იწყო ბლავილი. მე შემეშინდა და დაღრჭენილ გოტენტოტივით გადავებოტე პიუპიტრებზე, ჩავიდე როიალი ჯიბეში და დავალრჩე მისი ბლავილი.

ასე გამოველ მე როიალიდან და ავადმყოფ მამაკაცისვით შემომტირა ეილონჩელმა. როიალზე ძვირფას ქვებივით ეწყო შენი ნარგისის თვალები და უბეში ჩავიწყვე.

მეტკინა გული და რიტომლაც ორივემ შევხედეთ ცას გადმოსროლილს.

გვადგია ცა ძახთაპირი და ძახთაპირი აყეფდება ცაში ყმუილით.

ვარსკვლავები მოსწყდენ ზეცას და დაცვივდენ ძირს ჟინელილებივით.

შენ ფეხშიშველი გაიარე ვარსკვლავებში და ეკლიანმა ვარსკვლავებმა დაგწვეს ფეხები.

სკამზე დაჯექ და ფეხები აიკეცე.

ციდან დაეშვა კურო ტკბილი, დაატკბო ყველაფერი, დავტკბით ჩვენც.

მე ვიყოფ უბეში ხელს და გაჭმევ შაქრიყინულს.

ცაში ძალღმა შოიგო შავი გოშია, ღამემ გაიტაცა ლეკვი წკმუტუნით და მთის ნაპრალებში შემყუდრულმა შესქამა იგი.

ვარსკვლავები კიაფობენ და ვარსკვლავებით განათდა ჩვენი სიყვარული.

ასე დავრჩი ამ სინათლეში მთლად ტიტველი: გავიქეცი და დავიძალე კარტონის უკან. უბიდან შენი თვალები ამოვიღე და ვკოცნი მათ გრილსა და ნამიანს.

ციდან სთოვს მანანა და მე ვტირი კარტონის უკან დამალული.

იქნებ, ყოველივე ეს ფარსია ბებერ უცოლოებისათვის გამოცემულ ძველ ჟურნალიდან ამოღებული!?

მე შემრცხვა: ვიკბინე თითზე და წამოვიდა ალუბლის წვენი.

ქუჩებში მაშინ ეგდო ოცი გრადუსი ყინვა. შენ ქათიბში გახვეული ახველ შენს ოთახში და ფეხებმორთხმული, სიცივით აკანკალებული, შენს კატასთან ერთად, თვითონ კატასავით, ჩაჯექ სავარძელში.

ცეცხლი არა გაქვს, ღარიბი ხარ და გინთია ტიპ-ტოპ.

დაბალ ქერიან ოთახში ჰკიდია შენ წინაპართა ძველი პორტრეტები კრინოლინებში, მილიციის ოფიცრები ოქროს პაგონებითა და გალუნებით. კუთხეში დგას კბილჩაქმული ბნელი როიალი.

შენი ძმა პარიზშია, იგი გაიქცა აგვისტოს დღეებში და ახლა სან-სირში სწავლობს.

შენ ნათესავი ხარ ჩემი დიასახლისის და მასთან გავიცანი.





ქართული

გცივა და იფუთნები.  
ნეტამც არ დაგძინებოდა შენ სავარძელში!  
ახლა ყინვაა გარეთ და შეიძლება გაცივდე.  
უზარმაზარი მზე ამოვა მალე და გაათბობს ქუჩებს (ეს იყო ზამთარში).  
ახლა უზარმაზარი მზე უზარმაზარი ცხელ უკანალით ჩაჯდა პროსპექტებში და დადგა თაკარა სიციხეები.

ბაყალი გეო ოფლად იღვრება და უხარია:—ხილი შემოდის.  
ცაში ზმუის ხატი ძახთაპირი და მეფხოვეები იმალებიან ალაყაფებში.  
მე მოგაბარე გული ავადმყოფი გამოხვეული ჰიგროსკოპიულ ბამბაში შესანახავად.

შენ არ გაუფრთხილდი მას და გზაში დაჰკარგე.  
ქუჩაში ეპოვნათ კამოს სახელობის საბავშვო ბაღის ბავშვებს და მსუქან ლაბუა მტრედებივით ეთამაშებოდნენ.

რატომღაც არ მოეწონა ეს მონტესორის მეთოდის მიმდევარ ხნიერ მასწავლებელ ქალს, ჩამოართვა ბავშვებს გული და გადაადგო.

მე შემებრალა ჩემი გული, ზაჰესის მაღალ ბოძს მივეყუდე და ავტირდი.  
მე მიყვარს ბავშვები ყვავილებივით. მათი ფუნჩულა ლოყები და მსუქანი ხელები. ისინი ისე სუფთა არიან და მათ თვალეში არის განუსაზღვრელი ნდობა, გულუბრყვილობა და უბრალო ჭკუა.

ვარდისფერ კაბის ქვეშ შესაქცევად მოსჩანს ნიფხავის აშია და ისინი ჰგვანან მსუქან ბატის ჭუჭულებს.

ერთი ბავში მოვიდა ჩემთან და ცრემლით სავსე თვალეებით გული მომაწოდა.

ცალი თითი პირში მორცხვად ედო და ისე მიცქეროდა.

ვაკოცე ბავშვს და პირი შევიბრუნე.

შეველ თორწეში. ფეხშიშველი მეთორწე „ყარამანიანის“ მეცხრე კარს თითის დადებით კითხულობდა. მოვთხოვე წყალი და გული გადავყლაპე. გავმწარდი.

მინდა ყელში ვულკანი ჩავიდგა და ვიბლაველო:

— გულო, შავგულო, ბედკრულო მეთქი, მაგრამ ეს ახლა არ შეიძლება, როცა ყოველი საცოდავი ქარხანაც თავის საკუთარ ვეზუვის იხდის.

მინდა ავდგე და აივანზე გავიდე.

იქიდან მოსჩანს მტკვარი დაღვრილი ბარაქიანად, თითქოს წყაროდან მომავალ ღმერთს ხელიდან კოკა გაუვარდა, კოკა გატყდა წყაროზე და დაღვარა იგი.

მტკვრის გაღმა: ელექტროს ტრამვაის ცენტრალური სადგური, საგიჟე და მიხეილის საავადმყოფო.

იქ უკან (არ სჩანს): ფუნქულორი დგას უზარმაზარ ზურგგადაცვეთილ აქლემივით და ხუთბოლოიანი ვარსკვლავი ანათებს ტფილისს.

ელექტროს სადგური ქოშინობს და აღდგომის პასკასავით არის განათებუ-

ლი. საცაა ზაპესიც შემოვა მაღალ ფენებით და ყელზე დაკიდებული ლამნებით გაანთებს სახლებს.

ცაში ჰკიდია აღდგომის ვერძი, ჰენეს საკონდიტროში გაკეთებული მსუფთავების ვერძი წვეს და იცოხნის, თავის ამინდი ჰგონია.

(შაქარი ტკბილია. ნაწონი მკავეა. ციხე შიგნიდან გატყდება. თხა ვიყიდე, თხა გავყიდე, — სარგებელი ველარ ვნახე. მოდი ვნახოთ თხაო...)

კისერზე ვარდისფერი შაქრის ზონარი აქვს შემოკერილი და ოქროს ეფვანი წკრიალობს დაბუა ყელზე.

სადგურთან საგიჟე და სააუადმყოფო.

სააუადმყოფოში მე ოთხი თვე ვიწექი.

იქ ახველებენ ავადმყოფები და სიცოცხლის იმედებით იხოცებიან. იქ სახადია, ქლეტი, პლევრიტი. უზარმაზარი ბალღამიანი კუჭის კიბო მიფორთხავს თეთრ კედელზე და ბაცილებისაგან შეკმულ სიცოცხლეს თეთრ ხალათიანი ექიმები საათობით ინახავენ ქაფურითა და ფიზიოლოგიური ხსნადით.

ცაში გადმოშვებულა წყვილი აკარწახებული შიშველი მკლავი და ხელში ვარდისფერი ზონარით მუცელ ამოკრული შაქრის ვერძი უჭირავს.

ჰკიდია იგი მოწყვეტით ცოდვასავით ტკბილი დედაქალაქზე.

ხატი ძახთაპირი, წმ. ქრისტეფორე, შეჰყევს ვერძს და ლოკავს შაქრის ჯვარს, დარკობილს პასკის თავზე.

ჯვარზე ჩეპლინია გაკრული და იკრიკება შაქრად დამდნარი. — — —

## თავი მეოთხე

### შეხედულება და კიდევ რაღაცა

ფანჯარასთან მიველ, მტკვარი მოდიოდა ტალახისფერად.

შორს მოსჩანს ნაძალადევი, იქვე მთაზე უზარმაზარი კუზივით დგას წყლით სავსე რეზერვუარი. რამდენჯერ ავმძვრალვარ ბავშობისას მის სახურავზე და ჩამიხედია წყლის სიღრმეში!

ძილი გამიფრთხა.

მე ნაძალადევიში აღვიზარდე.

ჩვენ სახლში მოდიოდნენ რკინიგზის მუშები, სელის სკამებზე მოუხერხებლად ტლანქად ისხდნენ, იცქირებოდნენ ღია თვალებით და მაზუთში დასვრილ ნამუშევარ ხელებს პაკლით იწმენდდნენ.

თვალებადგზნებული ლაპარაკობდნენ საქმიანად, დინჯად კომუნაზე, თანასწორობაზე, ერთობაზე და მათ ლაპარაკში იყო რაღაც პირდაპირი, გადულახავი და ძლიერი.

მე აქ გავიგონე პირველად მარქსის სახელი და ამ სიტყვამ მაგრძნობინა სიტკბო და სითბო სიტყვებისა.

მანამდე მე ვიცოდი კიდევ ორი უცნაური სიტყვა: დედა და თათლი. სიტყვა თათლს მე ვკამფდი, ტკბილი იყო, დედა სხვა იყო, უფრო ტკბილი და განუყრელი. მერე მე გავიგონე სიტყვა ღმერთი, ის ამეჩუბებდა აბეზარად, ვერაფერი მოუხერხე და არ ვიცოდი რა მექნა. ის არ ეტყობოდა ჩემს გონებაში. მე ხელს ვკიდებდი ყველა სიტყვებს და ეს არ მემორჩილებოდა, გული მომივიდა და გადავაგდე.

მერე ხელახლა შევხვდი ამ სიტყვას გაჭირვებისას.

ახლა ყველა სიტყვები ჩემი კეთილი ნაცნობ-მეგობრები არიან. ზოგი ჩემი საყვარელია, ზოგი უცხო დედოფალი, ზოგი სიტყვა ჩემთან ერთად წვება ლოგინში, ნებიერი ბავშვით თავს მკლავზე დამადებს და წივილით მიმეძინება.

მე მიყვარს სიტყვები ისე, როგორც კრიჟანგს ოქრო და ფული.

როცა მე საბა-სულხან ორბელიანის ლექსიკონი დავკარგე, — ისე ვიყავ, თითქოს დედა მომიკვდა.

ხშირად მემართება ასე: როცა ქუჩაში მივდივარ, უეცრად რომელიმე სიტყვა დამინახავს, ამედევნება, საყვარელ ქალივით მომყვება გვერდით და იმეორებს თავის თავს უამრავ სახეებში, უამრავ ფერებში, თავს მაწონებს, მეაღერსება, რომ ხელი გამოვდო და სახლში ცოლად წავიყვანო.

ზოგი სიტყვა მაიმუნივით მანჭიაა, ზოგი ნიბლიასავით ყუჩი და ზოგი პროსტიტუტივით უსირცხვილო, კაპასი და მყვირალა.

ოო, მე ძლიერ მიყვარს სიტყვებთან ცხოვრება!

ახლა, როცა ყველამ მიმატოვა, მე მხოლოდ ისინი შემრჩენ...

ახალი უცნაური სიტყვები, მე რომ გავიცანი, იყო ტფილისი და მარქსი. პირველი შემოვიდა ჩემში და მე შეველი მასში. მეორე უცნაურ შთაბეჭდილებას ახდენდა ჩემზე. როცა მამაჩემის წიგნებში მარქსის სურათი ვნახე, მე ამხანაგებთან გიჟივით გავიქეცი, მოვნახე ლაღო ბუნტური, მანასე გოდაბერიძე და კიდევ ერთი ამხანაგი, რომელიც დურგლის შეგირდი იყო და სულ ახალგაზდა მოჰკლეს გალიციაში იმპერიალისტურ ომის დროს, სურათი მოწიწებით ავიღეთ, სახლის თავანზე ავიტანეთ და მუცელზე დაწოლილნი დიდხანს დავცქეროდით.

მერე მე გავიცანი ბევრი სიტყვები, ბევრი სახელები.

მაგალითად, მე მიყვარს სიტყვა ოფლი, ქორაფი და ვინ იცის კიდევ რამდენი სიტყვა მიყვარს მე!

როცა მე ვხედავ ნივთს, რომელიც ანათებს, ის დგას ცალკე, მაგრამ, როცა მე ვიტყვი:

— ლამაზა!.. — ეს ნივთი იღებს უცნაურ სახეს, ის რეალობა ხდება, მოდის ჩემთან, შემოდის ჩემ ინტიმობაში და მე მეშინია არ გატყდეს და ცეცხლი არ გამიჩნდეს.

მზის სისტემის გარდა არის მრავალი სისტემები, მაგრამ მე ისინი სრულიადაც არ მაფიქრებენ, მე კიანჭველაზე უფრო მეტს ვფიქრობ, ვიდრე მათზე, იმიტომ რომ მე არ ვიცი მათი სახელები, მიუხედავად იმისა რომ ისინი არსებობენ და გადაულახავი ფაქტები არიან.

ფაქტი მოჩვენებაა, მე მხოლოდ ხილვა მწამს და ჩემთვის ცხოვრება მხოლოდ შეხედვაა, მიდგომაა და სხვა არაფერი. ამისათვის საჭიროა ხედვის წერტილის მონახვა, მე ეს წერტილი ვერ მოვნახე და, ალბათ, იმიტომ, ~~რადგან~~ ჩემი გზები.

ვინ იცის, იქნებ, გიჟი უკეთ უცქერის ფაქტებს!

ეს არ ესმოდათ არც ბუნტურს და არც მანასე გოდაბერიძეს. არც მე მესმოდა ეს, მაგრამ ვგრძნობდი. ამიტომ ავცდი მე მათ მეგობრობას.

ისინი ყველაფერს უბრალოდ უცქეროდნენ.

ლადო ბუნტური ახლა ემიგრანტია პარიზში, მანასე გოდაბერიძე პროფ-მოძრაობის მოღვაწეა აქ, ტფილისში. — — — — —

### თავი მესამე

#### ფ ი ც ი

ეს იყო ცხრაას ხუთში.

მე მაშინ მოკლე შარვლით დავდიოდი. ვიყავ პატარა და ჩემი ოცნება იყო გრძელი ტოტებიანი შარვალი ჩამეცვა, ვყოფილიყავ მაღალი და წვერ-ულვაშით შემოსილი.

ყოველ დილა ლოგინს ვეტოლებოდი და ვნატრობდი იმ დროს, როცა მის სიგრძეს თავიდან ბოლომდე გავწვდებოდი, ვიქნებოდი დიდი და მეც მამაჩემით ქკვიანად, ნელა და ბოხი ხმით ვილაპარაკებდი.

მე ყაჩაღების მეთაური ვიყავი. ჩემი ამხანაგები იყვნენ ლადო ბუნტური და მანასე გოდაბერიძე (მე მაშინ მათი გვარი არ ვიცოდი, არ მჭიროდა და იმიტომ).

ჩვენ ტყეში უნდა გავვარდნილიყავით, მაგრამ თოფი არ გვქონდა, ვიცდიდით და, ცოტა არ იყოს, ღამე გარეთ გასვლისაც გვეშინოდა.

ჩვენ მღევებსა და ყაზახებს უნდა შევებოდით.

ეს იყო ცხრაას ხუთში, შუა ზამთარში, ზამთარში იდგა დიდი სამოვარი და იორთქლებოდა ოთახში.

და ცხრაასხუთმა ცხრა ძმა შეიწირა ზვარაკად.

მე და ჩემი ამხანაგები უცნაურად გაფითრებულნი შევევლით ნაძალადევის საეკლესიო-სამრევლო სკოლის ოთახში და ვნახეთ: ცხრა ახლად განბანილი ვაეკაცი თეთრ წინდებისა და პერანგის ამარა იწვა სკოლის პარტებზე ჩამწყრივებული ისე, თითქოს ეძინათ.

არ გვიტირია.

კრიჭა შევკარით და გარეთ გამოვევლით.

ვიცოდით: სისხლის ალება იყო საჭირო.

შევხედე ამხანაგებს და მივხვდი: შურს იძიებდნენ.

მერე ჩვენ გამოვევლით გარეთ და უცქეროდით როგორ თხრიდნენ ნაძალადევის პატარა გორაზე მუშები საერთო აკლდამას, — მამაჩემიც იქ იყო.

დახოცილთა შორის სიზმარივით მახსოვს ერთი სახელი, ის სინათლესავით შემოვიდა ჩემს გონებაში და კუბოში ჩამყვება, არ ვიცი რომელ მათგანს ერქვა, მკვდრები უცნაურად ემსგავსებიან ერმანეთს და მით უფრო უცნაურად: მინა კალაძე...—

ეს იყო ზამთარში. მაშინ თოვლი იყო და, როცა დედამ გარეთ გაიხედა, — მოედანი, სადაც ეკლესია შენდებოდა, სავსე იყო ხმალამოდებული ყაზახებით.

ვილაც სამუშაოზე მიმავალი ტრამვაის ლიანდაგის მწმენდავი მუშა შეიპყრეს, ლიანდაგის საწმენდი წვეტიანი ბარი წაართვეს და ჩვენ ბაღში ჩამოაგდეს. ბარი ისარივით შეერქო თოვლში რბილად და მე მომეჩვენა, თითქოს ტვინში ჩამესო იგი.

მას მერე დავდივარ მე ამ ისარივით წვეტიან ბარიტ ტვინში და ვერ ვიცილებ შავებში ჩაცმულ მოხუც დედაკაცის კივილს დათოვლილ მყუდროებაში და ცხენების ფრუტუნში რომ გაისმა მაშინ.

ცხენები იდგენ ქუჩებში, ფრუტუნობდენ და პერანგივით სუფთა თოვლზე პყრიდენ აორთქლილ ცხელ ჩონჩორიკს.

მე შემეშინდა, აკანკალებული მაგიდის ქვეშ შევძვერი და ტირილი დავიწყე. ვიცოდი, „იმათაც“ იგივე ბედი მოელოდა, როგორც რაჟდენ სტურუას, თოფის წმენდაში რომ ვეხმარებოდი.

დედა მაყვავებდა.

მამაჩემი დაიჭირეს და მალე მე და დედაჩემი ვიდექით სირაჯხანის ქუჩაზე და ხელს უქნევდით მეტეხის ციხის სარკმელზე მომდგარ მამას.

მამაჩემი იყო რკინიგზის მუშა.

ქვა დაიკიდა გულზე და ისე მზრდიდა, მაგრამ მე ვერ გაუმართლე იმედი. მე მუდამ უცნაური ვიყავ და მუდამ თავი მტკიოდა.

ის არსენ ჯორჯიაშვილის ამხანაგი იყო და, როცა მე გავიგონე:

დედავ, ნუ სტირი,

მამავ, ნუ სჩივი,—

მე მოეაშორე

ქვეყანას ჭირი!..

მე მივდექ კუთხეში და გულამოსკვნილი ვტიროდი ძია არსენას.

ახლა მამა არა მყავს.

ის მოჰკლეს ბაიკალზე, როცა მან გაქცევა დააპირა.

მას მერე მაფიქრებს მე ტბები: ბაზალეთის ტბა, პალიასტომი, თათარავანი. ახლა დედა სოფელშია და მწერს ტბილ წერილებს, რომ კარგად ვიყო, რომ მისმა ძროხამ მაშოლიამ მოიგო ხბო და ჩემ სახელზე ზრდის.

მე ვცხოვრობ უცნაურ ოთახში: აქედან მოსჩანს მყინვარი, მახათა.

მე ვხედავ შაქრის ვერძს, ჰკივია იგი ცაში ტბილი, როგორც მეშჩანთა პალატის ღერბი და სიცხე იხუთება გვალვაში.

ხანდახან მგონია, რომ ტფილისი არის ძველი ალექსანდრია და მე ვიღრჩვები კურტიზანების გინგლივით ცხელ სხეულებში. ქალის შიშველ სხეუ-

ლებში ამართულია უზარმაზარი პაპირუსების სამკითხველო თავგამხმარი ბიბლიო-  
ფილებით, ხელში რომ უზარმაზარი ფოლიანტები უჭირავთ.



## თავი მეექვსე

### შავი ყორანი

ჩემ გვერდით ცხოვრობს უცნაური ხალხი: ზოგი ვაჭრობს, ზოგი ჩარჩობს და ზოგიც თავისუფლების მოედანზე ვალიუტას ახურდავებს.

არის აქ კაცის მკვლელიც: მე მაშინებს მისი ციებიანივით უაზრო თვალები.

ჩემს მეზობლად ცხოვრობს ჩემი დიასახლისი, მანანას დეიდა კნეინა რიფსიმე, ისე რომ ჰგავს სათამაშო ქალაღდის ყვავის ქალს. შემოვა ჩემთან და მე-ლაპარაკება თვითეულ სათამაშო ქალაღდის მისტიურ მნიშვნელობაზე.

ყოველ ტუხს, ყოველ დამას და ვალეტს აქვს თავისი ისტორია და თავისი რომანტიკა. ეს არის ქალაღდის რომანტიკა, თბილი და უსიცოცხლო.

ეს ძველი სახლი, სადაც მე ვცხოვრობ ეკუთვნის ამ ქალს.

ქირას არავინ იხდის და ცხოვრობს ღარიბად.

არსად დადის.

არც მასთან დადის არავინ, თუ ღამის სტუმრებს არ ჩავთვლით.

მხოლოდ მანანა მოდის ხანდახან და კნეინა რიფსიმე ეალერსება, ჰკოცნის მას, აკმევს ნაირნაირ მურაბებს, ასე რომ უყვარს მანანას, და მე არ ვიცი რა ვქნა მაშინ. აზრები მეზნევა, წერას თავს ვანებებ, ვეწევი თუთუნს და დავრბივარ ოთახში.

ხანდახან დიასახლისი მეც დამპატიეებს და მე ველაპარაკები მანანას ათას უბრალო რამეზე, თუნდაც დოღზე, სადაც მისი დეიდაშვილი, კახეთიდან გადმოხვეწილი კნიაჟნა ტოტალიზატორში მსახურებს, ან და უკანასკნელ ფრანგულ რომანზე.

უცნაური ქალი არის ჩემი დიასახლისი,

ტანთ დედის დანატოვარი ჩრჩილით დაჩინჩული კაბა აცვია, სახე ნაოკებით აქვს დაღარული, უმარილით შეკმული, ცხვირი წვეტიანი და მოლუნული, ნიკაპი გრძელი, ფერუმარილს უხვად იცხებს და მუდამ, ზამთარ-ზაფხულ, ასდის ნაფტალინის სუნი (ალბათ, მასაც ჩრჩილი გაუჩნდა).

ოთხმოცი წლის ბებიაო,

როდის გათხოვდებიანო?..

ერთადერთი ადამიანი, მასთან რომ ცხოვრობს, ეს—ყრუ-მუნჯი სირანუშაა. და ასე მის ოთახში გამეფებულია: სიჩუმე და სათამაშო ქალაღდის მყუდროება.

მთელი დღეები უზის როკოკოს სტილის გაცრეცილ ~~ოქროში~~ მოვლვილ პატარა მრგვალ მაგიდას და შლის პასიანსს.

— დღეს მე პრინცი ვნახე!.. — შემოვა ოთახში და ~~მეტი~~ ღამის გზით მოვა... ის ჩემი ვალეტია... თქვენ, ალბათ, იცით, ~~მეტი~~ მიყვარს... პეტერბურგში გვიცანი მის უდიდებულესობის საიმპერატორო კარის რაუტზე!..

მე სრულიადაც არ ვარწმუნებ, რომ თუ ასეთი პრინცი მართლა იყო ოდესმე, ის ახლა დაბერდებოდა, ან-და ბოლშევიკები დახვრეტდნენ.

მის ოთახში ჰკიდია პრინცის სურათი, მას კავალერჰარდის ქუდი ჰხურავს და აკაუუს წითელ ხარჩოდან იცქირება ჯიშიანად.

ღამით მასთან დამები და ვალეტები დადიან.

მთელი ღამე თამაშობენ ქალაღდს, ხმის ამოუღებლად, არც გაიცინებენ, არც დაახველებენ, არც წაიკიდებიან, ისმის მხოლოდ დარიგებულ ქალაღდის შრიალი.

უცნაური არიან ისინი.

მე არ ვიცი სად იმყოფებიან ისინი დღისით, ან სად ცხოვრობენ.

მე განგებ დავკვირვებივარ ქალაქს: დღისით ასეთი ხალხი ქუჩაში არ შემხვედრია.

არიან: გამოთაყვანებული, გამხდარი, მაღალი.

გამოხედვა: ქალაღდივით შრიალი, გაწყალებული თვლები და მკლავები: — არ აბიათ, — ჰკიდიათ.

ერთხელ მე მათ დაუდარაჯდი და ვნახე დილის სინათლეზე: ისინი ისე საცოდავი იყვნენ, უფერულნი, გაცრეცილი და დარიგებისაგან ნაფურთხი თითებით კუთხეებში დასვრილი.

თუ ქალაღდს არ თამაშობენ, მაშინ ისინი აბნელებენ ოთახს და აწყობენ სპირიტიულ სენსებს. მრგვალ მაგიდაზე ხელებ დაწყობილნი, ისინი ეძახიან ფილოსოფოს პლატონს, ცეზარს, ან ნაპოლეონს და ეკითხებიან, როდის წავლენ საქართველოდან კომუნისტები, მერე ფუსფუსობენ, სიხარულით ხელებს ისრესენ და ამბობენ ფრანგულ აქცენტით, ასო რაეს მაგიერ ღანს ხმარობენ და უხარიათ რომ ამ წელიწადს ვერ გააწევენ ეს წყეული ბოლშევიკები, მთელი ქვეყანა რომ დააქციეს.

— აკი გეუბნებოდით, კნეინა, და თქვენ კი არ გჯეროდათ.

— ღმერთო ჩემო, მომჩტევეთ სულმოკლეობა, მე სულ დამეკარგა იმედები!.. — უპასუხებდა კნეინა რიფსიმე აცრემლებულ თვლებით თავაზიან ვალეტს და წუთით ჩვეულებრივი მყუდროება დაირღვეოდა. მერე ისევ სიჩუმე, ისევ ჩრჩილი, ძველი გამოხუნებული პორტრეტები და ეს გაცვეთილი ქალაღდის უსიცოცხლო ვალეტები და დამები უცნაური ტანისამოსით.

ახლა, მე რომ ვწერ: — ისინი ქალაღდს თამაშობენ.

ჩემი დიასახლისი ყვავის დამასავით ზის სტუმრებში და ქალაღდს თამაშობს. ცოტა ხანს ყურს უგდებ მათ და მერე ისევ შენზე ფიქრს უბრუნდები.

შენ ვერ გიცილებს ჩემი გონება, რა ვქნა მე ახლა, როცა ასე მიყვარხარ და არ არის ჩემი საშველი!

მომაგონდები სიზმარში,  
წამოვდგები და ვტირი!...

მიყვარხარ და  
არ არის ჩემი  
საშველი!

ვის შევჩივლო არ ვიცი. ცას, მიწას, მთებს თუ მეგობრებს, რა არის ამის წამალი?..

მამლებმა გათენების იყივეს, შეეხოვეები ქუჩებს ჰგვიან და ისმის ცოცხების შრიალი.

მილიციონერი დადის ქუჩაში: თუ ცოლიანია, — ფიქრობს ცოლშვილზე, თუ უცოლო — პროსტიტუტებზე, ან-და უსაქმურობისაგან და მოწყენილობისაგან შეეხოვეს ეჩხუბება, რომ წუხელ მან რომელიღაც სახლის ალაყაფი დროზე არ დაკეტა.

მე ვწევარ და ვფიქრობ შენზე.

ოთახში მყუდროებაა.

მთვარე იღვენთება და სახლის სახურავები დაყურსულია აკაცის თოვლივით მტევნებით.

ფიქრები მტკვარს ტალღებად მიაქვს, მიათამაშებს და უერთებს დუღუნს. მე მეჩვენება, თითქოს მტკვარი ადგა, გაწვა მთვარის სხივებზე, სხივებმა ხელებივითი ასწიეს იგი და უზარმაზარი გრილი გველივით მოაგდეს ჩემ სარკმელთან.

მტკვარი იცქირება ცისფერ თვალებით ჩემ სარკმელში და მიზეზიან ქალივით მეხვეწება რომ ოთახში შემოუშვა. მას მოსწყინდა მარტო დუღუნი ამ შუალამეში და უნდა წაიძინოს, თვალი წაატყუოს, წუთით შეჩერდეს და მაშინ, მე ვიცი, სოფელში გამიგონია, რომ გამოვა ალი და თამაშს დაიწყებს გაჩერებულ წყალში.

მას უნდა დაწვეს ჩემ ლოგინში და მოისვენოს. მას უნდა ღორღად ჩაყრილი ქვეები ძვლებივით გაითბოს ჩემი სხეულის სითბოში, ის მევედრება, ლოკავს სარკმელის მინას მთვარის ქავლით და მე ვერ უძლებ მის მუდარას, ნებას ვაძლევ და სარკმელი იღება ფართოდ, ოთახი ივსება წყლითა და მოდენილ მთვარის სხივებით, და ასე ჩემი ოთახი დაემსგავსა ძველი ბოთლებითა და ენურის სკამებით მოვაქრე თათრის დუქანში დადგმულ მტვერიან აკვარიუმს.

მე ვწევარ აკვარიუმში და წყლის სიგრილე ნერვებს მიმშვიდებს. პირგაპარსული კნეიპი მტკვარს დირიეორობს და მტკვარი ჰკვნესის ჩანგურივით.

და, როცა მე ასე ვარ, — ვხედავ: მოცურავენ სალამანდრას ზურგზე შეფორთხებული მორიელი, ლიპი ტრიტონი და აგური, ჩემ დერეფანში რომ დევს, ზურგზე შეგდებულ ჩემი ოთახის გასაღებით შემოვიდა ოთახში მსუქან ბიურგერივით.

სალამანდრა იწვის თეთრად, წყალი შიშინობს მისი ცხელ მუცლის ქვეშ და აგური იგი, გადამთვრალი მდევნი გარგანტუა, მღერის რატომღაც გერმანულ



მალბრუკს. კარგა ხანს იმღერა ასე ამ გარყვნილმა აგურმა <sup>ოთახში, მერე დაი-</sup>  
ლალა, ახვნიშებული დაწვა იატაკზე და დაიძინა.

აგურის სითბოდან გამოველი მე და ვხედავ რომ სალამანდრას ფრსტორი-  
ული სინათლე წმინდანის ნიშბივით ადგას მორიელს და შთლად განათებული  
ღრიანკალი ჰკბენს სალამანდრას და არწყევს ნაკვერცხალივით გაქათქალებულ  
ხორცში შხამსა და ლოშქრს.

— რას შვრები, ძმობილოვო?..— ეკითხება ტკივილით გამწარებული სა-  
ლამანდრა.

— მე ასეთი გვარისა ვარ, თუ ვინმეს არ უკბინე, ისე არ შემიძლიაო!..—  
მიუგო მორიელმა და კიდევ უფრო ღრმად ჩაასო შხამიანი ნეშტარი.

სალამანდრამ ვერ აიტანა.

— მე კი ისეთი გვარისა ვარ, თუ დაშხამული ადგილი წყალში არ გავი-  
ბანე, ისე არც მე შემიძლიაო!..— მიუგო სალამანდრამ, დაყვინთა და წყალი  
აშიშინდა შიგ ჩაშვებულ ნაკვერცხალივით, მორიელი წყალში ტივტივით წავიდა,  
აგურს მოეკიდა და მის ქვეშ შეფორთხდა.

აგურ ქვეშ მე ოთახის გასაღებს ვინახავ, ახლა იქ კბენას მოწყურებული  
მორიელი იკრუნჩხება და თავს იშხამავს.

აგურით მე დიასახლისი ფეხებს მითბობს და ახლა მის ქვეშ მორიელი  
ზის და ამბობს შხამიან არაკებს.

შეშეშინდა.

ელექტროს სადგური ისევ ქოშინობს.

სადღაც ძალდი ყმუის და ხატი ძახთაპირი ჰყეფს ცაში, სახლები ბანს ეუბ-  
ნებიან.

წმინდა ქრისტეფორე იყო ბერი და უმშვენიერესი ვაეკაცი. ამ მშვენებას  
იგი ხშირად შეცოდებაში შეჰყავდა. ალერსს მოწყურებული ქალები სამოსს იგ-  
ლეჯდენ ტანზე და ახურებული ფურირშებივით დასდევდენ. მაშინ წმინდანი  
შევედრა ღმერთს, რომ მისთვის ძალდის სახე მიეცა. ღმერთმა აუსრულა წა-  
დილი. უეცრად აყეფდა იგი ეკლესიაში და დაბინავდა წმინდა ძალდი წმინდან-  
თა შორის. იგი ავი ყუბაჭივით სდარაჯობდა სარწმუნოებას, იცავდა მას მწვა-  
ლებელთაგან და ჰყეფდა დაუღალავად.

აქ არის რალაც ეგვიპტური და ეს ეგვიპტური ძალდი (თუ ტურა ანუბი-  
სი?) არ ჰმორდება ჩემ ტვინს. ტვინში დეკს გახეხილი აგური და აგურ ქვეშ  
მორიელია დამალული.

მორიელმა ჩამოსო ტვინში გესლი და მარწყევს შხამსა და სამსალას.

ტრიტონი დაფრთხა, ტვინს მიეფარა და მე ტკივილისაგან შეიწრებული  
ვეკითხები მორიელს:

— რას შვრები, ძმობილოვო?

— მე ასეთი გვარისა ვარ, თუ ვინმეს არ უკბინე, ისე არ შემიძლიაო!..—  
მიპასუხებს მორიელი და ტვინს მიწამლავს.

რა ექნა მე ახლა, — ცურვა მე არ ვიცი და რა უყო!

ასე ვწევარ მე მტკვარში და მტკვარი სულივით ჩამიდგა პირში.

სათავე მისი იმყოფება კოლის სანახებში და სათავე მისი არის წამებზე  
შვიდთა ყრმათა კოლაელთა.

მე ხომ წმინდანი არა ვარ, მე ვარ პოეტი, და რატომ უნდა მსჯელობა  
და მაინც ჩემი სათავე წამება, და, თუ ეს ასე აუცილებელია, რა  
როცა არც შეძლება მაქვს ამისი და არც სურვილი!..

ასე ვარ მე, ვწუხვარ, ერთ ადგილას ვარ ვისვენებ და ვტრიალებ ლოგი-  
ნში.

არ ვიცი, ვერ გამირკვევია: ცხადში ვარ, მძინავს და სიზმარია, თუ მოლ-  
ლილი ტვინის ბოდვაა ყოველივე ეს.

უეცრად კაკუნი მომესმა.

მოვიხედე ჩემ კარებში აკაკუნებენ.

ვინ უნდა იყოს ასე გვიან?..

— ვინ ბრძანდებით?.. — ვეკითხები მე ვაკვირებულნი ხმათ.

— ბატონო დუდე, გძინავთ? — მეკითხება ქალის ხმა კარებს უკან. ვიცან: —  
ყვავის ქალია, კნეინა რიფსიმე.

— არა, ბატონო, მობრძანდით!.. — ვეხმაურები მე და ჩემს ირგვლივ ლო-  
გინს ვასწორებ.

კარი იღება და ოთახში შემოდის შავ აბრეშუმის კრინოლინში გაფარფა-  
შებული ავადმყოფ დედალ ყვავივით მოფუყული ოთხმოცი წლის ბებია.

ის სათამაშო ქალაქიდან გადმოფრენილ ყვავსა ჰგავს.

მტკვარი აღარ არის ჩემს ოთახში და უკვე დამცხა. თავი უხერხულად ვი-  
გრძენ საბანი კისრამდე დავიხურე, ხელები საბნის ქვეშ მაქვს დამალული და  
ისე ვეუბნები:

— მობრძანდით, ჩემო ბატონო, აი სკამი და, თუ ძლიერ არ შეგაწუხებთ,  
აგერ ელექტროს ღილი და აანთეთ!.. მე ბოდიშს ვიხდი რომ ასე დაგიხვდით!..

— არაფერია, რატომ ირჯებით!.. — მომიგო ყვავმა, ნუ სწუხდებით, მთვა-  
რეც საკმაოდ ანათებს ოთახს და, სხვა რომ არა იყოს რა, ამაში არის ერთგვრი  
რომანტიკაც!.. — დააბოლაუა მან თავისი სიტყვა ფრანგულად, უცნაურ კილოთი,  
აბრეშუმის შრიალით მომიახლოვდა და ჩემ ლოგინზე ჩამოჯდა ყორანივით შავი.

ბოდიშიც არ მოუხდია, ისე ჩამოჯდა იგი და მე არ ვიცი როგორ უნდა  
მოვიქცე: გავგულისდებ თუ ყველაფერი ისე ჩავაგდო, თითქოს ეს ასეც უნდა მო-  
მხდარიყო.

მე ვწევარ და უცქერ.

მთვარას სანათლებზე ის კიდევ უფრო გამხდარი მოსჩანს და ცხვირი ნის-  
კარტს მიუვავს.

რატუმის საათი ყრუდ რეკს სამჯერ, მას სხვა საათებიც ეხმაურებიან და  
მერე არის ოთახში ისევ დუმილი.

— უკაცრავად!.. — მინდა კიდევ მოვიხადო ბოდიში, მაგრამ გადავწყვიტე  
რომ არ ჰღირს და ხელი ჩავიქნიე.

უცქერ: ყაჭივით თეთრი თმა და ფერუმარლით შეცბებული სახე უცნაუ-  
რად უხდება მისი შავი აბრეშუმის ტანისამოსს.

ყვავის ქალი უხერხულად ზის ჩემ ლოგინზე და არც მე ვგრძნობ ჩემ თავს მაინცა და მაინც მოხერხებულად.

— ბატონო დუდე!..— დაიწყო მან, მაგრამ რატომღაც შეუძლებელი გაჩუმიდა. მე შევამჩნიე რომ ის ჰლელავს და არ იცის როგორ დაიწყოს.

უეცრად მე გული მომივიდა მისი ამგვარ საქციელზე: რა დროს სტუმრობაა ლამის სამ საათზე და მიხარია რომ ის ასე უხერხულად ჰგრძნობს თავის თავს. ახია მასზე, ყოველმა კაცმა უნდა იცოდეს თავისი დრო და ადგილი. და მე რაღაც უცნაური კმაყოფილებას ვგრძნობ რომ მან-ნახ დეიდა ასე მორიდებულად მეპყრობა. მიხარია რაღაც პლებეურ სიხარულით, რომ ეს კნეინა ასე მოილუნა და მოლოდინით, თითქოს ნიშნის მოგებითაც უცქერ დამას.

— ბატონო დუდე!..— დაიწყო, როგორც იქნა, მან და ჩემი სახელი უცნაურად მომეჩვენა მისი პირიდან, თითქოს მე რომლიღაც რომანის გმირი ვიყო, — თქვენ იცით, ალბათ, მე რომ ქალაქდს ვთამაშობ. მე ვთამაშობ ადამიანის დღეებზე. შეხედეთ ჩემს სახეს, იგი დაღალეს ამ დღეებმა. ათასი ადამიანის სიცოცხლე უერთდება ჩემ სიცოცხლეს და ამან დამაქცნო მე. მე მიყვარდა პრინცი, მაგრამ მან უარი მითხრა სიყვარულზე. მას მერე გადავწყვიტე, რომ ჩემი სიცოცხლე არ ჰღირდა. ასე დავკარგე მე მთელი ჩემი მომავალი, მაგრამ დღეები უფერული, მე რომ უნდა გამეარა, რადგან მე ვიყავ ცოცხალი, მაინც დამრჩა ბეგარასავეით და მე გადავწყვიტე მათი წაგებაც. ოო, თქვენ რომ იცოდეთ, როგორ მიყვარდა მე პრინცი!.. ახლაც მიყვარს. როცა მძინავს, ის მოდის ჩემთან და თმებზე ხელს მისვამს და მე კატასავით ვინაბები მის ალერსიან ხელებ ქვეშ და ვრუტუნობ. ასე დავიწყე მე ჩემი დღე და ღამეების წაგება. ამალამ მე წაგაგე მთელი ჩემი სასიცოცხლო დღეები და ხვალ შუალამით, როცა კურანტები დაჰკრავენ თორმეტს, მე აღარ ვიქნები. და ახალა, როცა სიკვდილი ასე ახლოა ჩემთან, მე არ მინდა სიკვდილი. მე სიცოცხლე მწყურია, დუდე, სიცოცხლე მინდა!.. თუნდაც იმად მაინც ჰღირს ეს დღეები, რომ ის სიზმარში ვნახო. მიშველე, დუდე, დამიხსენი!.. თქვენთვის ჯერ ხომ არაფერს წარმოადგენს ეს შვიდი დღე. თქვენ ახალგაზდა ხართ, სიცოცხლით სავსე და, როცა სიბერე მოგეპარებათ, მე გაძლევთ პირობას რომ დაგიბრუნებთ. მასესხეთ მე ეს შვიდი დღე, მომეცით საშუალება რომ ვითამაშო!.. მე ვიცი: უეჭველად ამოვიგებ და, როცა დაგქირდებათ, — დაგიბრუნებთ. ხელწერილს მოვკემთ. მე ბევრისაგან მაქვს ასე ნასესხები და ყველას დანიშნულ დროზე უბრუნებ თავის ვალს. ხვალ ღამის თორმეტ საათზე მე მოგკვდები, მე კი სიცოცხლე მანდა, გესმით, ბატონო დუდე, მე მინდა ვიცოცხლო!.. მასესხეთ, ბატონო დუდე, ეს შვიდეული!.. მე ვიცი რომ უეჭველად მოვიგებ და ყველა წაგებულ დღეებს ერთიანად გამოვანადლებ. თქვენ ხომ პოეტი ბრძანდებით, თქვენ უცნაური კაცი ხართ, ფანტაზიორი და მიმიხვდებით. მე მესმის, ძლიერ კარგად მესმის, როგორც მუსაიდობთ თქვენ ათას უცნაურ თემებზე თქვენ საკუთარ თავთან. მომეცით ეს შვიდი დღე, მასესხეთ!.. — მემუდარება ყვავის დამა, სტირის, ძლიერ სტირის და უმარლით შეცხებულ სახე ცრემლებით გრძელ ზოლებათ ერეცხება.

მე უცქერ ამ ბებერ კნეინას, შემჯავრდა იგი და გადავწყვიტე ერთი წუთიც არ მივცე და ვიწვექ ასე გაკერპებული. მის ასეთ მუდარაზე ვეგონდებ, მე, რა ძვირფასია ეს სიცოცხლე და გადავწყვიტე არ ვასესხო. რა უფრო მეტად ისიც წააგოს, და რა ვქნა მე მაშინ. თუ ამ სისხლგამშრალ დედაბერს ასე სწყურია სიცოცხლე, მე რა დამიშავებია ამ ქვეყნად?

და მე ვიგრძენ რომ, იმიტომ კი არ ვაძლევ ამ დღეებს, რომ ისინი ძვირად მიღირს, პირიქით, მე ისინი ჩალის ფასადაც არ მიმაჩნია და რომ შეიძლებოდეს, ყველა ამ დღეებს დავახვევდი ქალაქებისათვის და ცეცხლს წაუკიდებდი. მე მინდა ვაწვალო ეს დედაბერი, იაროს მთელ ქალაქში უძილობისაგან შეწუხებულ ხალხთან, ავადმყოფებთან და ეძებოს ეს დღეები, მოკვდეს და მოვისვენებ მის უცნაურ ქალაქის სტუმრებისაგან. ასე სასტიკი ვარ მე ახლა. მიხარია, რომ მეც შემიძლია ვიყო მკაცრი და დაუნდობლად ვამობობ დინჯად და ყოველ სიტყვას კი არ ვამბობ,—ვტყეხნი:

— მე ბოდიშს ვიხდი, ქალბატონო, მაგრამ არ შემიძლია... თქვენც კარგად მოგეხსენებათ რა ძვირფასია ეს დღეები... მე ძლიერ მიყვარს სიცოცხლე და ამიტომ მომიტყვეეთ, რომ უნდა გაგაწბილოთ... თქვენც კარგად ხედავთ, რა ძნელია...

ქალი შეკრთა, თითქოს კიდევ შეხტა, და მე მოვკარ თვალი როგორ აენტო წუთით მისი თვალები ბოროტი ცეცხლით და როგორ ჩაქრა იგი. მერე შემხედა მორჩილი თვალებით და ხმა არ ამოუღია, თითქოს არც გაუგონია ჩემი სიტყვები, ისე შემეკითხა ნელა, დაფიქრებულმა.

— მაშ, არ მენდობით?...—და მე ვიგრძენ ამ ყინვასავით ცივად წარმოთქმული სიტყვებში რაღაც მუქარის მსგავსი.

— მაშ, არ მენდობით?...—შემეკითხა ის ხელმეორედ ისე, თითქოს ეს სიტყვები მე არ შემეხებოდენ და მე არ ვიცოდი როგორ მოვქცეულიყავ: მეპასუხნა თუ არა, მაგრამ მაინც დავიწყე:

— ქალბატონო, რა ვქნა, მე ძლიერ მიჭირს თქვენი გაწბილება, მაგრამ რა ვქნა, რომ არ შემიძლია...—ღმე სიტყვის დათავებაც ვერ მოვასწარ რომ ეს დედაბერი რაღაც უცნაურად აიგრუხა, თავი მხრებში ჩაუვარდა, ცხვირი და ნიკაპი კიდევ უფრო წაუგრძელდა და ის იყო: ნამდვილი როკაპი, ნამდვილი თვალბედითი შავი ყორანი.

— მაშ არ მენდობი?...—დაიკვილა მან ცივი ხმით და უეცრად ყელში მეცა, მე მოვასწარ, მაჯებში ხელი უტაცე და იქით მივაგდე. ქალი იტაკზე დაეცა და ეგდო ისე, არ განძრეულა. მე, ნახევრად წარმომდგარი, გაბოროტებულ თვალებით უცქეროდი მას და ახირებულ სიუჯიტივ ვიზებირებდი:

— არ მივცემ, მე ვარ და არ მივცემ, ახლა!..

მთვარე კიდევ უფრო ანათებდა ჩემს ოთახს. ქალმა თავი ხელებში ჩარგო და იყო ასე გარინდებული, მერე მხრებმა უცნაური ტოკვა დაუწყო და მე გავიგონე ქალის თავშეკავებული უმწეო ქვითინი და ქვას გაჰხეთქდა ეს ტირილი, ისე საცოდავად და მორჩილად ჰღვრიდა იგი ცრემლებს.

მე შემებრალა ქალი და მზად ვიყავ მთელი ჩემი სიცოცხლე დამეთმო მი-

სთვის, ოღონდ ეს ტირილი არ გამეგონა. გულზე რაღაც თბილი გადამესხა, წამოვიწიე, ქალს მაჯაში წავეტანე და ლოგინზე ჩამოვესვი.

— ქალბატონო, — წამოვიძახე და ყელში რაღაც მომაწვავ. — ნუ სტირით, ქალბატონო, მომიტევეთ!.. ინებეთ, ქალბატონო, ინებეთ, რამდენიც გნებავთ!.. — ვეხვეწებოდი მე და ეხლა მე შინოდა რომ უარი არ ეთქვა ამ დედაკაცს და არ მომკვდარიყო. — მთელი ჩემი სიცოცხლე თქვენი ქირის სანაცვლო იყოს!.. მე ისედაც მომწყინდა ეს სიცოცხლე. ჩემთვის არავითარი ფასი არა აქვს ამ დღეებს, როცა ისინი ორჩხუშის გამამარ ბლის ტყავებით აწყვია უსიცოცხლო და უაზრო. მე ყოველდღე ძველ ლანჩასავით ვღექ ამ უფერულ დღეებს და, მართალი მოგახსენოთ, მომწყინდა კიდევ არც გემო, არც ხალისი!.. რა ფასი აქვთ ახლა მათ ჩემთვის, როცა ეს დღეები მიდიან ისე უფერულად და უაზროდ, როგორც კარუსელის ხის გაცრეცილი ფერადი ცხენები. ინებეთ, რამდენიც გსურთ, თუ გნებავთ, მთელი ჩემი სიცოცხლეც. მე დავიწყობ გულზე ხელებს და მოვისვენებ ისე რომ არაფერი დამენანება.

ყვავის ქალი სახეზე ხელაფარებული იჯდა ჩემ ოთახში და ყურს მიგდებდა. როცა გავათავე, სახეზე ხელები ჩამოიშორა და შემხედა, ერთ ადგილას უცნაურად აფუსფუსდა, თითქოს ლოგინზე რაღაცას ეძებსო, მერე ადგა, მიიხედ-მოიხედა და ისევ დაჯდა.

მიცქერის და მე ვხედავ, რომ მის თვალებში ბოროტი ცეცხლი ენთო და ახლა უკვე დამენანა რომ ასე გულალალად ველაპარაკებოდი ამ ავ და როცაბ დედაბერს.

კარგა ხანს მიცქეროდა ის ასე ცბიერი თვალებით, მერე უეცრად, თითქოს ახლა მოაგონდაო, რომ ჯერ ნაადრევია ზეიმი, თავში ხელი და იტაცა თვალები მილულა, თვალთმაქცურად მიინაბა და იგი იყო ნამდვილი ყვავი, სიბერისაგან გამოჩერჩეტებული ყორანი, რომელიც აი ახლა გაისწორებდა ფრთებს და დათარსულად დაიჩხავლებდა.

მე გამელიმა ამ კომედიაზე და მივხვდი რომ ეს ყვავი არ გამახარებდა, მაგრამ რას ვიზამდი, სიტყვა მიცემული მქონდა და უკვე შრცხვენოდა, როცა მოვიგონე ის ჩემი გრძელი სენტიმენტალური ტირადა ამ ორი წუთის წინ რომ დავხარჯე ამ დათარსულ ყვავის წინაშე.

ყვავი იჯდა და არ დაუჩხავლია, ისე დაიწყო:

— თქვენ ტყუილად შეიწუხეთ თავი, ბატონო დუდე, მე ერთი შეიდეგულიც მეყოფა. დღეს რა დღე არის?

— ოთხშაბათი!.. — მუგე მე დახეპირებულივით და გამეცინა: მე მხოლოდ ახლა მივაქციე ყურადღება, რომ ამ ქალს რიფსიმე ერქვა და ეს ყვავი რიფსიმე იყო სასაცილო თავის სახელით.

ყვავი განაგრძობდა:

— კეთილი. მაისის ოცდაერთი, თქვენი დაბადების დღე, ათას ცხრაას ოცდა ექვსი წელი!.. — სთქვა მან და მე განცვიფრებული მივაშტერდი მას თვა-

ლებში: საიდან იცოდა მან ჩემი დაბადების დღე, როცა მე თვითონ არ ნახ-  
სოვდა იგი.

ყვავს გაელიმა. ის მიხვდა ჩემ გაკვირვებას და მიპასუხა: ქრისტეშვილი

— მე მაქვს სახლის დავთარი და იქ ვნახე. მე ხომ ვალდებული ვარ ყვე-  
ლა ჩემი მდგმურები ვიცოდე. მე ყველა მდგმურები მყავს აღრიცხული!.. — სთქვა  
მან და მერე უეცრად შესცვალა მუსაიფის გეზი: — მე სულ ერთი კვირა მინდა:  
პარასკევი, შაბათი, კვირა, ორშაბათი, სამშაბათი, ოთხშაბათი და ხუთშაბათი.  
ოო, რა მადლობელი ვარ, რომ იცოდეთ, რა მადლობელი!.. მე მაქვს ყველა ეს  
დღეები და ასე მე გადავჩი, გადავჩი!.. — წამოიძახა მან ალტაცებით და სიხარ-  
ულით ხელების სრესა დაიწყო.

— პარასკევი, შაბათი, კვირა, ორშაბათი, სამშაბათი, ოთხშაბათი, ხუთ-  
შაბათი!.. — სთვლიდა იგი თითებზე სიხარულით და მე მომაგონდა იქ, ჩემ სო-  
ფელში, ხოფში, როგორ გამოდიოდა ღამით ანთებული კრაქით ხელში ბებიაჩუ-  
ში ეზოში, როცა ბუ ეზოში ჩამოფრინდებოდა, და დაიძახებდა:

— ბუს მუცელი ეტკინა: ორშაბათს, სამშაბათს, ოთხშაბათს, ხუთშაბათს,  
პარასკევს, შაბათს და კვირა დილას სული გავარდა!..

— ქალაღდი მომეცით, ბატონო დუდე, ქალაღდი!.. ხელწერილს მოგცემთ!..  
დაიძახა მან უცებ სულწასწრებულებით, მაგრამ მე გავაწყვეტინე:

— ეგ არაფერია, ქენინა რიფსიმე, ხვალაც მოეასწრებთ!..

ქალმა შემომხედა, გაჩერდა, მერე ისევ აფუსფუსდა, მხრებზე შავი დარაია  
გაისწორა და სთქვა:

— მაშ წავალ!.. იქ დამები და ვალეტები მელოდებიან!.. ნახვამდის!.. ძი-  
ლი ნებისა!.. ოო, რომ იცოდეთ რა მადლობელი ვარ!.. ახლა დაიძინეთ, ბატო-  
ნო დუდე, დაიძინეთ, თორემ ხვალ ცუდათ იქნებით!.. თქვენ ისედაც ჩამოგ-  
ტირით სახე და მოისვენეთ!.. გეყოფათ ამდენი ოცნება!.. სამაგიეროდ მე და-  
გიბრუნებთ ყოვლად უცნაურ დღეებს და თქვენი სიცოცხლის ეს შვიდი დღე  
ჩაიარს შეიდვეხირიანივით ფანტასტიურად. თქვენ, ალბათ, წაგიკითხავთ შეიდ-  
ვეხირიანი, ათასერთ ღამიდან ამოღებული შვიდი ღამე!.. ნახვამდის! ძილი ნე-  
ნებისა! მე მიმაქვს თქვენი დღეები!.. მე მიმაქვს თქვენი კარგი დღეები!.. — და-  
იძახა ყვავის ქალმა სიხარულით, მხარმოტეხილი ფრინველებით აფართაქალდა  
და უეცრად, თითქოს მისდა უნებურად წასცდომ, ყვავივით დათარსულად დაი-  
ჩხავლა.

მე თავზარი დამეცა ამ ჩხავილზე და მივხვდი რომ ეს ის ყვავი იყო,  
ედგარ პოეს რომ მოსვენებას არ აძლევდა.

ლოგინს ავესნატე და შევცქეროდი ზარდაცემულ თვალებით.

ქალს შერცხვა, თითქოს შეეშინდა კიდევ, პირზე ხელი აიფარა და წელ-  
ში გალუნული და უკმაყოფილო, რომ ასე გასცა თავისი თავი, კარებისაკენ მო-  
ხუცური ლასლასით, თავის ხანხალით გაემართა.

მე გავცქეროდ მას, მხრები უკანკალებდა და მივხვდი, რომ ეს შავ და-  
რაია მოხვეული ოთხმოცი წლის ბებია სიცილს ძლივს იკავებდა.

მოთმინებიდან გამოსული დავწედი ფოსტალს და ვესროლე. მაგრამ დედაბერი უკვე არ იყო, — ის გასულიყო.

ასე დავრჩი მე მარტო და სამწარისაგან თითებს ვიჭამდი. მანამდე კოტა ხანს შემდეგ მან ისევ შემოალო კარი, თავი შემოჰყო და უცნაურად, თითქოს წინის მოგებით, ავტომატიურად თავი რამდენიმეჯერ დაიქნია, დაიჩნავლა ისევ ნაესიანად და მოხუცურად უკბილოდ გაიცილა.

მე მეორე ფოსტალი ვესროლე, მაგრამ ქალი ახლაც გასული იყო.

კარგა ხანს ისმოდა დერეფანში მისი სიცილი.

დერეფანში ბნელა და დერეფანში დგას აბანოს ქვის, თავგებისა და დამპალი წყლის სუნი.

დერეფანში დევს აგური: ბინძური, გახეხილი და ეს აგური ლოდით დააწვა ჩემ ფიქრებს. აგურ ქვეშ მე ოთახის გასაღებს ვინახავ.

შემეშინდა.

ავდექ და საცვლების ამარა გაველ გარეთ მტკვარზე გადაკიდებულ აივანზე და მთვარემ დამაყარა თოვლი და ფიფქი.

ცაში ჰყეფდა ხატი ძახთაპირი, სდარაჯობდა ლამეს და ეს თეთრი მთვარე, შაქარს რომ სთოვდა, ტკბილი ვერძივით ეკიდა ცაში, იცოხნებოდა და ლაბუა ველზე ვერცხლის ეფვანი წკარუნობდა.

შეციებული სხივები შემომეხვია ზეწარივით.

მოაჯირს მივეყუდე და შუბლი რკინის გრილ სვეტს მივადე.

უცქეროდი ლირწ მთვარეს და უეცრად ვიგრძენ რომ სხივებმა ხელში ბაკშივით ამიყვანეს და გამაქანეს...

## წიგნი

კვლევა

1

კავკასიონის მაღალი ქედი  
 ამაყად უცქერს ხევის ყრუ ხრამებს  
 და მისი რბილი თეთრი საყულო  
 მუდამ ელვარებს: დღეცა და ღამეც.  
 თერგი ღრიალებს, ღმუის, ვით მხეცი,  
 სალ კლდეებს შორის ძლივს ლა ეტევა,  
 ქვებს ემუქრება დაშლა-დაცრეცით  
 დაუღიერი მძლავრი შეტევა.  
 გრგვინვა ზღვაური, შფოთი და ექო,  
 მთები, კლდენი და წყალვარდნილები,  
 ვიწრო ბილიკი—გზა საცალფეხო  
 მიდის და მიდის აღარ იღევა.  
 აგერ, მწვერვალი შუქ მოქეიფე  
 უზარ-მაზარი ვაება, დიდი,  
 ამწვანებულ ხევს კილოფად იფენს,  
 კლდე ზედ აბია, ვით ყურსაკიდი.  
 თერგი კი მირბის და მიჰღრიალებს,  
 თითქო ვეფხვია და მისდევს ნადირს.  
 შორს, შორს ყრუ ხევში გადავარდნილი  
 ისმის მკვეთრი ხმა მისი ჩხრიალის.  
 აი, ამ ხევში წისქვილი ობლად  
 შეჭკედლებია გულქვა გარემოს.  
 ფქვავს და ფქვავს სიმინდს, ხან კიდევ ბორბალოს,  
 თითქო იგიც გრძნობს ამ ფქვაში გემოს!  
 წისქვილში ფქვილის ბუქი და მტვერი  
 და დოლაბების მძაფრი ტრიალი:  
 ისმის მთელ ხევში შეუჩერებლივ,





როგორც დაქრილი მხეცის ღრიალი.  
 თუ საღამოა და მთვარის შუქი  
 გარემოს ხატავს ოქროს სიღრმებით,  
 აიშლებიან მთაში ირმებიც  
 და ხევის ვიწრო: ბილიკი, შუკა,  
 შემოქედილი კარჩხალი ქვებით  
 ცოცხლდება ისევ, როგორც არასდროს  
 ნაზი დაისის უხვაფეთქებით.  
 აქ, დღევ კარგია, მზე მოკრძალებით  
 ტიტველ სხივს მთას რომ უხვად ჰფენს თავზე,—  
 მთები სხედან ვით ამორძალები,  
 თვალებს აშტერებს მათ-სიღამაზე...  
 დიდი ხანია რაც აქ წისქვილი  
 არის და ამ ხევს ხალისით ართობს,  
 მის ლამაზ ბანზე მთა-გორათ ჩრდილი  
 მოჩუქურთმებულ სურათებს ათოვს.  
 აგერ წისქვილის გაიღო კარი  
 გარედ გამოდის ქალარა ჯიბუ,  
 ეტყობა, გულს სწვავს ნაღველი მწარე  
 და ვნებიანად აბოლებს ჩიბუხს.  
 აგერ, წისქვილის ზემო ბანიდან  
 ქალმაც კისერი გადმოაღერა  
 და ნორჩ აისის სუნთქვა და ძგერა  
 მისმა თვალებმა ისე დასწურა,  
 რომ ძნელი იყო გასარკვეველად:  
 ამ ხევის არეს—ცად შემაერთი  
 მზე აძლევს სითბოს თუ ეს ქალ-ღმერთი!

## II

ეგ ცოლ-ქმარია ამ ობოლ ხევში,  
 მათ არ იციან ჯერ ავი კვნესა.  
 ჯიბუ წისქვილის ზრუნავს საქმეში,  
 მზია კი მთაში ცხვრის ფარას მწყემსავს.  
 ჯიბუ მოხუცდა. ახალგაზრდული  
 ცეცხლიც მკლავებში თითქოს მინელდა.  
 კვლავინდებურად არ ერჩის გული  
 და ეს ტკივილით უღვიძებს ელდას.  
 მზია კი ცეცხლით სავსეა ისევ,  
 სახე მზიური, ნაზი და ქორფა,  
 ორ გიშრის ტბაში ზის სიხალისე  
 და უზრუნველი ლამაზი ყოფა.



— მზია ქალაუ, დროა რომ ცხვარი  
დილა აღრიან შერეკო მთაში!  
ჰო, კარგი ჯიბუ!—და, როგორც ქარი,  
მზია გაეარდა ცხვრების ფარაში.  
მიდის მზია და ცხვრებს სქელ-დუმიანს  
ველურ ხალისით მიერეკება.  
მთები, ეს მიწის ცივი მუშია  
ქალის ბროლის ტერფს ფარჩად ეგება...  
თან მომხიბვლელი თბილი აღერსით  
უურს ჩასჩურჩულებს რაღაც ტკბილ ამბავს,  
მზია მწყერივით სულ გაინაბა,  
უსმენს ამ ჩურჩულს ვნება-აღერსით.

ქალო, ისე ლამაზი ხარ,  
ვით ვერხვის ფოთოლი.  
არ მიჯერი? ამ ჩვენ ხევში  
არაფინ გყავს ტოლი!

ჰყევხარ ამ ხევს ერთად ერთა,  
აფრქვევ სიხალისეს.  
ქალო, ქმარი დაგიბერდა,  
შენ, ცეცხლი ხარ ისევ!

ტანი, როგორც თერგის ქაფი—  
თვალის შავი გუგა:  
აღნობს მთის თეთრ წამოსასხამს,  
ხვეიც გადაჰბუგა.

მკერდზე ორი ზვირთის ქაფლი,  
ორი ქორფა ლელვი—  
არ სჩანს კარგად. დაიწიე  
ვგ ფარჩის ელელი!..

შუბლი კლდეა, მის ქვემო ქიმს  
აზის ორი გველი,  
ორთავეა რქა ნაყარი—  
გულის მიმზიდველი.

ან და კიდევ ვგ გიშრის ტყე  
დალაღებად შლილი,  
ხშირია და გაუვალი,  
გრძელია და გრილი.

კულასავით მოყვანილი  
 ეგ ლამაზი წვივი  
 გულში ცეცხლის კოცონს აჩენს,  
 გიზგიზებს და წვივის.



ბაგეს ღარში გახეთქილა  
 მწიფე ბროწეული,  
 და შიგ თეთრი წნელის ღობე  
 ბროლის საღებდ უვლის.

## III

შეწყდა უცრად ტკბილი ჩურჩული,  
 თითქო სიზმარი იყო ეს ხმები.  
 ისევ უძრავად ელაგენ მთები,  
 ხოლო ყველაზე უმაღლესს მათში  
 წამოეხურა თეთრი ნაბადი  
 ამოქარგული ბუნების ფარჩით.  
 მზია გაშტერდა. დგას მდუმარებით,  
 სახეს უხვად რწყავს ოფლის ღვარები.  
 ვერ გარკვეულა—იქნებ ეს ხმები  
 ზეშთაგონების ნაყოფი არი,  
 თორემ კლდე ასე ტკბილ მოუბარი  
 ჯერ არ უნახავს და არც სმენია;  
 იქნებ ეს იყოს გველის გენია,  
 ან ხევის ჯოჯო, მანვ, ეული  
 თავის ხოქოდან გამოთრეული!  
 მაგრამ გულმა ეს იქვიც გადილო,  
 თითქო საავდრო ღრუბელი იყო,—  
 და მიდის მზია. გზა მოფარჩული....  
 ფარა თავისით მიერეკება.  
 ვიშ, კიდევ ისმის იგი ჩურჩული,  
 გულის წარმტაცი ხოტბა და ქება:

ქალო, ასე მიმზიდველი,  
 სთქვი: როგორ შეგაქო?  
 ატრიალებ მაგ შავ თვალებს,  
 ვით საქსოვი მაქო!

ტანი ლეღვი გარჩეული,  
 სახე მწიფე ატმის,  
 სხეულს ჰფარავს ფარჩეული  
 და გულს ანდამატი.

ყელი თლილი ბროლის სვეტი  
და შექურა ღაწვებს—  
მთის ობოლი შუქის წვეტი  
თვის ხავერდში აწვენს.



მძლავრ და მაგარ თეძოებზე  
ორი მწიფე ვაშლი—  
მიგოგმანობს—სიარულში  
მას ვერ გასჭრი დაწნით.

წელი როგორც დოქის ყია,  
ფრჩხილი მკვრივი მინა.  
მხოლოდ ეს ვერ შემიტყვია,  
ქალო, სად გაქვს ბინა?

სად იძინებ, ან ვის მკლავზე  
გიდევს თავი ღამე?  
ვინ დაატკბე ვაშლილ მკერდით,  
ან და ვინ აწამე?

IV

შეწყდა ჩურჩული. მზია კი მიდის,  
ცხვრებიც მთისაკენ მიეჭანება,  
დგას გაზაფხულის კარგი ამინდი...  
და მთა, დამსკდარი შრავალ ქანებად,  
თითქო ვერ იტევს თავის სიმძიმეს,  
მისი მწვერვალიც კრთის და ციმციმებს.  
მზის სხივებს კოცნით ეალმასება,  
როგორც საყვარელ ძვირფას არსებას.  
აი მთის ძირი! აქ, ნწვანე მოლი  
მისდევს ზოლებად მოფლეთილ ხრამებს.  
თერგიდან მხეფი ამოხასროლი  
ბრწყინავს, ვით მზეზე დილის ცვარ-ნამი.  
მზია კი დახტის, როგორც ტყის ქალი,  
მკერდ აბურთული, შუქ მოიეფე.  
გული დარდისგან თავის უფალი,  
აჩენს ავხორცულ მხურვალე ვნებებს.  
უნდა დაცხრომა, ხტის ქვიდან ქვაზე,  
ხან ცხვარს წაავლებს ხელს ბოძალ რქაზე,  
ხან მწვანე მოლზე გაიშხვართება,  
აწუხებს სისხლის წვა და ანთება.

მაგრამ რას იზამს, რჩება მწყურვალე  
 ამტყდარი ვნება და სიმბურვალე.  
 ცხვრები ამ დროს მას სულაც არ ახსოვს,  
 გულს ავიწყდება კერაც და ქმარიც...  
 ის იყო ერთხელ, ახლა არ არი.  
 და ნატრობს იმ წუთს, როს უცხო ვაფი  
 მას შეეყრება სადმე აქ მთაში.  
 ჩაიხვევს გულში ამაყი მკლავი  
 და აღტყინების კოცონით ნავი  
 შორს გაიტაცებს ორთავეს ღელვით  
 ავხორცობის და ვნების უღელით.  
 ნატრობს ის ამ წუთს, მაგრამ სად არი?  
 თვალ წინ ეხატვის მოხუცი ქმარი,  
 და მხოლოდ ფიქრში განძრახულ ლალატს  
 მზია მოედნო და დაეღალა.

✓

სძოვს ცხვრები. ხევი ხმაურობს ისევ,  
 გულდამშვიდებით იძახის ვნოლი—  
 დი მთის მწყურვალზე უძრავი ბროლი  
 ბრწყინავს და ელავს მხურვალე მზისგან.  
 ჩუ, ეს ხმაური საიდან მოდის?  
 თან ლაპარაკიც გაისმის კენტად.  
 მზია შიშისგან სულ მოითენთა,  
 აქ, აღამიანს არ მოელოდა.  
 უკვე გარკვევით ირჩევა ხმები:  
 —ხედავ, მუდაყან, მარტოა ქალი,  
 დავიცხროთ ვნება, წაუასხათ ცხვრებიც,  
 რას იქუშები, ხომ არ ხარ მხდალი?!  
 ეს უთხრა ფილომ მუდაყანს ისე,  
 რომ მისი ბოხი ხმის დაძახილი  
 თითქოს იყო მთის ნადირისა  
 როს დაქრილია იგი მახვილით.  
 —მხდალი არა ვარ, მუდაყანს შიში  
 გულზე ოდნავად ვერ ეკარება.  
 მე მთაში ვცოცხლობ და ჩემს მძლე კუნთებს  
 ჰკოცნის ხალისით მზის თაკარება.  
 ბუნდ იყოს აქვე ლაშქარი კახთა,  
 ეს ვერ მომიკლავს შეტევის ხალისს,  
 მაგრამ გაძარცვა, ნამუსის ახდა  
 და ისიც ასეთ უმწეო ქალის





ჩვენი მთის ადათს აღემატება!  
 შენ ბარელი ხარ, მე კი მთიელი,  
 ორთავეს გული კლდეა ძლიერი,  
 მაგრამ მთამ, როგორ გაკადნიერდეს—  
 ისე, რომ მოჰკლას თავის იერი,  
 მიიღოს სახე-მწიერი დათვის  
 პატარა ნუკრის გაჭყლეთისათვის!..  
 —მუდაყან, კიდევ არ შემესიტყვო,  
 მე, შენ მეგონე მთიელი ბიჭი,  
 ამოირეცხე გულიდან იქვი,  
 თორემ ვფიცავარ მზის სიბრწყინვალეს,  
 ჩვენ ორში—ერთი—დახუჭავს თვალებს!  
 — ნუ ცხარობ ფილო, შენ კარგად იცი  
 ჩვენი დიდი ხნის აღთქმული ფიცი.  
 იმას შემდეგ ხომ ორთავე გულები  
 სავსეა ძმობით და ერთგულებით.  
 დავდივართ მუდამ ამ მთა და ღრეში,  
 ვით დაგეშილნი მონადირენი.  
 უძილო ღამე: ნიაღვარ-თქეშში  
 და ჩვენც დამფრთხალი, როგორც ირემი,  
 ენატრობთ ბავშობას, მშობლიურ კერას.  
 დედის აღერსს და მამის სიმღერას.  
 შენ, შენს კახეთს და მე ჩემს ხევსურეთს,  
 სად უკეთესი გვიგრძნია წუთი,  
 სად გრძნობა წმინდა, გრძნობა სათუთი  
 იყო ჯერ კიდევ შეულახავი,  
 როგორც მყინვარის ცქრილა თავი.  
 მაგრამ სადღაა ახლა ის წამი,  
 ძველი ხალისი მაინც სად არი?  
 დაჰბერა უცებ, მოვარდა ქარი  
 ის თან გადაჰყვა—ნორჩი ლერწამი.  
 ჩვენ დღეს ორთავე რომ გაგვახაროს,  
 თუ არა ძმურმა ნუგეშმა ისევ,  
 რითაც სიამე და სიხალისე  
 დასთესს ჩვენ შორის სიკეთეს ულევს  
 და გადაჯაჭვავს ორთავე გულებს.  
 მიყვარხარ, ფილო, და შენს გუდაყანს  
 გული ბავშვივით აქვს ღმობიერი.  
 ვარ მიმნდობი და მოსიყვარულე  
 და მძულს ბოროტი, ქუში, ცბიერი,  
 მანკიერება, ღალატი, ცოდო,



შურით ანთება, დაბნედა მტრული—  
 ვფიცავ, არასდროს გამომეცადოს  
 და ვარ შენი ძმა, შენი ერთგული!  
 —შენ კიდევ ურჩობ, მაგრამ გეტყობა  
 არ იცი ჩემი ძლიერი ნება.  
 შეკუმშე ძალა და ნების ყოფა,  
 აქ, სახიფათო არა იქნება.  
 გაშალე შუბლი. ბეჭი და მხრები.  
 რაღას უდგებარ? წავასხათ ცხვრები!  
 —ო, არა ფიქო, ამას ვერ გირჩევ.  
 სჯობს გავანებოთ ამ საეშვს თავი!  
 რაც უნდა იყოს ქალია მაინც  
 და ქალის მიმართ აღმართვა მკლავის,  
 როდი შეშვენის ხევსურელ რაინდს?!  
 —მუდაყან, წერას აუტანიხარ!  
 —ნუ მემუქრები. შენი მუქარა  
 ჩემს გულს არ ხვდება სუსხიან ქარად.  
 შენც კარგად იცი ჩემი მკლავები,  
 თუ გულიანად მტარვალს შავები—  
 არ მეშინია იმის ამარა,  
 მტერს მყის გაუთხროს იგი სამარეს!  
 მზია დგას, ესმის ეგ შესიტყვება,  
 გულ ვახეთქილი კრთის და კანკალებს.  
 ძარღვებში სისხლი შიშისგან ღებება,  
 კრემლი ადგება განიერ თვალებს.  
 უნდა გაიქცეს, მაგრამ სად, როგორ?  
 უცებ ფიქოც წინ გადაეღობა  
 და გასაქცევად შემართულ მზიას  
 იგი ძალუმად გადაეხვია.  
 ვაჟი ვერ იქერს მოვარდნილ ვნებას,  
 ღრიალებს, ოფლის აღმურში დნება.  
 თავდავიწყებით ხევს ტანისამოსს,  
 მზურვალე ვნება რომ დაიამოს...  
 როთინობს, როგორც ველური ტახი,  
 გული არც ქალმა არ გაიტება:  
 უკაწრავს მომხთურს ფრჩხილებით ღაწვებს,—  
 მაგრამ ფიქო მას მყის წამოაწვენს  
 თავის ბანჯგვლიან ღონიერ თათით—  
 ამტყდარი ჟინის დაცხრომისათვის.  
 მზია იბრძვის, ვით ხატანგში თავვი,  
 თან იკეცება, ველარ შლის მკლავებს,



მის კივილს ისმენს ნორჩი არაგვი,  
 რომელს აქ, ხევში უდევს სათავე.  
 მაგრამ უეცრად, მოულოდნელად,  
 თითქო ერთ წუთით ცამ გაიელვა,  
 მუდაყან ფილოს მოუვარდება—  
 მოჰგლეჯს ვით ბალახს და გადაისვრის,  
 ფილოც ეცემა უძრავ ლოდს კისრით...  
 აქ უკვე გაწყდა ძმური კავშირი.  
 ორთავ გულები აივსო შურით.  
 ფილო ბრაზისგან სულ მთლად კანკალებს,  
 დაბეჭილი აქვს მთელი სხეული.  
 წამოდგა ჩვეით, ძლივს ახელს თვალებს.  
 გულში მწვავედ გრძნობს—არის ძლიერი!  
 მაგრამ შეეხება მუდაყანს მკლავით,  
 შემუსროს, ან და შეაკლას თავი—  
 ვერ ჰბედავს და ეს ძლიერ ალონებს,  
 რადგან ცუდ დროზე ჰლაღატობს ღონე.  
 მაგრამ ბოლოს ეს მაინც შეჰბედა:  
 —კარგი, დამაცა, გიტირებ დედას!  
 ჩვენ ამას გარდა შეგხვდებით კიდევ!  
 ახლა კი ამ მარცხს გულში ჩავიდებ  
 და ვაი იმას, ვისაც ჩვენ ორში  
 აღარ დაურჩეს კეთილი ბოლო—  
 იგემოს მარცხი და ჩაიკოლოს!—  
 ეს სთქვა ფილომ და შემოტრიალდა,  
 გასწია თერგის ნაპირისაკენ,  
 სად მყინვარს თავის დაეშვა კალთა  
 და მწვერვალი კი კრთოდა ვით სარკე.  
 მუდაყან თითქო დაიძრა კიდევ,  
 რომ ფილოსათვის ხმა ჩაეკმიდა,  
 მან დააპირა გამოდევნება,  
 მაგრამ მზია სთხოვს დარჩეს და ისიც  
 ემორჩილება მთხოვნელის ნებას.  
 —ო, ჩემო მხსნელო, შენი სახელი?  
 — ჩემი სახელი მუდაყან გახლავსო!  
 — ჩემი კი მზია, არ მოგწონთ განა?  
 აქ თითქო გულზე დაჰკრეს ვაჟს დანა,  
 დაება ენა, მაგრამ სულ ბოლოს,  
 გასცა პასუხი სახის ანთებით:  
 —მწვენიერია, მაგრამ სახელზე  
 ულამაზესი თვითონ ბრძანდებით!





აქ, უკვე შეწყდა კითხვა-პასუხი,  
 ახლა ზვერავენ ერთმანეთს თვალით.  
 ვაჟი ტანადი და თვალეზ-რუხი  
 იდგა ქალის წინ ეზებით დამთვრალი.  
 ორთავეს გული საგსუა ვნებით,  
 ველარ ძლებიან მაშურვალე ცქერით,  
 ქალის გულ-მკერდზე ბროლის მტვენები  
 მუდაყანს მკერდ-ქვეშ გულსაც უძგერებს.  
 მას არ უნახავს ასეთი ქალი,  
 სულ ყველაფერით უხვად შემკული,  
 ქცევა და ცქერა თავისუფალი,  
 და მარმალღლოს ფრიალო გული  
 მწველ სილამაზით შემოქარგული  
 იჩრდილებოდა სახის იერით,  
 რადგან აქ სჩქედდა სიმშვენიერე.  
 მზიაც უცქერის ქვეშ-ქვეშ და ჩუმად  
 ვაჟის აშლილ თმას შავ აბრეშუმად,  
 ხან შუბლს, რის ქვემოთ კრთის, როგორც ალი,  
 არწივის ორი მახვილი თვალი.  
 ქალს მოეწონა ნატიფი ვაჟი,  
 ზვერავეს მკლავებს და განიერ ბეჭებს,  
 რომელიც ჰკვეთავს ყოველგვარ ეჭვებს  
 ქალის ვნებიან გულის ცემაში.  
 დიდხანს, სულ დიდხანს აგრე უძრავად  
 იდგენ ორთავე გარინდებულნი  
 და მათი ცეცხლით აღსაესე გულნი  
 სიჩუმეშიაც გრძნობდენ ტკბილ ალერსს,  
 ვნებას უწმინდესს და უმხურვალესს.

## VI

ბოლოს გაბედვით წარმოსთქვა ქალმა:  
 —წავიდეთ ჩემსა, შორს კი არ არი,  
 შინ დაგვიხვდება მოხუცი ქმარი  
 და მე ვუამბობ მას, რაც გადამხვდა,  
 რომ ამაშორე დღეს განსაცდელი,  
 მაგ მადლიანი მაგარი ხელით!  
 —კარგი წამოვალ!— იყო პასუხი  
 და ვაჟის გული სიკეთით უხვი—  
 ისევ აენტო, როგორც აბედი,  
 თითქო ლოყებიც წითლად იწვისო;  
 გული კი გრძნობდა რომ ჰპოვა ბედი  
 ახალ-ცხოვრების წინამორბედი.

## VII



მედიკალური  
ბიბლიოთეკა

თუმცა ჯერ კიდევ არ დაღამებულა,  
 მაგრამ მზის სხივით არ თბება ხევი—  
 რადგან ჩამოწვა შავ ნისლის ქულა,  
 როგორც ზღაპრული ბაყბაყი მღვეი.  
 მაღალ მყინვარის ქუში მწვერვალზე  
 აღარ ანათებს მელორტი თავეით,  
 მხოლოდ ხმა ისმის მყვირალი თერგის,  
 ხმა მრისხანე და გულისაკლავი:  
 არც არშის ციხე აღარ სჩანს უკვე,  
 არც მისი ძველი ნაჩარდახალი,  
 რომელიც მყინვარს თითქო ჯიბრს უწევს:  
 შენ ჩემზე უფრო რით ხარ მაღალი?  
 ჩაბნულდა არე ჯოჯოხეთივით,  
 ნისლის ქულებზეც სცურავს ვით ტივი,  
 მაგრამ ამ ხევის ავი ნადირი  
 თავგამოდებით, ძალუმად ჰყვირის...  
 ჰყვირის და გულში იგი ყვირილი  
 სთესავს სიცოცხლეს და ჰარმონიას,  
 მისი მნახველი არა მგონია,  
 ერთ წუთით მაინც არ დასტკბეს მითი—  
 ამ მთის სამკაულ ძვირ მარგალიტით!  
 ეგ არი თერგი, მდინარეთ მეფე,  
 მუდამ მრისხანე, სწრაფი და ღვრია,  
 მის ტალღათ მიერ ასროლილ მხეფებს  
 მყინვარის მკერდიც გაურღვევია.  
 ის მუდამ მიჰქრის თავდაქანებით,  
 თვით ტაიჭია, მთა კი—მხედარი.  
 ღრიალებს ძღვევით და მრისხანებით  
 უდაბნოს ვეფხვი დაუდევარი.  
 მიყვარხარ თერგო! ეგ სიყვარული  
 არის სპეტაკი, ვით დილის ნამი.  
 არ გძინავს, თხიზლობ, შენი ასული  
 მუდამ მძლავრია დღეცა და ღამეც.  
 ვინ დაგაკავებს? შენი ჯებირი  
 რკინაც რომ იყოს, გასჭრი ძლიერო!  
 მთა გაწევს, როგორც ცხენს უნაგირი  
 და ცა ლეჩაქად დაულიერი.  
 თავდაღმართისკენ დაქანებული  
 შენი ზიროთების მკვეთრი ჩანჩქერი

არის მუდამ ჟამს აქაფებული  
 და მთის გრძელ ზღაპრებს ლექსებად მღერი.  
 ბევრჯერ უგრძნია მგზავრს შენი ჯადო  
 სიმღერა იგი ტკბილია მეტად  
 აქვე, მთის ძირში ამირანია,  
 რომ ემზადება ქვის გასაკენეტად.  
 იქუხე ჩემო! თან იღრიალე  
 იყოს თუნდ დილა, იყოს თუნდ მწუხრი,  
 ამ წუთი სოფლის ავი ტრიალი  
 შენ ვერასოდეს ვერ შეგაწუხებს...  
 ვერ შეგაწუხებს, მაგრამ ხომ იგრძნობ  
 ავსაც და კარგსაც სამშობლო მხარის,  
 და ამ ტკივილს შენ გარკვევით ამბობ,  
 როცა ზვირთს-ზვირთზე აამქუხარებ!  
 მე მიხარია, რომ ჩვენში ცოცხლობ,  
 რომ ჩვენი მთიდან იწყე სათავე...  
 და შურდულივით გაქანებული  
 გორგოზ სიცოცხლეს სხვაგან ათავებ.  
 მზე ჰქარგავს შენში უხვ ელვარებას,  
 გუშინ ქედანიც შენ გიმღეროდა,  
 და მთის გულ-გამლილ მაღალ წვეროდან  
 გერთვის ლანქერი ღვრიე ღვარებად.  
 აქვე არაგვი ბროლის ჩანჩქერით  
 შენი უმცროსი ძმა მოყვარული  
 გულდამშვიდებით ტკბილ ხმაზე მღერის  
 და უხვ სიკეთიდ სავსე აქვს გული.  
 მისი აღმასით ნათალი ტანი  
 თავდაღმართს ფრთხილი კლაკნით რო უვლის,  
 თითქო ქალწულის ხელები არი  
 მთის ხალიჩაზე გადაშხლართული.  
 მგზავრს როცა ესმის მისი ჩხრიალი  
 იქვე ეცლება გულიდან ბოღმა...  
 სალ-კლდე ნაპირის გაღმა-გამოღმა  
 მწვანე ხავერდიც უხვად შრიალებს.  
 წყლის სწრაფი დენით ნაკვეთი ქვები  
 მოსჩანს ლითონის მკვრივ ასოებად;  
 აქ, ხალისია და სიხარული  
 აქ არის მაღლი და სესოება!

## VIII

ნისლმა კალთები ამოიწია,  
 მზემ ოდნავ თვალი შემოაპარა.





ეროვნული  
ბიბლიოთეკა

ხევის ბურუსში დამფრთხალ ცხვრის ფარას  
თითო-ოროდ აღროვებს მზია.  
აქ ქალს მუდაყან წამოეშველა,  
რომ უფრო ჩქარა მორეკონ ცხვარი...  
მზია ხტის ქვიდან ქვაზე, ვით შველი  
და მისი მკერდი სულ მთლად შიშველი  
ორ ბურთულს შორის ფართედ მჯდომარე,  
ანათებს, როგორც ღამეში მთვარე.  
მოგროვდა ცხვარი. უკვე დაისი  
თავის ოქროს შუქს ასხურებს არეს.  
მყინვარი სდგას ვით აღონაისი  
და უსმენს ყუჩად არაგვის ალერსს.  
ალერსი იგი შორს იფანტება  
ხევის მოფლეთილ არე-მარეში,  
სად ჯიხვებს, არჩევებს და ირმის ჯოგებს  
აქვთ გამართული დიდი თარეში.  
ცხვრებიც დაჯგუფდენ. ამათში ვერძი  
დაწინაურდა, როგორც ბელადი,  
მისი მკვეთრი რქა დახრილი გვერდზე  
ბრწყინავს და ელავს მრავალ ფერადად.  
ფარა მას მისდევს ობოლ ბავშივით,  
ვიწრო ბილიკზე არ არი ტევა.  
ხევში ტრიალებს იმბათი ცივი  
და მკენარენიც შეიპყრო რხევამ—  
სულმთლად პატარა ცა, ვით ქილოვი  
ხევს გადმოჰყურებს ცბიერი თვალით,  
და ზედ ვარსკვლავი, როგორც კრილობა,  
აზის ფერმკრთალად ამონათალი.  
მზე ახლა არც მთებს აღარ აბრაზებს,  
ის დაიძირა ვით მძიმე ტივი,  
ზევით მკერდ-ტიტველ მტრედისფერ ცაზე  
მობობლავს მთვარე ყვითელ ლოდევით.  
მაგრამ ამისი ობოლი თვალი  
ვერ სწვდება გულში ხევის ნაპრალებს.  
ისევ სიბნელეს უჭირავს ხმალი  
და აპრიალებს განიერ თვალებს.  
სვლა საშიშოა ასეთ დროს ხევში,  
აქ უნდა გქონდეს ჯიხვის ფეხები,  
თუ მოსწყდის უცებ გველივით ბილიკს  
შორს, შავ უფსკრულში გადიჩეხები.  
მაგრამ მუდაყან ქუში და მკერივი



მიდის მტკიცედ, ვით უდაბნოს ლომი.  
 მისი ფოლადით ნაქედი წვივი  
 ნაჩვევი არის რბენას და ხტომას.  
 სადაც ხრამია და ნაპრალები,  
 სად ერთის გასვლაც საფრთხილო არი,  
 იქ მას ხელთა ჰყავს მზია, ვით ბავში  
 და ასე გადის უფსკრულის არეს.  
 ორთავე გულები ამ დროს სხვა გვარად  
 სტოკავენ და თან გრძნობენ ტკბილ ხალისს,  
 თითქოს აღმური იქცაო ღვარად—  
 ისე ენთება გულმკერდი ქალის.  
 ვაჟიც იწვება მგზნებარე აღით,  
 თითქო ამ აღში იყოს მცურავი,  
 და ამ დროს ქალის მარმაშა სხეულს  
 მისი მკლავები მედგრად სწურავენ...  
 სწურავენ, მაგრამ ჯერ მოკრძალება  
 ვაჟს ქალისადმი ეტყობა მაინც,  
 თუმცა გიშერის ფართე თვალები  
 წარმართულ ცქერით აღელვებს რაინდს.  
 ქალსაც აღელვებს ვაჟის იერი,  
 ტანის ნაკვთების სიმშვენიერე.  
 და მისი ნდობა ხარბი და ქუში  
 უფრო ენთება ვნებიან გულში.  
 ამ დროს ვის ახსოვს დაკარგვა ცხვრების!..  
 გული ორთავეს ცეცხლის აღს უნთებს,  
 ქალი კი უფრო თავდავიწყებით  
 ეხვევა ვაჟის შეკუმშულ კუნთებს.  
 ინთება ცეცხლი. ახლა ვაჟიც მთლად  
 შეიპყრო ქალის მწველ სითამამემ.  
 მთაში ხმაურობს მყვირალი თერგი,  
 ხევში ჯერ კიდევ ბრძანებლობს ღამე.

(დასასრული იქნება)

## ანასტასია ერისთავ ხოჭბარია

# ს ა ლ ი

(რომანი)

I

ოთარ გარემოშვილი შვიდი წლიდან პეტერბურგის პაეტა კორპუსში სახელმწიფო ხარჯზე იზრდებოდა. დავაყვაცებამდე თავის ქვეყანაში ფეხი არ მოუდგამს. მისი ნორჩი არსება რუსეთის პაერით სულდგმულობდა. გრძნობა-გონება რუსეთის ხალხის თანაგრძნობით უთბებოდა. იცოდა, ჰქონდა სამშობლო, პყავდნენ დამმა-ნათესავები, მაგრამ ყველასაგან მივიწყებული იყო.

მაგიერად კორპუსში უყვარდათ. ყოველთვის აღფრთოვანებულ, ვერცხლის წყალივით მოციალე, ჭაბუკის დაჭეჭებას ტოლები ხუმრობით უხვდებოდნენ:— ნუ ცხარობ, ამხანაგო, მეომარ კაცს არა შეენის წარამარა გულფიცობა, ჭკუას დაუხმდი და, როდესაც ბრძოლის ველზე გახვიდე, მაშინ შეგიძლიან შენს გმირულ შემოძახილს ფრთები გაუშალოვო.

ოთარმა კორპუსი სანაქებოდ გაათავა, საგნებში განსაკუთრებით მსოფლიო ისტორია უყვარდა. ფამთა აღრიცხვა, რა დროს რომელი შესანიშნავი პირი დაბადებულიყო, გარდაცვლილიყო, სად თავი უჩინა, როდის რა ქალაქი აშენებულყო, ხალხი ხალხზე რა მიზნით ამხედრებულ-მისეულიყო, მამაო ჩვენოსავით იცოდა. ცხოვრებასაც უკან არა რჩებოდა. თუ სამშობლოდან არავითარი ნივთიერი დახმარება არ მოსდიოდა, მაგიერად უფროსი ძმა პეტერბურგში დივიზიას უფროსობდა. ფულს არ ულევდა. ქალაქის თამაში, ქალები, ქეიფი, პაპიროსი, ცეკვა, ოთარისთვის აუცილებელი გასართობი იყო, მაგრამ ძმამ უბრძანა, მამულის საპატრონებლად საქართველოში წამოსულიყო...

საქართველოში ჩამოსვლის უშალ ახალგაზდა მემამულე მამაპაპურმა ზნეჩვეულებამ თავის მორევში ჩაიარია. ნაცნობ-ნათესავების წყალობით ძალიან ცოტა დრო რჩებოდა უმთავრესისთვის ეზრუნა. მამულებზე ბატონობა ისევ მოურავებს დარჩათ. მათ შორის მეტი ყურადღება მიიქცია ზნით ყველაზე უმცროსმა გიორგი ბალიძემ გონივრულის და წრფელის ქცევით. როდესაც სხვები წინ ვარდებოდნენ, დიდის რიხით ერთგულებას უმტკიცებდნენ, გიორგი განზე დგებოდა, ვიდრე ოთარი თვითონ არ დაავალებდა. დავალებულსაც კარგა ხანს ჩაუფიქრდებოდა; თუ არ მოეწონებოდა, ურჩევდა ბატონს,

აზრი შეეცვალა. ოთარის გარშემო მრავალი უმართებულო საქმენი ხდებოდა: ნათესავ-მეზობლები (ძალა უფლების გასაძლიერებლად) ნაყმევებს არბევდნენ, სჯიდნენ. მშრომელი ხალხი მოდუნებულიყო. პირუტყვისათვის, თუნუკისათვის, მისი საერთო მაჯის ცემა, მკიშე ტვირთისგან ნაილაჯობით აღმომადარი ოხვრა ცხოველდებოდა. მოქროლილ ქარიშხალში ხან მცენესარ კვილად გადადიოდა, ხან დაქრილ ნადირივით ღმუოდა. ხმიანობა ოთარის გულამდის აწვდენდა. ქირხლში შეხვევული, გაურკვეველი გრძნობა არსებას უბოჭავდა, თვალებს მრისხანედ გადაატრიალებდა. თუ მაგიდა ახლო უდგა მუშტა დაარტყავდა, თუ არა ხელებს ქოჩოჩში წაივლებდა, ოთახში აჩქარებით სიარულს იწყებდა და ჩურჩულებდა: არა!. არ შემძლიან!. არ მინდა ვიყვე ის, რაც სხვები არიან!..

\* \* \*

ერთხელ ოთარ სამწერლო მაგიდას უჯდა. წიგნის შინაარსს გაეტაცა. წიგნს თუ თავს ანებებდა, მაგიდაზე ნიდაყვდანდობილი სარკმლიდან ბაღს უყურებდა. ბაღში ხეები თეთრად გადაპენტილიყვნენ. დედამიწაზე სალამოს ჩრდილები ხშირდებოდნენ. ღია სარკმელ ზევით ბოძზე მიმაგრებულ გალიაში წყვილი კანანერები სტვენდნენ. მათი სტვენა ოთარს არ უშლიდა. პირიქით ოცნებას უფერადებდა. ოთარს აკლდა სულის ტოლი. ტოლი ეჩვენებოდა კდემა მოსილ მშვენიერ ბანოვანად, რომელთანაც ხელიხელ ჩაკიდებული, თავის სამფლობელოს შეაერთებდა, უმდიდრეს კუთხედ გარდააქცევდა, უხვ მოწყალების არხებით თანაბრად მორწყავდა... ამას მეტყველობდნენ ოთარის გაბრწყინვებული თვალები. გალიაში მოჭახქახე ჩიტუნებაც თანხმობის ნიშნად უფრო ალტაცებით ტკრცილებდნენ, მაგრამ ჩიტუნებმა სტვენა უცბად შეწყვიტეს, გალიის კუთხეში მიიყუჩნენ.

— ბატონო, გლებებს თქვენი ნახვა უნდათ!.

მოისმა გიორგის ხმა. შეფერადებული ოცნება უცბად გაფრთხა. დარჩა თავადი მოურავის პირისპირ. გლებების გახსენებაზე ოთარის წინ ჩამოწვა ნისლი, კისერში მდგარი რაღაც მოხვდა, წარბშეკრულმა წიგნს ფურცელა დაუწყო.

— შემოვიდნენ! წარმოსთქვა კარგა სიჩუმის შემდეგ..

— ბატონი აღღეგრძელა ღმერთმა!. შესძახეს ერთხმად გლებებმა, დაბლა თავი დაუკრეს. თუმცა კარი ღია იყო, მაინც შემოსვლა უჭირდებოდათ. ბევრიც უკან დარჩენილიყო.

ოთარმა გლებებს შუბლქვეშ გამოხედა. შენიშნა თვითვეული მათგანი ერთი მეორეს ჰგავდა; სახის ერთი და იგივე მეტყველობა, ერთნაირად აბრანძვლები, მთრთოლვარენი და გალენჩებულნი.

— რა ამბავს იტყვით?. შეეკითხა ოთარი.

— რას ვიტყვით და ჩვენს დაბეჩავებასა, ბატონო! აი გიახელით, მოგახსენოთ და გთხოვოთ, გვაპატიოთ ის მძიმე გადასახადები, რომლებიც სულსა გვხუთავენ.

გადასახადებო?. გაიოცა ოთარმა.

— დიახ, ბატონო, სწორედ ი გადასახადები... შენი მოურავი <sup>ზაქარა</sup> სამი დღეა რაც უთენია ტომრებით და ჩანახით თავს გვადგება; ჩაგვეცემები ბატონმა გამომგზავნა, ეხლავე ამირწყეთ თვითელმა კომლმა ორჯერად დაჯერა, ჯერ არ გაეთავებინა მოჩივარს სიტყვა, ოთარი ზეზე წამოვარდა.

— გიორგი, ეს რა მესმის? თითქო იმ დღეს ზაქარამ შენ თვალწინ წარმომიდგინა სია იმ გლებებისა, რომელთაც ლალა ვაპატივე. მახსოვს, ამათი გვარებიც შიგ იყო..

— დიახ, ბატონო, ავრე გახლდათ!. დაემოწმა გიორგიც.

— ამ შენმა მოურავებმა კერა გაგვიციეს ბატონო, იმ დღეს ივანემ ერთი კერატი სალორედან გამოიტაცა, ბატონის სტუმრებისთვის მინდაო. ამაზე მეტი მოთინა აღარ შეგვიძლიან, აი მოვედით შენთანა, ბარემ ყველას ერთბაშად ყელები დაგვჭერთ, დაწიოკებულ კოლშვილს ნულარ გვაცქერინებ!. დინჯად ლაპარაკობდა ნახევრად დაუსინათლოებული მოხუცი ბესო. ოთარიც შუბლზე ხელშემოდებული მაგიდას ნიდაყვით დაბჯენოდა.

მაშ ამისი სახელით ხალხი იყვლიფება?. ოთარს კი სრულიად მოპირისპირე აზრები ძილშიაც მოსვენებას არ აძლევენ.. ოთარი ხალხის შემკმელია, როგორც მისი წინაპრები?. ოთარი განმეორებაა წარსულის მტარვალობისა?!

— არა!. არ შეიძლება!. დაიჭექა ოთარმა, იატაკს ფეხი დაჰკრა, შემდეგ ისევ ჩაფიქრდა, შავიდასთან მივიდა, ქალაღზე საჩქაროდ რაღაც აღნიშნა და კვლავ შესძახა:

— დღეიდან გიორგი ხდება ჩემ მთავარ მოურავად. ხომ კმაყოფილები იქმნებით ამ გარდაწყვეტილებაზე ხალხო?.

— დიახაც.. გიორგი ჩვენი ცრემლის მომწმენდია!.

— დღეის იქით გიორგის გარდა ახლო აღარავინ გაიკაროთ! გარდა ამისა, რაც მიწები გიჭირავთ, თქვენთვის მიჩუქებია, მაგრამ, სანამ დავაკანონებდე, ცოტცოტა გადასახადი მაძლიეთ! პირველში ასე იყვეს და მერე კიდევ ვნახოთ... ოთარი ოთახში განაგრძობდა აჩქარებით სიარულს.. მეტის მეტად კმაყოფილი და ამასთანავე გაოცებული გლებები თვითო-თვითოდ გადიოდნენ, თან უკან იხედებოდნენ, თითქო არ ეჯერათ, ელოდნენ, საცაა დაუძახებდნენ და გამოუცხადებდნენ, რომ ეს უხვი მოწყალება ბატონისა სიზმარი იყო და არა ცხადი. მას დღეს აქეთ რაც ოთარმა მთავარი მოურავობა გიორგის ჩააბარა, გლებები საჩივლელად აღარ მისულან. ოთარიც კმაყოფილი იყო.

— თუმცა ისინი შენს ლოცვაში არიან, მაგრამ მაგიერად სხვები...

— ვინ სხვები?

— სხვისი ნაყმევები ძაან ლელავენ, ამბობენ ჩვენ რალა დავაშავეთო, განა ჩვენკი გვაწყენს ბატონის წყალობაო?..

— ეგ მე არ შემეხება, ჩემო გიორგი, ყველამ თავისი საქმე თვითონ იცის... ოთარი კვლავ ახალის საჩუქრით ტვირთავდა გიორგის, რომელიც გახარებული, გარბოდა გლებებისკენ, რომ მათთვის სამოსახლო ადგილები მიეზომა და იმავე დროს სოფლისთვისაც განსაკუთრებით მოხერხებული კუთხე სკოლისთვის აღნიშნა. ოთარისგან საჩუქარი საჩუქარზე დაუზოგავად გადადი-



ოდა. გამჩუქებელი თვითონვე ალტაცებაში მოდიოდა. რალაც ძალია უკარნახებდა უსათუოდ ასე მოქცეულიყო.

— მაშ რისთვის მინდა ამდენი მამული? განა ღმერთი უნდა მამული ჩვეუნი სფერო დავიჭირო და, რაც მინდოდეს, ვბრძანო? ნუთუ ისე უნდა მოქცეული ვადი იმიტომ გამიტარებია რუსეთში, რომ მერე მოვსულიყავი, საცოდავ ხალხისთვის ფეხდაფეხ შედეენა, საცა პატარაზე მიწა წაეჩიქნა სულთამბუთავედ თავს წავდგომოდი და წაშეგლიჯა?! არა!. არ შემძლიან!..

— რა ხარ, ოთარ? რას ეჭიდები?... ეკითხებოდა ამ დროს იდუმალი ხმა...

— მე თვითონაც არ ვიცი... დაუმატებდა ეს...

\* \* \*

ოთარი №-ის სასტუმროში ჩამომხდარიყო. ოთახის აივანი ქალაქის მრავალფერად აქრელებულ ბაღს გასცქეროდა. განიერ ქუჩების ქვაფენილებზე სხვა და სხვა მიღეთის ხალხი ირეოდა. თვალწინ ცის დასავალი ფართოვდებოდა. ოთარს მოუნდა აივნიდან ძირს ჩამოშვება, ხალხის ტალღაში შეცურება. ცის ლაგვარდი ამ დროს უღრუბლოდ კამკამებდა, მზის სხივებს ბაღის შადრევნის წინწკლებში აბანავებდა, ბრწყინვალე მხეპები ნაზ ჩქერას გამოსცემდა, ჩქერა ოთარის ყურს უაღერსებდა:

— გაშლიით!. განზეე!.. ლაღად! წერაქვი კედელს!. ცული მესეერს!. გაღალახვა სამიჯნოოს!.. ამ ქვეყნის ქერი მარტო მე ვარ. მოთავსდით, მორიგდით, იცოცხლეთ და მეც აქედგან საერთო სხივებით გაგათბობთო.

— თქვენო ბრწყინვალეებავ! სტუმარი გახლავთ; მოკრძალებით წარმოსთქვა ამ დროს სასტუმროს მსახურმა. ოთარი ოცნებიდან გამოერკვა, ოთახში შემობრუნდა. ასლან გარემოშვილი დივანზე გადაწოლილიყო, ამაყად თავაწეული დაუდევრად იყურებოდა. ოთარმა საღამო მისცა ბიძას, რომელიც მაზრას უფროსობდა. ასლანმა უღვაშებზე ხელი გადაისვა, ოთახს თვალი მოავლო, როდესაც ნახა ოთარს საუკეთესო ბინა აერჩია, ჩაიღიმა და წარმოსთქვა:

— კარგად მოხდა, რომ სახლში მოგასწარი. დღეს საღამოს შინ წასულას ვაპირებდი და შენი ნახვა-კი აუცილებელი იყო.

— შინაც რომ არ დაგხვედროდით, მაინც რა უშავდა. მიბრძანებდით და მეც გიახლებოდით, თქვენზე რა შორსა ვარ?..

— წარმოიდგინე ოთარ, შენ ჩემზე ძალიან შორსა ხარ... თავის დაქნევით უთხრა ასლანმა, თან თვალეში სიამაყე გამოუკრთა. ოთარს ეწყინა, ხელების ფშვნეტა იწყო.

— რა ნაირად? ჰკითხა ბოლოს.

— რანაირადაც გინდა.. ხნით, აზროვნობით, საქმით... საერთო გვარიღა დაგვრჩენია, მაგრამ სჯობს, პირდაპირ გითხრა: მე შენთან მოგზავნილი ვარ.. დააბოლავა ასლანმა და შუბლი შეიკრა.

— ვისგან?..

— თავადაზნაურობის დავალებით გირჩევ, ისევ რუსეთში წახვიდე... ოთარი გაფითრდა.

— რამე საქმეს მავალეებენ?..

— რის საქმეს?.. რა საქმეს?.. გვზავნიან, როგორც ქვეყნისთვის მავალე პირს. გირჩევ, შენის ნებიჯევე წახვიდე, სანამ ძალით გაგისტუმრობდნენ.

— დანაშაული?..

— შე მამაცხონებულა, მაგაზე მეტი რალა უნდა დააშაუო?.. მთელი გლეხობა ააღელვე, რაც თავის დღეში სიზმარშიაც არ უნახავთ, არ გაუბედნიათ ქვეყნის საზარალო აზრები, სურვილები გაუღვიძე?.

— რასა ბრძანებთ ბიძა ჩემო?.. ეგ ხომ დიდი ცილის წამებაა... გლეხობა ავალელვე მე?.. არ მესმის რაშია საქმე?..

— უბედურობაც მაგაშია, რომ შენ თვითონ არ გესმის რას ჩადიხარ?.. ერთი მითხარი, ი მიწები რომ გააჩუქ-გამოაჩუქე, რატომ არ მოიფიქრე, რასა შერებოდდი? ვითომ რა გინდოდა მაგითი დაგემტკიცებინა? მეტი გულკეთილობა, თუ მეტი ჭკუა?.. ბოლოს გამოგივიდა დიდი სისულელე, რომელიც შენ თვითონვე ცხვირში გცემს..

— მე რომ ჩემ გლეხებს ერთი მტკაველი მიწა ვაჩუქო, აქ ხალხის აღწევება რა შუაშია?

— ოღონდაც.. რახან ასი დღიური, ისიც რჩეული ნაფუზრები, სამოსახლო ადგილები ერთ მტკაველ მიწად მიგიჩნევა, ამის შემდეგ რალა გელაპარაკო? ვბედავ, შენი ჭკუა და შორს მხედველობა რუსეთში გაყინულა, ჩემო კარგო.

— ბოდიშს ვიხდი კადნიერებისთვის, მაგრამ გთხოვთ, მიბრძანოთ, ვინა ვარ საქართველოში? შესძახა ოთარმა და ზეზე წამოდგა.

— თითქო არ იცოდე, ვინცა ბრძანდები, მაგრამ რა გამოვიდა, როდესაც შენს ღირსებას ტალახში სერი. გირჩევ, სანამ ჯერ კიდევ გვიან არ არი, შენს ჭერქში გაჩერდე! რაც არ ექნას მამაშენსაო, ნურც შენ დახვე მარმაშებსაო...

— გარწმუნებთ ბიძა ჩემო, საქართველოდან ჩემ გაძევებას ვერავინ შესძლებს მარტო იმისთვის, რომ გაჭირვებულს დავეხმარო... ნუ მაშინებთ, თუ მოპირდაპირეებში გამომიჩნდებიან ძლიერნი, დამცველებსაც ვიშოვი, იმათზე თუ ძლიერს არა, თანასწორს მაინც... არც მცირე წლოვანი გახლავართ, წლოვანება ნებას მაძლევს, დამოუკიდებლად ვიმოქმედო.

ასლანმა ლაპარაკის კილო შესცვალა, ზვიადი სახე მოულმოობიერდა. გაახსენდა ოთარის უფროსი ძმა, რომელმაც ომში გამარჯვების დროს მტრისგან გატაცებული ბაირახი რუსეთის მეფეს მიართვა. ჯილდოდ ადიუტანტობა მიიღო.

— ჰმ! შენი საქციელი სიყმაწვილის შედეგია. მაგითი ბევრი დაჰკარგე.. დაიწყო მომბალის ხმით ასლანმა.

— ეხლაც უნდოდათ, მარშლად აერჩიეთ, მაგრამ მოწინააღმდეგენი ამტკიცებდნენ, რომ შენ მარშლის თანამდებობას ვერ შეასრულებ, ასე გასინჯე, „ფშუტიც“ გიწოდეს.

— ყველას თავისი აზრი აქვს, მეც ჩემი სურვილების ბატონი გახლავარ, უპასუხა გულზეიადად ოთარმა და სავარძელში ჩაჯდა.

— არ დაივიწყო, რომ სურვილები საერთო კანონს გარეთ არ უნდა გადიოდნენ.

— კანონსაც სხვებზე ნაკლებ არ ვიცნობ...

— თუ იცნობ ისიც გეცოდინება, რომ თვით მპყრობელი კვლავ იქნება. ამ-  
დაგიკოცნის, თუ შენს თვალწინ მამულს ტყის ნადირებზე გაიყვანებ. ამ-  
ნაირი საქციელი მთელი სახელმწიფოს შერყევას, თვითმპყრობელობის დანგრევა.  
შენი ადგილი რომ გლებებმა დაიჭირონ, საით გინდა წახვიდე?.. სოციალის-  
ტები მაგაზე მეტს კი არას აშავებენ, რომ ფეხებში ხუნდებ გაყრილებს ციმ-  
ბირისკენ მიერეკებიან! მაგრამ სასაცილო ის არის, რომ სოციალისტების სუნი  
შენცა გდენია, ჩემო ოთარ!.. ხა!. ხა!. ხა!.. ასლანის ხარხარზე მისი სავარძელიც  
ირყეოდა. ოთარი კი ამ დროს შუბლქვეშ იბღვირებოდა, ასლანმაც ხმა ჩაკმინდა.

— შე ჩემი მითქვამს და ახლა შენ იცი, დაიწყო ხმა შეცვლით ასლანმა  
კარგა სიჩუმის შემდეგ.

— რასაკვირველია, დღევანდელი შენი განაბობარი წვიმის წვეთია ზღვაში  
ჩავარდნილი, მაგრამ თუ დღეის იქით კიდევ განაგრძე ამ ნაირად მოქმედება,  
შენი უტყუარი ჯილდოა სასტიკი ციმბირი, ან მიფარებულ ადგილიდან მოზუ-  
ზუნე ცხელი ტყვია. ჩემს მოციქულობას ამითი ვათაყვებ.. ახლა შენ იცი. მშვი-  
დობით!. ოთარმა ხმა არ გასცა, ისევ შუბლშეკრულმა კარებამდის მიაცილა და  
თვითონ ისევ სავარძელში დაეშვა, მწარე ფიქრებმა წაიღეს..

— კანონ გარეთ სურვილების შესრულება არ შეიძლებაო.. ჩემ ნებაზე ქო-  
ნების მოხმარებაც აკრძალულია.. მაშ, რილასი მეპატრონე ვყოფილვარ, ან რი-  
ლასი მეპატრონე?.. რისთვის მოვსულვარ იმ ქვეყნიდან, სადაც დღემდის თავის-  
უფლად ვნაევარდობდი? ხალისიანი გული, ლალი გონება ცასა სწვდებოდა,  
ბრწყინვალე შარავანდელით იმოსებოდა, რუსეთის ცივი ჰაერი ხშირად გახურე-  
ბულ შუბლს მიგრძობდა, გული მწვავეს არასა გრძნობდა, ამ პაწია ქვეყანაში  
კი ყოველ ფენის გადადგმაზე ახალ-ახალი საფრთხე მელის... რისთვის?.. არა!  
აღარ მინდა ამისთანა სამშობლო, შორს აქედგან!.. ოთარი, გველ ნაკბენსავით  
ზეზე წამოვარდა და ხარი დარეკა.

— ანგარიში და ეტლი!.. უბრძანა მსახურს.

\* \* \*

ოთარი სოფელში დაბრუნდა. გონება არეული სულ უბრალო რამეზე  
სცდებოდა, ყვიროდა, მოსამსახურეებს გარს იფანტავდა. გალავანი მის კარში-  
დამოს შემორკალოდა, გონება აფორიაქებულ პატრონს ხავს მოკიდებულ ნოტიო  
კედლით ცივის სიჩუმით ხვდებოდა, ზღუდე სულს უგუბებდა. სახლის დიდროვა-  
ნი სარკმლები ყურამდინ გაფრიალებულიყვნენ. გრძელი აივანი სუბუქ, საამო,  
წმინდა ჰაერით იჟლინთებოდა. ხილით დახუნზლული ხეები ირხეოდნენ, ქარვად  
ნაქცევი ნაყოფნი ძირსა ცვივოდნენ.

— ბატონო, კნეინამ მოგახსენათ, ემ საათში მობრძანდით, სათქმელი რა-  
მე მაქვსო. მოესმა ოთარს, როდესაც სარკმელში გადმოყუდებული შორს სივრ-  
ცეში იყურებოდა. ოთარმა შეხედა, თორმეტი წლის ბიჭი თეთრ ჩოხაში გამო-  
წყობილიყო. ხელი აუქნია. ბავშვიც გაქრა. ოთარმა ისევ ცას მიმართა თვალე-  
ბი, ლავარდზე პაწია თეთრი ღრუბელი აჩენილიყო, ღრუბელი სახეს იცვლიდა,

ხან იკუმშებოდა, ხან, ნისლსავით, იშლებოდა, ის იყო უნდა სრულიად გამზნარიყო, მაგრამ ამ დროს მისი ნალექი წვერი ახალს უსწრობდა, გაღონიერებული ისევ მიცურავდა. ცის მოციმციმე ლაქვარდი ზღვა არ დასდევდა, მისი ზედაპირზე აჩენილი წერტილი არსებობას სადამდის მიიტანდა, აქამდე მტკიცეობდა. ოთარმა ცას თვალი მოარიდა, ისევ დედამიწაზე იწყო ცქერა, მაგრამ რასაც ეძებდა, აქაც ვერა ჰპოვა. გალაენის გარეთ გავიდა. პატარა რუსათავიდანვე დიდ მდინარეს ჩამოაცილებოდა, სოფელს ორადა ჰყოფდა, ოთარის სახლის სარკმელთან მოწანწკარებდა. რუხე გაღებულ ცალფეხა ხიდს გაჰყავდა ფართე ბეგობზე. გაღმა მწვანე ბალახით შემოსილი ვაკე ჩახრამულიყო, ჩაქმული მიწა ლოდებისგან შემაგრებულიყო. ოთარმა რუს წანწკარს ყური მიუგდო. თვითვეული მისი ზვირთი თითქო სიმებზე აწყობილიყო. სიმების ჟღერა აღწევდა იქამდის, სადაც ქვითკირის თალი ხევს გადადგომოდა, ნაკადი შემალღებულ ბოგირის ქვეშ იკარგებოდა. თალიც თავგადანგრეულ კოშკს ერთის მხრივ ქვითკირით შედუღებოდა. ოთარს მოეჩვენა, თითქო ამ თავმონგრეულ კოშკიდან წინაპრებზე შემდგარი საშიშარი ზღაპარი შავის ფრთებით მდინარეში გადმოეშვა.

— დაწყევლილო ფუძევე, შორს შენგან!.. შესძახა, თავში უცბად რაღაც აზრმა გაჰკრა, ოთახებისკენ გაემართა. სახატესთან გაჩნდა, შუშის კარი გამოაღო, დიბით მოფენილ თახჩაში ფასდაუდებელ ქვებით შექედილი ხატები მოოქროვილ თხელის ბრჭყვიალა სამოსით დამძიმებულიყვნენ. ჯვარცმა შუაზე იდგა, თეთრ ცხენზე შეფრენილი გიორგი ვეშაპს შუბით ლახვრავდა. ღვთის მშობელს გულზე ხელი მიედო, იესოსკენ თვალეზ დახრილი, ნახად იღიმებოდა. სახატე სანთლებით გაჩაღდა, წმიდანები ცხოვლად წინ წამოდგნენ, თვითვეული მორწმუნეს ბევრს რამეს აგონებდა, სახატეში საუკუნენი ჩასახულიყვნენ. ოთარის თვალწინ რიგრიგობით ჩამოდიოდნენ მამანი მამის მამანი, პაპანი პაპის პაპანი. სანთლები პრწყიალებდნენ. ოთარს საიდუმლოებაში ახვევდნენ, საჩვენებელსა და შუა თითს მოწიწებით იატაკს აბჯენდა, ჩურჩულებდა:

— უფალო და მეუფეო ცხოვრებისა ჩემისაო, მასწავე მე სიმართლენი შენი! ოთარს მოუნდა წმიდანებიდან ერთერთის გამოყოფა, მისი ყურადღება მიიზიდა ცბოლ მარგალიტისგან დაწნულმა მანიაკმა, რომელიც ღვთის მშობელს გულის ძეწკვად შებმოდა და გაფითრდა. ეს ფას დაუდებელი მანიაკი ერთ დროს დაკარგულა როგორც უამბეს, ბრალდებულად აღმოჩენილა, ამათ ოჯახში გაზრდილი პატარა გოგო მენიკა, თოთხმეტი წლის ლამაზი ბავშვი, მიუტევებელ მკრეხელობისთვის ციხეში ჩამწყვდეული, საციმბიროდ გამზადებული, ძლივს სახლში დაუბრუნებიათ, როდესაც გაუგიათ რომ მანიაკი იქვე სოფელში ოთარის ერთერთ ბიძაშვილის ოჯახში შემთხვევით აღმოჩენილა. მენიკა მაშინვე მიუთხოვებიათ იქვე მცხოვრებ ღარიბ გლეხისთვის, მაგრამ მენიკა ისევ ამათ ოჯახში დაბრუნებულა. ამ გახსენებაზე ოთარმა ხატებს სანთლები საჩქაროდ ჩაუქრო, შუშის კარები დიდის ხმაურობით მიუხურა და გასწია მეორე ოთახისკენ. ოთახში სარკის წინ ხანგადასული გაუთხოვარი მისი და იჯდა, თვალწარბს ისურმავდა. მენიკა სარკმლისკენ მიმდგარიყო, გუნდა ლახოსტაკს ლესავდა,

ოთარი აქედგანაც, თოფნაკრაფივით, გამოვარდა, ისევ ეხლონი განიდა, ჰაერმა შუბლი გაუგრილა.

— ბატონო, კნენა გთხოვთ! დამაბარა, სანამ არ წამოხმარდეს, ფეხი არ მოიცვალოვო, მოისმა წინანდელი ბავშვის ხმა.

— რა გინდათ ჩემგან? რას ჩამცივებხართ?.. ვერ გაიგეთ, თქვენთვის უცხო ვარ?.. დაუყვირა ოთარმა, მაგრამ, როდესაც ნახა ბავშვი ადგილიდან არ იძროდა, პირზე ღიმ მოსული, გაჰყვა.

\* \* \*

რა ფეხზე ინა დაიდევო, ყმაწვილო, ბიჭი ორჯერ გამომაგზავინე!.. ამ სიტყვებით ოთარს წინ მოეგება პატარა მანდილოსანი, რომელსაც ჩალისფერი დარაია ეცვა. გადაკეცილ პაწია ყურთმაჯებიდან გამოქვიოდნენ ნაზი თეთრი ხელები; მარჯნის კრიალოსანს ათამაშებდა, ჩამოსხნილ გულზე ბრილიანტის ქინძისთავი უელვარებდა. მელანია თითქო სტუმარის მისალებად გამსაღებელიყო. ოთახებში გოგობიკები დაფუსფუსობდნენ, კალათებით თუთის ფოთოლს ეზიდებოდნენ, თუმცა ლასტებზე ისეც ახალდ დაყრილ ფოთლებს აბრეშუმის ქია საამოდ აშრიანებდა. მოსამსახურეებს ძველი გამდელი ქეთუა თავს ადგათ, სათვალეებში გამკრიახად იყურებოდა. ძმამ დას ხელზე აკოცა. მელანიამ შენიშნა, ოთარი გაფითრებულ-გამხდარიყო, მიხვდა რალაც უსიამოვნობა თავს დასტებოდა, არ შეიმჩნია, წინ გაუძღვა. მოისმა სტვენა, მალალი, ბრგე, მხარბეჭიანი ვაჯაკაცი სარკმელთან მიმდგარიყო სტვენდა; სტვენაზე ტრედები გარშემო ჯგუფდებოდნენ, ასხდებოდნენ მხარზე, გულზე, თავზე, ბელურები ხელიდან პურის ნამცეცებს სტაცებდნენ. — დაძმისთვის ეს ჩვეულებრივი სანახავი იყო, გვერდი აუარეს, ოთახის კარი შეიხურეს.

— ოთარ, ამ დილით ორი წერილი მივიღე. ერთი შენ სახელზეა, ორივე ერთი ხელით დაწერილი. ჩვენი ბიძაშვილი, რამაზ გარემოშვილი ქორწინდება, ხვალის სწორისთვის მიწვეულები ვართ. როგორც რამაზი მწერს ბექტდის შემცვლელი შენ თურმე ხარ.. დიდ ქორწილს თურმე აპირებს. რამაზს რასაკვირველია, თავისი მამიდაშვილიც ეყოლება. რალა თქმა უნდა კიახო ბარაშვილის ერთად-ერთი მემკვიდრე ქალიშვილი ქორწილის ხალხს მოხიბლავს. სხვათა შორის ბიძინა გარემოშვილი უკვე ფიქრობს მის შერთვას, ანგარიშიანი კაცია. ამბობენ, დღედღეზე გუბერნატორობას ელისო. ეს ერთი, ახლა მეორე კიდევ უფრო უკეთესი გითხრა. იმ დღეს, როდესაც თბილისში წახვედი, ჩვენი სოლომანი შემოვიდა და მახარა, რუსეთიდან ერთი მდიდარი კაცი ჩამოსულა, ვილაც კარცოვი. ჩვენი დიდი მთის იჯარით აღება თურმე სწადიან, ვისაც თავისი ნაწილის გაყიდვა უნდა, იმასაც ყიდულობს. თუ მართალია, ჩვენთვის ზიარებასავეით მისწრება იქნება. კარცოვს სახლში მოვიწვევ და ჩვენებურად ჩავიპრაფერანსოთ. ჰა! ჰა! ჰა!. გადიკისკისა ქალმა, სავარძელში მოხდენით ჩაჯდა, ამაყად თვალი მიაღვლოვლო ოთახს და სახეზე კმაყოფილება გადეთინა, რომ ევროპიულად გაწკრივებული სახლი ხელს უწყობდა სახარბიელო სტუმრის მიღებაში... — რაუ-

დენი სასიამოვნო გითხარი, ოთარ, მაგრამ შენ მაინც შუბლი ვერ გაგისწვნი. აბა ახლა შენ მომიყევი, ქალაქიდან რა მოიტანე, იქნება უფრო საყურადღებო? დალონებულმა ოთარმა დას შეხედა.

— რა გითხრა, ჩემო მელანია? ქალაქში საქმისთვის ჩაველ: მინდობის, მტკიცე ხებთან დაწერილი პირობეები ორიოდ დღიურის ჩუქების გამო ნოტარიუსთან დამემტკიცებინა, მაგრამ უეცარმა უსიამოვნო შემთხვევამ თავგზა ამიბნია და საჩქაროდ უკან გამომაბრუნა. ეხლა შენ რასაც მეუბნები, ჩემთვის ყველაფერი ამაოა, ღმერთმა ყველას მშვიდობა მოგცეთ! რაც გინდათ, ქენით. ეგ თქვენ და ეგ თქვენი მამულები.. თუ თქვენი არ გეყოთ, ჩემიც ზედ მიაღვენეთ! მე კი ამ დღეებში რუსეთში მივდივარ... უპასუხა ოთარმა, ჯიბეებში ხელები ჩაიწყო, სავარძელში გადაწვა.

— შენმა სიცოცხლემ, ოთარ, მოსწრებით არა ხუმრობ.. წარმოსთქვა მელანიამ და უცბად სახე შეეცვალა.

— სულაც არ ვხუმრობ.. არამც თუ ეხლა შემდეგშიაც საქართველოს ღრუბელს აღარ დავინახავ!.

— ეიბუ! ეიბუ!. ეგრე საშინლად რად გვიწყობი, ყმაწვილო? დალოცვილო, რუსები რო აქეთ იწევენ ეს კიდევ მესმის, მაგრამ შენ იქით ვილას მისდევი?. თუ კი შენი საქმე აგრე დაბოლოვდებოდა, სულაც რომ არ ჩამოსულიყავი ქვეყანა კი არას დაჰკარგავდა!

ოთარმა ხმა აღარ გაიღო, იატაკს დააჩერდა.

წადი, ძმაო, ღმერთმა გზამშვიდობისა მოგცეს, მაგრამ დალონებული რაღათა ხარ? ისე სჩანს, თითქო ვინმე გაძალებდეს აქედგან წასვლას. აქ რაღაც საიდუმლოებაა, გულახდით მითხარი! იქნება, თუ დახმარება ვერ შევიძლო, ცოტათი შევბა მაინც მოგცე... მელანიას თვალებში გამოკრთა ალერსი და თანავგრძნობა, ოთართან მივიდა, მოპირისპურო თითები ოქროს ფერ თმებს შეეხო, ძმას თავი მაღლა აუღო და ცისფერ თვალებში ჩახედა. ოთარსაც ყელთან მოწოლილი ბოღმა გაულხვა, დის სიტყვები, გულში ღრმად ჩაწვდნენ. ეს პატარა ადამიანი ამ წუთებში ერთადერთ მხსნელად მოეჩვენა. აღელვებულმა მელანიას ხელი მიიტანა თვალებთან და დიდ ხანს დარჩა ისე, თითქო რაღაც დალაღვისგან ისვენებდა. რაედენიმე წუთი და ოთარი აღელვებით, ნაწყვეტ-ნაწყვეტად უამბობდა მელანიას, რაც თბილისში გადახედოდა. მელანიამ პირჯვარი გადაიწერა.

— გმადლობ, შენ ღმერთო ჩემო, რომ ამაზე უარესი არა გამაგონერა! შესძახა ქალმა, შეხედა ოთარს, რომელრიც მორჩილებით თვალს არ აშორებდა.

— შენმა გაზრდამ, ოთარ, რაც ეხლა შენ მითხარი, არსად არ გაამხილო, თორემ დაგცინებენ... თქვენმა მზემ, დიდი საკვირველება მომხდარა, თუ ერთი ფეხის დადგმა აღგილი გლებებისთვის გადაგიგდია! ჩიშ, ყმაწვილო, მაგისტვის მოსაკლავად ვინ გამოგიდგება?. ეგ სულ თვითონ ასლანისგან არი მოგოწილი, შურიანი კაცია, შენ თვალში რომ სიკეთის ნიშან წყალსა ხედავს, ვერ შერიგებია, მოსვენებას უკარგბეს და ცდილობს როგორმე თავიდან მოგიშოროს. მოგეწყინება, ვინც რა სთქვას, ყური ათხოვო. რას დაეძებ, შენ შენი გააკეთე! პი-

რიქით გამხნევი, ცოლი შეირთე, თუნდ კიაზოს ქალი, ნატო, მამულს მამული შეუეროე, შეილები შენზე უკეთესები დახარდე და ღირსეულად იცხოვრე, როგორც შენ გვარს და ოჯახს შეჰფერის. თორემ, დალოცვილო, დაუკრძალა შენ ცხოვრებას მთლად ყმებს გადასცემ, ტარტალინად დარჩენილს ქუჩის ბიჭებიც ქვებს გესვრიან!.. დაუმატა მელანიამ, სათამაშო ქალაქს დასწვდა და შლა დაუწყო. მელანიას უკანასკნელი სიტყვები ოთარს გულზე მწვავედ მოხვდნენ.

მელანია სახით ძმას გაედა. მაგრამ, როგორც ქალი მაინც თავისებური იყო, ამისი სულის და გულის წერიმალ საიდუმლოებით სავსე საღარო ოთარის გონებისთვის გაუგებარი იყო, ეხლაც ვერ მიწვდენოდა ძმის სულისკვეთებას, ოთარის შეურაცხობილი თავმოყვარეობა ბოლოს ისევ დაუკმაყოფილებელი რჩებოდა.

— ისევ ის... ისევ ის... ისევ ერთი და იგივე დაჯანგებული სიმი გაბმული ყველას წინ!.. იმეორებდა გულში ოთარი და ბავშვსავეით გაჭირვებული ნება უფრო უღიზიანდებოდა. „ტარტალინად დარჩენილს ქუჩის ბიჭებიც ქვებს გესვრიანო... შენი უტყუარი ჯილდოა სასტიკი ციმბირი, ან მიფარებულ ადგილში მოხუხუნე ცხელი ტყვია!..“ ჩასწივლა ამ დროს ყურში ოთარს. საჩქაროდ ზეზე წამოდგა, მაგიდიდან ხელში ვერცხლის თასი აიღო. ეს თასი ყაბახში გაქროლილ ცხენზე მდგომმა აღმასხანმა ხელით დაიჭირა და ჯირითში სახელ განთქმულმა საქართველო ააღაპარა. ოთარმა აღმასხანის ოთახისკენ გაიხედა, იქიდან შალაშინის შრიალი მოისმოდა. კარლია ოთახში სადურგლო იყო, რკინის და ხის სხვადა სხვა იარაღებით დაფარული კედლები. მაგიდაზე დაწყობილ ფიცრებთან იდგა გულზე წინსაფარ აკრული აღმასხანი, ფიცარს რანდავდა, თან სხვადასხვა ბაიათებს უსტვენდა. სარკმლებზე ტივლები ისხდნენ. ნისკარტით ფრთებს ისწორებდნენ. კარებზე კი გადგმულიყვნენ უკვე მზა სკამები, სურათების დარეზბილი ჩარჩოები და უფრო ბლომად ფრინველებისთვის გალიები. ოთარი აქედანაც დაუკმაყოფილებელი დაბრუნდა სასადილო ოთახში, სადაც მელანია უკვე დიდხანია ელოდა ქმარსა და ძმას, რომ გემრიელი სადილი მიერთმიათ. უზრუნველად მოლილინე აღმასხანმა მაგიდის თითქმის ერთი მხარე მთლად დაიჭირა, მელანიაც ალერსიანად შესთავაზებდა საჭმელს ბრვე ლონიერ მეუღლეს, რომლის ჩაკვრივებული ხელები ფრთხილად ეხებოდნენ ყველაფერს, რომ ხელში უნებურად არა შემომტვრეოდა, საჭმელსაც დაუზოგავად ანადგურებდა.

— შენ თავს გეფიცები, მელანია, სწორედ სასაცილო ამბავი მოხდა ამ დილით ჩვენ ბაღში. ათი კაცი დაეხვია ბებერ მუხას, ის ოხერი გამხმარიყო, თან ადგილსაც აცდენდა. სწორედ იმ ადგილზე მინდა, თევზებისთვის აუზი გავაკეთო. ჩემ სიძე ზარინსკის ძალიან უყვარს ფათალოში შეხვეულ კედლებიდან გადმოშვებული ნაკადი. მშვენიერი იქნება, თორემ რა გამოსადეგი იყო ერთი მითხარი უსარგებლო ხე, თავაშვებული ადამიანს თვალში როგორ ეჩხირებოდა? რასაც დრო მოკმული აქვს, იმას ამ წუთისოფელში აღარ ედგომინება და უნდა ჩამოდგეს. მაგრამ იმ ლაწირაკებმა ძვრა ვერ უყვეს, თუმცა ბევრს ეჯაჯგურნენ. მაყურებელმა ველარ მოვითმინე და ვეცი, ერთხელ ორჯერ მივანძროვანძრიე და უცბად ძირს ზღართანი გავადენინე. იმ ოხერმა ბევრი გვაწვალა და ბოლოს კი ხელში ფუტურო შეგვრჩა. მამაჩემი არ წაწყდეს, მელანია, სანამ ი ჩემი სიძე ამ

სოფელში ფეხს მოდგამდეს, ამ კარშიდამოს სულ ვარდ-ბულბულეებით აჯავსებდნენ. წავიდეს და სადაც თავის დიდკაცობაზე სთქვას რამე, ჩემსასაც ნუ დაიჯავსებს. დაუმატა აღმასხანმა, ლუკმით პირი გამოიმსო.

— შენმა სიცოცხლემ, ძალიან მომწონს ეგ აზრები, სწორედ ღირსეულად ლაპარაკობ... უპასუხა ცოლმა. მელანია მეტად კმაყოფილი იყო, რო გვერდით ასეთი მფარველი ძალია ეგულებოდა. შუბლქვეშ გამომყურე აღმასხანი თვით ხარბაზანის ყუმბარასაც უშიშრად დაუხედებოდა. მელანია აფასებდა მეუღლის ღირსებას და მის რკინის მკლავს სიამოვნებით ეყრდნობოდა. ცოლთან ლაპარაკის დროს აღმასხანში ჩანდა სინაზე, ტრუდებს, ბელურებს და მეტადრე კანანერებს, რომელთა გაღიებით ავსებულყო თვალ-უწვდენი აივანი, უერთებდა ნიბლია გოგმანა მელანიას და თავის სულის უმთავრესს დამატკობელ კანანერად ნათლავდა. მელანიაც, რომ ქმარს ყოველთვის ამ სახით სჩვენებოდა, ტანზე მუდამ ჩალისფერი აბრეშუმის სუბუქი სამოსი ეცვა. ამათი ერთმანეთზე მომდევნო პატარა ბავშვები სახლში წიწილებსავით დაცოცავდნენ, უფრო მოსამსახურეებს ეტანებოდნენ, დედ-მამა არ შეეწუხებინათ. აღმასხანმა გაათავა თუ არა პურის ქამა, ისევე სამუშაო ოთახისკენ წავიდა, ოთარმაც სახლში წასვლა დააპირა, მაგრამ ამ დროს მეზობლები შემოვიდნენ და პროფერანსში ჩასვეს.

\* \* \*

ოქროს საათი სამწერლო მაგიდაზე ხმაშეწყობით წიკწიკებდა. ერთგვარის დაქინებულის ნაზის ხმაურით თითქო ცდილობდა თავისკენ მიექცია იქვე მჯდარ ოთარის ყურადღება. ოთარს კი ნიდაყვები მაგიდაზე დაეწყო, მიჩერებოდა სივრცეს, რომელსაც უკვე ნავთჩამწვარი, შუქ მოკლებული ლამპარი ჩრდილებს აყენებდა.

— წიკ-წიკ! წიკ-წიკ!. განაგრძობდა თავისთვის ჟღმურტულს ცივი ლითონი, თითქო ოთარს ევედრებოდა, მოესმინა მისგან დიდიხნის არსი ჭეშმარიტება, ოთარიც დრო და დრო გადახედავდა. უძილობისგან მოღალულ თვალებში ებლანდებოდნენ საათის სხვა და სხვა დროს მაჩვენებელი ისრები. საათი ორს უჩვენებდა. მძიმე ფიქრებით დატვირთული ოთარის გონება ყურს არ ათხოვებდა მის ნიშნებას, მთელი არსება მისდგომოდა კედელსავით მდგარ მაგარ საკითხს რუსეთში წახვლის შესახებ და ამაზე რაც მეტს ფიქრობდა, გარდაწყვეტა უფრო უძნელდებოდა. თუმცა ერთი საათის წინ დასთან მხიარულობდა, ყურს უგდებდა აღმასხანის თარს, მელანიას უზრუნველ კისკისს, მაგრამ რწმუნდებოდა, ყველა ეს ყალბ და ვიწრო ჩარჩოში იყო გამოწყობილი. ის ანდამატი, სულის აღმაფრენა, პარნასი, სადაც აპოლონი ჩანგით ცხრა მუხათა უკვდავ გუნდს თავმჯდომარეობდა. ამ ადგილს ისე მოშორებოდა როგორც ცა დედანიწას. ოთარი ვარდებოდა უღრან ტყეში, გაფარჩხული ხეების ეკლები მწვავედ გულს უსერავდნენ. „შენ იცი, ოთარ, თავს როგორ მომაწონებინებ ლამაზის სიტყვებით, ქორწილის სუფრას დამიმშვენებ. ორმოცდა თხუთმეტი წელი ჩემთვის არც ისე ბევრია, ჩვიდმეტი წლის ციციონო კიდევ არ დავაბერო. ციციონო ციციონათელასავით იფრიალებს ჩემ სამფლობელოში და მერწმუნე ამ ხანში უფრო



ღირსეულად შეუწყობ ხელს, არაფერზე გული არ დააკლდეს. მარტო ციციხო სილამაზით თავს მოუყრიდა ქართველ ქალებს, მაგრამ მას ჩრდილავს ერთი. ეს ერთი ჩემი მახლობელი რომ არ იყვეს, გულში ხინჯად შექცევდნენ. მაგრამ მშვენიერი ნატო ჩემი მამიდაშვილია და პირიქით ვამბობ: მამამ არ მოგიხსნია, შენებურად ერთხელ კიდევ გაპკარი დეზები გოგმანა გვრიტებს, დაუქროლე და იქნება ბედმა შესაფერი ტოლი გაშოვნინოს.. შენი რამაზ“.

ოთარმა წერილი რავედენჯერმე გადაიკითხა.

— ტოლი.. ცალი, ციციხო, ნატო.. ოთარი მარტოა, ეს მტანჯველი აზრებიც იმიტომ სდევნიან ასე შეუბრალებლად. ცალი არსად არ გამოდგება, სრული, დამთავრებული, რთული, აი სად არის ძალა! ტვირთის საზიდავად უღელში ყოველთვის წყვილად არიან ხოლმე შებმული ხარები. ჯინკვლებსავეთ აფუთფუთდნენ ოთარის თავში ახალი აზრები და გამოფხიზლდა.

— ენახოთ! ქორწილიც მალე იქნება. რუსეთში წასვლას მერეც მოვახერხებ.. ქორწილში დაუსწრებლობა კი შეუძლებელია, რამაზის თხოვნას ანგარიში უნდა გაუწიო! საკითხი თავის თავად გადაწყდა. ოთარი დამშვიდდა.

მეორე დღეს დილით ადრე მათიკოსკენ წაეიდა:

— აბა, ქალო, ქორწილისთვის მოემზადე! რამაზი ეპატრიფობს! დაუძახა შორიდანვე დას, როდესაც დაინახა მათიკო ეზოში ხის ქვეშ თუთასა სჭამდა.

— მადლობა ღმერთსა, ცა მოწმენდილა!.. მოისმა პასუხად.

— ჩემი არ გითხრა, გული რით დაგწვაო, კიდევაც გიკვირს, როდესაც შენი ყოველ დღე ბუზლუნი ილაჯსა სწყვეტავს?.

— ნეტაი ასე ვინ მელაპარაკება? შესძახა მათიკომ, ხელით შუბლი დაიჩრდილა, ოთარს გამოხედა.

— უკმაყოფილებაზე შენ მისაყვედურებ? შენ არა ხარ, კვირის კვირობამდე დღის სავალზე მიდგები, თუ ხმას გამკუმ, მაშინაც ვაი ჩემი ბრალი. შენი ჭკვირილისგან ოთახის ჭერია აყრილი. ნეტაი დღეს რომელმა კეთილმა ანგელოზმა შემოგილოცა, ტრუდსავეთ რომ შელულუნები?.

— კარგია, მათიკო, ძლივს გული მოვიბრუნე, გუნებას ნულარ მირევი! წარმოსთქვა ცოტა არა დარცხვენით ოთარმა.

— აღბად, წუხელის კეთილი ანგელოზი მელანიას სახით მოგვევლინა, ტკბილად მოგიკიკიკა! კარგი იქნებოდა, რომ ის ჭიკჭიკი ნამდვილი კანანერის ჭიკჭიკი ყოფილიყო, მაგრამ ვაი რომ მასში ადამიანის გესლიც იქნება ჩალესილი.

— რა ხან შენ ჩემ თხოვნას ანგარიშს არ უწევ, მეც აღარ მინდა გავიგონო, რაც ამ წუთებს არ შეეფერება. მოდი ორივემ საყვედურებს თავი დავანებოთ, ერთმანეთს მსაოი მივყუდოთ, მძიმე წუთები შეეუმსუბუქოთ. მათიკოს ოთარი შეეცოდა, იქვე ხის სკამზე ჩამოჯდა, ოთარიც გვერდით მოისევა. ქალი დიდხანს იყო გაჩუმებული. დღეაუდა, თითქო ცდილობდა უსიამოვნო სიტყვები არ დასცდენოდა.

— აბა წერილი მაჩვენე, რამაზი რასა გწერს?.

ოთარმა თითით ანიშნა ის ადგილი, სადაც რამაზი მათიკოსაც ეპატრიფობდა. წერილის წაკითხვის შემდეგ მათიკო მიხვდა, ოთარს გუნება რად შეეც-

ვლოდა, ჯერ იამა მაგრამ, როდესაც გაითვალისწინა რამაზის ქორწილი, ციცი-  
ნო, წარმოიდგინა ჯერ კიდევ უნახავი ნატო, სხვა ქალები, მათ გვერდით მისი  
და მელანია, რომელიც მათიკოს ცხოვრებაში გზაზე გადადგომით მისი  
საშველს არ აძლევდა, ქალს სახე დაემანჭა, წერილი ხელში დაქვეყნდა.

— ნუ თუ მაგ ბარათშიაც საწყენი რამე ნახე?

— ეტყობა რამაზი სიბერისგან გასულელებულა და ციცინოს ირთავს.  
ერთი მითხარი, გუშინდელმა ბავშვმა რა ცოლობა უნდა გაუწიოს? ტიკინსავით  
ათამაშოს? ციცინოს ერთად ერთი ღირსება სილამაზეა და იმ სილამაზით რასაც  
მოიგებს იმასაც ვნახავრ!

— ოხ, რომ იცოდეთ რა შემცდარები ხართ კაცები, როდესაც თვალები სი-  
ლამაზისკენ მიგირბით. მაშინ, როდესაც... აქ სიტყვა გაუწყდა მათიკოს. ოთარ-  
მა დას შეხედა.

მათიკოს შეყრილ წარბებსა და ქრელ თვალებში იხატებოდა უსიამოვნო  
მეტყველობა, ქერა წაბლისფერი ნაწნავები, რამდენსამე ადგილს გამომარყუე-  
ბულები, კოჭებს უსწორდებოდნენ, მოგრძო თხელი ცხვირი, სახის ნახ თეთრ  
კანში მოციმციმე ძარღვების ლურჯი ხაზები, მგრძნობიარე მომსხო სისხლისფე-  
რი ტუჩები მნახველის თვალში უსიამოვნოდ იჭრებოდნენ. მათიკომ იცოდა მის  
ბედაურ წამოსადეგობას მოკლებოდა ის პაეროვანი სინაზე, რომელიც ბევრს  
აჯადოებდა. მათიკო ელტვოდა მათ, ვისაც არ უნდოდა, ერიდებოდა მას, თუ  
ვინმე მიეტანებოდა. ამასობაში დღეები ულამდებოდნენ. თუმცა ძმებისგანაც  
უზრუნველყოფილი იყო, როგორც მამულით, ისე ძვირფასი სამკაულებით, მაგრამ  
ყველა ამას ცალი ყბით ხედებოდა. ლამაზი ქალები დასანახავად ეჯავრებოდ-  
ნენ, მისი აზრით ისინი ცხოვრების წასაწამლავად გაჩენილიყვნენ. მათიკო ძმების  
სახლში თავს სტუპრადა გრანობდა. თვითონ ძმებიც ამავე აზრისანი იყვნენ. ქა-  
ლიშვილისთვის დედ-მამის ოჯახი დროებითი თავშესაფარი იყო და ჩქარობდნენ.  
მალე თავიდან მოეშორებინათ. მელანია, როგორც სუბუჭი, მოხდენილი ჩიტუ-  
ნიაი უმზვითვოდ მალე გადააფრინეს აღმასხანის მკლავზე, მათიკო კი უფრო ბედ-  
დამწეარი აღმოჩნდა.

— თქვენი ქონება კი არა, მთელი საქართველოც რომ დაუმტკიცოთ, მა-  
ინც ადგილიდან ვერ დასძრავთ მაგ ბენძლსა.. ჩემი ბაძი არავის არგია.. მე რო  
ვიყავი, ვიყავი! ხშირად ყურშიაც გააგონებდა ხოლმე მელანია მათიკოს. ოთარს  
ყველა ეს კარგად ჰქონდა გათვალისწინებული.

— ცოლქმრობა საიდუმლო ძალისნება ყოფილა, ზოგჯერ სულ ჯერ კიდევ  
ბავშვები ქორწინდებიან, ზოგს უგვიანდებათ. ჩემის აზრით კი დაგვიანებული შე-  
ულლება უფრო გონიერულია. ავიდოთ თუნდ რამაზი, განაგრძო ოთარმა,  
როდესაც შენიშნა რომ მათიკოს იამა ამ პანგზე ლაპარაკი.

— კაცმა ორმოცდახუთმეტ წლამდე მიაღწია, ეხლა კი ციცინოს ირთავს.  
რამდენი მაგალითი მინახავს და კიდევაც გამიგონია ოცდახუთმეტი წლის ქა-  
ლისთვის ოცი წლის ყმაწვილი აღტაცებულიყვეს. მათიკომ ამაყად თავი აიღო  
მალა, ზურგი მიჰყუდა ხეს.

— მაშ ჩემი სოსანი ატლასის კაბა თეთრ სარტყელ გულის პირობით შევი-  
მზადო?. წარმოსთქვა ღიმილით.

— უსათუოდ. ჩემი მუნდირიც გადაათვალიერე! ქორწილის შემდეგ, თუ  
გუნება არ შემეცვალა უსათუოდ რუსეთში მივდივარ... *ბიზნისი*

მათიკომ ძმას ხელი გამოართვა. ორივე დამძანი ამ მოკლე დროში ახალს  
რადასაც ელოდნენ და ამ მოლოდინით ერთმანეთს უახლოვდებოდნენ.

— ეს ყველაფერი კარგია, მაგრამ თუ გიორგი მთიდან ფულს არ ჩამოი-  
ტანს, შენი მტერი, ჩვენი საქმე იქნება, ჯიბეში კაპეიკი არ მიდევს, შენიზნა  
ოთარმა.

— ქორწილამდე ჯერ კიდევ ერთი კვირეა, მანამ გიორგიც ჩამოვა.. მაგ-  
რამ თუ მაინც და მაინც ვერ ჩამოგვისწრო, მაგახედაც ნუ შეწუხდები.. ფულს  
ისეც მოვახერხებთ.

— ას თუმანზე ნაკლები რაღა იქნება.. თუ გეგულება ამდენი, ამქ დღის-  
თვის ნუ დაზოგავ, მერე მამულის შემოსავლიდან შეივსებ..

მათიკომაც არ იუარა. თან, მეტად კმაყოფილი, ითვალისწინებდა მოხლე-  
ვებულ ხალხში ოთარს, დედოფლურად მორთულ თავისთავს, თუნდ განზე გამ-  
დგარ მოქიშპე მელანიას აღმასხანით. მთელი ბუდე დიდებული ოჯახისა საჯა-  
როდ წარდგებოდა, მათ შორის ძვირფას ჩარჩოდან ზვიადად გადმოდგებოდა მა-  
თიკო მეტად სანატრელად და... იქნება... მათიკოს გაბრწყინებულ სახეს ოთა-  
რიც ღიმილით უყურებდა.

\* \* \*

№ ქუჩაზე ორსართულიან სახლის მარმარილოს კიბის საფეხურებთან ფრა-  
კებსა და ხელთათმანებში გამოწყობილნი მსახურნი მოსავალთან მომდგარ ეტ-  
ლებს მოწიწებით ხვდებოდნენ. სტუმრები რჩეულნი იყვნენ, მიგებების შეცვლა  
არ უხდებოდათ.

— ხაბარდაა!

გაისმოდა მეეტლეთა ერთმანეთთან გამოხმაურება. ეტლს ეტლთან შეჯი-  
ბრებულს უნდოდა, ერთს მეორესთვის გაესწრო გაამაყებული მოწინავე უკანა  
ეტლის ცხენებს სახეში ტალახით შესვრილ წინწკლებს ესროდა. ცხენები ფრუ-  
ტუნებდნენ, გაგულისებულნი მეეტლენი თვითვეულად ცდილობდნენ, თვალსაჩინ  
ადგილს მდგარიყვნენ, თავი მოეწონებინათ, ღირსეულად დაჯილდოებულიყვნენ.  
ეტლებიდან გადმოდრიოდნენ მძიმედ მორთული ქალები, მათზე არა ნაკლებ გამო-  
კოხტავებული მამაკაცი პრილა ეპოლეტებით, ზოგიც ჩერქეზულად ჩაცმულნი.  
ესენი მზრუნველობით დროზე ხელს აშველებდნენ, რათა კეკლუცი ქალები ფე-  
ხით ტალახს არ შეხებოდნენ.

სარკმლები ღია იყო, თითქო ქუჩის გასაღიზიანებლად, თუმცა გარედ კო-  
კისპირულად წვიმდა, ქალებით გაბრდღვიალებულ დარბაზში გრიალებდა სამხე-  
დრო მუსიკა.

მომსვლელნი ჩქარობდნენ, დროზე წარდგენოდნენ რამაზს და ციცინოს.  
ფრაკებში გამოწყობილი ყმაწვილები მედიდურად იყურებოდნენ.

სამხედრო პირები თავს უფრო თამამად გრძნობდნენ, როდესაც მეფედ/ხედავდნენ ჯინჯილებით დამშვენებულ ბრგე რამაზს, რომელიც, ყურადღებით იყურებოდა, გვერდით ამოსდგომოდა ჯერ კიდევ ბავშვი—*ჰეტაქანის* სიტყვით. თეთრ ატლასის კაბაში პატარძლის-გედსავით მაღალი კისერი, ბროლსავით კრთებოდა ნაზ ბლონდებში. სამ ძაფად შემოკონილ მარგალიტის ნასკვები ნაქსოვის ნაკვეცებში შეუმჩნევლად ჩამალულიყვნენ.

ციცინო გვირგვინქვეშ მეტად შეენოდა.

მათიკო ციცინოზე ნაკლებ არ იყო მორთული, მაგრამ აქა იქ კედლების სარკვეებიდან გამომყურე მისი უხეში შეხედულობა თვითონვე გულს უსერავდა, თუმცა ამავე დროს იმედს არა კარგავდა, რომ საცაა რომელიმე მხრიდან ამისთვისაც ცა გაიხსნებოდა, გამოჩნდებოდა მშვენიერი ვაჟკაცი, რომელსაც სიცოცხლეს ანაცვალებდა.

მათიკო უფრო მახლობლებს ეტანებოდა, მელანიასაც აედევნებოდა, თუმცა სახლში კვირის კვირობამდე ერთმანეთს ხმას არა სცემდნენ. მელანია შეუმჩნევლად ხელიდან უსხლტებოდა, მიიწევდა მისკენ, ვინც გარემოებით უფრო მაღლა იდგა. შეუმჩნევლად შორდებოდა თავმომაბეზრებელ დას, თან კმაყოფილებით უყურებდა ალმანსხანს, რომელიც სიმარდით და ხმით მსიარულების მოთავე იყო. მელანიას არც ოთარი ეკარგებოდა თვალისაგან, კიდევ ვიღაცასაც ეძებდა.

ქალვაენი დირიჟორის ხმას წყვილწყვილად მისდევდნენ, მუსიკა კადრილს უკრავდა. რამაზს გვერდით უჯდა დივიზიის უფროსი გენერალი. მას აფიცრები თან ახლდნენ. დარბაზში ისმოდა ფრანგულ-რუსულ-ქართული.

— ბორის პეტროვიჩ, ქალაქის თამაშს არ ინებებთ?

ხელების ფშვნეტით წამოდგა წინ ოთარი.

— დიდის სიამოვნებით!..

უპასუხა გენერალმა, ეტყობოდა მოსწყენოდა კადრილში არეული ხალხის ყურება.

— რასაკვირველია თქვენც ჩვენთან იქნებით თავადო?

შეეკითხა ბორისი და თან მედიდურად გამოხედა ოთარს.

— თუ მიბრძანებთ, მზად გახლავართ!..

უპასუხა თავაზიანად ოთარმა, რომელიც სტუმრის შესახვედრად მზად იყო ჯიბე სავესე ფულით, გული—სიუხვით. რაკი რუსეთის შვილებს სიყრმითვე შეჩვეოდა, მათთან სხვებზე მეტ სითამამეს იჩენდა, არ კმაყოფილდებოდა სადარბაზო მოკლე—მოკლე თავაზიან სიტყვებით, ხშირად ბაასი შინაარსიან ხასიათს იღებდა, რუსეთის ისტორია, მეცნიერება, თუ პოეზია ამათ შორის ხელის გულსავით იშლებოდა. იმ დროს ოთარის გრძნობა გონების გაშლა ზომიერებას ჰკარგავდა. სიდიადე, ვისიც უნდა ყოფილიყო, მშვენიერება, მუსიკა, აღფრთოვანებულ ვაჟკაცს შესაფერ ჰანგზე მართავდა.

ოთარს წინ ეშლებოდა თვალთახედვის მომჯადოებელი სამყარო, გონებას შემოხსნოდა წვრილ მოვლენებისგან შემდგარი შემაწუხებელი რკალი, გრძნეულ წუთების იქით აღარ იყო რა, წუთიერებას მსოფლიო დაეჭირა, წუთიერება ამის თვალში ქეშმარიტება იყო და ოთარ გარემოშვილიც სწორედ წუთიერე-

ბისტვის იყო მოვლენილი. ბორისიც მასთან ბაასით დიდი <sup>ქმარული</sup> /რჩე-  
ბოდა.

მეორე ოთახიც ბრწყინავდა მდიდრულის მოწყობილობით <sup>ქმარული</sup> /რჩე-  
დებით. ოთახში ქალაღის მოთამაშენი ბლომად შეყრილიყვნენ, ვილასაც ელო-  
დებოდნენ, კიდევაც გამოჩნდა.

— ბორის პეტროვიჩ! აქ დაბრძანდით!

— თქვენ აქ..

— ჩვენ კი აქ..

ისმოდა ყოველ მხრივ, ადგილებს იჭერდნენ.

ყველაზე დაშვიდებით ბორისი იყურებოდა, დანარჩენები ლელავდნენ.  
ბორისის მონაწილე მოთამაშე ოთარი იყო.

რამაზმა ქორწილის დიასახლისობა-გამგეობა მელანიას და ალმასხანს მიან-  
დო. მელანია ქალაღის მოთამაშეებთანაც გაჩნდა, ოთარს გადახედა, სახეზე  
ჩრდილები გადაუცურდნენ.

— ღმერთო ჩემო, ეს რა შეცდომა მომივიდა, უფრო ადრე არ შემოვედი!  
ოთარი გენერლის მონაწილე მოთამაშეა?!. ექვი აღარ არი ბორისი ქალაღში  
ბევრ ფულს წააგებს და ეს კი ჩვენი შერცხვენა იქნება!.. რაც უნდა იყვეს მას-  
პინძლები ვართ, სტუმარს ანგარიში უნდა გავუწიოთ.

გაუელვა თავში მელანიას.

— ალმასხან, დაიხსენ როგორმე ბორის პეტროვიჩი ოთარისგან, თორემ  
ჯიბე დაცალიერებული ადგება.

წასჩურჩულა მელანიამ ქმარს, როდესაც ოთახში შემოსული დაინახა.

— დალოცვილო, აქამდის სად იყავი? რად ჩაუზიარე? ხომ იცოდი, ოთარ  
არასდროს მოგებული არ ამდგარა?.

— ვეღარ მოვუსწარი. როდესაც შემოვედი ქალაღის თამაში უკვე გაჩა-  
ღებული იყო. მეორეს მხრივ გული დავიმშვიდე, იქნება ბორის პეტროვიჩთან  
მაინც...

ალმასხანმა გაიღიმა.

— მოტყუებულხარ ჩემო ჩიტუნიავ, ოთარი რაშიაც სუსტია, გინდ ბორის  
პეტროვიჩი მოუყვანე, გინდ ივან ივანიჩი, მაინც სუსტი დარჩება.. ოთარი ქა-  
ლაღის თამაშობით ყოველთვის თავს ირთობს ხოლმე, იმ დროს მისი გონება  
საღლაც არის წასული, ბურუსში გახვეული და თუ კიდევაც წააგებს, არ დაგი-  
დევს.. მაგრამ არა უშავს და, ვხლავე მოვახერხებ, ბორის პეტროვიჩი მანდედან  
ავაყენო.

ანუგეშა ალმასხანმა და წავიდა დარბაზისკენ, საიდანაც მოისმოდა დირი-  
ჟორის შემოძახილი, ქალგაეთა კისკისი, მუსიკის ხან ხმა შენელებული ლულუნი,  
ხან მედგარი, თავგამეტებით შეტევა, ყველა ერთმანეთში ჩართულ-ჩახლართული.

მელანიამ თვალები მოჟუტა, მარაო აუქარვა ბლონდს, რომელიც კავებ  
ქვეშ ამოტარებოდა.

უცბად დარბაზში ევროპიული მუსიკა აღმოსავლეთის ჰანგებმა შესცვალეს.  
სუნთქოვანი საცემი საკრავები ახმაურდნენ, ჭიანურის შინარეთზე გაბმულ ის-

რებს შვილდი შეეხოთ. ვნებით დამთვრალმა მაზე იწყო მოხდენით სრიალი. დამსწრეთ გუნება შეეცვალათ, ბორისთან აღმასხანი გაჩნდა.

— დარბაზისკენ წამობრძანდით, მოისმინეთ ჩვენებური სიტყვები. —  
ნახეთ. — სთხოვა გენერალს.

ბორისიც მაშინვე წამოდგა, ის იყო მოპირისპირეს წაგებულში უსწორდებოდა. დანარჩენი მოთამაშენიც აიშალნენ.

ოთარი დარჩა თავის ადგილზე, ნიდაყვით მაგიდაზე დაენდო...

„ორთავ თვალის სინათლეც!

რაზედ მოგიწყენია?

ბნელსა ვზივარ მინათლე,

სანამ დრონი შენია“.

მოისმა უცბად. ოთარს სიტყვები გულზე მოხედნენ. მოეჩვენა ვიღაც რალასაც სთხოვდა. მიიხედა, პირდაპირ კარი ღია იყო, მოსამსახურეები შეჯგუფულიყვნენ; ფაქიზად ჩაკმულნი წინ წამომდგარიყვნენ, მათ ამოფარებოდნენ თმაკაღარა ახალგაზდანი. მათი სახეების მეტყველობა ოთარისთვის უცნობი არ იყო. უფროსების მუხლებთან პატარა ბიჭი წამოჩოქილიყო, არ დასდევდა დიდ შევიწროება-უხერხულობას, სმენად და მხედველობად გარდაქცეულიყო. უცხო-უცხო სანახავეების გამო გამოთაყვანებულ პატარას პირი ღია დარჩენოდა, თვალეები დაეჭყიტა. ბავშვს ტანი არ უჩნდა, ალბად ადგილის შესაფერად არ იყო შემოსილი. ოთარმა კი ეს არის ეხლა ორმოცდაათი თუმიანი წანაგები ბორისის მხლებელ აფიცერის გადასცა.

„ბნელსა ვზივარ მინათლე

სანამ დრონი შენია!“

არ ისვენებდა კიანურზე მოღიღინე ვიღაც მამხილებელი და რომ ეს ხმა დროზე გაეყრუებინა, ოთარმა პატარა ბიჭს ხელში თუმნიანი ჩაუდო, თვითონ დარბაზისკენ წავიდა.

\* \* \*

დარბაზის შუაგულს ხალხი შემორკალოდა, ერთი მეორეს აწვებოდა, ფეხის თითებზე დგებოდა. ოთარიც პირველ რიგში ჩამდგარიყო.

დარბაზის შუაგულს გამოჩნდა შავგვრემანი შუახნის კაცი, ხელში კრელი ხელსახოცი ეჭირა, მაყურებელს შავი ფარჩის სამოსის სხივილი, გაწვდილ მკლავებზე ჩამოშლილი ყურთმაჯები ფრთების ფრიალს აგონებდნენ.


ოთახში შემოფრენილი შავარდენი ნიშანში ამოღებულს თვალს არ აშორებდა.

— კიაზოა!

— მეც დამანახვეთ!

ჩურჩულებდნენ.. შავარდენმა რხევას უმატა, კეკლუცი ქალის წინ გაჩნდა.

ქალმა მოფრენილ შავარდენს გაულიმა, შავი თვალეები გაუბრწყინდნენ. ხორბლისფერ ლაწვებზე სიწითლე ეპარებოდა, წარბები აჭიმოდნენ შუბლზე, რო-

მელსაც მარგალიტით ნაკერი თავსაკრავი გაპკროდა. ბექებსე  შეტებული ლეჩაქი შეირხა, შეფრიალდა, ქალი ფერიასავით გაცურდა.

თუმცა შავარდენი ყოველმხრივ წინ ურბენდა, მაგრამ მისი ტრედი კარგა ხანს ხელიდან უსხლტებოდა, თავისუფლებისკენ მიისწრაფოდა, ამავდროს შავარდენს ეკეკლუცებოდა, ელოდა—საცაა საიდანმე სინაზე ონავრობით ისევ დაუტროლებდა.

ოთარი გაშტერებული უყურებდა მოცეკვავე ქალს, გრძნობდა ამ დროს თითქო ფეხ ქვეშ ნიადაგი ეცლებოდა.

ოთარის თვალწინ ისევ აიხადა წუთიერებისგან შექნილი ფარდა... გამოჩნდა ია-ვარდით მოფენილი გზა. მოცეკვავე ქალი წარმოუდგა სიცოცხლის მომცემ მშვენიერების ქალწულობის ღვთაებად, რომლის ძალას დარბაზი დაეპყრო.

— ის არის... ის... ქალ-ღმერთი... ჩემი შემოქმედებითი ძალის გამპიროვნებელი... რაღას მიზამს მტერი, თუ ეს გვერდით მეყოლება?... მშვენება, გამხადე შენი მონა!... შენ იქნები ჩემი დაქანცული აზრების მყუდრო სავანე... შენგან გამხნეებულნი შემოვივლევ მოჩხაკუნე დეზებს, გონებიდან გადავივლებ უცხო ქვეყანაში გადასავარდნად მაშფოთარ აზრებს; მამაშენსავით ქართულ ტანისამოსში გამოვეწყობი, შენთან ხელიხელ ჩაკიდებული გამოგყვები ცხოვრების გზაზე შენსავით ტურფა ქვეყანაში.

სასოებით მეტყველობდნენ ოთარის თვალები, ქალიც გრძნობდა ოთარის თავისადმი აღტაცებას, უფრო მოხდენით შლიდა ხელებს და მისი თვალებიც ნაპერწკლებით სწვავდნენ.

ქალი განზე გადგა. შავარდენმა ფრთები მხრებზე შეიკეცა, მირზაიაც შეწყდა. კიახო ბარაშვილი და მისი ქალი ხალხის ტაშის გრიალს დამშვიდებით შეხვდნენ, ეტყობოდათ, ამგვარ შეხვედრას დიდი ხანია ჩვევულნი იყვნენ...

კიახო დარბაისელთ შეუერთდა, ნატო დედას მოუჯდა, მარიაში ქალიშვილის საყვედურს ღიმილით ისმენდა.

— რატომ არ მიშვებ დედა ციციხოსთან? შეხე თვალთ მეძახის... ისეც გვიან მოვედით, ეხლა მაინც ნუ მიშლი გვერდით მოუჯდე.

— გითხარი, არ შეიძლება მეოქი... ჩვენში მიღებულია, პატარძალს გვერდით ხანში შესული ქმარშვილიანი ქალი უნდა ჰყავდეს.

— მე რომ ვიყვე?

— კიდევ და კიდევ!...

შეუტია მარიაშმა და იქვე მდგომ მანდილოსანს მიუბრუნდა.

ნატო დედის წინ იდგა დიდხანს ჩაფიქრებული, მაგრამ მისი თვალები უცბად ნაცნობ თვალებს შეხვდნენ. პირდაპირ კედელზე დიდი სარკე ეკიდა, სარკიდან გამოძყურე ქალმა ნატოს ყურადღება მიიქცია, გაუკვირდა მაღალი მიღწევა მშვენიერებისა, რომლითაც დაჯილდოვებულიყო საგანგებოდ შეზავებულ წამლებით ნახატი ქალიშვილი წითელ ატლასის კაბაში. ნატომ სარკეში მოჩინარ დარბაზს გახედა, მშვენიერს ცალი ვერ უპოვა.

მაგიერად შენიშნა ქერა ცისფერთვალება აფიცერი ზურგით კედელს

მინდობოდა, მშვენიერს თვალს არ აშორებდა. ნატომ ქალს გაუღიმა, ქალს ამავე ღიმილით დაუხვდა.

ნატო სარკესთან მივიდა, ციე შუშას ხელი შეახო, მშვენიერს დაინახა, გაიმეორა, თუმცა შუშა დაინისლა.

ნატო ხელით შეეხო ბაგეს, დანისნულ შუშაში ქალმა ნატოს ანარეკლი მიიღო.

ქალს უნდოდა გადაეკისკისა, მაგრამ გაახსენდა საცა იყო, საჩქაროდ სარკეს ზურგი უბრუნა და ისევ დედის გვერდით დაჯდა. ეხლა კი მიმხვდარიყო, მარიამი ციცინოსთან ახლო ყოფნას რად უშლიდა.

მალე დედა-შვილის ყურადღება მიიქცია დარბაზში ატეხილმა ჩოჩქოლმა. რამაზმა კიაზოს ხელი ჩაჰკიდა, განზე გააყენა, დიდხანს ელაპარაკა. რამაზს მიემატა ციცინოს მამა სარდიონი, რომელიც კიაზოს ხშირად მხარზე ხელს ადებდა, რაღაზედაც არწმუნებდა, კიაზო უარზე იყო.

ცოტა ხანი და ცისფერთვალემა აფიცერიც მათთან გაჩნდა.

ნატოს მოუსვენრობა დაეტყო, თითქო ჩოჩქოლის მიზეზს მიხვდა, მაგრამ არ შეიმჩნია.

კიაზო ჯგუფს გამოეყო, რამაზი და სარდიონიც თან გამოჰყვნენ.

— ჩემო დეიდაშვილო, პატარა ხანს აიენისკენ წამობრძანდი! შენთან მოსალაპარაკებელი გვაქვს.

უთხრა რამაზმა მარიამს. მკლავი შესთავაზა. მარიამი დაიბნა, სახე აღანძული გაჰყვა. აიენი ბალს გაჰყურებდა, მარიამი სკამზე დასვეს, ქალი დელავდა, მალიმალ ლეჩაქს ისწორებდა. ნატომაც შეუმჩნეველად ადგილი იცვალა, აიენის ახლო ფარდით მოფარებული მოხერხებით დადგა სმენად გარდაქცეული.

— მარიამ, ოთარ გარემოშვილი ქალსა გვთხოვს!

ამ სიტყვებით წამოდგა წინ კიაზო. მარიამს ასეთი წინადადება ბოლო ხანებში ხშირად ესმოდა, სხვადასხვა საპატოო მიზეზებით თავიდან იცილებდა, მაგრამ ამ ჟამად პასუხის მიცემა გაუძნელდა. კარგა ფიქრის შემდეგ ქმარი განზე გააყენა, აღელვებით დიდხანს ელაპარაკა, ეტყობოდა დიდ უარზე იყო, მაგრამ, როდესაც ორივენი დაბრუნდნენ, კიაზო გამარჯვებული იყურებოდა.

— მარიამ, შენი ქალი ციცინოს ამხანაგია, შენ ქმარსა და ჩემ სიმამრს ერთმანეთის თავს არა ურჩევნიათ რა, ამას ზედ დაფურთოთ კიდევ ის, რო მე და შენ დეიდაშვილები ვართ. მოდი, ჩემო დაო, ეს ჩვენი ნათესაობა უფრო განვაძტკიცოთ, ქორწილს ქორწილი მოვაყოლოთ. ოთარს ჩემიანობით არ ვაქვებ, შენი ქალი უსწავლელს რო მიათხოვო ისევ ტეტია დარჩება, ოთარი კი, როგორც განათლებული, შენ შვილს აამალლებს, ნასწავლი და უსწავლელი ერთმანეთს ხელს ჩაჰკიდებენ, ნატო გარუსებულ ოთარს გააქართველებს, ოთარი ნატოს გაავეროპიელებს.

მკერმეტყველობდა რამაზ. მარიამმა ისევ ქმარს შეხვდა.

— როგორცა ვხედავ თქვენ კიდევაც შეთანხმებულხართ, ჩემთვის კი ახალი გაგონებაა. ერთი შვილი მყავს და იმისა ბედიც ერთ საათში გადავწყვიტო?..

— საათი რას ნიშნავს მაშინ, როდესაც საქმე დღესავით ნათელია?.. და-



ლიანაც ჩაუფიქრდი, რას გინდა პირი უპოვო? ჩვენც აგრე გაგვიტოვებია ქალები, ჩვენც აგრე შეგვირთავს ცოლები. დალოცვილო, შენ არ იყავი ცხრა წლისას ჯვარი დაგწერეს და იმის გულისთვის დედელი გაგწერეს და დროს შესაფერი კანონები აქვს, საიდან გინდა მოუარო? ყველაფერს რომ თავი დავანებოთ, სახარბიელოდ ისიცა კმარა, უფროსი ძმა რუსეთის მეფის ადიუტანტია. შენ შეიღსა და სიძეს ფარად და ხმალად მარტო ეს ეყოფა ცხოვრებაში, მაგას მიუმატე დიდი შეძლება, შენი ქალის მემკვიდრეობა და სხვა რაღა გინდა, დალოცვილო? ცასაც ხომ ხელით არ შესწვდები?.. ოთარი გთხოვთ დღესვე ჯვარი დასწეროთ, თუ უარს მიიღებს, ხვალ რუსეთში მდის, თქვენ ქალსაც კარგი ბედი დაეკარგება.

— ოთარ გარემოშვილს მე სასიძოდ გერ დაეიწუნებ..

წარმოსთქვა ამ დროს კიაზომ და თვალები ზემოდ ამართა.

— დაწუნებით არც მე ვიწუნებ, მაგრამ.. აქ ხმა აუთრთოლდა მარიამს და ქმარს შეხედა.

— როგორღაც ჭკუაში არ მომდის. ბავშვი ნათესავის ქორწილში მომიყვანია და იმის სახლში პატარძლად წამოვსვა. რა გაჭირვებისთვის? სხვა რომ არა იყვესრა ჯვარის საწერი კაბა მაინც არ უნდა ჰქონოდა?.

— ეჰ, მარიამ, ოთარს კაბებით ვერ გააკვირვებ.. შენი ნატო რა კაბაშიაც მოეწონა, დაე იმ კაბაშივე ჯვარიც დაიწეროს. დალოცვილო, ი შენ სასიძოს ცხრა მთას იქით კი არ მიჰყავს.. შენ სოფელსა და იმის შორის ეტლით სასიარულო მარტო სამი საათია, დანაკლისი მერეც შეუსრულე.

მარიამი გაჩუმდა.

— ეჰ, კიაზო, თურმე მართალი უთქვამს, ვიხაც უთქვამს, რო სადაც იყვეს ბედი შენიო, მიგიყვანოს ფეხმა შენმაო, და რაღას ვიზამ?..

წარმოსთქვა კარგა ფიქრის შემდეგ და ისევ იატაკს დააჩერდა.

— აფერუმ, მარიამ! ჭკვიანი დეიდაშვილი რომ მყევხარ, განსხვავებითაც მიტომ მიყვარხარ!..

— ქორწილი! კიდევ ახალი ქორწილი!. ტუშ!

შესძახა სვიმონმა, ცალ ფეხზე შემოტრიალდა. სვიმონმა და კიაზომ ერთმანეთი ჩაკოცნეს.. მარიამის გარდა ყველაწი იცინოდნენ.

გადაწყდა ნატოს ბედი, სახეშეწითლებული შემკრთალი ქალი მსწრაფლ წინანდელ ადგილზე დაბრუნდა. აღტაცებული ოთარი მარიამს ხელზე ჰკოცნიდა. ნატოც მოიხმეს.

— მოდი, შეილო, შენ თავს ეს უმაწვილი გვთხოვს, რასაკვირველია ვერც შენ დაიწუნებ... — ეუბნებოდა მარიამი. ნატომ თავი დალუნა. დედ-მამის მორჩილი ეხლაც გრძნობდა მშობლების და ნათესავების ნებას უნდა მიჰყოლოდა. მშობლები რის მშობლები იყვნენ, თუ მათ სურვილებს არ აღასრულებდა, მეტად რე მაშინ, როდესაც თვითონაც მოსწონდა ოთარი.

მარიამმა ნატოს ხელი ოთარს ხელში ჩაუდო, დალოცა.

ნატომ იგრძნო, რომ მის ერთგვარ ცხოვრებას დღეს უეცრად სცვლიდნენ საიდუმლოებით აღსავსე ახალი წუთები, ვილასგანაც ნაშენი, მშობლების სახით

მოვლენილი მოაჯირი, რომელსაც გაჭირვების დროს ხელმოსაჭიდად ეყვლებოდა, ტყდებოდა, გზას უცლიდა სიციცხლით აღსავესე ყმაწვილ კაცს, მისი გაბრწყინებული თვალები ჰპირდებოდნენ ახალი შუქის სხივებისგან, მისი მკერდი ბადეს, რომელშიაც უფრო განაზებით შეეხვეოდა, ერთი-ორად დაამშვენებოდა.

დარბაზში გაისმა ისევ მირზაიას ხმა. ბედნიერი ოთარი ნატოს სათუთ ხელს მოწიწებით ეკონებოდა და შმაგი განგებისგან, საბედისწერო ლულუნი, მირზაიად მოვლენილი ოთარს და ნატოს ჯვარსა სწერდა.

\* \* \*

ოთარმა ნატო სახლში მოიყვანა. გაოცებული ქალი აქეთ-იქით იყურებოდა. ფართედ გაშლილი სახლ-კარი, ქმრის ნათესავეები, მეზობლები ერთი მეორეზე მედიდურნი, მათი ნადიმები, ღამის თევანი, არშიყობა, ოჯახები, სადაც სიძებად რუსის პოლკოვნიკ-ლენერლები მოეყვანათ, რძლებად აგრეთვე რუსის და მდიდარი ზოკის ქალები, ამავე ოჯახებში მრავლად დაბერებული გასათხოვარნი და უცოლშვილონი. რადგან უეცარ ქორწინების გამო ნატოს ორი ხელი ტანისამოსის მეტი არ გამოჰყოლოდა, ოთარმა სიდედრ-სიმამრისგან გამოგზავნილ მზითვეს აღარ დაუცადა, ორ დღეში ახალი პატარძალი ძვირფას სამკაულებსა და ფარჩა-ფურჩებში ჩასვა. ნატო საქმრეულოს ემბაზში ხელახლად მონათლა, ეს ახალი განათვლა ქალს ენის ახლად ამოდგმასაც ავალებდა და ჯერჯერობით ხმა გაკმენდილი იყო.

დედის-ერთა თვრამეტი წლის მემკვიდრე ქალი ახალ ქვეყანაში მეტად ჩამორჩენილი აღმოჩნდა. სანთურზე სიმღერა, მირზაია, ქარგვა, ლეჩაქების ბასმა უფროსების მორჩილება, ზნეობის სასტიკი დაცვა, რასაც აკვნიდანვე დარაჯობდნენ მარიამის მრისხანე თვალები, ყველა ეს ნატოს ეხლა ეჩვენებოდა წვიმის წვეთად მდინარეში—მეზობელ ოჯახებში როიალების გრიალსა, სხვა და სხვა ენებზე ლაპარაკს და თავისუფალ ქცევასთან შედარებითი.

მთელი ეს ამაყი დიდ-კაცობა, ოთარიც მათში გარეული, უძლეველ მთასავით წინ დასდგომოდა. სუსტს, უვიცს ახალგაზდა ქალს და სასტიკ ჩვენებას ართმევდა. ნატომ არამც თუ ევროპიული ენები, ქართულიც არ იცოდა. წიგნს ჩათვლით ძლივს კითხულობდა. როდესაც მარიაში ვეფხის ტყაოსანსა და ვის რამიანიდან უამბობდა, ეს ყურს იყრუებდა და ტოლებისკენ წასვლაზე ფიქრობდა. თითქო მაშინვე გული უგრძნობდა რომ დროს შესაფერად არ ამზადებდნენ, ძველს თითონვე უფრთხობდა, ახლისკენ მიიწევდა. ქართულიც რომ კარგად სცოდნოდა ეხლა მაინც ბევრს არას უშველიდა. ქართულით არამც თუ მთავარ მართებელის ცოლთან ვერ წარსდგებოდა, თვით აქავე, მეზობლებშივე დაიჩაგრებოდა. ამ გახსენებით ქალი ნალველსა გრძნობდა.

ოთარიც შეიმოსა კაბა-ახალოხით, თავ-დახურულ კოპწია ქართველ ქალს ამაყად გვერდში ამოუდგა ბრწყინვალე იმედებით გაშუქებული, რომ მასთან ერთად ცხოვრების სანაპიროზე გადმოსხავდნენ სულით და სხეულით გაჯანსაღებულ თაობას.

— აი საით უნდა წავიდეს მთელი ჩვენი აზროვნობა, ღონე და მოქმედე-

ბა! — ფიქრობდა ოთარი, და გახალისებული, მებაღეებს არგვეინებდა უმაღლეს ჯიშის ხეებს, ვარდ-ყვავილებს..

— ჩვენი სახლის ვენეციური სარკმლები ფათალოებში უნდა იქნებოდნენ, შიგა და შიგ ფოთლებში გამოკრთებიან ყვავილები, რომელთაც ყოველ დილით ნამ-დაკრულთ შეეხებიან ჩემი ნატოს თითები.

ლილინებდა გულში ბედნიერი ოთარი.

ნატოს გული კი შეშინებულ განაბულ ჩიტსავით ისევ ფეთქდა.

ქვითკირის გაღავანი ვეშაპსავით გარსშემორტყმული, უხარმაზარი რკინის კარი, რომელიც უსიამოვნო ქრიალით ხშირად იხურებ-იკეტებოდა, თითქო ნატოს ატუსაღებდა. ქალი რაღაც ფარულის სინანულით იხედებოდა უკან, თვალწინ უდგებოდა უზრუნველი ქალიშვილობა, ტოლ-ამხანაგნი. კიაზო თუმცა შეძლებული იყო, მაგრამ მისი ცხოვრება სრულიად არ გავდა ამ სოფლის მებატონეთა ცხოვრებას. ამ მხრივ კიაზო გლეხებისკენ უფრო იხრებოდა, არამც თუ კიაზო, მთლად ეს მხარეც. იქაური გლეხები და თავადები მარტო წოდებით განსხვავდებოდნენ და, როგორც წოდება, თავადები მაინც ისევ თავადებად რჩებოდნენ, გლეხები — გლეხებად და ბატონობდნენ ხშირად გონებით და მსჯელობით არამც თუ გათანასწორებულ, არამედ ბევრჯერ მაღლა მდგარ გლეხებზე — მარტო მისთვის, რომ მესაკუთრენი იყვნენ. იქით, როგორც თავადები, ისე გლეხები ერთფერები, ერთ შეუშლელ ენაზე ლაპარაკობდნენ. აქ კი გლეხობასა და მებატონეთა შორის უფრო ღრმა ხევი ჩახრამულიყო. მაგიერად მებატონეები აქრელებულიყვნენ როგორც სხვა და სხვა ფერ აბრეშუმის ნაქრებისგან შეკერილი ბობჩა, რომელიც ნატოს თვალსა სჭრიდა, სიახლით მოსწონდა.

მუშები ბალსა და ეზოს ბარავდნენ, ბუჩქებს ასწორებდნენ, ბილიკებს სტეპნიდნენ. კალატონები გაღანგრეულ კედლებს აახლებდნენ. სხვა და სხვა ხეები ნახის ტოტებით ნიაფზე ირხეოდნენ, წვრილ ფოთლებში იხედებოდნენ შემოსული ნუშები, რომელნიც ახლად მოსულ პატარძალს პირდებოდნენ ტკბილეულობის შეზავებას. ნატოს აგონდებოდა, რა ძვირი საშოვარი იყო მარიამისთვის ეს ხილი. საგანგებოდ იბარებდა ქალაქიდან, რომ ახალ წელიწადს ნუშის გონინაყი ჰქონოდა. აქ კი ტყესავით გაშენებულიყო, ოღონდ ნატოს ხელი გაეწვდინა და კალთაში ხრიალით ჩამოეშვებოდა კანგამაგრებული, უკვე შესანახად მომზადებული ნაყოფი. მაგრამ დღეს ნატოს მის მოსაკრეფად ხალისი დაჰკარგოდა, სიუხვით თვალი გაძლომოდა მაშინ, როდესაც ეზოში ჩუმად შემოპარული სოფლის ბავშვები გაფაციცებით ნაქარს აგროვებდნენ, თან აქეთ-იქით შიშით თვალებს აფეთებდნენ, რომ მათთვის არსაიდან არავის დაეტია.

დიდი ღროც არ გავიღოდა, რო სარკმელთან მოდგებოდა მათიკო და მწყრალოდ შესძახებდა მოსამსახურეს:

— რას გაჩერებულხარ, ბიჭო? ვერა ხედავ ეზოს როგორ იკლებენ? ჩქარა აქედგან გაყარე ეგ უმსგავსები!

მათიკო გულნატკენი დაბრუნებულიყო ქორწილიდან, სადაც გაცრუებულიყვნენ მომავალ ახალი ცხოვრების იმედები, და ამასაც ჩაციებით თვალწინ აპყუდებოდა უშინაარსო თავმომაბეზრებელი ძველი კედელი.

ქალს გონება ავსებოდა ქვეყნისადმი სიბრაზით და პირველსავე შემთხვევაში ვიხედნე გულის ჯავრს იყრიდა.

— მაინცდამაინც რა შევიმატეთ, ოთარმა რო ეგ მშვენიერება ჩემს გულშია? იძახიან, მემკვიდრეაო. ჯერ მე შავის მემკვიდრეობას ვერა ვხედავ, სხვების კი ჩვენ შევუკვრეთ!

ეს სიტყვები ისე თამამად და ხმამაღლა წარმოსთქვა მაიიკომ ერთხელ, რომ იქვე კარებთან მდგარმა ნატომ გაიგონა. ნატომ ისიც შენიშნა, რომ მენიკა და სხვა მოსამსახურეები ბოლო ხანებში მარტო მათიკოს უტრიალდებოდნენ, წვრილან საქმეებს უკეთებდნენ, მოუცლელობის გამო ნატოსკენ სხვა დედაკაცს გზავნიდნენ. ნატო ყველა ამას მათიკოს აწერდა. ამ საქციელით დიდრაჯი მული რძალს აგრძნობინებდა, რომ ის ამისი მბძრანებელი იყო და სახლში შემომძვრალ გუშინდელ წიწილას ონაგარი ქორისთვის ანგარიში უნდა გაეწია.

— რას ფიქრობ, ნატო? შესწორჩულებდა ამ დროს გონება.

— მათიკოს სიტყვებს ყურს ნუ ათხოვებ.. ამ ოჯახში როგორც გასათხოვარს არავითარი ხმა არა აქვს. თუმცა ყვირის, შავრამ თვითონვე გრძნობს თავის ყვირილის სიყალბეს და ჯავრს ზედ ასკდება. თუ მეტად გაგიჭირდა, ადვილადაც მოიშორებ.. მელანია გასულია, ღმერთს თაყვანისმცემლად შენთვის ოთარი მოუცია, რაღა გინდა?. თუ ვინმემ შემოგიტოს, ნუ შეუშინდები. გახსოვდეს, შენ ფეხქვეშ ნიადაგი მტკიცეა. თვალწინ განუშორებლად გიდგეს აზრი, რომ შენა ხარ მშვენიერი და მემკვიდრე.. ამ ორ საუნჯეს გაუფთხილდი როგორც თვალის ჩინს, და ბუხსაც ვერავენ აგიფრენს.— ამ ხმაზე ნატოც მშვიდდებოდა.

ნატოს და ოთარის საწოლი საუკეთესო ოთახი იყო, ვარდისფერ ქაღალდით გაკრული. დიდ ფანჯრებთან ჩამომდინარე რუს ტოტის ნაზი ჩქერა ქალს ძილის დროს ნანას უმღერდა. ამ ტოტიდანვე ძილშიაც ამოდიოდნენ ჩანგებით ხელში ფერიები, თავთ უსხდებოდნენ, სხვა და სხვა სიმღერებით შეაქცევდნენ. გაღვიძებისას კი ფერიების მაგივრად მის თვალებს ოთარის ალგზნებული ტუჩები ხედებოდნენ...

\* \* \*

ნატოს მშობლები მოუვიდნენ. კიაზომ და მარიამმა მოსვლის უმაღ შეილს მედიდურობის წრე შემოავლეს. მულები, რომელნიც უკვე აღმაცერად უყურებდნენ, დღეს რძალს უღიმოდნენ, უაღერსებდნენ—მეტადრე მაშინ, როდესაც მარიამმა ძვირფასი ნივთები მიართვა, აღმასხანს და ოთარს—ოქროთი ნაფერი აზარფეშები უთავაზა, მოსამსახურეებიც მოიმაღლიერა. ვერცხლში შექედილი თოფი და დამბაჩა სიძე-სიმამრმა ერთმანეთში გაცვალეს. მხითვით დაბარგული ორი საძნე ურემი გადმოცალეს. შუშაბანდი, ოთახები სამი დღის ვადით მნახველების საჩვენებლად მოიფინა: ოქრო-ვერცხლი, ატლას-ბაბთები, სპილენძეულობა, მრავალი სხვა და სხვა საჭიროებანი, მათ შორის უმარილის მოსალესი სარდაფი და სანთური. მნახველები, როგორც მლოცველები წითელ პარასკევის გარდამოხსნასთან, დიდის მოწიწებით ყოველ საგანს თვითთულად პატარძლის ღირებულობის ბეჭედს ასვამდნენ.

ოთარმა, დიდკაცების გარდა, სოფლის ხალხიც მოიწვია და ქორწილის თანასწორი ნადიმები გადიხადა. კიაზო და მარიამი თავს ბედნიერად სთვლიდნენ—მეფის ტოლი სიძე იშოვეს. საკუთარი ვაჟიშვილიც რომეტიყუდულად, ისიც ამაზე უკეთესი ვერ წარმოედგინათ. მზითვის ნახვის გამოგახსნა გულში აღიძრა უკმაყოფილება და სინანული, რომ ნატოსავით დედის ერთანი არ იყვნენ და ძმები ჰყავდათ.

სიძით გაბედნიერებული სიმამრი უზომოდ გამჩიარულდა. კიაზო შავგვრემანი, ქალარა, გამხდარი და მაღალი იყო. შეყრილ ხშირ წარბებიდან შავი თვალელები გაბედვით იყურებოდნენ. ნიკაპი წინ წამოსწეოდა, მიხერა-მოხერა თამამი და დინჯი ჰქონდა.

კიაზოს ორჯერაც მოხდენოდა ომში ბრძოლა, ორჯერვე მძიმედ დაჭრილიყო. მარიამი ტანდაბალი, სრული დედაკაცი იყო, უფრო ქერა. თუმცა მასაც სახეზე მედიდურობა ეტყობოდა, მაგრამ მისი მედიდურობა სათნოების ხახებით ნელდებოდა და მნახველის გულს იზიდავდა.

ნადიმების შემდეგ სიძე-სიმამრმა ოთარის სამფლობელო შემოიარეს. მელანიამ და აღმასხანმაც ახალ მოყვრებს ნადიმებით პატივი სცეს და რძალზედაც უტყუარი განაჩენი გამოიტანეს, ვითომ ნატო ჯერ კიდევ ბავშვი იყო და იმათ დახმარებით თანდათან ღირსეული დედაკაცი დადგებოდა—სწორედ ისეთი, როგორც ოჯახს ეკადრებოდა.

ამდენ ზიზილ-პიპილოებისგან ნატოსაც თვალეები აუბქყვიალდა.

— მაინც და მაინც ნასწავლები არც ჩემი მულეები ბრძანდებიან!.. თუ აქამდის სული გლებებში ამომდიოდა, ეხლა შავათ ჯიბრზე უპირველეს განათლებულებს მივეტანები. ნასწავლი ქმრის და დიდი შეძლების პატრონისთვის ამისი ასრულება ძნელი არ იქნება. დღეიდან ვეცდები რუსული მალე ვისწავლო: ჩვენ სახლში ქართულად ძალიან იშვიათად ვალაპარაკებ ვისმეს. ოთარიც მპირდება—გაგანათლებო, და ჩემი განათლებაც ეს იქნება.

გულს იკეთებდა ნატო. ოთარის მაღლამურენი ოცნებაც ეშვებოდა ქვეით დედამიწაზე, სადაც სულის ტოლი ეგულვებოდა. მიივიწყა აგრეთვე წიგნებში კირკიტა, მსოფლიო მეცნიერული საკითხების საფუძვლიანი განხილვა, რომელზედაც არა ერთი ღამე თეთრის თვალით უთენებია, შედეგად ხელში შერჩენია ტვინის დაქანცვა, მსმენელის შეუგნებლობა: მაგიერად მიწყნარებულ მთვარიან ღამეში წყლის პირას, სანათურით ხელში, ვნებით აღსავსე სიტყვებს უმღერდა ფერია, რომლის გრძნეულება ხელსა და გონებას უბოჭავდა, უსხვაფერებდა, თანამედროვე ცხოვრების ფერხულში ჩასაბმელად იწვევდა.

(გაგრძელება იქნება).

## თეთრი კურდღალი

პროფესორ მიხეილ ასათიანს,  
რომლის ნაამბობმა დამაწერა ეს მოთხრობა.  
ავტორი.

— სიდონი, შეილო სიდონი!—დასჩურჩულებს სიბნელეში მართა საწოლზე, გაშოტილს თავის ერთას.—გესმის, შეილო?

— რა გინდა, რა გაყვირებს?!—წყრომით ჰკივის პასუხი.

— ადგე, შეილო, სტუმარი მოგვივიდა.

— სტუმარი?—შეაღბილა სიდონიამ.—ვინ არის?

— პროფესორია, შეილო, პროფესორი ფრიდონ დორაშვილი.

— მართლა?! ეხლავე გამოვალ.


და ელექტრონის ქალმა უცბად გაანათა თეთრად მორთული საწოლი ოთახი: თეთრი კედლები, ორი თეთრი ლოგინი, თეთრივე მარმარილოს მაგიდა და ახალგაზრდა ქალი—ისიც თეთრ-კაბიანი და თვითონაც იმ სათამაშო კურდღელივით თეთრი, რომელიც მკერდზე აქვს მიხუტული.

თეთრმა ძალღმა—პატარა შვიცმა—თეთრი ზეწრიდან დედოფალას მსგავსი თავი ამოჰყო და, ტალანიდან უცხოს ხმა რომ გაიგო, ისკუბა და კაპასი წკავ-წკავით მეორე ოთახში გავარდა, თანაც გრძელი და აბურძენალი ბალანი რხევით და პენტვით გაიტანა.

ბალიშზე მოხვეულმა კატამ, ისევ თეთრმა და გრძელ-ბეწვიანმა, წელი მოიკალა, თათით ცხვირი მოიწმინდა, მერე იმანაც ისკუბა და ვეფხური ნაბიჯით შვიცს გაჰყვა. მართაც გავიდა და კარი გაიხურა.

სიდონია კი სატუალეტო მაგიდას მიუჯდა და ისე დააშტერდა სარკეს, თითქოს იქ, იმ სარკის უკან, უცნობი ქალი იჯდომ. ძლივს-ღა იცნო თავისი თავი. სიდონია ისედაც ფერმკრთალი იყო, ესლა კი...

დღეს კი მართლა იმ კურდღელს დაჰმსგავსებია, რომელიც ისევ მკერდზე აქვს მისვენებული. ლოყებიც ისე ჩაუცვივდა, როგორც ჯუანშერს ჰქონდა ჩაცვივნილი—ჯუანს, ჯანს, ჯონს, ჯანშეს, თავის შეილს, ოთხი წლის ბიჭიკოს, ფუნთრუშას და ფუნჩულას, რომელიც დღეს დამარხეს... ასე ამბობენ, დამარხეს... სხვები ამბობენ, თორემ... ნამდვილად...

ჯუანშერი ხშირად ჩაუჯდებოდა დედას კალთაში, იღლიაში  თეთრ კურდღელს ამოიდებდა, ეხლა რომ სიდონიას ჩაუხუტებია, და ხან დედას შესცქეროდა, ხან კურდღელს ჩააშტერდებოდა და აიჩემებდა:

— დედილო, შენ ჩემ ბაწიასა ჰგევხარ.

— ჰო, შვილო, ვგევარ.—უპასუხებდა.

— ბაწიაც შენა გგავს.

— ჰო, გენაცვალოს დედა, მგავს.

ეხლაც გაიღიმა და გუნებაში უპასუხა—იმას, ვინც... რომელიც (რომელიც თუ ვინც?)... იქ, შავ მიწაში წევს (წევს თუ დევს?):

— სწორი თვალი გაქვს, (გაქვს, თუ გქონდა?) ჩემო ფუნთრუშა, ჩემო ჯუან... ჯანშე... ჯუანშერ: მე და შენი ბაჭია ძალიან ვგევართ ერთმანეთს.

და სარკეში უცებ თვალი მოჰკრა გაბზარულ ღიმილს.

კურდღელი სარკის წინ დასდო. ჩაცუცქულან პირისპირ თეთრი ბაჭიები და გაოცებით უმზერენ ერთმანეთს.

— ამ კურდღელმა მეორე გააჩინა, აგერ ის, სარკიდან რომ იქყიტება, — ფიქრობს დედა, — როგორც მე გავაჩინე ის... ჩემი ბაჭია, ეხლა რომ საღდაც მიწაში (წევს თუ დევს?)... ერთი კურდღელი ჩემია, მეორე კი იმისია, ჯუანისა, რომელიც ეხლა იქ... (მაინც არ იცის. წევს თუ დევს?)...

ჩააშტერდა მეორე ქალსაც, სარკეში რომ იჯდა, და სახე რომ კირით ჰქონდა შეკლესილი. სიდონიასი აღარაფერი აქვს იმ დედაკაცს: დაბერებულა, შავი თვალები უფრო შავს ორმოვებში ჩასცვივნია, და იქიდან უცნაური ნაპერწკლები ელაგენ მოუსვენარნი, უაზრონი, არეულნი.

მარტო თმა-ლა შერჩა სარკის ქალს სიდონიასი—ხშირი, აპენტილი; მუჭი ჩაღის-ფერი—აღბად ისიც სიდონიასავით ოქსიქენეს ხმარობს, წყალმბადის ტარბეანგით იღებავს.

— ცხადია, — ფიქრობს სიდონია და თეთრი ხელებით მარდად ივარცხნის და ილაგებს იმ თმას, — ცხადია, მე სხვა ვარ, ეს ქალი კიდევ სხვა ვილაც არის. მე ვარ სიდონია, სიდონი სტაურიშვილისა, ის კი უცხოა, უცნობია. რაკი ეს ქალი ხმას არ იღებს, რადგან მუნჯია, მე თვითონ დავარქმევ სახელს—თუნდაც სალომეს.

ორივემ ერთმანეთს სალამიც მისცეს, გაუღიმეს, თითქოს ურთიერთის გაცნობა გაუხარდათო. სიდონია მართლა გამზიარულდა.

— მაშ ასე:—განაგრძო ფიქრი თავისთვის.—მე სიდონი მქვიან, ამას კი—სალომე. დაე ესეც სტაურიშვილის გვარისა იყოს, ედიშერის ცოლი. ხა-ხა! რა კარგია! ჩემს ქმარს ორი ცოლი ეყოლება—სიდონია და სალომე. ხი-ხი! გათათრდეს და ჰარამხანა გახსნას, ხი-ხი-ხი! რადგან მე არა ვყოფნი, მეორეც ვაჩინოს. მუდამ სჩივის—ცივი ქალი ხარო. ეხლა ცხელიც ეყოლება. ხა-ხა! აღბად მე თავს დაშანებებს, მომასვენებს. ან განა ღირსი არა ვარ! ხუთი წელიწადია მტანჯავს. დღესაც ვერ გამიგია, რა აგიუებთ ხოლმე ცოლ-ქმარს. სიყვარული აღამიანს თავსაც კი მოაკვლევინებს, მაგრამ ის... ფუჰ! მადლობა უფალს, თით-

ქმის ხელი აიღო ედიშერმა ჩემზე—გადავაჩვიე. ეხლა შენ ემსახურე, სალომე/—  
 ეჩურჩულება სარკეში მჯდომ ორადს და ნიშნის მოგებით თავს უქნევს.

სალომეც თავს უქნევს, თითქო სარკიდან თანხმობას უთვლის, ნიღბიანი  
 კი ისევ აგრძელებს:

— ეს კიდევ არაფერი: მე ბედნიერი ვარ, რადგან ორივე შვილი ცოცხა-  
 ლი მყავს, შენ კი—საწყალო, უბედურო!—შენ პირმშო ჯუანშერი მოგიკვდა...  
 აგერ ის, დღეს რომ დამარხე. უმცროსი კი, პაწაწა კატო (ღმერთო ჩემო, რა  
 უშნო სახელი დაგირქმევია!) ისე შეიჯავრე, რომ შენმა ქმარმა ედიშერ  
 სტაერიშვილმა (ეს გვარიც უშნოა!), შვილი, მოგაშორა და თავის ძმის ოჯახში  
 გაჰგზავნა. საწყალო დედავ!.. უბედურო!.. საბრალოვ!

და ერთმანეთის სიბრაღულით ორივე დედა სტირის—ცოცხალიც და  
 ორადიც. ორივეს გამხდარ ლოყებზე მსხვილი ცრემლი ჩამოსდის, თან უმარი-  
 ლი ჩამთაქვს და ღაპა-ღუპით მარმაროს ფიცარზე იღვრება.

— მართლა, სტუმარი!—გაახსენდა სიდონიას.

ორივე დედაკაცი—სიდონიაც და სალომეც—უმაღ გამოცოცხლდნენ: პი-  
 რისახეები გაიშალეს, ერთმანეთს გაუღიმეს და წამოდგნენ.

— მაშ ასე: გათავებულია, ქალბატონო სალომე.—მტკიცე რწმენით ეუბ-  
 ნება გუნებაში სიდონია ორადს.—გადაწყვეტილია: თქვენი სახელი ამიერიდან  
 სალომე იქნება—ეს პირველი. დღეიდან მე დავისუენებ, თქვენ კი ედიშერს ცო-  
 ლობას გაუწევთ. ნუ შესწუხდებით, თქვენს მაგივრად მე ვიმუშავებ, ყველაფერს  
 მე თვითონ გავაკეთებ, ოღონდ ჩემს ქმარს ამიერიდგან თქვენ უნდა მოუკლათ  
 ეინი. ამის მეტი საქმე არ გექნებათ,— ესეც მეორე. უფროსი ვაჟი—ჯუანშერი—  
 თქვენ მოგიკვდათ, და თქვენს სინიღისსაც თქვენვე უნდა მისცეთ პასუხი, რად-  
 გან... მიზეზი თქვენც კარგად გეცოდინებათ, მე ნულარ მათკეკინებთ,—ესეც  
 სამი. ვინაიდგან ჯუანშერის სიკვდილი თქვენ გედებათ, ამიტომ დარდიც თქვენ-  
 ვე უნდა აიკიდოთ. თუ გნებაფთ და შეგიძლიანთ, პზიდეთ სიკვდილამდე, თუ  
 არა და—ვერის ხიდი აქვეა,—ესეც ოთხი და უკანასკნელი... მე კი თავი დამა-  
 ნებეთ და მომასვენეთ. დღეიდან თქვენთვის აღარ მეცლება... ორი შვილი მყავს  
 გასაზრდელი—ჯუანშერი და კატო... რად მიცქერით აგრე? გიკვირთ, განა! სა-  
 კვირველი არაფერია: მეც თქვენსავით ორი შვილი მყავს, დიალ, ორი: ერთი  
 ოთხისაა, მეორე—სამისა. თქვენი შვილებიც სწორედ ამ ხნისანი არიან. ჩემსას  
 და თქვენსასაც ერთნაირი სახელები აქვთ—ჯუანშერი და კატო, ანუ კიტი. ისევ  
 გაოცდით? საოცარი აქაც არაფერია. მაგრამ ნუ დაივიწყებთ, რომ ჩემები ცოც-  
 ხლები არიან... რამ გაგაოცათ, რა ვქნა!?! ორივენა ცოცხლები არიან მეთქი—  
 ჯუანშერიც და კატოც. თქვენი ჯუანშერი კი მოკვდა... დიალ, მოკვდა. მონაწილე  
 ვარ თქვენი მწუხარებისა... მესმის... ვგრძნობ. მეცა მყავს შვილები... მეც დედა  
 ვარ, მაგრამ... ბოდიშს ვიხდი, უკაცრავად, სტუმარი მეღის. ნახვადის, საწყალო  
 სალომე! მშვიდობით, უბედურო დედავ!

სიდონიამ თეთრი კურდღელი ჩაიხუტა—სალომემაც. სიდონიამ ახალ დე-  
 დას სიბრაღულით შეჰხედა და დაბლა დაუკრა თეთრი თავი—სალომემაც. სი-  
 დონია კარებისკენ გამოტრიალდა—სალომემაც ზურგი შეაქცია.





— სიღონი, გაიცანი: პროფესორი ფრიდონ დორაშვილი

— ფრიად სასიამოვნოა. — უღიმის ექიმი.

— ბატონო პროფესორო! — და სიღონია ღიმილით შესცქერის დორაშვილს, თან ხელის გამორთმევას აგვიანებს. — ჩვენ ვიცნობთ ერთმანეთს.

— მართლა?... მაშ ბოდიშს ვიხდი.

— ხუთი წლის წინად თქვენი მოწაფე ვიყავი, სტუდენტი გახლდით.

— მართლა, მაგონდება! — უხარია ექიმს. — გამარჯვება, სიღონი! როგორა ხართ... როგორა ხარ, ქალო? რასა იქ, რასა შერები?

— მადლობელი, დიდი მადლობელი ვარ ჩემი გახსენებისათვის. საკვირველი არც არის, რომ დაგავიწყდით. ხუთი წელიწადი გავიდა, რაც თავი დაგანებეთ. რა თქმა უნდა, იერიც გამომეცვალა.

თხელი და თეთრი ხელი სხარტულად აიქნია, ტალღებივით შევარცხნილი თმა აისწორა, სარო ტანი ოდნავ აიროხია, შინაგანი ზმორვით აიგრიხა, მერე თვალები მოეუტა და იღუმალი ღიმილით გადაჰხედა — ჯერ თავის ქმარს, შემდეგ დორაშვილს, თითქოს ორივეს ეკითხებოდა: რას იტყვით, მართლა გამოვიცვალე, მართლა დავბერდი, თუ მაშინდელივით ისევ ლამაზი ქალი ვარო?

ედიშერმა იცნო ცოლის შეჩვეული მანერა: სიღონია მუდამ ასეთს ფანდს ხმარობდა ვინმეს მოსახიბლავად — და გული აუტირდა:

„დღესაც, ეხლაც! — გაიფიქრა. — ექვსი საათი ძლივს გავიდა, რაც ერთადერთი ვაჟი დაემარხეთ, ეს ქალი კი“...

— მაშ ძალიან შევიცვალე, არა? — ეკითხება სიღონია ექიმს.

— არა, საიშისო არაფერი გეტყობა.

— დაბრძანდით, — დაიპატიჟა სიღონიამ ექიმი. — გარდა ამისა, გვარიც გამოვიცვალე. მაშინ ჯარისმანძე იყო ჩემი გვარი, ეხლა კი სტატიკოსი ვიქნები. ხა-ხა! რა სულელური წესია გვარის გამოცვლა, არა, ექიმო?!

გადიკისკისა, გულში კი გაიფიქრა: „ჰა, ფრთხილად! თავი ნუ აივლიჯე!“ სიცილი თითქო მახვილით ჩამოიჭრა და ექიმს შეჰხედა.

ფრიდონ დორაშვილი გულხელდაკრებილი იჯდა და ოდნავ იღიმებოდა, ხოლო შავი, მბურღავი თვალები სიღონიას სულში ჰქონდა ჩაბჯენილი.

ქალმა უმაღლესად მოსწყვიტა მოუსვენარი თვალები ექიმის უძრავ თვალებს. უცებ მოდუნდა, მოირღვა. ღიმილი ჩამოირეცხა, ტუჩები ჩაიკეცა, თვალებში ცეცხლი ჩაიქრო, თითქო ერთ წუთში ორი წლით დაბერდაო, და ხმაც თითქოს უცებ დაუჟანგდა:

— ედიშერ, სამსახურში გიგვიანდება. — მოაგონა ქმარს.

ედიშერ კლუბში მსახურობს. ლოტოს კონტროლიორად არის და სამსახური საღამოს ცხრა საათზე ეწყობა. წელანაც უთხრა ექიმს და ბოდიშიც მოიხადა — აღრე უნდა წავიდეთ.

— არა უშავს-რა, — უპასუხა მაშინ პროფესორმა. — იქნება უშენობა სჯობ-

დეს კიდევაც. მარტო რომ იქნება, უფრო ადვილად მივაგნებ სენის მიზეზს. შენ-  
თან კი შეიძლება გული ჩაიკეტოს.

— ეხლავე წავალ.— უპასუხა ცოლს ედიშერმა და ჩაის სმას მყოფნი  
პროფესორმა ძველი დრო გაიხსენა:

— მაგონდები, კარგად მაგონდები, სიდონი. აუდიტორიაში მუდამ წინა  
სკამზე იჯექი.

— დიად, ადრე მოვდიოდი.— უცებ გამოფხიზლდა სიდონია.

— ბეჯითად სწავლობდი.

— მიყვარდა თქვენი საგნები— ფსიხიატრია, ნევროლოგია.

— მერე, რად დაანებე თავი?

— გავთხოვდი.

— მარტო ეგ იყო მიზეზი?

და ისევ სულში ჩაუძვრა.

კინალამ უპასუხა— ემარმა ამალეებინა ხელით, მაგრამ ენას დროზე ამოსდო  
ადვირი. გაახსენდა, რომ ქმარი გვერდით ჰყავდა, და წაიბოროძიკა:

— მარტო ეს იყო... შეილი, ოჯახი, სწავლა— ძნელია ათი საქმის გაძ-  
ლოლა.

ედიშერმა ბოდიში მოიხადა და წავიდა.

სიდონიამ კარი გაუკეტა, დაბრუნდა, დაჯდა. ექიმმა ისევ თვალში თვა-  
ლი გაუყარა.

პროფესორის თვალის სხივებს, სიდონიას გულში რომ ფათურობენ, ნების-  
ყოფა დაუხვედრა, თან თავის თავს ამხნეევბდა: „გამაგრდი, არ დაჰნებდე! მაგ-  
რად ჩაიკეტე, ვერ გაჯობებს!“

ექიმი თითქო მიუხედა ნააზრევს. შეკეცილ ტუჩებსა და დაჭიმულ შუბლზე  
წაუკითხა გაკერპება.

უცბად გაჯიუტებულ ქალს პირი ნაძალადევად უღიმოდა, თვალები კი  
ელვარე ლითონით ჰქონდა სავსე.

ეხლა ექიმი მოლბა, გალბვა. მასი თვალები ფათურის და ძებნის მაგივ-  
რად ნაზად იჭუტებიან, ლამუნობენ და საამური სხივებით სთროთიან.

— რად მიბღვერი მაგრე, სიდონი?

— მე? მე გიბღვერით? ხა-ხა-ხა! არ მესმის, რად უნდა ვუბღვეროდე სტუ-  
მარს, ისიც თქვენისთანა ექიმს, დიდ მეცნიერს, სწავლულს?!

— მე დიდი მეცნიერი არა ვარ, სიდონი. ეხლა ამ ოთახში ექიმიც არა  
ვარ. მე მხოლოდ სტუმარი ვარ— მეტი არავინ.

— მეტი არავინ? მართლა? მამ რატომ აქამდის არ მეწვიეთ? მართლა,  
მიირთვით მურაბა.

— ჩემი ბრალია, დამნაშავე ვარ. შენც იცი, რომ ედიშერი შორეულ ნა-  
თესავად მერგება. რამდენჯერმე დამპატივა, მაგრამ... რას იზამ, დრო არ  
მქონდა.

— მჯერა, თუმცა... მიირთვით მურაბა, ბატონო...

— ფრიდონ. — გაახსენა ექიმმა.

— ბატონო ფრიდონ. მომწონს ეგ სახელი. მიირთვით მეთქი. <sup>ჩაი გბვი</sup> ცივდათ. აირჩიეთ: აი ალუბალი, აი შინდი. ეს კომშია, ეს <sup>კაკალი. სკადეთ,</sup> მშვენიერია.

ექიმმა კომშის მურაბა გადაიღო და ჭიქაში ჩაილაპარაკა:

— სტუმრად მოვედი, მაგრამ უნდა მოგახსენო: გამხდარხარ, ფერი წაგსულია, ამიტომ...

— ამიტომ, — ჩამოართვა სიღონიამ, — ამიტომ სტუმარიც ბრძანდებით და ექიმიც, ხომ? უნდა გამსინჯოთ, არა?

— ნუ შეშინდი, არაფერს გაენებ.

— შევშინდი? მე შევშინდი?

არა, პატივცემულო პროფესორო, სიღონია და შიში ერთმანეთს არ იცნობენ. ყველამ იცის, რომ ეს ქალი — პატარა და გამხდარი ქალი — ვაჟივით მამაცია, გამბედავია.

— ჩემი შიში ჯერ არავის გაუგონია. — უკადრისობს სიღონია.

პროფესორმა თითქო რალაც იპოვნა. ნაპოვარს დასწვდა, ჩაებლუჭა:

— მეც მაგრე მაქვს გაგებული: სიღონია მეტად უშიშარი ქალიაო. ამიტომ განიკვირდა, რად ერიდება მეთქი გასინჯვას?

— ვინ გითხრათ, ერიდებაო? — გაოცდა სიღონია. — მე არ მითქვამს უარი. თუ გნებავთ, ინებეთ, თუნდ ეხლავე გამსინჯეთ.

— მოვასწრობ, ნუ გეჩქარება. ჯერ ერთი ჭიქა კიდევ დამისხი. — და უმაღვე მიაყოლა: — მამა შენი მახსოვს.

— ვექილი იყო.

— როდის გარდაიცვალა?

— რვა წლის წინათ.

— მგონი ნერვიული ადამიანი იყო.

სიღონიამ ჭიქა მიაწოდა, მოწყვეტილივით დაეშო და ექიმს ისე შეჰხედა, თითქო შებრალებას სთხოვდაო. მერე ჩუმი ხმით ჰკითხა:

— თქვენ გსურთ ჩემი შთამომავლობა შეამოწმოთ, არა?

— თუნდ აგრეც იყოს. ხომ დამპირდი, ყოველივეს გაგაგებინებ, თავს გაგასინჯვინებო?

— მესმის, მეც მესმის. თქვენი მოწაფე ვიყავი, ბევრი ვისწავლე თქვენგან. თქვენ გსურთ ერთმანეთს გადააბათ ჩემი შემკვიდრეობა და ავადმყოფობა, აგრეა თუ არა, ბატონო ფრიდონ?

— შენი ავადმყოფობა? მამ შენ ავად ხარ, სიღონი?

სიღონია თითქო ქურდობაში დაიჭირესო: შეკრთა, აირია. მერე უცბად გამოთხიზლდა და გაბზარული სიმტკიცით მიუგო:

— არა, მე ავად არა ვარ. ედიშერსა და ზოგს სხვასაც ეგონათ, სიღონია შეირყაო. ამიტომ მოგიწვიეს თქვენ, ბატონო ფრიდონ, თორემ მე საექიმო არაფერი მჭირს, გარწმუნებთ არაფერი მჭირს მეთქი.

— მჯერა. ალბად არაფერი გჭირს. — ჩაილაპარაკა ექიმმა.

მერე უცებ მიახალა:



ქართული  
ბიზნეს-ბიურო

- ეგ რა ჩაგიკრავს მკერდში, სიდონი?
- ესა? კურდღელია, თეთრი კურდღელი... ჩვენი კურდღელი...
- ვისი?
- ჩემი და ჯუანშერისა, ჯუანისა... ჩემი ბიჭიკოსი.

ჩაილიმა და სათამაშო უფრო მძლავრად ჩაიხუტა.

- სად არის ეხლა შენი ბიჭიკო, შენი შვილი?

სიდონიამ ექიმს ჯერ შეჰბღვირა, მერე ჩაუღიმა, შემდეგ ხელი უკანა ოთახისკენ გაიშვირა და—

- იქ არის... იმ ოთახშია.
- წამო, მაჩვენე. მინდა ვნახო, როგორი შვილი გყავს.

დედა ძუ ვეფხივით წამოიჭრა, კურდღელი სავარძელში ჩააგდო, მერე მკლავები გაჰშალა და ისე აღიმართა, თითქო მოსისხლესგან თავის ბოკვერს იცავდაო:

- არა, არა!.. არ შეიძლება!.. არ შეიძლება!
- რატომ არ შეიძლება, ქალო?
- სძინავს... არ გააღვიძო, არ გააღვიძო!

ექიმი და დედა ერთმანეთს თვალებით ჰბურღავენ. პატარა ძალით თეთრ კურდღელს სძიძგნის. თეთრი კატა სკამზე ჩაცუცქებულა და გაოცებით უმზერს პატრონსა და სტუმარს.

— კეთილი. იყოს ნება შენი.—ამბობს ექიმი და ისევ ჯდება.—მერე მაჩვენე.

სიდონია კი ისევ ჯვარცმულივით სდგას და სადღაც წასულ თვალებს ჰბლიტავს, თითქო ტირილს აპირებსო. მერე კურდღელს დასწვდა, ფეხაკრებით დაბრუნდა, ფრთხილად დაჯდა, ის ბაჭია შვილივით ჩაიხუტა და ისე ნაზად დაუწყო ალერსი და ღიღინი, თითქო მკერდზე მართლა მიძინებული შვილი ჰყავდა და მასი გამოღვიძებისა ეშინოდაო:

— დაიძინე, გენაცვალე, ჩემო ბიჭიკო-ო-ო... ნანი ნანა იავ ნანა-ა-ა, ჩემო ჯუანშერო-ო-ო.

თან კურდღელს ხელს უსვამს, არწევს და თვითონაც ირწევა.

\* \* \*

წრევანდელი ზაფხული სიდონიამ წალვერში გაატარა. ჯუანშერი და კატოც თანა ჰყავდა, დედა კი ქალაქში დასტოვა—ედღიშერის მოსაველელად.

მზიარულად ჩაჰქროლა ორმა თვემ. მრავლად იყვნენ ჰაბუკები. გასართობიც ბევრი ჰქონდათ. ხან ბაკურიანში ავიდოდნენ, ხან ცემის ტყეს შეერეოდნენ, ზოგჯერ ტიპოთეს უბანს ესტუმრებოდნენ, ზოგჯერ კიდევ ბორჯომში ჩავიდოდნენ და რიქრაქზე-ლა დაბრუნდებოდნენ.

ერთხელ-ორჯერ ბავშვებიც წაიყვანა. სხვა დროს კი ყმაწვილებს გამდელი უვლიდა—ძალიან კარგადაც უვლიდა: ერთხელაც არაფერი დაუშავებია. ერთგული და თავდადებული დედაკაცია.

ამიტომ იყო სიდონია მინდობილი და უზრუნველი. ან რა უნდა ექნა!

შვილებს დილით-დილაძდე ქინძისთავივით ზედ ხომ არ მიიკერებდა! თვითონაც ახალგაზრდა ქალია, ჯერ ოც-და-ექვსისაც არ არის.

წელიწადში ცხრა თვეს ქალაქში ობდებოდა. ორ-სამ დღეში ერთხელ ძლივს გაახილავდა თვალებს. მხოლოდ ზაფხული ჰქონდა დასაკუთრებული.

მართალია, ორი შვილის დედა იყო, მაგრამ გართობაში სიღონია არც სხვა დედებს გაუსწრებდა, არც ჩამორჩებოდა. დედობდა როგორც დანარჩენი დედები, და თავისთვისაც ზრუნავდა—ისევ დანარჩენ დედებივით.

მაგრამ არა: შვილების სიყვარულში სიღონიას ერთიც ვერ დაედრებოდა. როცა შვილები გვერდით ჰყავდა, სიხარულისგან თვითონაც შვილებს ჰგავდა და იმ პაწაწა მაიმუნებივით გიჟდებოდა: დარბოდა, გორაობდა, ანცობდა, ცულ-ლუტობდა და მთელ აგარაკს თავისი კისკასით, კივილითა და ქრიამულით ავსებდა.

მაგრამ—ღმერთია მოწმე—არც მაშინ იყო გულსავსე, როცა შვილებს გამდელს დაუტოვებდა და მარტო წავიდოდა სადმე. ზოგჯერ, სხვაგან სადმე—ან ბორჯომის კონცერტზე, ან ბაკურიანის ტყეში—თავის ქალ-ვაჟს რომ მოიგონებდა, მდებრული სევდით მოიბურებოდა, აიშლებოდა, თითქმის გაგიჟდებოდა: დაბმულივით გამოიწვევდა, გაანჩხლდებოდა, სხვებსაც შეწყობილ მხიარულებას ჩაუშლიდა და თვითონაც გუნებას მოიწამლავდა.

და დედის ატეხილ ციებ-ცხელებას მხოლოდ მაშინ ჩაიქრობდა, როდესაც თავის სააგარაკო ოთახში გახელებული შეიჭრებოდა, ყველას გააღვიძებდა, თუნდაც მძინარე ჯუანშერს გულში ჩაიკრავდა, ერთ საათს მაინც ეტიტინებოდა და შემდეგ, მასთან ერთად, დაღლილ ტანსა და გონებას ძილს გაატანდა.

ნუ, ნურავინ დასძრახავს სიღონიას, ნურავინ შეედავება შვილის სიყვარულში. დედამ—მართამ—სიღონიას გიჟი დედაც კი დაარქვა:

— ქაა, გამიგონია დედის სიყვარული, მაგრამ შენისთანა გიჟი დედა ჯერ არ მინახავს. როდესმე რამეს დაუშავებ მაგ ბიქს: ან მოსტეხავ რამეს, ან ჩასწყვეტავ, ან დაახრჩობ.

ისე არსად გავიდოდა სიღონია წალვერიდან, რომ ჯუანისთვის ერთი კონა ზამბახი არ მოეტანა. პატარა ჯუანშერი ამ ყვავილს ზედ აკვდებოდა. მისი ყნოსვა უმაძლარი იყო. ჩაჰყოფდა თავს თაიგულში და გაინაბებოდა. მარწყვს, ჟოლს, მაყვალს ან სხვა ხილს ისე არ ეტანებოდა, როგორც თეთრსა და მოზრდილ ყვავილს—მსუქანს, სუნთანს, მალალყელას, პირლიას, ექვს-ტუჩიანს, მკრთალ-ძარღვიანსა და შვიდ-ენიანს.

— აჰა, ჯუან, შენი ზამბახი.

ჯუანშერმა ჯერ კიდევ შარშანწინ დაიჩემა ეს ყვავილი, როდესაც ორი წლისა ძლივს შესრულდა, და მას აქეთ აღარ ივიწყებდა.

იმ დღეს—ნუ, ნუ გაახსენებთ ეხლა სიღონიას იმ პარასკევს—სიღონია ბაკურიანში მიდიოდა.

დილით ჯუანშერს უქეიფობა დაეტყო: მოდუნდა, მოტყდა—თითქო დაიღალაო. სიღონიამ მთელი დღე ტყეში გაატარა. იმ დღეს შვილები თან არ წაიყვანა, რადგან... შვილებსაც ხელსახოცივით მუდამ თან ხომ არ ატარებს!

როცა მიდიოდა, ჯუანი ბალში თამაშობდა. ზამბახები მიწაში ჩაერგო და ჰრწყავდა. დედა კარგა ხანს უმზერდა სარკმლიდან და ილიმებოდა.

ჯუანმა მორწყვა გაათავა. მერე თვისი საყვარელი კურდღელი, ცოდნა, რომელიც ერთი კვირის წინათ „იმან“ მოუტანა ქალაქიდან, მომართა და აკრეინა და რიგრიგად ჩამოუტარა ზამბახებს—რომ იმათაც გაეგოთ და ეცეკნათ—თან თვითონაც აჰყვა თავის წკრიალა ხმით და პაწაწინა ხელფებით.

ხა-ხა-ხა, რა სასაცილო იყო მაშინ ჯუანშერი!

რომ დაბრუნდა, ჯუანშერს აზმორებდა. თითქო სიცხეც ჰქონდა. გამდელმა შესჩივლა:

— გენაცვათ, მთელი დღე ვეწვალე და ვერაფერი შევაჭამე.

ვერც დედამ შეაჭამა. გაჰხადეს და დააწვინეს. ალერსსა და კურკურს არც იმ სალამოზე დაუკლო სიდონიამ. ორივე შვილი დააძინა და თვითონ ხელმეორედ წავიდა, რადგან...

რადგან იშვიათი სალამო იყო. მაძლარი მთვარე ცის შუაგულში დასეირნობდა და სარკმლებიდან, კარიდან და ფიცრულ კედლებიდანაც კი დასდევდა ისედაც შეფიცხებულ სიდონიას.

სადგურის ხეობას ორივე მხრიდან ორი გარუჯული საარაკო ვეშაპი მოსწოლოდა, რომელთაც უღვიძებელის ძილით ეძინათ. ხევის ძირში შავი-წყალი შრიშინებდა. ვალმა, სადგურთან და ტყის ნაპირას, მთვარისა და ელექტრონის შუქზე, ლანდები დაბორილებდნენ—ალბად ქალ-ვაჟები ერთმანეთს დასდევდნენ.

სიდონია მთვრალივით მიდის ბნელი ქუჩით და ჯერაც არ იცის, გაჰყვება ბაკურიანში მეგობარს, თუ შეილის ავადმყოფობას მოიმიზეზებს და დაბრუნდება.

მატარებლის მოსვლამდე ბევრი დროა დარჩენილი, ამიტომ ამის მოფიქრებასაც მოასწრებს. ჯერ-ჯერობით კი გაღმა გავა, გაივლის, ხოლო დანარჩენს იქ მოისაზრებს. რაც უნდა მოხდეს, თუ აჰყვა და წავიდა, ხვალ საათის ორზე შინ იქნება, უეჭველად იქნება!

და ვადიასაც ასეთი დარიგება მისცა:

— შორს არსად გაუშვა... აქამე... თუ სიცხემ მოუმატოს, ექიმს დაუძახე და...

ერთი სიტყვით, თვისი ვალი მოიხადა.

გავიდა ხანი. ნუ, ნუ ჰკითხავთ სიდონიას რამდენი ხანი გავიდა. აღარ ახსოვს, დაავიწყდა. რომ გაახსენდეს, მაინც არ გეტყვისთ.

ერთი სიტყვით, სიდონია დილის ექვს საათზე შემოვარდა ოთახში. შემოიჭრა და ზამბახების ვეება თაიგული შემოიტანა, თან შორიდანვე ჰკიოდა:

— ჯუანშერ!.. ჯუან!.. ბიჭიკო, ზეზე ხარ? გამოიქეცი!.. დამიხვდი!.. ნახე, რა მოგიტანე.

მაგრამ არავინ გამოიქცა, არც გამოიხედა. ჯუანი ლოგინში დაუხვდა—ალმურიანი, პირდაღებული, ხმაჩაწყვეტილი და ლონემიხდილი.

გამზრდელი გვერდით ეჯდა. ცალი ხელი ჯუანის შუბოზე ედო. კატოს ეძინა.

შეჩვეულ ჟივილ-ხვილის ნაცვლად დედას ორი წყვილი ფეხი დაუჩქვდა — შიშითა და საყვედურით სავსე.

ჯუანშერმა გაღიმება სცადა, მაგრამ ბოხმა და ხრინწიანმა ხველამ ღიმილის მაგიერ ტკივილით აუგრიხა აწითლებული პირისახე.

სიდონიას ხელიდან გაუვარდა ზამბახების კონა.

— რა ამბავია?! რა დაემართა?!

რალა რა ამბავია! ჯუანს ყელი გაუსივდა. სასა ჯერ გაუწითლდა, მერე გაუყვითლდა. სიცხემაც ძალიან უმატა.

— პირი გააღე, ჯუან!.. გააღე, გენაცვალოს დედა!.. რაო. რა სთქვი?.. ღმერთო ჩემო, ვერც კი ლაპარაკობს!

შვილის პირში ჩაიხედა და გახევდა.

— ვაი მე! — დამწვარივით დაიგმინა.

ტვინიდან ფეხებამდე ცივმა ქარმა ჩაურბინა. ჯუანშერს სასა და ყანყრატო თითქო მოხარშული და დაობებული კვერცხის გულით გაეცსო. პირიდანაც ლაყე კვერცხის სუნი ამოსდიოდა.

— ექიმი! ჩქარა, ექიმი!

— ორჯერ იყო.

— მერე, მერე? რაო, რა სთქვა?... ჩქარა, ამოიღე ხმა!

— ეხლავე ქალაქში წაიყვანეთო.

— სთქვი, რალა, ყველაფერი! რა აქვს, რა დაემართაო?

გადია სტირის. ძლივს-და ამოისლუკუნა:

— ხუ... ხუნაგი.

— ხუნაგი?! რას ამბობ, დედაკაცო!

დედას თითქო ფეხები და ენა მოსჭრესო: ხის ტახტზე ჩაიჩეხა და იმავე ხესავით გახევდა. ერთ ხანს მხოლოდ ხელებს-ლა იფათურებდა დაბინდულ თვალებზე.

მაგრამ — წესია ბუნებისა — ხიფათში ჩავარდნილი დედა დიდხანს არ ჰფიქრობს. დაქრილ ძუ ნადირივით წამოიჭრა და აკივდა:

— სულელო! ბრიყვო! რეგვენო! რალას მიცდიდი! რატომ ვინმე არ ამოგზავნე?!

— ქალბატონო, მე... მე რა ვიცოდი.

— გაუთლელო მორგვო! ხებრეე! ან მე რალად მიცდიდი! რატომ მაშინვე ქალაქში! არ ნაიყვანეს!? ან ეხლა მაინც რატომ არ გამოიყვანე ეს ბავშვი სადგურზე, რომ ამავე მატარებლით წავსულიყავი?!

— რა ვიცოდი, რო...

— რა ვიცოდი, რა ვიცოდი! ჩქარა, ექიმი და ეტლი! მიეცი რამდენიც მოგთხოვოს!

ერთი საათის შემდეგ სადგურის ხევში დაოთხილი შავი ეტლი მიჰქრის. უკნიდან კორიანტელი მისდევს.

მისახვევებში ეტლი დარწეულ აკვანივით ქანაობს, ლამის შავ-წყალში გადავარდეს.

შიგ სიდონია ზის. კალთაში ჯუანშერი ჰყავს.

— გასწი! გარეკე!

დედას ხევში გადავარდნის შიში აღარ ეკარება, რადგან მეორე შიშმა, — უფრო მეტმა და საზარელმა, რომელიც შავი ლანდივით მიუძღვის — უკვე გაუფასო ცივი სისხლი და ისედაც შმაგი სულიც აუღელა.

— გასწი! გარეკე! — ჰკივის დედა.

— ქალბატონო, გადაბრუნდება!

სიდონიამ ქალაქის მატარებელს უნდა მიუსწროს, თორემ შეიძლება ჯუანშერი... ვინ იცის...

— თუ მიუსწარი, ერთ თუმანს გაჩუქებ. — იძახის დედა.

მეეტლე თავსა და შოლტს იქნევს. დაღმართზე ეტლი დაგორებულ ბურთივით მიჰსრიალებს.

ჯუანშერი ისევ მუხლებზე უწევს. ერთ გვერდით ზამბახების ვეება თაიგული უღევს, დღეს დილით რომ ჩამოუტანა, მეორე გვერდით კი თეთრი კურდღელი ჩაცუცქებულა, რომელიც „იმან“ მოუტანა ქალაქიდან.

როგორ, ან რისთვის წამოიღო თაიგული და კურდღელიც — სიდონიას აღარ ახსოვს.

აგერ, ქარხნის ბოლი გამოჩნდა. აი, პირველი შენობებიც. აჰა, სადგურიც.

— მადლობა უფალსა! მოუსწარიტ! — უხარია სიდონიას.

უცებ მატარებლის კივილმა ღრმა ხეობა შეანძრია და დედის ყურებში გველის წივილივით შეიჭრა.

— დავიგვიანე! დავიგვიანე! — ჰკივის სიდონიაც და ერთი ხელით მეეტლეს საჯდომს ებლაუჭება, თითქო გაქანებულ ეტლიდან გადახტომას ჰლამობსო.

ქრელი მატარებელი შავ ხიდზე ქრელი გველვეშაპივით მოსრიალებს და გორაკის კალთაში იმალება.

მაგრამ — წესია ბუნებისა — ხითათის დროს დედა აღარ ყოყმანობს.

სადგურთან ავტო სდგას. პატრონი რესტორანში სადილობს. სიდონია თავთ უდგა. ხელში ჯუანი უჭირავს.

— თუ დავიგვიანე, მომიკვდება. — სტირის დედა. — სამუდამოდ თქვენი მონა გავხდები, ოღონდ მათხოვეთ... დამეხმარეთ... მიშველეთ...

— ინებეთ, ქალბატონო, ინებეთ. მეცა მყავს შვილი... მეც მამა ვარ.

ავტოს ღრიალი ტაშის-კარს აყრუებს.

— გასწით! გარეკეთ!

მტკვრის გაღმა, სადღაც ქვეით, გორაკების გადაღმა მატარებელი ჰკივის. გამოღმა კი დაგრეხილ თიხნარ გზაზე თიხის ფერი ავტო გუგუნებს, ხრილობს, ბორძიკობს, იგრიხება და მირბის, თან ბოლისა და მტვრის კუდი მისდევს.

ავტო კუდმომწვარ მორიელივით გაცოჟდა, გაშმაგდა. ბზრიალით და





ხრინწით გაირბინა ზანარვილის ხევი, ისარივით გასჭრა კორტანეთი და შურ-  
დულის ქვასავით გადაეწო ქიმერეთის ხეცს.

— გასწი! გარეკე!

გარეკე, შოფერ, თორემ ისეთ ცოდოს აიკიდებ მაგ მსუქან კისერზე, რომ  
საკვდილამდეც ველარ მოიხსნი.

— როგორა ხარ, ჯუან? ხმა გამე გენაცვალოს დედა!

ბავშვი თვალებს ჰბლიტავს, ტუჩებს აცმაცუნებს და რაღაცას ჰლულლულებს,  
უფრო კი ხრიალებს, მაგრამ ავტოს გუგუნის ჯუანშერის ბურტყუნს ჰყლაპავს  
და დედას შვილისას არაფერს ასმენს.

სიღონიამ ზამბახების კონა მკერდზე დაადო და ორივე ჩაიხუტა.

აგერ, ქვეით, გაღმა ტყეში, ბოლის გრძელი ნისლი მირბის.

— დავეწიეთ! დავეწიეთ!—ჰკივის დედა.

აი, ახალდაბაც. ხაშურის მატარებელი აქედან, ეს არის, ეხლა დაიძრა და  
მთის მწვანე კაბის ქობაში შეძვრა.

— თქვენი სახელი, შოფერ?

— დავითი, ქალბატონო!

— დავით... დათიკო! მოუმატეთ, გენაცვა, გარეკეთ!

— ვერეკები, ქალბატონო, მეტი აღარ შეუძლიან. შეშინიან, არ გამი-  
ფუქდეს.

— თუ მივუსწარით, დაპირებულ ორ თუმანს კიდევ ორს დაეუმატებ. აბა,  
გარეკეთ!

ავტო უარესად იჭიმება და თავისივე ქარბუქში ეხვევა.

აჰა, გაიშინდვრა. გაღმა კრელი გვლვეშაპი იკლავნება, გამოღმა კი თიხის  
ფერი მორიელი იგრიხება. მკაფიოდ მოსჩანს ორივე მოჯიბრე. ვაგონებიდან  
ხელსახოცებს უქნევენ, თითქოს ავტოს ამხნევენ.

— დათიკო, გენაცვალე, რას მეტყვი?

— მივუსწრობთ, ქალბატონო. ან ქვიშხეთის ბაქანთან დავეწივით, ან ხა-  
შურში.

ავტომ გაიპირდაპირა, მატარებელი კი ისევ გაღმა იკლავნება. მერე, რო-  
ცა იმანაც მოუხვია და რკინის ხიდი გადმოსერა, ავტო უკვე წინ მიუქროდა.

— აგრე, გენაცვალე აგრე!—მიერეკება დათიკოს სიღონია.

ეხლა მატარებელი უკნიდან მორბის—ხვნეშით, ქაქანით და რაბრახით.

აჰა, ქვიშხეთიც. აი, ბაქანიც. მკაფიოდ მოსჩანს—აგერ, აქვე, მარჯვნივ,  
ბაღის ნაპირზე.

— მივედით! მივუსწარით!

უცებ ავტომ სირბილს დაუკლო, ახვნეშდა, აბორწიკდა, შესდგა.

— რა მოხდა, რა ამბავია? ღმერთო, შემიბრაღე!

— გაიქეცით, ქალბატონო, გაიქეცით!—უძახის შოფერი.— შეიძლება  
მიუსწროთ.

მატარებელმა გვერდით გაუსრიალა. სიღონიამ შოფერს ქალაღდის ფული  
გადაუყარა, მერე ჯუანი ჩაიხუტა და გაიქცა.

მატარებელმა სირბილს დაუკლო და შესდგა.



მირბის გაწეწილი დედა და ჰკივის:

— დაიცადეთ!.. დამიცადეთ!

ასიოდე ნაბიჯი თუ იქნება ბაქანამდე. უკანა ვაგონიდან ხელსახოცებს უქნევენ, ჟრიაშულიც ისმის.

თავჩაღუნული სიდონია ბარბაცით მირბის. მაგრამ ოთხი წლის ფუნთუშა ჯუანი მძიმეა. ღმერთო ჩემო, რატომ მოფერი არ მოეშველება! მიიხედა, დაინახა: დათიკო მანქანასთან სდგას და გამოსცქერის.

— დაიცადეთ!.. დამიცადეთ!

მაგრამ თვისი კივილი მხოლოდ თვითონ-ლა ესმის.

მატარებელი ჰკივის, იძვრის და თან მიაქვს სასიკვდილოდ დაქრილი დედის უიმედო ბლაჟილი.

დათიკო ისევ აქეთ იხედება და ჰხედავს: დედაკაცი ჯერ ბორძიკობს, მერე მწვანეზე ვარდება და უნძრევლად იშოტება.

\* \* \*

ექიმი რომ შრატს უშხაპუნებდა ავადმყოფს, ჯუანშერის ნაცვლად ტკივილისაგან სიდონია იგრიხებოდა. ჯუანი კი უგონოდ ეგდო და ხრიალებდა.

— ექიმო, მითხარით რამე.— ჩვილი ხმით ეხვეწება დედა და უცნობ მაკაცის მკლავს წყალწაღებულვიით ებლაუჭება.— მითხარით, ნუ დამიმალავთ, გადარჩება თუ არა?

— ვერაფერს ვეტყვით, ქალბატონო. თუ დაგვიანებული არ არის, გადარჩება.

და სიტყვა „დაგვიანებული“ ისევ ნაკვერჩხალივით ჰხედება სიდონიას.

— აკი წელანაც მოგახსენეთ, მარტო ოთხი საათით დავიგვიანე მეთქი.— თავს იმართლებს დედა.— ქვიშხეთში რომ ვერ მივუსწარი, ხაშურში ისევ ავტომობილით ჩამოვედი და მეორე მატარებელით წამოვედი.

— ვიცი, ქალბატონო. არა მგონია, რომ ოთხ საათს გადამწყვეტი მნიშვნელობა ჰქონდეს.

სიდონიას გაუხარდა:

— მეც მაგას ვამბობ, ექიმო. და თუ... თუ მოხდა რამე... ბრალი ხომ ჩემი არ იქნება, არა, ექიმო?

— რა თქმა უნდა, რა თქმა უნდა! მეტსაც ვიტყვი: ოქვენ გმირულად მოქცეულხართ.

— მადლობელი, ექიმო, დიდი მადლობელი.— ჩურჩულებს დამშვიდებული სიდონია და ჰგრძნობს მეომარის ამაყ სიხარულს, რომელსაც ქება შეასხეს მძიმე ვალის შესრულებისათვის.

ექიმმა დარიგება მისცა და წავიდა. სიდონია კი უგონო შვილს კვლავ გვერდით მიუწეა, მისი გახურებული თავი ისევ მკლავზე დაიდო, მეორე მხრით ზამბახები მოუწყო და წელანდელივით აჩურჩულდა:

— ეხლა კი მალე მორჩები, გენაცვალოს დედა... ტყუილად შევშინდით... ერთ კვირაში წამოდგები და ისევ ბაღში გახეალ სათამაშოდ, ჩემო ბიჭიკო...

შენი კატუნი—ფხაქია, და ცუგრა ძალიც გამოგყვებიან. ჯერ კი დაისვენე, ჩემო ფუნთრუშავ, ორივენი დალილები ვართ... დაიძინე, გენაცვალოს დედიკო, დავიძინოთ... დავიძინოთ.

მაგრამ ძილის მაგივრად ისევ ლაპარაკობს, რადგან მხოლოდ ლაპარაკით და ჰლამობს შიშისა და ლანდების დაფრთხობას, რომელნიც ბუზებივით ეხვევიან და ფუტკრებივით ჰკბენენ.

მართლა შეასრულა დედის ვალი სიდონიამ?

რა თქმა უნდა, შეასრულა! თავიდან ბოლომდე შეასრულა! ან მეტი რა შეეძლო? არაფერი, მეტი აღარაფერი! ამიტომ...

— დავიძინოთ, ბიჭუკი, დავიძინოთ. თუმცა... თუ გინდა, ზღაპარს გიამბობ. ყური მიგდუ: იყო და არა იყო—რა, დეთის უკეთესი რა-ღა იქნებოდა, იყო ერთი დედოფალი.

— შვილო, — აწყვეტინებს გასართობს მართა, — შენს საწოლზე გადადი და დაიძინე. ეხლა მე მოვუჯდები, ან ედიშერს დავუძახებ.

— არა, დედი, არა. საჭირო არ არის. ედიშერი სამსახურს ვერ გამოექცევა. ან რა საჭიროა, რას მიშველის?

— მაშ მე დავჯდები.

არც შენა ხარ საჭირო, დედა მართა. თუ დაიღალე, დაიძინე, სიდონია კი ერთი წუთითაც ვერ მოჰშორდება ჯუანშერს.

და შიშისგან და ხუნაგისგან მოწამლული დედა-შვილი გათენებადის ჰბორგავენ და თავგანწირვით ებრძვიან უჩინარ მოსისხლეებს: სიდონია — სამართებელივით გალესილ შიშსა და ცეცხლივით მწვავე მქეჯნავს, ხოლო ჯუანი — ხუნაგის შხამსა და სიკვდილის ლანდს, რომელიც ამოწვდილ მახვილივით სდგას ოთახის შუაგულში.

სიდონიამ ჩასთვლიმა, მხოლოდ ათი წამით ჩასთვლიმა, — რადგან სამი ლამის უძინარი იყო — და როცა ბურანს თავი დაახწია, ჯუანი აღარ ჰბორგავდა. ეგდო გულალმა გაშოტილი და ყელგამოჭრილ ბატკანივით ხრიალებდა.

და დედაც დასაკლავ პირუტყვივით აბლავდა.

ჯუანშერს ხელ-ფეხი გაუცივდა, თითქო დამბლამ შეიპყრო, და მიმქრალი თვალებიც კაკლებივით ვადმოეყარა.

შემდეგ რა მოხდა — სიდონიას აღარ ახსოვს.

საკუთარ საწოლში გაიღვიძა — თბილსა და თოვლივით თეთრ ლოგინში. მეორე ოთახს შინის კარები აქვს. იმ ოთახში პატარა კუბო სდგას — ისიც თოვლივით თეთრი და თეთრივე ყვავილებით დათოვლილი. შიგ ალბად ჯუანშერი წევს. გარშემო სანთლები ბუტუტავენ. შავი დედაკაცები გახევებულ ლანდებივით სდგანან.

— ჯუანი მოკვდა! — ელფასავით ჩაერჭო ტვინში სიდონიას. — მე მოვკალი... ჩემი ბრალია, მარტო ჩემი ბრალია. მაშასადამე...

აგერ, იმ უჯრაში საწამლავი ინახება. ორი წელიწადი ჰგდია. ერთხელ დასკირდა სიდონიას და იშოვნა. ერთი თვე ებრძოდა თავის თავს, მაგრამ ვერ დასძლია. ეხლა გამოადგება. მაშასადამე...

— ჯუანშერი მოკვდა!

როდის მოკვდა? დედამ არ იცის. რამდენი დღე გავიდა <sup>„იმ დღის“</sup> აქეთ, როცა ჯუანი სააღდგომო ბატკანივით ახრიალდა—არც ეს <sup>„იმ დღის“</sup> ხაჭირია! სულ ერთია, ორი დღე ეძინა სიდონიას თუ სამი. ის <sup>„იმ დღის“</sup> „იმ დღამდე“ სამი ღამის უძილო იყო.

— ჩემი ჯუანი მოკვდა! მოკვდა!!

აგერ იმ უჯრაში შნამი ინახება. მაშინ ვერ გაჰბედა, ეხლა კი... ეხლა უნდა გაჰბედოს. მაგრამ... ტყუილად შერცხვება სიდონია—ვერც ეხლა გაჰბედავს. მაშასადამე ერთი-ღა დაპრჩენია დაუდევარსა და ბოროტ დედას: პასუხისგება რკინის მორივით აიკიდოს და სიკვდილამდე ჰზიდოს—ათი, ოცი, ორმოცი წელიწადი უნდა ატაროს, როგორც აქლემი ატარებს თავის უშნო და ვეებერთელა კუზს.

არა, არა! არასოდეს, არასოდეს! ესეც შეუძლებელია, ყოვლად შეუძლებელი!

— ჩემი ბიჭიკო მოკვდა! მოკვდა!!

მაშ რაღა ჰქნას დედამ? აბლავდეს, თმა გაიწეწოს, პირისახე მოიხოკოს, ქვას ახალოს თავი, თუ ქვა ითხლიშოს თავში?!

არც ერთი, არც მეორე, არც მესამე. ასე ადვილად ვერ გადაურჩება, ასე უბრალოდ ვერც ვალს მოიხდის, ვერც იმ კუზს მოიხნის, რომელიც უკვე მთაწმინდასავით გაეზარდა და ღამის ეხლავე გასკულიტოს.

— ჩემი ერთა მოკვდა! მოკვდა!! მოკვდა!!!

მაშასადამე... თუ საწამლავის დაღევა ვერ გაჰბედა, მტკვარი ხომ აქვეა... ან ბანიდან გადავარდება, ან კიდევ...

ნუ, სიდონი, ნუ ისივებ უკვე გასიებულ გულს. შენც იცი, რომ ვერც თავს მოიწამლავე, ვერც ბანიდან გადავარდები. ნუ, დედი, ნუ იხეთქავ ისედაც გახეთქილ თავს. შენ თვითონაც დარწმუნებული ხარ—ვერც წყალში ჩავარდები და ვერც თოკის ყულფში გაჰყოფ თავს. ამიტომ...

ამიტომ იზრდება და მძიმდება აქლემის კუზი. სიდონია უკვე იტყლიტება, ჰბორგავს და იხრუკება. თავი უნდა დაახწიოს იმ ტვირთს, ეხლავე უნდა გაუსხლტეს იმ რკინის გორას, მაჯლაჯუნას, სულთამხუთავს, თორემ თვითონაც დაიხრჩობა, თავის ჯუანივით დაიხრჩობა!

და უცებ, მოულოდნელად, დედის ტვინსა და გულში რაღაც შეინძრა, გარდიქმნა, გადატრიალდა. სიდონია გაიჭიმა, აიგრიხა, გაინასკვა—თითქოს ორსულად იყო და შვილის შობისათვის დამწიფდაო.

მეორე ოთახიდან მართა მორბის, ედიშერიც მოსდევს, სხვებიც შემოდიან.

მართა ჰკივის, ედიშერი ქვითინებს, სიდონია კი შშობიარესავით ჰკვნესის და იქიმება—როგორც მაშინ, ოთხი წლის წინად, როცა ჯუანშერი მოდიოდა—და ეხლაც ისე იმუდარება, როგორც მაშინ იხვეწებოდა:

— დედი, მიშველე!.. დედილო, მიშველე!

მართა აღარ ჰკივის—როგორც მაშინ არ ჰკიოდა. დედის თვალი მკრეღია—გაახსენდა მაშინდელი. დედის გუჰანიც გალესილია—უმალ მიჰხვდა ყოველივეს.

და ეხლაც ეშველება თავის შვილს—როგორც მაშინ ჰშველოდა, თან ყველას ეუბნება:

— ნუ სწუხდებით, ეხლაცე მოსულიერდება... მიბრძანდით, მიბრძანდით. ოთახში  
გაბრძანდით

ყველანი გადიან. ქმარი კი ქვის ძეგლივით სდგას და აღარ იცის, თვითონაც გავიდეს თუ ცოლს მიეშველოს.

სიდონია ცივი ღვარით იწურება, კბილებს აკრაქუნებს—როგორც მაშინ. კენესა კივილში გადადის, კივილი—გმინვაში. ერთხელ კიდევ აიგრიხა, ღრმა ოხერა ამოუშვა და უცბად მოეშვა, მოდუნდა, გალხვა, გაიღიმა—როგორც ოთხი წლის წინათ—თითქოს იმშობიარა და დაშვიდდაო.

— ბიჭია?—მაშინდელივით ჰკითხა დედას და თვითონვე უპასუხა თავის თავს:—რა თქმა უნდა, ბიჭია, ჯუანშერია.—და გაიცინა.

დავა გაათავა. არც იღრჩობა, აღარც იქულიტება. სულთამსუთავს გაექცა, მაჯლაჯუნას გაუსხლტა. წელან გული ავი სულის კლანკებით ჰქონდა ჩაბოქვილი, ეხლა კი იმ ადგილს—შიშველ მკერდს—საამურად იზელავს და შვებით ილიმება.

ბოროტ სულთან ბლლარძუნი და კიდილი დასრულდა.

— ჯუანშერი არ მომკვდარა! ჯუანშერი ცოცხალია!

რა თქმა უნდა, არ მომკვდარა! მაშ რაღა საჭიროა საწამლავი, ან თოკი, ან ვერის ხიდი?! იყო სიზმარი—ავი, ბოროტი ლანდი. იყო უკმური—საზარელი ქაჯი თუ ალქაჯი. მათ უნდოდათ სიდონიას დახრჩობა, წამება, ჯვარცმა. ეხლა კი აღარაფერი არ არის. ყოველივე გათავდა, დასრულდა. ყველანი გაჰქრნენ, წავიდნენ—სამუდამოდ, უბრუნებლივ!

— ჩემი ბიჭიკო არ მომკვდარა!! არ მომკვდარა!!!

და ამ სიტყვას გულში ასჯერ, ათასჯერ, ხაზგასმით, ქვის უინით და რკინასავით მტკიცე რწმენით იმეორებს: „არ მომკვდარა!! არ მომკვდარა მკეთქი!!!“

რა თქმა უნდა! რა თქმა უნდა, არ მომკვდარა! მაგრამ... აგერ იმ ოთახში მაინც თეთრი კუბო სდგას. იმ კუბოში ვილაც ბავშვი წევს. ეხლაცე უნდა დამარხონ. და იმ კუბოს სიდონიაც გაჰყვება... მოვალეა გაჰყვეს!

შერე რაო! გაჰყვება, დამარხავს და დაბრუნდება.

— დედი, კაბა მომაწოდე.

შავი კაბა? სიდონიას არა ჰქონია შავი კაბა. ალბად ითხოვეს, ან დღეს შეაკერინეს. ენაცვალოს სიდონია მართას! ასეთი დედა რომ არა ჰყოლოდა, ოჯახი დაენგრეოდა და შეიღებოდა... ორივე შვილი—ჯუანიც და კატოც... მართლა, სად არის კატო?

და ქალიშვილის გახსენებაზე ნემსის ჩხვლეტა იგრძნო, თითქო პერანგის ქვეშ სველი და ცივი ბაყაყი ჩაუვარდაო.

დინჯად და არხეინად იცვამს სამგლოვიაროს—თითქო სვირნობისთვის ეზბადებაო. სადა კაბა ზედგამოჭრილია სიდონიას თხელ ტანზე. ძალიანაც უხდვ-

ბა. რომ სცოდნოდა, ადრევეც შეიკერავდა. ქერა თმა, თეთრი სახე და შავი კა-  
ბა მშვენივრად ეწყობიან ერთმანეთს.

ადგა, კარებთან მივიდა და შესდგა—მხოლოდ ათიოდე წუთით შესდგა,  
კარებში დედაკაცები სდგანან—ედიშერის დეიდა პელო და მამიდაშვილი,  
ქეთევანი.

— დაუგვიანა, — ჩასჩურჩულეს ქეთევანი პელოს, — დაუგვიანა შრატის შე-  
შხაპუნება, თორემ გადარჩებოდა.

— უეჭველად, გენაცვა, უეჭველად გადარჩებოდა. — უდასტურებს თავის  
ქნევით პელაგო.

ეს სიტყვები სიდონიას წითელ ლურსმანივით ჩაერჭო.

— მაშ იციან, ყველაფერი იციან. — გაიფიქრა. — ესენიც მე მამბრალევენ.

თვალეზე ბინდმა გადაჰკრა, წაბარბაცდა, მაგრამ უმალვე შესწორდა და  
იმ ოთახში შეიხედა, სადაც...

იმ ოთახიდან მგლოვიარე დედას უცნაურად უმზერენ ოციოდე წყვილი თვა-  
ლი, მოციმციმე სანთლები, თეთრი კუბო და შიგ ჩაწოლილი ჯუანი... ჯუანშე-  
რი... მისი ბიჭი, მისი ბიჭიკო!

თვალეები დახუჭული აქვს. — თითქოს რამოებში ჩაუყრიათო. გუშინ კი —  
გუშინ, გუშინწინ თუ დღეს დილით — თითქო შუბლზე ჰქონდა აყრილი. ალბად  
ძალით დაუხუჭეს. ფუნჩულა ლოყებიც ჩასციენია. წითელი და ფუნთრუშა ტუ-  
ჩებიც ჩაჰკეცია, ჩაჰყვითლებია. პირისახე კი თეთრი აქვს, თითქო კირით შე-  
უგლისესო, თუმცა...

არა, არა, კირი რა სახსენებელია! — პირისახე უფრო იმ ყვაველებს მიუ-  
გავს, აგერ იმ ზამბახებს, რომელნიც სიდონიას მაგიერ ალბად მართას ან ედი-  
შერს მოუტანია.

კარი ფრთხილად შეაღო და ფეხაკრებით შევიდა, თითქო ცხედრის გამო-  
ლვიძების ეშინოდაო. თავთ დაადგა, მთრთოლვარე ხელი ცივ შუბლზე დაადო  
და დაჰხედა.

დაჰხედა და თვითონაც ჯუანშერს დაემსგავსა: შვილივით გათეთრდა,  
თვალეები მიჰლულა და ტუჩები შეიკეცა — კბილებით მოიკვნიტა, თითქოს აღვი-  
რი ამოსდოო, რადგან ისინიც სიდონიასავით ცახცახებდნენ და თავაგლეჯას  
ჰლამობდნენ. მერე ნებისყოფა მოიკრიბა და თრთოლვაც აილაგმა.

— დაუგვიანა. — ისევ წაჩურჩულა ვილაცამ მარცხენა კუთხეში.

სიდონია შეკრთა, მაგრამ არ მოიხედა.

— დააგვიანეს. — წამოვიდა შხამიანი ისარი უკნიდანაც.

სიდონიას ერთხელ კიდევ გადაჰკრა ბინდმა. მერე ისევ შესწორდა. ეხლ-  
სხვა მხრიდანაც უცდიდა ისრების სეტყვას, მაგრამ დუმილი აღარავინ და-  
არღვია.

და ეს დუმილი იმ ისრებზე უფრო მწვევე გამოდგა.

დიდხანს იდგა გაკაყებული და უძრავი — შავი ხის ძეგლივით, რომელსაც  
თეთრი მარმაროს თავი და ოქროთი შეღებილი თმა ჰქონდა.

— არა, ჯუანშერი არ მომკვდარა, მხოლოდ სძინავს!

დღედა სიდონიას მოეხვია და მკერდში ჩაჰქვითინა. მხოლოდ ენა შეკრთა და გამოერკვა შავი ძეგლი. თეთრ თავზე ხელი გადაუსვა, გაუღიბა, ანუ გემა:

— ნუ სტირი, დედილო, ნუ... საიმისო არაფერი მოხდა.

და ამ სიტყვამ—საიმისო არაფერი მოხდაო—და დაობლებული დედის ღიმილმა სამართებელივით დაჰსერეს ოციოდე წყვილი თვალი. ის თვალები ამოდრავდნენ, გაგანიერდნენ, ჯერ ურთ-ერთს ჩაეხლართნენ, მერე ყველანი სიდონიას უცნაურ თვალებს მიეხინნენ.

მართამ თეთრი თავი გადაიხარა. ედიშერმაც მოიხედა, და ორივემ შიშითა და გაოცებით აჰხედეს ჯუანის დედას.

სიდონია კი ისევ იღიმება და ნუგეშს აძლევს—თავის თავსა და დედასაც:

— ნუ სტირი, თორემ... თორემ მეც ვიტირებ... ღმერთია მოწმე რომ... ზემი ბრალი არ არის... ჯუანი არ მომკვდარა, დედი. ბალში თამაშობს... ზამბახებიც ბევრი აქვს, ძალიან ბევრი. ჯუანი აღარა სჩანს, შიგა წევს... თეთრი კურდღელი უჭირავს...

თვალები აღელდნენ, ათამაშდნენ. მათი ელვა ოთახს ავსებს. და თვალების ელვას ჩურჩული და თავების ფურთვნა მიემატა, თითქო ქარში ბუჩქნარი აიშალიო.

— შე ეხლავე მოვალ. მომიცადეთ.—ამბობს სიდონია და სწრაფი ნაბიჯით გადის. ედიშერიც თან მისდევს.

მხოლოდ ერთი საათის შემდეგ დაბრუნდა ქალაქიდან—დატვირთული ზამბახებით და წინაირი სათამაშოთი.

აი, ავტომობილი ცხედარზე დასდო. აჰა, თეთრი დათვიც, შეკაზმული ცხენიც, თოფიც და თეთრი კურდღელიც, რომელიც მეორე ოთახიდან გამოიტანა.

ყველაფერი გვერდით მოუწყო ჯუანშერს. მერე კურდღელი აიღო და მომართა.

და იმ პირუტყვის აცქვეტილ ყურებიდან უცებ ქლარუნი მოისმა. და სულელმა, ცეტმა კურდღელმა ხრინწითა და ჩხაკუნით დაუკრა ვალსის ერთი მუხლი—„დილის სიზმარი“.

ოთახში თითქო ქარიშხალი შემოვარდაო—თვალების ელვა, ჩურჩული და თავების ელვა გახშირდა.

სიდონია კი ყურს უგდებს ნაცნობ ვალსს და იღიმება. თვითონაც ოდნავ ირხევა, თითქო ნაცნობ ტაქტს აჰყვავს. მერე ის კურდღელიც დაადო ჯუანს და დინჯად გავიდა.

რა თქმა უნდა, ჯუანი არ მომკვდარა—მხოლოდ სძინავს.

ბავშვი დაასაფლავეს, როგორც ათასებს ასაფლავებენ. ეს სამგლოვიარო გზა სხვათა გზებს მაინც არა ჰგავს. მართა, ედიშერი და ნათესავები ტირილ-ქვითინით მისდევენ. დედა კი ისე მიდის, თითქოს უცხო ვინმეს მიაცილებსო.

თქმა არ უნდა, ჯუანი ცოცხალია!

ხელები დედისა და ქმრის მკლავებში აქვს გაყრილი. როცა ერთს ან ორი-

ვეს დარდის ბოღმა ნამეტნავად მოაწევბათ, სიღონია მოსამძიმროს საკმეს კის-  
რულობს:

— ნუ, დედილო, ნუ!.. ედიშერ, თავი შეიმაგრე! ნუ სტერილიზაცი-  
ლია!.. დამიჯერეთ, საიმიხო არაფერი მომხდარა მეტქი. ზინგლიმთევა

კუბო რომ ჩაუშვეს, დედამ პირი მოიბრუნა და წელანდელივით ძეგლად  
ვადაიქცა, ხოლო როდესაც მიწამ კუბოს თავი აარახუნა, ძეგლმა ორი თითი  
კურებში ჩაირჭო და გულშიც მარგილივით ჩაიჭედა:

— არა, ეს ჯუანი არ არის!

და იმ მარგილს უფრო-და-უფრო ღრმად ინერგავდა:

— არა! არა!! ჯუანი არ მომკვდარა!! არ მომკვდარა!!!

და იქიდანაც თითქო გულმწვიდად და უდარდოდ დაბრუნდა, თან უზ-  
რუნველი ღიმილი და რწმენის უფლრმესი პალო წამოიღო:

— არაფერიც არ მოხდა! ჯუანი ბაღში თამაშობს, წალვერის ბაღში...  
ზამბახების კონა უჭირავს. ოღონდ ძალიან ცხელა... მზემ არ დაჰკრას ბიჭიკოს.  
აქ კი... აქ არაფერიც არ მომხდარა.

რა თქმა უნდა, არ მომხდარა! ჯუანი რომ მომკვდარიყო, სიღონია სასაფ-  
ლაოდან ვერის ხიდზე უნდა წასულიყო, ან ქერში უნდა აპარულიყო და თან  
სამიოდე ადლი თოკიც უნდა აეტანა. ამ სურათს კი ისევ პირველი სჯობია:

ჯუანშერი წალვერშია. ბაღში თამაშობს და—

— ზამბახები ბლომად აქვს.—ხმამალლა ამბობს შინისკენ მომავალი დედა.

— ბლომად აქვს.—უდასტურებს ედიშერი.

— ოღონდ მეტის-მეტად ცხელა.—ოხრავს სიღონია.—უუუჰ, ძალიან  
ცხელა!

ედიშერს უკვირს. გრილი ქარი ჰქრის. ტყვიის ღრუბლები მამა-დავითის  
უბანში ჩამოწვენენ. გამვლელნი იბუზებიან. ქალაქს ბინდი ეხვევა. სიღონიას კი  
ეშინიან:

— მზემ არ დაჰკრას ჯუანს.

ედიშერმა სიღონია მართას ჩააბარა და ახალი ექიმის—ნევროლოგის მო-  
საყვანად წავიდა.

\* \* \*

ეხლა სიღო ისევ ფრიდონ დორაშვილის წინაშე ზის, ისევ კურდ-  
ღელს არწევს და ექიმს უღიმის.

ეს არის ეხლა შეიკრა ღილები. ექიმმა გასინჯა.

— რას მეტყვით, ბატონო ექიმო?—ეკითხება.

— ჯანმრთელი ხარ. არსად არაფერი გეტყობა.

— ნემსების ჩხელეტასაც ვგრძნობ. მაშასადამე მართლა ჯანმრთელი  
ვყოფილვარ.—გულში კი გაიფიქრა:—მაშასადამე, ჯუანიც ცოცხალია.

წელან ყოველივე უამბო ექიმს: ჯუანის სენის დასაწყისი, სირბილი ეტ-  
ლით, ქროლვა ავტომობილით და დაგვიანება მატარებელზე—პირველზე, მეო-  
რეზე და მესამეზედაც.



— რა თქმა უნდა, ამის ბრალია, მარტო ამის ბრალია, რომ ჯუანს ჩამოყვანა დაუგვიანე...—და უცებ გასწყვიტა, თითქო შიშის ელდა ეცაო. კინალამ წამოსცდა: „შრატის შეშხაპუნება“.

— რა დაუგვიანე?—ორივე ხელით წასწვდა ამ სიტყვას <sup>ერისნულს</sup> ~~სიტყვას~~

— არაფერი... ისე ვთქვი.

— მაინც, ქალო? სთქვი, რა დაუგვიანე?

— არაფერი მეთქი.

— მაშ... ჯუანი რომ ავად გახდა, ექიმი მაშინვე მოუყვანე?

— რა თქმა უნდა! მაშინვე მოუყვანა გადიამ—გამზრდელმა, და მეც მაშინვე წამოვიყვანე. მხოლოდ ოთხი საათით დამიგვიანდა.

— შენ ბრალი არ გეღება, ქალო. შენ შენი ვალი პირნათლად შეგისრულეღებია.—გარკვევით ამბობს ექიმი და თავის შავ თვალებს სიდონიას თვალებს უყრის.

— მართლა?!—წამოვარდა დედა ბავშვივით გახარებული.—ხომ მართალია, ხომ?—გვერდით მიუჯდა, მკლავზე მოეხვია და თავი მბარზე მიაყრდნო, თან ეაჯებოდა, ემუდარებოდა:—მართალი მითხარით, ფრიდონ... ბატონო ფრიდონ, ბრალი ხომ არ მიმიძღვის, დანაშაული ხომ არ ჩამიდენია?

— არა, ქალო, არა. შენი რა ბრალია! ბავშვს ხუნაგი შეეყარა, ვერ მოერია და მოკვდა.

დედა უცბად მოსწყდა დორაშვილის მკლავს, თითქო სიტყვამ „მოკვდა“ გველივით უკბინაო. გაბუტულივით გამობრუნდა, დაჯდა და გახევდა, თან ექიმს ალმაცერად ესროდა ნაწყენ თვალებს.

ფრიდონმა ხანგრძლივი დუმილი დააფრთხო:

— კიდევ მიაბზე რამე, ქალო.—ეუბნება ექიმი.—მიაბზე შენი აღრინდელი თავგადასავალი.

ნაწყენი დედა უცბად გამობრუნდა, გამხიარულდა:

— სიყვარულის ამბავი გიამბოთ?

— ძალიან კარგი, სიყვარულისა იყოს.

— ექიმო, დილამდე ვერ გაეათავებ.—იცინის სიდონია.—ოც-და-ექვსისხა ვარ და ოც-და-ექვსჯერ მაინც მიყვარდა. ხა-ხა-ხა!

— ყოჩაღ, ქალო! ხო-ხო-ხო! ყველანი ერთად, არა?

— არა, არა. ზოგნი ცალ-ცალკე, ზოგჯერ კი ორი და სამი ერთად.

— ყოჩაღ, ქალო, ყოჩაღ! მომწონს აგეთი დამტევი გული.

— ერთხელ, მახსოვს, ოთხი შემიყვარდა. ხა-ხა-ხა-!

— ოთხივე ერთად, ხო-ხო! აბა, უკანასკნელი სიყვარულის ამბავი მიაბზე. როდის იყო, ვინ იყო, ან ვინ არის?

სიდონიამ ეჭვით გადაჰხედა:

— რათ გინდათ, ვინც იყო? ეხლა მაინც არავინა მყავს.

— კარგი, მჯერა! ეს მაინც მითხარი, როდის მოხდა უკანასკნელი?

— ვინ იცის, აღარც კი მახსოვს. თუმცა... მახსოვს, მახსოვს: სანამ ედი-შერს შევხვდებოდი, ხუთი წლის წინათ.



— რა თქმა უნდა, ზოგმა გიპასუხა, ზოგმა კი...

— რა თქმა უნდა, ყველგან ვერ გავიმარჯვე, ამიტომ...

— ამიტომ რამდენჯერმე დააპირე თავის მოკვლა, არა?

— ეგვეც იცით?

— ვიცი, მე ყველაფერი ვიცი. არაფერი დამემალემა.

— მართალია, დავაპირე, მაგრამ ველარ გავბედე. ერთხელ მუხლამდე მტკვარში შევედი, მაგრამ გაციებისა შემეშინდა და გამოვბრუნდი—ხა-ხა-ხა!

— ხო-ხო-ხო! მერე? მერე?

— ბევჯერ სხვანაირადაც დავაპირე. აი, დღესაც...

და უცებ გაჩუმდა, თითქო გულის სარკმელი მიიხურაო. ეჭიმი კი მარწუხით ეცა ამ სიტყვას:

— რა იყო დღეს?... რას აპირებდი?... რა მოხდა?

— არაფერი.

და ლოკოკინასავით ჩაძვრა დუმილის ნაქუქში.

— მაინც, სიდონი, მაინც?— არ ეშვება ეჭიმი. მერე თვითონაც კშველის:—

მაშ მე გეტყვი.

სიდონიამ თითქო სოროდან გამოიხედა:

— აბა, მითხარით.

— დღეს დილით, როცა გამოიღვიძე, ისევ გადასწყვიტე თავის მოკვლა, მაგრამ ვერ გაჰბედე.

— მართალია.— მოჩილი ხმით ამბობს სიდონია.

— საწამლაეი რა უყავი?

— ფანჯრიდან გადავაგდე.

— ძალიან კარგი გიქნია. მომწონს.

— ვერა ვბედავ, ძალა არა მაქვს.— თითქმის სტირის ქალი.

— არც საჭიროა მეთქი. ეხლა მითხარი, რად აპირებდი დღეს დილით თავის მოკვლას?

სიდონია ისევ ნაქუქში ჩაძვრა, თან აიშალა და აიმრიზა. ეჭიმი კი კვალდაკვალ მისდევს, თითქოს ენაში ხელი ჩაავლო და თავისკენ ეწევაო:


— მაშ არ მეტყვი? რად მიმაღავ, რა გაქვს დასამალი?— და ხმა რომ ველარ ამოუდო, ისევ თვითონ მიეშველა:— მაშ ისევ მე გეტყვი.

სიდონია სდუმს, ტუჩებს იკვნეტავს და ჭერს შესცქერის, თითქოს ეჭიმის ჩანგალს გაურბისო.

დორაშვილი კი აღარ ასვენებს— ულმობელია, კერპია.

— მაშ მე გეტყვი. მიზეზი ის იყო, რომ...— და მკაფიოდ, ხაზგასმით, დაუნდობლად ეუბნება, თითქო შანთით სდაღავსო:— მიზეზი ის იყო, რომ შვილი მოგიკვდა! ჯუანშერი მოგიკვდა! გაიგე? გესმის? შვილი მოგიკვდა მეთქი!!

სიდონიას ესმის, მაგრამ არც ესმის. რა თქმა უნდა— გაიგო, მაგრამ თითქო ვერც გაიგო. ჯერ ეჭიმის თითო სიტყვაზე თითოჯერ შეკრთა, დაიბნა,

მაგრამ უმაღლესი განმტკიცდა, გაიღიმა და დღეს დილით გამოკვეთილი  ეხ-  
ლა ც მოიხმარა:

- არა, ექიმი, არა. ჯ უ ა ნ შ ე რ ი ა რ მ ო მ კ ვ დ ა რ ა ქ რ ი მ ნ ე შ ი მ
- მაშ დღეს ვინ დამარხე? — უღმობელოებს დორაშვილებს მზ უ ი მ ი მ ე შ ე ა
- ბატონო ფრიდონ, არ მეგონა, რომ... ასეთი მკაცრი ადამიანი იქნე-  
ბოდიშით.

— ეხლა, ამ ოთახში, ადამიანი კი არა ვარ, არამედ ექიმი, მხოლოდ ექიმი.  
— მერე, განა ექიმს აგეთი მძაფრი სული უნდა ჰქონდეს?  
— ქალო სიდონი, თავი დაანებე ჩემს სულს და საკუთარზე იზრუნე. — შე-  
ურბილა ექიმმა. — მითხარი, დღეს ვინ დამარხე მეთქი?

- ვილაცა.
- ვინ იყო ის ვილაცა?
- სალომეს შვილი. არ იცნობთ სალომეს? წამომყეთ, გაგაცნობთ.  
ხელი წაავლო, მეორე ოთახში გაიყვანა და სარკეში ჩაახედა.
- აი, გაიცანით სალომე. ედიშერის მეორე ცოლია და შვილიც ამას მო-  
უკვდა.

— ხუმრობას თავი დაანებე, სიდონი. შვილი მოგიკვდა მეთქი.

- არა, ბატონო ფრიდონ, არა, მეთქი!
- მაშ სად არის ეხლა შენი ვაჟი?
- წელანაც გითხარით, სძინავს მეთქი!
- მაჩვენე. წამო, მაჩვენე.
- აკი გითხარით, ლანუა, გაიღვიძებს მეთქი.
- შორიდან მაინც დამანახე.
- არ შეიძლება... არ შემიძლია მეთქი.
- აგრე იყოს. მაშ ხვალ დღისით მოვალ.
- მობრძანდით, მაგრამ...
- მაგრამ?

— მაგრამ ისა, რომ... რომ დღისით ჯუანშერი იქ არის... წალვერშია.

სიდონია უცბად გაჩუმდა, გაშტერდა, ერთ წერტილს ჩააცივდა და თვა-  
ლები მიჰბლიტა — დილანდელივით, როცა ხელმეორედ გააჩინა ჯუანშერი.

ექიმი წამოვარდა, ერთი ხელი მაჯაში წაავლო, მეორე კი თავზე დაადო  
და გახევდა.

ქალი სომნამბულობამ შეიპყრო: თავი ჩაჰქინდრა, ჩაფიქრდა, მეორე ქვეყა-  
ნაში გადავიდა. მერე ნეტარი ღიმილით გაიღიმა და ნაგლეჯ-ნაგლეჯად აბუტ-  
ბუტდა, თითქო ქადაგად დაეცაო:

— ზამბახები... ყვავილები... ბალი... ტყე...

— სად? — ჩასჩურჩულებს ექიმი. — სად არის ეგ ბალი?

— წალვერში. ხანგრძლივი დუმილისა და ყოყმანის შემდეგ ჩურჩულებს  
გულყრილი, და უმატებს: — ბაკურიანშიც.

— წალვერში ვინ არის?

— ჯუანი... ჯუანშერი.

— მარტო ჯუანშერი? კიდევ ვინ? — ფრთხილად ეკითხება დორაშვილი.

სიდონია პასუხს არ აძლევს და განაგრძობს მოგონებას:

— ბაღში თამაშობს. ოდნავ სიცხე აქვს... ცხელა... მზემ არ დაბკრას...  
 კარგად მოუარე, გადიავ, თეთრ კურდღელსაც გაუფრთხილდი ექიმის ნაჩუ-  
 ქარია...



— ვისი ნაჩუქარია?

— იმისი... ძვირფასია ჩემთვისაც და... და ჯუანისთვისაც.

— ვისი ნაჩუქარია მეთქი, ვისი?

ცნობიერების გაღმა გასული სიდონია ვილაცას თუ რალაცას ებრძვის, ექიმი კი სცდილობს გაღმიდან ისევ გამოღმა დააბრუნოს:

— სიდონი, ჯუან შერი მოკვდა!— აგონებს დედას.

მაგრამ დედა კერპობს: სღუმს და ღუმლით რჩება ოცნების ქვეყანაში. დორაშვილი მაინც თავისას ჩასძახის:

— გაიგე, ქალო, შენი შვილი მოკვდა მეთქი... მოკვდა! მოკვდა!.. დაუბრუნდი სინამდვილეს!.. დაუბრუნდი!.. დაუბრუნდი!

მაგრამ სიდონია ისევ წაღვერშია— თავის შვილთან, ჯუანშერთან:

— ჯუანი ოდნავ უქეიფოდ არის... გაუფრთხილდი, გადიავ... მე მივდივარ.

— სად?— გულში უძვრება ექიმი.— სად მიდიხარ?

— ბაკურიანში.

— ჯუანი რომ ავად არის?

— ექიმს დაუძახეთ... მეც მალე დავბრუნდები.

— როდის?

სიდონია ყოყმანობს, მაინც უპასუხებს:

— ხვალ დილით.

— დროზე დაბრუნდი?— სიდონია სღუმს და იღუშება.— სთქვი, როდის დაბრუნდი მეთქი?

გულშემოყრილი იბრძვის, ჰბორგავს, რალაცას თუ ვილაცას ეომება. ბოლოს, მაინც ლულლულებს:

— მესამე დღეს... არ გამოშიშვა.

— ვინ? ვინ?

ისევ ბორგვა, ბრძოლა და ფართხალი.

— სთქვი, ვინ არ გამოგიშვა მეთქი?... ვინ იყო?... რა ჰქვიან?...— გაზით ეწვევა ყურალესილი ექიმი, მაგრამ მისი გასაღები ველარ უდგება თითქმის გახსნილს გულის კლიტეს: გულყრილი სიდონია ისევ ჯიუტად იკეტება ღუმელში.

ექიმი ისევ თავის ალაგზე ზის— სიდონიას პირდაპირ. გონმოსული დედაკაცი კი გაოცებით უმზერს მას, უღიმის და აბლეტელ თვალებს იფშვნეტავს, თან თავისთვის ბუტბუტებს:

— თავი მტკივა... მეძინება.

— ღამე მშვიდობისა, ჩემო სიდონი!

— ძილი ნებისა, ბატონო ფრიდონ! ნუ დამივიწყებთ... რაკი გზა გამოიკვლიეთ, ხშირად მნახეთ.

— კეთილი, დაგხედავ ხოლმე. ოღონდ მურაბები დამახვედრე და...— ღი-

პილით თითი დაუქნია — და გული გამიხსენი, ნუ მომატყუებ, თორემ... შე ვერაფერი და ვერავინ დამემალება.

— მართლა? ვითომ? — უკვე კეკლუცობს სიდონია.

— გარწმუნებ, აგრუა. არც შენთვის ვარგა. თუ გინდა დამშვიდდე და გაბედნიერდე, ამ ქვეყანას დაუბრუნდი და ყველაფერი დამიჯერე.

— ყველაფერი დაგიჯეროთ?! — რა შევი თვალეები თავისებურად აათამაშა. — ყველაფერი?!

— დიალ, ყველაფერი, ყველაფერი.

— სახიფათოა, ბატონო ექიმო, სახიფათო, რადგან... რადგან მე ძალიან მომწონს ორმოციოდე წლის მამაკაცი, თქვენისთანა შავგვრემანი, ხა-ხა-ხა! იი, აკი გაგიხსენით გული. დანარჩენი მერე იყოს.

— მაშ მოგწონვარ, სიდონი? მართლა? ხო-ხო-ხო! მაშ ავშენებულვარ. აბა, ბედნიერად და გამარჯვებით. მაგრამ კარგად დაიხსომე: ამ ქვეყანას დაუბრუნდი. ღრუბლებში ცხოვრება ძალიან სახიფათოა. ჩამოვარდები და დაიშხვრევი. გარდა ამისა, თუ ერთხელ კიდევ დამიმალე სიმართლე, წავალ და აღარ მოვალ. მშვიდობით, თეთრო დედაკაცო!

ნახვამდის, შავო მამაკაცო!

— მართლა, — მოტრიალდა კარებში დორაშვილი და სიდონიას თითქმის მკერდზე დაადო თითი: — ეს რა არის?

— ესა? — დაიბნა სიდონია. — ესაა?... ეს არის კურდღელი... თეთრი კურდღელი.

— ვისია? ვინ მოგცა?

— ჩემია... ჩემი და ჯუანისა. უკრავს, ძალიან კარგად უკრავს. ხომ არ გინდათ დავაკვრიანო?

და მოსამართად სამიოდეჯერ გადაატრიალა.

— არა, არ მინდა. — ხელით შეაწყვეტინა მომართვა. — ვინ აჩუქა მეთქი ჯუანშერს?... არ მეუბნები? მიმალავ? შენი საქმეა, შენ იცი. გირჩევ — ან გადაადდე, ან დასწვი, ან დამსხვრიე და მტკვარში გადატყარე. მშვიდობით იყავი! — რკინის ზოდებივით მოაყარა და კიბე ჩაირბინა.

კარი მიუკეტა, გამობრუნდა და, მართა რომ არ მიკშველებოდა, ოთახის შუაგულში გაიშოტებოდა.

თეთრი კურდღელი მაინც მიიხუტა და მთვრალივით გატყვა გულამომჯდარ დედას.

\* \* \*

ელაშერი სტუდენტია. ღამით მსახურობს, შუადღემდის სძინავს, მერე ლექციებს ამზადებს, ხოლო საღამოზე უნივერსიტეტში მიდის და იქიდან კლუბისკენ მიეჩქარება.

ეხლაც თავჩაქინდრული ზის და გაკვეთილს იხეპირებს, უფრო კი თავის უბედობას დასტირის. მართაც იქვე ტრიალებს და ჭურჭელს აჩხაკუნებს.

თეთრი სიდონია კი დაკარგულ ბატიკით დაბორიალებს და უდარდელად ლილინებს, თან კურდღელს დაათრევს.

ზოგჯერ ვაჟის ფოტო-სურათებს მიადგება, კედელზე რომ ჩამოჰკიდდა ამას წინათ, და დიალოგს გაუბავს, თან ჯუანის ნაცვლად თვითონვე ეძღვევა პასუხს.



აი, ეხლაც კედელს მიეზღინა და მიესალმა:

— ჯუან, გამარჯვება, გენაცვალოს სიღო!

— გაგიმალჯოს, დედილო!—თვითონვე წრიბინებს შვილის ხმით.

— როგორა ხარ, როგორ გეძინა, ჩემო ბაჭია?—მზრუნველობით ეკითხება დედა.

— ძალიან კალგათ. შენა?—ეკითხება ჯუანიც.

— მე? კარგად ვერა ვარ, ჩემო ბიჭიკო. აი, ყველანი მეუბნებიან—გახდი და დაუშნოვდიო.

— ლათა, დედილო, ლათ გახდი?—გრძნობით ჰკითხავს ჯუანშერი.

— იმიტომ, გენაცვალოს მაგ თვალეში დედიკო, —სჩივის სიღონია, — იმიტომ გავხდი, რომ ძილიც დამეკარგა და მადაც. ველარაფერსა ვკამ.

— ლათა, დედიკო, ლათა?

— იმიტომ, გენაცვალე მაგ კიწნებში, —მთრთოლვარე ხმით შესჩივის თავის თავს დედა, — იმიტომ, რომ არ მასვენებენ... მტანჯავენ... მაწამებენ. — და დღემილის შემდეგ მისი საჩივარი სდულს: — ვინა მტანჯავს? შენ, შენა... მეტი არავინ... მარტო შენ.. მხოლოდ შენ.

მინას ლოყით მიეკრო და გაინაბა. მერე, მართას ჩუმი ქვითინი რომ მოესმა, მობრუნდა და დედას მოეხვია:

— დედილო, რა გატირებს?... რა ვქნა, რა დაგემართა?

შემდეგ თავჩალუნულ ედიშერს დაადგა და კისერზე გამხდარი მკლავები შემოარკალა:

— შენ რალა მოგივიდა, ედიშერ?... რალ ასველებ მაგ წიგნს?... აიხედე, თავი ასწიე... ნუ დაალბე ეგ წიგნი, თორემ მეორეს აღარ გიყიდი... გესმის?... გესმით?... გაჩუმდით, გაჩუმდით მეთქი, თორემ... აგერ, ვილაც მოვიდა. კარებს აკაკუნებენ. გაულე, დედილო.

მართა ცრემლის წშენდით გავიდა.

— შვილო კატუში!—მოისმა ტალანიდან, და სამი წლის ქალიშვილი შემოიყვანა.

კატო ჯერ მამამ აიტაცა და ჩაიკრა. მერე იატაკზე ჩამოსვა, სიღონიასკენ მიაბრუნა და უთხრა:

— წადი, გენაცვალე, წადი დედასთან.

დედა სავარძელში ზის და შვილს უბღვერის. კატო ყოყმანობს, თითხ პირში იტრიალებს, დედას გაოცებით შესცქერის და ეჭვიანობს. აღარ იცის, როგორ დაუხვდება მშობელი—ისევ წინანდელივით დაუყვირებს და გამოაგდებს, თუ ადრინდელივით მოუალერსებს, როგორც ეალერსებოდა მაშინ, წალვერიდან დაბრუნებამდე.

მერე გაჰბედა, გაუცინა და ხელგაშლილი გაიქცა, თან მიაძახა:

— დედილო!

დედილომ პირზე ზიზლი აიკრა, ბავშვი მანძილზე შეაყენა, წამოხტა და მიადახა:

— რად მოხვედი?! რად მოიყვანეთ?!.. წადი, მომშორდები წითყვანეთ!.. თვალით აღარ დამანახოთ!—და კარები გაიჯახუნა.

აქეთ ოთახში პაწაწა კატო გულამოსკვნით სლუკუნებს, მოზრდილები კი უხმოდ იცრემლებიან, ხოლო კედლის იქით სიდონია ჰპორგავს:

— ეს გადარჩა... ქალი გადამირჩა, ვაჟი კი... ჩემი ბიჭი კი... ბიჭიკო... ჯუანი... ჯანი... ჯუანშერი...

და გულით, ან აზრითაც ვერა ჰბედავს სათქმელი დაამთავროს— „ჯუანი კი მოკვდაო“.

მაგრამ სიდონიას მაგივრად სხვა ვილაც თუ რაღაც ბნელ ქვესკნელში ჰკაწრავს დედას:

— მოკვდა!.. მოკვდა!.. მოკვდა!!

და ეს სიტყვა, დამდნარ ლითონივით მწვავე და მძიმე, იმავე ლითონის წვეთებივით წკაპუნობს დედის ტვინსა და გულში, დნება ძარღვებში, უღუღებს სისხლს და ალივით ედება მთელ სხეულს—თავიდან ხელების თითებამდის და ყელიდან ფეხის ქუსლებამდე.

— ჯუანშერი მოკვდა!.. მოკვდა!.. მოკვდა!!

ეს ქვეყანა მეტის-მეტად ცხადია, ნამდვილია, ხოლო სინამდვილე მეტად უხეშია, ფოლადივით მტკიცე, ქვასავით უდრეკი, დორაშვილივით მკაცრი და „იმ დღესავით“ საზარელი. აქ, ამ ქვეყნად, ამ მიწაზე ჯუანშერი მკვდარია, —ჯუანი მოკვდა, ორი თვის წინად მოკვდა!—იქ კი, გაღმეულში, ჯუანშერი ისევ ცოცხალია, და იქ ყოფნაც საამურია.

ამ უამად იქ, ნოემბრის დამლევს, ისევ ზაფხულია, ისევ აგვისტოს დამლევია. შუადღე მოდის. მზე დნება და წალვერსაც დამდნარ ოქროში აბანავენს. ჯუანი ბაღში თამაშობს. ზამბახებს ჰრწყავს. მერე თეთრ კურდღელს ჰმართავს, —აი, ამ კურდღელს, დედას რომ ეხლაც მკერდში აქვს ჩახუტული.

რა საამურია იმ დროინდელი წალვერი! თუმცა—აღარ არსებობს „იმ დროინდელი“.

დრო მოკვდა, გაიყინა.

სიდონია ეხლაც წარსულშია, ან წარსულია სიდონიას სულში—ეს ხომ სულ ერთია! ეხლაც ოცი აგვისტოა, და ამ დღეში—სიდონიას სულსა და გულშიც—სამივე დრო შეიკრა და შედუღდა: წარსული, აწმყო და მყობადიც.

დრო მოკვდა, გაიყინა, შესდგა!

და თვითონ სიდონიაც იმ გაყინულ დროში გაიყინა. მხოლოდ იმ დროში—აგვისტოს მისალევში—წალვერსა და ბაკურიანში ტრიალებს, რადგან ის დროც და ალაგებიც ამ დედაკაცს დასტრიალებენ.

და თავის საწოლზე გამოტრლ სიდონიას კვლავ იმ ღამის ამბავი ელანდება:

— რაკი აგრე დაიყინე,—ჰბოდავს თეთრი დედაკაცი,—წამოგყვები... მაგ-

რამ პირობა არ დაივიწყო: ხვალ დილით ისევ უნდა დაგბრუნდეთ... არ მომტყუო, თორემ... ჯუანი ავად არის...

ჩასხდნენ და წავიდნენ. გრილი ღამე იყო.

— ცივა... გამათბე.— უთხრა მაშინ სიდონიამ და ეხლაც ბუტბუტებს:— ცივა... გამათბე...

და როგორც მაშინ, ეხლაც იბუხება, თბება, ვილაცას ეხვევა, ჰკოცნის და ჰბოდავს:

— შე გიჟო... გაგიჟდი და მეც გამაგიჟე... არ დამახრჩო.— და თვითონაც მკლავებით ახრჩობს ვილაცას.— არ დაგვინახონ... უუჰ, როგორ ქანაობს ეს მატარებელი!

და სიდონიაც ქანაობს საწოლზე, როგორც ბავშვი აკვანში. მერე იღიმება და ამბობს:

— მადლობა ღმერთსა, ძლივს ამოვედით!.. გათენდა კიდეცაც...

მართლა გათენდა, როცა ბაკურიანში ავიდნენ.

— უუჰ, რამდენი ნისლია!— უკვირს სიდონიას ეხლაც.— მზეს შეჭხედე, მზეს!.. როგორ ამოდის!.. როგორა ჰკრეფავს ნისლსა!.. ერთი გაიხედე, რა მაღალი მთებია!.. დაბურული ტყე... ხშირი ბალახი... არა, არა, ჯერ ნუ შევალთ. ტყეში ნამია... ფეხი დაგვისველდება... გავცივდებით...

სანამ სიდონია და თანამგზავრი დილის ჩაის სევამდნენ, მზემ ის ნისლი აჰკრიფა, ღრუბლად აქცია და ცხრა წყაროს მთებს ბამბის დოლაბანდივით მოახვია. ნამიც მალე ალოკა და ქალაქელი მოაგარაკენი ფიცრულებიდან გამორეკა—ზოგი წყალზე, ზოგი ტყეში, ზოგიც ბაზარზე.

გამოვიდნენ, ჭალა გაიარეს და კობტა გორას შეუდგნენ.

— უუჰ, რამდენი ყვავილია!— უკვირს სიდონიას საწოლზედაც.— მერე რამდენნაირი! ხამბახები... შროშანები... ამას რა ჰქვია—შქერი? რა ლამაზია! ამას—დეკა? ყოჩაღ, ბარძიმ!—და ეს სახელი პირველად ახსენა.

რა იცოდა სიდონიამ, რომ ყურაცქვეტილი ედიშერი ამ დროს თავთ ედგა და ცოლის ყოველ სიტყვაზე თოკივით იკვანძებოდა! და ეს სახელი რომ გაიგო, შეკრთა და გახევდა. სიდონია კი ისევ ბარძიმს მისდევს. ეხლა აღბად ბოტანიკურ ბაღში არიან.

— მაშ ეს მცენარე ჯუჯა ტირიფია? ლათინურად რა ჰქვია? სალიქს რეტიულატა?... ხა-ხა!.. გცოდნია ბოტანიკა. ტყუილად კი არ ბერდები უნივერსიტეტში... ეს რაღა არის, აი ეს, ლურჯი ყვავილი რომ აქვს? ასისთავა? ხა-ხა! მაშ ათისთავაც აქვე იქნება სადმე... ნელა, ბიძინა, ნუ ცუდლუტობ! მეტკინა... აბა, თუ მართლა იცი რამე, ამ ყვავილის სახელიც მითხარი. რაო, ქართული სახელი არ იცი? მაშ ლათინური სთქვი... სოლდანელლა ალპინა,—რა ხმოვანი სახელი ჰქონია!.. აი, ქრისტეს ბეჭედი. აი, მთის ია... ესეც მთის ფიჭვი. ამათი სახელი ხომ მეც ვიცი... მეც მისწავლია ბოტანიკა... უუჰ, რა დაბურულ ტყეში შევედით!

დიდხანს იარეს.

— დავიღალე... ხელი მომეცი... გენაცვალეთ, რამდენი მარწყვია!.. აგერ, უოლიც. აბა, მიშველე, დავეკრიფოთ ჯუანშერს...



დიდხანს ჰკრიფეს. მერე, როცა დაიღალნენ, მაღალ ბალახებში ჩიწვნენ.

სიღონია უცებ გაღხვა და მიიბნიდა ლოჯინზე:

ერჩენულნი

— ბიძინა, ჩემო ბიძი... მიყვარხარ... ფუჰ, რა ცხელი ბალახები გაქვს!—და თვითონაც გაგიჟებით ეხვევა და ჰკოცნის ბიძინას, თან ლულულულებს:—ნუ გადაირიე... რას შვრები, ბიძი!.. ნუ, გენაცვა, ნუ!.. არ მინდა... მე არ მინდა... თავი დამანებე მეთქი!—ეხლაც ხელები განზე გადაყარა და უნძრევლად, უპასუხოდ მიიბნიდა, თან შორჩილი ხმით უსაყვედურებდა:—გეუბნები, არ მინდა მეთქი... მაგრამ, რაკი აგრე დაგიჟინია... ფუჰ, რა საძაგლობაა!.. მომშორდი, დამეკარგე!.. თვალით აღარ დამენახო. ნურც შენ შემომხედავ... ფუჰ, ფუჰ! პირისახეზე ზიზღი აისახა და თავი კედლისკენ მიიბრუნა.

სულგანაბული, თავჩალუნული და ბრაზისგან აკანკალებული ქმარი ლამის ყელში წასწვდეს ცოლს. აღარც თვითონ არის ამ ქვეყნისა. თვითონაც მოლაღატე ცოლს გაჰყვა და გონებით ბაკურიანის ტყეში გადასახლდა.

სიღონია ქმარს ვერა მხედავს, ეღიშერი კი—ფრიდონ დორაშვილს, რომელიც კარგა ხანია მოღუშული სდგას იმის უკან და გონწასული ყოველ სიტყვას ეღიშერივით იქერს.

ისედაც დაიგვიანა ექიმმა. აქამდისაც უნდა დაეგლო ქმრისთვის ხელი და გაეყვანა. ექიმისა და სნეულის შორის მესამე არავინ უნდა ჩადგეს—თუნდაც ქმარი.

მხარზე ხელი დაავლო, მოაბრუნა, თითით დუმილი უბრძანა და თვალთკარებისკენ ანიშნა.

მოდრეკილი და შექარხლებული ქმარი ფეხაკრებით გავიდა.

ეხლა სიღონიას ეღიშერის ნაცვლად ექიმი უზის თავთან, ცალი ხელით სიღოს მაჯა აქვს ჩაჭერილი, მეორე ხელი კი იმის თავზე აქვს დაბჯენილი.

გულყრილი გაბუტულია. მერე წელწელა იშლის პირისახეს და შერიგების კილოთი სტუქსავს ბიძინას:

— საძაგელო!.. დამეკარგე, ხმას ნულარ გამცემ მეთქი... არც შენი ნახვა მინდა, არც ხელი... ტყუილად მკოცნი, არ შეგირიგდები.

მაგრამ ურიგდება. რამდენჯერმე ცივად ჰკოცნის ჰაერს და ილიმება.

— საძაგელო... დინჯი ვინმე მეგონე, შენ კი ქარაქუცა ჰყოფილხარ. ხა-ხა-ხა! ქარაქუცა! ქარაფშუტა! ჩიტირეკიავ! აბა, თუ ბიჭი ხარ, დამეწიე.

სიღონია მირბის. ხელებსა და ფეხებს იქნევს. იღლება, მხვინეშის და ძლივს-ლა სუნთქავს. მერე აჩქარდა და ბიძინაც ააჩქარა:

— წავიდეთ... დაებრუნდეთ, თორემ დამიგვიანდება... ჯუანშერი ავად არის... ვინ იცის, რა დაემართოს.

დიდხანს სდუმს. მერე ჰგრძნობს თუ ესმის, რომ მისი და ბიძინას ბაასში ვიღაც მესამე ვრევს:

— რატომ არ მოდიხარ?—ფრთხილად ეკითხება დორაშვილი.—დაიგვიანებ.

— ბიძინა არ მიშვებს.—თავს იმართლებს სიღონია.—ამბობს, ჯერ თორმეტიც არ არისო... მატყუებს.



— ეხლა სადა ხარ?  
 — ბაკურიანში... კობტას გორაზე ავდივართ... ბიძინა მიმტკიცებს, ვითომ ისტორიული ალაგი იყოს... აქ მოხდა შეთქმულთა კრება... ჯანყებულთა ემზადებიან—მონღოლთა წინააღმდეგ... აქ მოიყარეს თავი შოთა რუსთაველმა... ამირ-სპასალარმა შანშემ... ავაგ ათაბაგმა... სამეფო კარის ვაზირმა ვარამ გაველმა... მეც ვიცი ეგ ამბავი, ბიძინა... მისწავლია... მამამაც მიაგებო... მერე ყველანი დააპატიმრეს, ანისში წაიყვანეს... აწამეს... ტიტვლები მზეში დასხეს, ტანზე თაფლი წაუსვეს... უუჰ, რა საშინელი წამებაა!.. მაინც ვერ გამოსტეხეს.

— მერე? მერე?  
 — მერე მათი მეგობარი თანაშეთქმული ცოტნე დადიანი მოვიდა... თვითონვე გაიხადა... თოვლი წაისვა... გვერდით მიუჯდა... ჰკითხეს... უთხრა: მეც ამათში ვერიე და ამათი ჭირიც უნდა გავიზიაროო... გაუკვირდათ მონღოლებს ქართველთა რაინდობა და ყველანი გაანთავისუფლეს.

— მალე დაბრუნდები?—ჰსურს დორაშვილს თავის გზაზე გადმოიყვანოს სიდონია.

— ჯერ მივდივართ... საცაა ავალთ... ზოგნი თურმე ამბობენ, ეს ამბავი მეორე კობტა გორაზე მოხდაო... სადღაც იქით ყოფილა—მესხეთისა და ჯავახეთის საზღვარზე.

— იგვიანებ, სიდონი. აჩქარდი, მატარებელი მიდის. ექიმის ფანდი სჭრის. სიდონია ჩქარობს. ეტყობა, მორბის. ხშირად სუნთქავს, ხვნეშის, შუბლზე ოფლი მოსდის.

— ჩქარა, ჩქარა!.. დავიგვიანეთ... უუჰ, როგორა ცხელა!  
 — მაინც დაიგვიანე, არა?—აჩქარებს ექიმი.  
 — დავიგვიანე!.. დავიგვიანე!—თითქო სტირის სიდონია, თან ბიძინას უსაყვედურებს:—შენი ბრალია, შენი!.. ვაი მე, ჩემო ბიჭიკო!.. ხვალ დილამდის ველარ ჩამოვალ.

— ბიძინამ დროში ხომ არ მოგატყუა? განგებ ხომ არ დაგაგვიანა?— ეკითხება იდუმალი ხმა სიდონიას.

— რა თქმა უნდა, მომატყუა... განგებ დამაგვიანა...  
 — მაშ შენი დავიანება ბიძინას ბრალი ყოფილა.  
 — შენი ბრალია, ბიძი, შენი...  
 — მაშ ჯუანის სიკვდილიც ბიძინას უნდა დაეკისროს.

შვილის გახსენებაზე სიდონია სიამით იღიმება და ჯუანშერს მკერდზე იხუტებს, თან არწევს და ბუტბუტებს:

— ჩემი ჯუან... ჯან... ჯუანშერ. რა თბილი ხარ!.. რა რბილი ხარ, ჩემო ბიჭო... ჩემო ბიჭიკო...

— შენი ბიჭი მოკვდა, სიდონი!—მტკიცე ხმით ჩასჩურჩულებს ექიმი.

მაგრამ დედას არა სჯერა, ან ექიმისა აღარ ესმის.  
 — ჩემი ბიჭი... ბიჭუნო... ბიჭიკო...—და უჩინარ შვილს ვნებით ჰკოცნის და ტანზე ხელებს უცაცუნებს.

— შენი ბიჭი მოკვდა მეტქი, ქალო! — ეინიანობს დორაშვილი. —  
გაიგე, სიდონი, შეიგნე: შენი ვაჟი, შენი ჯუანშერი მოკვდა! მოკვდა!  
მოკვდა!!

ექიმის სიტყვები სიდონიას აღარა სწვდება, მისი ხერხი ველარა სჭრის.  
დედის ვნება სკარბობს დორაშვილის ნებისყოფას. პროფესორმა უიმედოდ  
ჩაიქნია ხელი და სკამს მიეყუდა.

ხანი გადის. მიბნედილი სიდონია უცებ ახელს თვალებს, გოცებით ათვა-  
ლიერებს ექიმს და ასადგომად იწევს.

— ჯუანი, ჩემი ჯუანი. — ბუტბუტებს და შვილს ლოგინზე და ლოგინში  
ეძებს. — აქ იყო, ეხლა აქა მყავდა.

— სიდონი! — თითქმის მრისხანედ ესვრის დორაშვილი.

— აი, აქ იყო... ეხლა ხელში მყავდა. — და თითები ააცმაცუნა. — აქა  
მყავდა... მისი სითბო თითებზე შემრჩა.

— სიდონი, გონს მოდი!

დედამ ექიმი თითქო ეხლა დაინახაო!

— ბატონო ფრიდონ. რა ამბავია... რა მოხდა? რა დამემართა?

— არაფერი, სიდო. ძილის დროს შემოგასწარი. ამ ოთახში მოგიცდი.

მეორე ოთახში ედიშერი დადის — თითქო გალიაში გაუწვრთნელი ლომი  
შეაგდესო.

— ედიშერ! — ეუბნება დორაშვილი და მხარზე ხელს ადებს. — ყური მიგდე,  
ედიშერ. ის, სიდონია, დედაკაცია, სუსტია, უღონოა. ამიტომ ვერ გაუძლო  
დარდს და ოცნების ქვეყანაში გადასახლდა. მე და შენ კი ვაეკაცები ვართ.  
ამიტომ არ შეგვშეენის გულის აფორიაქება. სჯობდა ყური არ დაგეგდო და  
არაფერი გაგეგო. მაგრამ, რაკი გაიგე, განაგონი გულში უნდა ჩაიმარხო და  
დაივიწყო.

— სწორედ იმიტომ, რომ ვაეკაცი ვარ, განაგონის დავიწყება არ  
შემიძლიან.

— რას აპირებ, მითხარი.

— ეგ მე ვიცი.

— ავრე იყოს. მაგრამ ერთი რამე მაინც გამიგონე: სიდონიას არაფერი  
გააგებინო, არც აგრძნობინო, თორემ...

— მაგის პირობას გაძლევ.

— მეტი არაფერი მინდა. ეხლა ქუდი დაიხურე და წადი.

ედიშერი ქუდს იხურავს და გადის.

\* \* \*

— ბატონო ფრიდონ! — გამოდის თავის ოთახიდან მოლიმარე თეთრი  
დედაკაცი და თეთრი კურდღელიც თან მოაქვს. — ძია ფრიდონ, გამარჯვება!

— გაგიმარჯოს. — ცივად ბურტყუნებს დორაშვილი, უნდილად აძლევს  
ხელს და ისევ ბოლთას განაგრძობს.

— რა დაგემართათ, ძია ფრიდონ, ვინ ვაგაჯავრათ?



ქართული  
ბიბლიოთეკა

- შენ.
- მე? მართლა? ხა-ხა-ხა! რით, როგორ, ძია ფრიდონ?
- შენც კარგად იცი.
- ღმერთმანი, არ ვიცი. მითხარით, გამაგებინეთ.
- ასჯერ გითხარი.
- ასჯერ? არაფერიც არ მახსოვს. გამაგებინეთ, თუ ბრალი მიმიძღვის, ბოდიშს მოვიხდი.
- ბოდიში არა კმარა.
- მაშ რა გნებავთ?
- ძალიან კარგად იცი. სამი თვეა მატარებ ტყუილ-უბრალოდ. — გაბუტულის კილოთი ბურტყუნებს ექიმი.
- ტყუილ-უბრალოდ? — კეკლუცობს სიდონია და დიდრონ თვალებს თავისებურად ათამაშებს. — ხა-ხა-ხა! ვინ იცის, ტყუილ-უბრალოდ თუ... ვინცა ჩქარობს, აგებს. ჩემი გულის მოსაგებად სამი თვე არა კმარა.
- შენი თავი აიგდე მასხარად. მე კი უკვე ორმოცი საშვესრული, საარშიყოდ ველარ ვიცილი.
- ორმოცი საშვესრული? მამაკაცისთვის საუცხოვო დროა. — აგდებინებს ხელიდან ამ მახვილსაც. — აკი გითხარით, ჩემს გულს მხოლოდ ორმოცი წლის მამაკაცი გაიტაცებს მეთქი, ხა-ხა-ხა!
- არშიყობისთვის არ მოვსულვარ, სიდონი.
- მე ვარშიყობ?! ღმერთმა დამიფაროს!
- დააყენე ეგ თვალები, ნუ ათამაშებ!
- თვალები დავაყენო? ინებეთ. აი, დავაყენე.
- და ისე დააყენა, რომ უარესად აამეტყველა. ელვით სავსე შავი თვალები თითქო დამშვიდდნენ, მიიბლიტნენ. სამაგიეროდ გრძელ წამწამებში დინჯი ღელვით იზმორებიან, თითქო ღამით შავ ღერწმიანში ორი ნელი ტალღა ირწყვებო.
- ხა-ხა-ხა! — გადიკისკისა მხიარულად. — რა ვქნა, ძია ფრიდონ, რა ჩემი ბრალია, თვალები არ მემორჩილება!
- შენ მრავალი რამ არ გემორჩილება, სიდონი.
- მაგალითად?
- მაგალითად — აბა, ეგ კურდღელი დასდე მაგიდაზე.
- აჰა, ინებე. — და დასდო.
- ეხლა მითხარი, ხელახლად რად მიიდე ხელი მკერდზე? სიდონია დაიბნა. მარცხენა ხელი მართლა მკერდზე ედო.
- ჩამოიდე.
- ჩამოიღო, მაგრამ უმაღვე ისევ მკერდზე მიიღო.
- ჩამოიდე მეთქი!
- რა ვქნა, რა მემართება? — უკვირს თვითონ სიდონიასაც.
- ხელი ისევ ჩამოსწია, მაგრამ უნებურად ხელახლად მკერდზე აუვარდა.

— ძია ფრიდონ, ეს რა ამბავია?— შეეშინდა.— ხელი არ მენოჩილება. გამაგებინეთ, რა შემართება?

— ეხლავე გეტყვი. ჯერ დავაბათ. მომაწოდე ეგ პირსახოცი სილოს წელზე შემოაკრა და მისი ხელიც შიგ ჩააყოლა.

— ეხლა ყური დამიგდე, სილონი.

— არ შემიძლიან, არ შემიძლიან!— ხელი ამოიღო და ისევ მკერდზე მიიხუტა.— ისევ ასე იყოს... ეხლა მითხარით.

— გეტყვი. შენი ჯუანი რომ ავად იყო, შენ გვერდით უწეკი. მისი თავი დილამდე მკლავზე გედო, მართალია თუ არა?

— მართალია, ძია ფრიდონ.

— იქიდან გამოგყვა. ამიტომ ან ეს კურდღელი უნდა გქონდეს ჩახუტებული, ან ხელი.

— აგრეა... მართალია.— ბუტბუტებს სილონია და კურდღელს ისევ მკერდზე იკრავს.

— ხომ გახსოვს ჟუანის ავადმყოფობა, სილონი?— და გვერდით მიუჯდა.

— მახსოვს... წალვერში ოდნავ ავად იყო.— ოხრავს პირშეცვლილი დედა.

— ჯერ წალვერში, მერე აქ, ქალაქში, აგერ, იმ ოთახში იწვა. გახსოვს თუ არა ის ღამე, როცა შეწუხებული ვაგი მკლავზე გესვენა?

— არა, არ მახსოვს.— ჩურჩულებს და პირსახეს ექიმს არიდებს.

— მართლა, სილონი, დღეს რამდენია ამ თვისა?

— დღეს?— კედლის კალენდარს შესცქერის და იმასაც თვალს არიდებს.— არ ვიცი. მგონი ცხრამეტია, ან ოც-და-ერთი.

— კალენდარი რას ამბობს?

— ღმერთმანი, არ ვიცი.

— კალენდარი თვალწინ გიკიდია და არ იცი? მაშ შე გეტყვი: დღეს ოცი ნოემბერია, სამი თვის თავია... რას გაჩუმებულხარ, ქალო! დიდი ხანია შეგატყუე, რომ ოცი რიცხვისა ცეცხლივით გეშინიან, რადგან ჯუანშერი ოც სექტემბერს მოკვდა. გაიხსენე, მოიგონე.

სილონიამ გაიღიმა და მხრები შეიშმუშნა.

— აქეთ მოიხედე, სილონი.— და ერთი ხელით თავი მოუბრუნა, მეორე კი მაჯაში წაავლო.— ერთხელ კიდევ გეკითხები, სად არის მეთქი შენი ჯუანი?

— ჩემი ჯუანი? აქ არის, სადღაც აქ არის.— აცმუტდა სილონია და ხელის თითებიც ააცმაცუნა.— წელან ხელში მყავდა... აი, ეხლაც ვგრძნობ იმის სითბოს... მესმის მისი სუნთქვაც... აქ არის სადმე... აქ უნდა იყოს.

— სილონი, გაათავე!— და მძლავრად შეანჯღრია.— გონს მოდი, ყური მიგდე. ჯუანი გელანდება, რადგან წელან სიზმარში ნახე.

— სიზმარში? მხოლოდ სიზმარში? ვაი მე!

— დიად, სიზმარში, მხოლოდ სიზმარში. აქეთ მობრუნდი, ქალო, თვალს ნუ მარიდებ.— პირისპირ დაისვა და თვალი აღარ მოაშორა.— სილონი, დროა

გაათავო სახიფათო თამაში. შეილი მოგიკვდა! ჯუანი ხუნაგმა წაგართვა! — ლურსმებივით ურქობს თავში. — გაიხსენე, მოიგონე დაი-ცა, სიტყვას ნუ მაწყვეტინებ. აგერ, იმ ოთახში იდგა თეთრი კუბო, შენი ჯუანი იწვა. შენც იქ იყავი, სათამაშოები შეუტანე. აი, ეს კურდღული შენ დაადე. მერე გაასვენეთ და დამარხეთ. ცხადია, ჯუანი მოკვდა! გამოტყდი, სოქვი ჯუან შერი მოკვდა თქო!

სიდონია წამებულის ღიმილით იღიმება და მხრებს იშმუშნის:

— ვთქვათ, მოკვდა. მერე რაო?

— მაშ შეიგენი თუ არა შვილის სიკვდილი?

— ძია ფრიდონ, ეგ ამბავი ჩემ შეგნებაში ვერ შედის. ეგ ცარიელა სიტყვებია. შიგ არაფერი ჰყრია.

— თავს ნუ იტყუებ, სიდონი. ეს სიტყვები — „შენი შვილი მოკვდა“ — ცარიელი არ არის. ტყვიასავით მძიმეა, ცეცხლივით მწვავეა, სამაგიეროდ რეალურია, ნამდვილია. დამიჯერე, ქალო სიდონი, ყოველივე რეალურიც, ამქვეყნიურიც მძიმეა და მწვავე, როგორც შენი შვილის სიკვდილი. ამიტომ გაურბიხარ მას, ამიტომ ეშალე და გგონია, ვითომ მართლა გაექცე და დამალე. მართალს ვამბობ თუ არა, სიდონი?

— მართალია. — ყოყმანის შემდეგ სევდიანად უდასტურებს სიდონია. — სინამდვილე მწვავეა, მძიმეა... ოოჰ, რა მძიმეა, ძია ფრიდონ!

— მართალია, მაგრამ ამ ქვეყნიდან გაქცევა და სიზმარეთში ცხოვრება ასჯერ უფრო უარესია. დღეს თუ ხვალ ეს ქვეყანა თვითონ დაგეწევა — ვერსად წახვალ! — და თვითონვე გაგალვიძებს, მაგრამ ისე უხეშად, ისე მკაცრად შეგანჯღრევს, რომ სამუდამოდ დაგამტვრევს, დაგაგონჯებს, გაგაგიჟებს.

თვალმილეული სიდონია ამ სიტყვამ შეაკრთო და შეაფრქოლა.

დორაშვილი აღარ ინდობს, არ ერიდება და ყურებში ჩასძახის:

— ამიტომ სჯობია, რომ შენვე დაუბრუნდე სინამდვილეს, რეალურს. დაყრუებულთა, ბრმათა და განდევნილთათვის იგი გარდუვალია, მოუტეხავი, მძლეთა-მძლე და შეუნდობარი. ხოლო მორჩილთა და თვალხილულთათვის იგი ღმობიერია, მისანდობარი და ერთგული. შენ გაექცე მას, სიდონი.

მიბნედილმა დედაკაცმა ღრმად ამოიოხრა.

— განგებ დაიყრუე ყური. განზრახ დაიბრმავე თვალი და უცნაურ ქვეყანაში გადავარდი. მიზეზს ისევ მე გეტყვი: შენ შვილი მოგიკვდა — ერთად-ერთი ვაჟი, პირმშო ჯუანი. ნუ შეშინდები, პირდაპირ გეტყვი, მე შენსავით მხდალი არა ვარ: ჯუანის სიკვდილი შენი ბრალია.

— ვაი მე! — ამოხეთქა შიშისა და ორთოლვის შადრევანივით სიდონს გულიდან. — ვაი მე! ძია ფრიდონ!.. ბატონო ფრიდონ! რა სასტიკი, რა უღმობელი ადამიანი ჰყოფილხართ!

— არა, სიდონი, არა! პირიქით, პირიქით! მეტად გულკეთილი, თითქმის გულჩვილი ადამიანი ვარ. შენისთანა უბედურს რომ ვხედავ, თითქმის ცრემლი მომდის. მაგრამ ჩემი მოვალეობა მიკარნახებს ზოგჯერ გული გავიმკაცრო, გა-

ვიმძაფრო. აი, ეხლაც ასე ვიქცევი. გეუბნები: შენ რომ პირნათლად შევესრულებინა დედის ვალი, შეიძლება ჯუანშერი ეხლაც ცოცხალი გყოლოდა.

— ვაი შე, უბედურს, ვაი შე! — ჰკენესის დედა.

— ნუ შეშინდი, გამაგრდი! სიმართლეს მონელება უნდა შენ სრულად — ლიფით გაეჭეცი მას. პირველად შენვე უმაღლესი შენი ბრალი და ასე მოისაზრე: ან უნდა თავი მოვიკლა, ან კიდევ... ან ჯუანშერი არ მომკვდარაო, თავის მოკვლა ვერ გაჰბედე, ეს შენვე მითხარი. მართალს ვამბობ თუ არა?

— ვერ გავბედე. — ოხრავს სიდონია.

— მადლობა ღმერთს, რომ ვერ გაჰბედე. ეგ სულმდაბალთა ბედია. მაგრამ შენ უარეს გზას დაადექი. შენი თავი დააჯერე, და სხვებსაც აჯერებ — შვილი არ მომკდომიაო. ის კი აღარ იფიქრე, რომ შენი თავი მთელ ქვეყანას მასხარად აავდებინე.

— მასხარად?! — ჰგმინავს სიდონია.

— დიალ, დიალ! ყველა დაგცინის, მასხარად გიგდებს.

— ვაი ჩემი ბრალი! — სჩივის შეღახულ თავმოყვარეობას ქალი.

გარდა ამისა, სიდონი, შენისთანა დანაშაული ას მილიონ დედას ჩაუდენია.

— მართალია, მეც გამიგონია. — ეჭიდება სანუგეშოს ბრალდებული.

— მაგრამ არც თავი მოუკლავს ვინმეს, არც შენსავით ახირებულა.

— მა'შ... — ეძებს ახალ სანუგეშოს დამნაშავე დედა.

— ეხლავე გეტყვი. შენ დაგავიწყდა, სიდონი, რომ ორი გზის გარდა არსებობს მესამე გზაც.

— რომელი? — თითქო ძილში ბუტბუტებს დედაკაცი.

— ნამდვილში ეს მესამე გზა ერთად-ერთი გზა არის, და ამ გზით მიდიან დედები, უკლებლივ ყველანი. გაიგონე და დაიხსომე: დედას რომ შვილი მოუკვდება, დამარხავს, იტირებს, იგლოვებს და შემდეგ ისევ თავის გზით წავა. მეკითხები, რომელი გზითა? ამასაც გეტყვი: ამ ქვეყნად პირმშოს სიყვარულის გარდა არსებობს მოვალეობაც.

— რის, ვის წინაშე? — ძლივს-ღა ესმის ექიმს.

— მოვალეობა წინაშე ქმრისა, მშობლებისა, დანარჩენ შვილებისა, სამშობლოსი და მომავალ თაობისა, ვაიგე?.. გესმის?

— მესმის... ვაიგე.

— ეხლა სთქვი, გწამს თუ არა ეს მოვალეობა?

სიდონია სდუმს.

— ჰგოდნობ თუ არა, სიდონი, ამ მოვალეობას?

სიდონიამ თავი დაჰხარა, ერთ წერტილს ჩააცივდა და წაილულლულა:

— ვგოდნობ... წინაშე ჩემი ჯუანშერისა. — და ისევ ოცნების მდინარეს მისცა თავი; — ჩემი ჯუანი... ბიჭი... ბიჭიკო... ბალი... ზამბახები... თეთრი კურდღელი... ცხელა, ძალიან ცხელა... მზემ არ დაჰკრას... თეთრი ყვავილები... თეთრი ზამბახები...



\* \* \*

დორაშვილს ისევ სიღონიას მაჯა უჭირავს, ხოლო მეორე ხელს აქვს დადებული და ცდილობს გაღმა გასულს ხმა მისცეს:

— ყური მიგდე, სიღონი!

— თეთრი ხამბახები... თეთრი კურდღელი...

— ყური მიგდე-მეთქი, სიღონი! გაიგე, დაიჯერე, შენი ჯუანი შერი მოკვდა! მოკვდა!!

სიღონია ყურს იყრუებს, პროფესორი კი დაეინებით აბავს ერთმანეთს შეცნობისა და ქვეშეცნობის ქვეყნებს და ჰლამობს გაღმელი ისევ გამოღმა გამოიყვანოს:

— შენი შვილი მოკვდა მეთქი!! ეს შენც იცი, ძალიან კარგად იცი!— უტკეპნის გონებას ექიმი.— ბრალი რომ შენც გეღება, ესეც იცი! კარგად იცი!! მაგრამ— ინუგეშე თავი— მარტო შენ არა ხარ დამნაშავე. შენ ბიძინამ წაგიყვანა ბაკურიანში.

— ბიძინამ... ბიძიმ... დავბრუნდეთ, ბიძი, თორემ ჯუანი ავად არის...

— ბიძინამ მოგატყუა, განგებ დაგაგვიანა! გაიგე? ბიძინამ დაგაგვიანა მეთქი! მაშ ბრალი ბიძინასაც ეღება!

— ბიძინას ბრალია, ბიძისა.— უხარიან სიღონიას.

— უფრო იმისია, იმისი!.. გაგაბრიყვა! წაგიყვანა! დაგაგვიანა!.. ამიტომ სინიდისი ვიმსუბუქდება... ამიტომ ნულარ კერპობ! თვალები გაახილე და აღიარე, რომ შენი შვილი მოკვდა! მოკვდა! მოკვდა!!

— მოკვდა.— თითქო თანახმაა სიღონიაც.— მოკვდა... იმანაც მითხრა, ბიძინამ.

— როდის? სად?— უკვირს ექიმს.

— რამდენჯერმე... თავის ოთახში. ძალით წამიყვანა... არ მინდოდა. არც ეხლა მინდა, ბიძი!.. გამანებე თავი. ფუჰ, რა საძაგელი ვინკე ხარ!.. ეს უკანასკნელი იყოს. ჩემი ფეხი აქ აღარ იქნება. შენი ბრალია ჯუანის სიკვდილი, შენი! საზიზღარო! სალახანავე!

— შერე, შერე, რა გითხრა?

— თავი ჩაჰქინდრა, დარდმა მოიცივა... მე კი წამოვედი.

— გიყვარს, ბიძინა, სიღონი?

— მაინც მიყვარს... რადგან ვილაც უნდა მიყვარდეს... არ მესმის, როგორა სძლებენ უსიყვარულოდ... მიყვარს ბიძინა და ჯუანი.

— გაიგე, სიღონი, ჯუანი მოკვდა მეთქი! მოკვდა! მოკვდა! გაიგე, შეიგნე, თვალი გაახილე!

სიღონია თვალებს ახელს, გაცეცებით აცეცებს და თავის გვერდით მჯდომ ექიმს ეკვირის, თითქმის ეხუტება და ჩვილი ხმით იცრემლება:

— ფრიდონ, ძია ფრიდონ! მიშველე, დამიფარე...

— რისგან, ვისგან, სიღონი?

— მტანჯავენ, მაწვალებენ...

— სთქვი, ვინა გტანჯავს, რა გაწუხებს?

— ბრალი... ჩემი და სხვისი ბრალი... და ისიც, ისიც.



— რის ბრალი, ქალო? ან სხვისი ბრალი შენ რად გაწუხებს? ამოიღე ხმა, გამაგებინე!

— ისა მტანჯავს... ბრალი იმისია, მე კი ვიტანჯები. არ მასწავლებს, აქამდე დამდევს... ზოგჯერ აქაც მოდის, ზოგჯერ ქუჩაში მხედება. მძულს, მეზიზღება, მაგრამ ვერც მე ვძლებ უიმისოდ. დამიფარეთ... მიშველეთ...

და საფრად ექიმის მკერდს ხმარობს, ხელებს მკერდსა და მხარბეჭზე უფათურებს, ელამუნება.

— მითხარი, ქალო, სახელი მითხარი მეთქი!

— სახელი? ჰო, მართლა... სახელი.— თითქო გონზე მოდის, ზეზე დგება და თმებს ისწორებს. მერე სევდით აცხადებს:— ვერა, ძია ფრიდონ, თქვენ ვერ მიშველთ.

ექიმიც წამოდგა. გაიარა.

მუდამ, როცა დორაშვილი სიდონიას გულს თითქმის გახსნიდა, მღვრიე ნაკადივით ვილაც მესამე შემოიჭრებოდა, ხელს შეუშლიდა. მხოლოდ დღეს, მესამე თვის დამღევს, შემთხვევით გაიგო მისი ვინაობა. ვილაც სტუდენტია— ბიძინა.

მარტო სიდონია რომ ჰყოლოდა, მქეჯნავთან ბრძოლას გაუადვილებდა, შვილის სიკვდილს აღიარებინებდა, ეხლა კი ვილაც მესამე უხლართავს გზებს და გავლენით ექიმს ეცილება.

— სიდონი, რაკი არ შენდობი, ჩემი აქ მოსვლაც მეტი ყოფილა. მე წავალ. მშვიდობით იყავი.

— მართლა მიდიხართ?!— უმაღ მობრუნდა და გაცოცხლდა სიდონია.— ძია ფრიდონ, დაიცადეთ. იქნება გაწყენით რამე? მაპატიეთ, ძია, მაპატიეთ.

— არაფერი მწყენია, სიდონი... ოღონდ თავი უნდა დაანებო იმას.

— ვის, ძია, ვის?

— შენც იცი. იმას— წელან რომ სთქვი, მტანჯავსო. თავი დაანებე მეთქი, სიდონი. ქმარიც გყავს, დედაც, შვილიც. მოუარე შენს თავს, პატარა კატოს და ოჯახს, თორემ... მერე ნულარავის დააბრალებ.

სარკმელთან იდგა, თითით რაფას აკაკუნებდა და ქუჩას ათვალევრებდა. დარცხვენილი სიდონია კი თითებს იმტვრევდა, იატაკს ჩასცქეროდა.

ქუჩის გაღმა, ტროტუარზე, ვილაც ახალგაზრდა იდგა და პაპიროსს აბოლებდა.

— სიდონი, აქ მოდი. რაღაც უნდა გკითხო.

— მკითხეთ.— და ადგილიდან ვერ დაიძრა.

დორაშვილმა ხელში ხელი წაავლო, სარკმელთან მიიყვანა.

— აგერ იმ სახლში, ამ სახლის პირდაპირ, ვინა ცხოვრობს?— და თითით უჩვენა ერთ-სართულიანი პატარა სახლი, და თითი, განგებ თუ უნებურად, იმ ახალგაზრდისკენ გაიშვირა, რომელიც ხეს მიჰბჯენოდა და ისევ პაპიროსს ეწეოდა.

სიდონია შეკრთა. გაშეშებული იდგა მოხიბლულივით და გაღმა წერტილს აშტერდებოდა თან მკერდით უცნაურად ლელავდა.



— სიღონი, აქეთ მოდი.—თითქმის ძალით მოაშორა სარკმელს და დაიხრია.  
დღეს მე შენი სტუმარი ვარ. რას იტყვი?

—სტუმარი? მართლა, სადილის დრო მოვიდა. ღმერთო ჩემო, მაგანვე სტუ-  
რალა მინდა! მაგრამ... თქვენი საკადრისი რომ არაფერი მაქვს.

— დამშვიდდი. არც არის საჭირო. მე ჩემი გემო მაქვს. შენ აქ დატ-  
რიალდი, მე კი წავალ და ნახევარ საათში დაებრუნდები, ხომ კარგი?

— სიამოვნებით, ღიადი სიამოვნებით!—ღ დატრიალდა:—დედი! დედილო!  
აბა, დატრიალდი... დაამზადე... გამალე...

სტუდენტი ტროტუარზე დასეირნობს. დორაშვილმა გვერდით გაუარა და  
თვალეში ღიმილი ჩაისხა.

სტუდენტმა ქუდი მოუხადა, რადგან პროფესორმა შორიდანვე თვალი  
დაადგა.

— გამარჯვება, ბიძინა!—და შესდგა.—მგონი ბიძინა გქვიან, არა?

— დიად, დიად, ბიძინა მქვიან.

— გიცნობ, კარგა ხანია გიცნობ. გვარი კი დამავიწყდა.

— მარგიშვილი გახლავართ.

— ბიძინა მარგიშვილი. ბოტანიკოსი ხარ, არა?

— დიად, დიად.—უფრო ესიამოვნა ბიძინას.

— წამო, ბიძინა, გავიაროთ.

მკლავში მკლავი გაუყარა და წაიყვანა, თან ეუბნებოდა:

— ასეთ შემოდგომას ვერსად ნახავ. სხვაგან ზამთარია, აქ კი,—გაიხედე—  
სუფთა ცა, აპრილის სითბო და გაზაფხულის მზე.

— დიად, სითბო... მზე... გაზაფხული.—უდასტურებს ბიძინა.

ათი წამის შემდეგ კი პროფესორი ეკითხებოდა:

— ჰა, შენ რას იტყვი, ბიძი? ქალი ისტერიული ფსიხოზით არის დაავადე-  
ბული, ის კი—ვილაც ახალგაზრდა—ალარ ასვენებს. რას იტყვი მეოქი, ბიძი-  
ნა, ასეთ ვაჟზე?

ბიძინა იშმუშნება და ბორძიკობს:

— მე მგონია... ყოველ შემთხვევაში... ის ვაჟი რაინდი არ უნდა იყოს.

— მეც აგრე მგონია.—და თვალში თვალს უყრის. მერე ხაზგასმით ურ-  
ჩევს:—იმედია, ის ვაჟი ამიერიდან რაინდივით მოიქცევა. მშვიდობით, ბიძინა,  
მშვიდობით!

\* \* \*

პროფესორი მხოლოდ სადილის წინ ათვალეებს გაზეთს. სხვა დროს  
არა სცალიან. თავდაპირველად შავ ჩარჩოებს გადაავლებს თვალს—წასულების  
გვარებს წაიკითხავს.

ენლაც მეოთხე გვერდს დაჰხედა და შეკრთა.

„.....აუწყებენ, რომ სტუდენტი ბიძინა მარგიშვილი ტრალიკულად დაი-  
ღუპა...“

ქრონიკას ჩაადევნა თვალი და იპოვნა: „გუშინ, დილის სამ საათზე, „არ-  
ტოს“ კლუბის მახლობლად უცნობმა ორი ტყვიით მოჰკლა სტუდენტი ბიძინა“

მარგიშვილი. როგორც სჩანს, მოკლულსაც უსვრია ორჯერ. მკვლელი მოიშალა. გამოძიება სწარმოებს”.

დორაშვილი წამოდგა, დაფაცურდა, ისევ ჩამოჯდა, ისევ ჩაჩქინდა და ისევ წამოდგა.

ნახევარი საათის შემდეგ ედიშერმა გაულო კარები.

— გამარჯვება, ედიშერ!

— გაგიმარჯოს. ძია ფრიდონ. მობრძანდი.

ტალანში ბინდია. და ამ ბინდში ორი წყვილი თვალი ერთმანეთს მიეხეზინა. დიდხანს აწვებიან, თითქო დავობენ—რომელი რომელს მოსტეხავსო.

ექიმს ხელში გაზეთი უჭირავს. ედიშერს თვალები ერთი წუთით ამ გაზეთზე გადააქვს, მერე ისევ დორაშვილის თვალებს ახლის. თითქო გაიგო, ან მებრძოლს ველარ უძლებს: ტუჩების კუთხეში ღიმილის მსგავსი ელვა აიგრინა, თვალები ჩაიკეცა, მოარიდა.

— სტუმარი არ გინდა?—ცივად ეკითხება ექიმი და პალტოს იხდის.

— ძია ფრიდონ!—თითქმის ჰკივის სიღონია კარებში.—ძლივს, ძლივს არ მოგვიგონეთ! რა არის, ღმერთმანი, რად დამივიწყეთ?!—

და მკლავზე ეკვრის, თითქმის ეხვევა.—ცოტა ადრე მოხვიდოდით, სადილს გაჭმევდით.

— მადლობელი, გიახელი... სიღონი, ეგ კურდღელი ველარ მოიშორე?

ვერა, ვერ მოიშორა სიღონიამ. ან ვის რას უშლის ეს კურდღელი, საკვირველია. სიღონიასთვის კი ერთად ერთი გასართობია.

ექიმი დაღვრემილია. ყველას და ყოველივეს ათვალერებს, თითქო პირველად ჰხედავსო. ზოგჯერ თვალი ედიშერზე გადააქვს. მაგრამ ედიშერიც აშლილია. მოუსვენრად ზის. აღარ იცის, სად წაიღოს თვალები და ხელები.

სიღონია ჯერ კიდევ ჰფეთქავს და ცდილობს სხვებიც გააცინოს. მაგრამ თვისი გუნება რომ ვერ გადასდო ქმარსა და სტუმარს, უმალ მათივე შეისრუტა და თვითონაც მოიღუშა.

ოთახში დუმილი ჩამოწვა—უბეში, მძიმე და შემხუთავი.

ედიშერმა დრო იხელთა:

— ძია ფრიდონ, ბოდიშს ვიხდი.

ექიმი შეკრთა. თითქო გაუხარდა კიდევაც.

— შიდიხარ? გეჩქარება?

— ძალიან მეჩქარება.

— კარგი, წადი. სიღონია გამართობს.

— ახალს რას მეტყვით, ძია ფრიდონ?—ეკითხება სიღონია, როცა ედიშერი გადის.

— ახალს? ახალი შენ უნდა მიაშპო. გაზეთს ხომ კითხულობ?

— როგორ არა, ვკითხულობ. მაგრამ დღევანდელი არ წამიკითხავს.

— რატომ?

— არ მოუტანია. ედიშერმა მითხრა, დღეს გაზეთი არ გამოსულაო.

— მართლა?... შეიძლება...—და რალაცას ჰფიქრობს, თითქო ბრძოლის

გვემას აწყობსო. მერე მიიხედ-მოიხედა და წამოდგა:—ეს რა აშხავია, სიდონი! ოთახი რად დაგიბნელებია?! ფანჯრების დარაბები რად მიგიბურავს?—და გამოსალეზად წავიდა.

— ნუ, ძია ფრიდონ, ნუ გაალებთ!—წამოდგა სიდონია.

— რატომ, ქალო?—შესდგა ექიმი.

— იმიტომ... რადგან...—აირია სიდონია.—არ მესიამოვნება, მეხამუშება.

— რა გეხამუშება, სიდონი?

სიდონიამ სავარძელი მოატრიალა, დაჯდა, ზურგი სარკმელს მიუბრუნა და უპასუხა:

— არაფერი. თუ გნებავთ, გამოალეთ.

ექიმმა დარაბები გამოალა. ოთახში თეთრი შუქი შემოიჭრა. გარეთ ნადრევი ზამთარია. თოვს. ქალაქი გათეთრებულია.

— სიდონი, პასუხს ველი: რა გეხამუშება მეთქი?

— არაფერი, ძია ფრიდონ.

— არაფერი? მაშ მე თვითონ გეტყვი.

— ბრძანეთ.

— გარეთ ზამთარია, სიდონი.

— ზამთარი? ხა-ხა!—და მხრები შეიშმუშნა.

— დიად, ზამთარია, თოვლია. შენ რას იტყვი, ქალო?

— არ ვიცი.

— როგორ თუ არ იცი! გარეთ გაიხედე და სთქვი, ზამთარია თუ ზაფხული?

— ზაფხულია... ცხელა.

— ზაფხული? მაშ თეთრ კაბასაც ალბად მაგიტომ არ იშორებ.

— რა თქმა უნდა! ზაფხულში თეთრი სჯობია. სხვა კაბაში მცხელა.

— ეხლაც გცხელა, სიდონი?

— რა თქმა უნდა! ძალიან ცხელა. ტყეში ფიჭვი დნება... ბალი ყვავილებით არის სავსე... ზამბახები, ვარდები, შროშანები...

— სიდონი!—მკაცრი ხმით უძახის ექიმი.

— ბალში ჯუანშერი დარბას.—თითქოს არ ესმის ექიმის ხმა.—ზამბახებს ჰრწყავს. მერე კურდღელს მომართავს და დაუკრავს. აი, მესმის... უკრავს.

და თვითონაც კურდღელს აჩბაკუნებს, რომელიც ვალსის ერთ მუხლს აფლარუნებს. მერე უმაღ თვითონვე აჩუმებს, თითქო კურდღელის ხრილისა შეეშინდაო:

— ნუ, ბაქიავ, ნუ... გაჩუმდი, გაჩუმდი... ისევ ღუმილი სჯობია, ღუმილი და გარინდება.

— სიდონი, გარეთ გაიხედე და სთქვი, რასა პხედავ?—და ხელში ხელი წაავლო სარკმელთან მისაყვანად.

— ნუ, ძია ფრიდონ, ნუ მიმახედებთ. არ მესმის, ღმერთმანი, ვისთვის რა საჭიროა ჩემი გამოფხიზლება!

— შენთვის არის საჭირო, სიდონი, შენთვის. ისევ შენთვის და შენი ნათესავეებისთვის: შვილისთვის, ქმრისთვის, დედისთვის.

— მჯერა. ჩემთვის კი საჭირო არ არის.

— სიდონი, თვალის გიჭრის და გონებაც. კარგად გაიგე და შეიგნე—ზამთარი მოვიდა.

— ზამთა-ა-ა-რია-ა-ა ჰე-ე-ეი...—დაიწყო ლილინით სიდონიამ ღ დაუმატა: —პირველი მითხარით, ძია ფრიდონ!

— სიდონი, არც შენა ხარ სიმღერის გუნებაზე, არც მე მემღერება. თუ ხუმრობას თავი არ დაანებე, მე წავალ.

და წამოიწია. სიდონია ორივე ხელით მისწვდა მკლავში:

— რა გინდათ ჩემგან, ძია ფრიდონ, რა გინდათ?—შეეხუტა.

— მითხარი, რასა ჰხედავ გარეთ?

— მეტი არაფერი? მაშ გეტყვით: თოვლს—მეც ვხედავ თოვლს—ამ კურდღელივით თეთრ თოვლს.

— მაშ რა დროა ეხლა, სიდო, ზაფხული თუ ზამთარი?

— ვთქვათ ზამთარია, მერე?

— მაშ რად ამბობ, ვითომ ეხლა ზაფხული იყოს, ვითომ წალვერში იჯდე და შენი ჯუანშერიც ბალში თამაშობდეს?

— იმიტომ რომ...—და მიუჩნდა.

— იმიტომ რომ—ამთავრებს სიდონიას ნაცვლად დორაშვილი—იმიტომ რომ დრო ვერ გადაგილახავს, სიდონი. თუ სთქვი—ეხლა ზამთარიაო, ისიც უნდა აღიარო, რომ ზაფხულის დასასრულს შენი ჯუანი მოკვდა!

— ისევ მოკვდა! მხოლოდ მოკვდა! ღმერთო ჩემო, მუდამ მოკვდა და მოკვდა!—ჰკენესის კერპი დედა.

— ხომ გჯერა სიდონი, რომ ეხლა ზამთარია, ხოლო ზაფხულში—მგონიოც აგვისტოს ჯუანი მოკვდა?

— მე თვალის ვხედავ ზამთარს. ყურით და გონებითაც მესმის—ჯუანი მოკვდაო. ვადასტურებ ამას. ეხლა ხომ დამშვიდდით, ძია ფრიდონ? მაგრამ...

— მაგრამ რაო?

— მაგრამ... მე ამას არა ვგრძნობ, ძია ფრიდონ. ჯუანი მოკვდა, სალომეს მოუკვდა. მე კი ჩემი შვილის სიკვდილს არა ვგრძნობ.

— მაშ რასა გრძნობ, ქალო?

— ზაფხულია... ცხელია... ფიჭვი დნება...

— ისევ?!

— ბალში ჯუანი თამაშობს... თეთრი ზამბახები... თეთრი ყვავილები... თეთრი კურდღელი... აი, წელანაც ვგრძნობდი, და ეხლაც ვგრძნობ ჩემს მკერდსა და მკლავებზე ჩემს ბიჭიკოს—პატარას... პაწაწინას... პაწაწიკინტელას. თქვენ კი გსურთ ჩამაგონოთ, ვითომ ჯუანი მომკვდარიყოს... თქვენ გსურთ ბედნიერ ზეციდან უბედურ მიწაზე ჩამომიყვანოთ, არ ვიცი კი—რისთვის, რისთვის?

— ვიმეორებ, სიდონი, შენთვის, ისევ შენთვის მეთქი. შენ მიწა უბედურ

ქვეყნად მიგაჩნია, ზეცა კი—სამოთხედ. აი, აქა სცდები, სიდონი. აქ არის შენი სენის სათავე. მე კი გეუბნები: მარტო მიწაზეა ჭირიც და ლხინიც, კმუნეაც და სიხარულიც, სიცოცხლაც და სიკვდილიც. იქ კი—შენგან მოგთნილ ცაში— არც ერთია, არც მეორე, არც მესამე. იქ არაფერია, სრულგზისაა—  
გარდა ისევ შენგანითვე შეთითხნილ სიცრუისა.

— იქ ჯუანია, ჩემი შვილია... ილია.—უკვე იცრემლება დედა.

— ჯუანშერი მიწაშია, სიდონი. იქ კი მხოლოდ მისი ლანდია—ისიც ცივი, მშრალი, უსულო და უსისხლო.

— თბილია... ილია, ძია ფრიდონ, თბილია ჩემი ბი... ბიჭიკო... ჭიკო.

— თითქო თბილია ხუთი წუთით, როცა გულყრა მოგდის. და ამ ხუთი-ოდე წუთისთვის შენ სწირავ შენს პირად სიცოცხლეს, მოვალეობას, ბედნიერებას, დედას, ქმარსაც და მეორე შვილსაც—კატოს, პაწაწინა კატუშას.

— კატუშას, ჩემს კა...კატუშას.

— და შენც იტანჯები, მუდამ იტანჯები.

— ვი...ვიტანჯები...ანჯები...

— მეც ვიცი, სიდონი, რაც ხდება შენს გულში: ცეცხლი გეკიდება. მართალია თუ არა?

— მეკი... მეკიდება... მართა... მართალია... თალია... ალია...

— მაშ ნულარ აწამებ სხვებსაც და შენს თავსაც. გამოტყდი, რომ ეხლა დეკემბერია.

— დე... დეკემბერია... ბერია.

— ზამთარია-თქო!

— ზა... ზამთარია... არია.

— შენი ბიჭიკო, შენი ჯუანი მოკვდა!!

— ჩემი ბიჭიკო... ჭიკო! ჩემი ჯუ... ჯუანი... ანი!

და კვლავ მიიღულა, მიიბნიდა, გადასახლდა:

— ჯუ... ჯუანი. ზაფხულია... ულია. ცხელა. ზამზახები... ბიჭიკო... ჭიკო.

თუთრი კურდღელი... ელი.

ექიმი აიმრიზა, მოიღუშა. მოჰბეზრდა სუსტი დედაკაცის უდრეკი სიკერპე და ჭინიანი აჩემება. ოთხი თვე გავიდა, რაც თავთ დასტრიალებს. მრავალჯერ მიიყვანა გამოფხიზლებამდე, მაგრამ სიდონია სწორედ მიჯნაზე დახუჭავდა თვალებს და გადაფრინდებოდა გაღმა.

დორაშვილს კიდევ მოეპოვება მარაგად შენახული ხურხი. დღემდის არ იზმარა—სათუთია, საფრთხილოა. დღეს კი...

დღეს მეტი გზა აღარ აქვს. რაც გამოვა—გამოვიდეს, მოსახდენი მოხდეს!

— სიდონი, ყურ მიგდე!—უნერგავს ყოველ სიტყვას.—გაიხსენე ბიძინა ბარგიშვილი!

— ბიძინა... ბიძი...

— შენი ბიძინა ქალაქში დადის,—ჩქარობს ექიმი საბაასო ძაფის გაბმას,— დადის და მთელ ქვეყანას უამბობს: სიდონია ჩემი საყვარელიაო.

ქალი გახევდა, გაინაბა. დორაშვილი კი მკაცრად მიაბიჯებს თავის გზით:

- სიღონი, შენი ბიძინა სალახანა ყოფილა!
- ვაი მე! — აბორგდა სიღონია.
- ყველგან თავი მოგჭრა!... შეგარცხვინა!... სახელი გაგიტეხა!
- გამიტეხა!... შემარცხვინა!
- სალახანა! ჰარამზადა!! — უტკეპნის დორაშვილი.
- სალახანა!... ჰარამზადა! — ბრაზით იმეორებს სიღონიაც.
- საზიზღარი! საძაგელი!!
- უუჰ, საზიზღარო!... საძაგელო!!
- ჯუანიც ბიძინამ მოჰკლა!
- ბიძინამ მოჰკლა, ბიძინამ!

— ამიტომ თვითონ ბიძინაც სიკვდილის ღირსია! — გამოაქვს განაჩენი დორაშვილს.

- ღირსია, ღირსი! — აღარ ინდობს სიღონიაც.
- მაშ მოკვდეს!! — ჩასძახის ექიმი.
- მოკვდეს! მოკვდეს!! — ამოსძახის სიღონია.
- აჰა, მოვკალი!! გაიხარე!!
- უუჰ! — სიხარულით ჰგმინავს შურ-გებული ქალი. — აგრე! აგრე!.. დაჰკა!

დაჰკარი!!

— ბიძინა მოკვდა, სიღონი! შენი და ჯუანშერის შური ვიძიე. სიღონი, ჯუანიც მოკვდა!

- მოკვდა... — ძლივს ესმის ექიმს.
- კარგად დაიხსომე: ჯუანშერიც მოკვდა!!
- მოკვდა... მოკვდა. — თითქმის სტირის სიღონია.
- ჯუანი ოთხი თვის წინად მოკვდა, სიღონი! ბიძინას კი დღეს მარხავენ, დღეს! დღეს!!

— დღეს მარხავენ... საწყალი. — უკვე იბრალებს შურ-გებული.

— გაზეთშიც განცხადებულია. მსხვილი, შავი ასოებით სწერია. წაიკითხე! წაიკითხე!! წაიკითხე!!! — ლურსმანივით ჩაურკო, ხელები მოაშორა და დაჯდა.

სიღონიამ თვალები გაახილა და წამოიჭრა — თითქო სულში გრიგალი აუვარდაო: შეპრწუნებული, აფორიაქებული, იმ გრიგალისგან ბუმბულივით მოტაცებული. დიდრონი თვალები დაუფროხა და თვითონაც დაფრთხა. ირგვლივ იხედება, გიჟურ თვალებს აცეცებს — რალაცას ეძებს, ჰსურს რალაცა იპოვნოს.

და იპოვნა: გაშლილი გაზეთი უკვე წინ უდევს, და იმ გაზეთის კუთხეში, სამგლოვიარო ჩარჩოში სწერია — მსხვილი, შავი ასოებით სწერია:... ტრალიკულად დაიღუპა ბიძინა მარგიშვილი.

თვალები მოიფშვნიტა, თითქო გამოფხიზლდა და ისევ გაზეთს დააშტერდა.

- მოკვდა, სიღონი. — ჩუმი ხმით შველის ექიმი.
- მოკვდა. — თითქო ჰბოდავს სიღონია.

— ბიძინა მოკვდა, სიდონი!—აჩვილებული ხმით იმეორებს დორაშვილი.

— ბიძინა მოკვდა... მოკვდა.—ამოძახილივით ამბობს სიდონი და შე-  
ბღს ისრესავს.

დორაშვილმა წელზე ხელი მოჰხვია, მიიხუტა და დამდნარტ [ხმით] ჩასუნსა  
ყურში:

— ჯუანშერიც მოკვდა, სიდონი!

— ჯუანშერიც... ჯუანიც... ჩემი ბიჭიც.—უკვე თრთის დედა-კაცი.

— ჰო, სიდონი, ჰო! შენი ბიჭიკოც მოკვდა! მოკვდა! მოკვდა! რა-  
ტომ არ სტირი, უბედურო დედავ?! შენი შვილი მოკვდა მეთქი!

— ჩემი შვილი მოკვდა! ძია ფრიდონ, მიშველე!—და ორივე ხელით ექიმს  
ებლაუჭება გონმოსული დედა, თან ჰკანკალებს და ჰკივის:—ჯუანი მოკვდა...  
მოკვდა!.. მოკვდა!!

და თითქო მიწის გულიდან შადრევანივით ამოხეთქა ოთხი თვის დაგუბე-  
ბულმა ნალველმა და ვაებამ, გმინვამ და ცრემლმა, ურვამ და ხარხარმა.

დიდხანს ჰბორგავს და ჰკივის სიდონია:

— დედი—ებლაუჭება, შემოვარდნილ მართასაც,—დედი, მიშველე...  
ჯუანი მოკვდა!.. ძია ფრიდონ, ჩემი შვილი მოკვდა!.. ბიჭიკო მომიკვდა!!

ერთი საათის ბორგვითა და ურვით ნაცემ-ნაბეგვი დედა ეხლა მიბნედი-  
ლი ჰგდია და ნაწყენი ბავშვის სლუკუნით კვალდაკვალ მისდევს გამარჯვე-  
ბულ ექიმს:

— მართა... მართალია...ალია.

— ეხლა დიდი ვალი გაწევს, ჩემო სიღო.

— დიდი ვა...ვალი.

— კატო უნდა აღზარდო.

— ჩემი კა...კატო.

— ედიშერიც ცოდოა.

— მართა... მართალია. ცო...ცოდოა.

— ერთი ვაჟი მაინც კიდევ უნდა გააჩინო. არ გინდა, სიღო?

— მი...მინდა, ერთი ვა...ვაჟი მინდა.

— დროა ეს კურდღელი გადავადოთ, სიდონი.

— ჩემი ბა...ბაჭია...ჭია.

— არა, სიდონი, ეს კურდღელი შენი არ არის.

— იმის ნა...ნაჩუქარია... ქარია წა...წაიღეთ...აიღეთ.

— გარდა ამისა, ძალიან დაგტანჯა. ამიტომ ამ საძაგელს ამ სახლში ბი-  
ნა აღარ ექნება.

კისერი მოუგრიბა, თავი მოსწკევიტა, გაჰგლიჯა, კარი გამოაღო რ მართას  
გადაუგდო, თანაც მიაყოლა:

— დედი მართა, ეხლავე დასწვი.

ათიოდე წამის შემდეგ სიდონია ხელახლად ასლუკუნდა:

— კა...კატო! ედ...ედიშერ!

კაკატო რ ედიშერი კარებში სდგანან. პაწაწა ქალი თითით ტუჩებს იცო



ღვილებს, თან განიერი თვალებით დედას ეკითხება: „ისევ გეჯივრები თუ...თუ მოვიდო?“

მერე, დედის გამოშვებულ მკლავებს რომ დაინახა ~~ქვემოთ~~ ხალი სახელი—„კაკატო“ რომ გაიგონა, გაიქცა და ხელმეორედ წამოიწია ~~ღმერთს~~ ჩახუტა.

ნაპოვნი კი თითოს თითო მკლავით ეხვევა—ქმარსაც და გოგონასაც—და რიგ-რიგად ჰკოცნის ~~ღ~~ ფორხილობს:

— ჩე...ჩემი კა...კატო! ჩემო ედ...ედიშერ! ჩემი კა...კატუში...ტუში!—და ექიმის გამოწვდილ ხელს დასწვდა:—ძია ური...ფრიდონ, მშვიდობით...ობით!

შემდეგ როცა სული მოითქვა, წამოდგა და სარკეს მიუჯდა.

ეხლა სალომეს ნაცვლად იმ სარკიდან ისევ წინანდელი სიღონია იხედება—ოღონდ უფრო თეთრი, მოთელილი, ნამტირალი ~~ღ~~ სულდამჯდარი. თვალებიც აღარ უფრთხიან, აღარც უელავენ. მიბნედილან პატრონივით და დინჯად იბლიტებიან.

აღარც ხელი უხტის მკერდისკენ. აღარც თეთრი კურდღელი აქვს მიკრული. იმის ნაცვლად პატარა კატო უზის მუხლებზე და მისი თავი გულზე აქვს მიხუტული. ამ შვილის პაწაწა თათივ ლოყაზე უცაცუნებს, ჯუანშერის ხელივით, და ამ თითებსაც ჯუანის სითბო აქვთ ჩალვრილი.

სარკმელიდან თეთრ ოთახში თეთრი ზამთარი იხედება. სიღონიასაც თეთრი კაბა აცვია. წელანვე გაუკვირდა. ეხლავე აღგება და შავ კაბას გადაიცვამს. ჯერ კი შვილის აღერსით ძლება:

— ჩე...ჩემო კა...კატო! ჩე...ჩემო კა...კატუში! ჩემო კი...კიტი...იტი! დღე-იდან ჩემთან და...დარჩები სასა...მუდამოდ...ამოდ...



# ცემენტი

რომანი

1

## გავერანგული ქარხანა

1

ზულე-ზუნაბთან

ისე, როგორც სამი წლის წინად, ამ დილა ადრიადაც ყაზარმათა სახურავებ-  
სა და ქარხნის ცად შეკრულ კამარებს უკან ზღვა ადუღებულ რძესავით იკვიმე-  
ბოდა და დაფშხენილ მზის ნაკვერცხლებად კიანთობდა. ზღვასა და მთებს შო-  
რის მზის დაყრილ ჩინჩხლებისაგან ჰაერი ღვინისფრად იყო გარინდებული.  
(მარტის თვეს ჯერ კიდევ ვერ მოესწრო ნაყარ შტოებად ამოხეთქვა). ქარხნის  
ცად აზიდული მაღალი ბუხრები, რკინა-ტინობის უზარმაზარი შენობები, მყუდ-  
რო ახალშენის პატარა სახლები და სპილენძის ფრად ავარვარებული მთის ფერ-  
დები დუღდენ ღვარივით მოხეთქილ მზის ქვეშ და ყინულის ფორეჯებივით იმ-  
კვირვალებოდენ.

ამ სამ წელიწადში (თითქოს ეს გუშინ იყო): არათფერი არ გამოცვლილა. ეს  
ნისლიანი, დასიებული, მეწყერებით კალთებ დაღარული და ქვის სატეხებით  
ფერდებ გამოგლეჯილი ღორღიანი მთები— ისეთივე იყო, როგორც მაშინ, ბავ-  
შობისას. ჯერ კიდევ შორიდან მოსჩანდა მის კალთებზე ძველი მიტოვებული  
სამუშაო ადგილები, ბრემსბერგები, ღორღში, ბუჩქებში და ვიწრო ხეობებში  
გაბოვირებული ხიდები და ლიფტები. ძირს კი: ქარხანა, ისევ ისეთი: ქალაქი  
გუმბათებისა, კოშკებისა და წოწოლა სახურავებისა, ისევ ისეთი მთის დაფერ-  
დილ კალთაზე შეფენილი მყუდრო ახალშენი: ყოველი სახლის პატარა აივნის  
წინ ორ კვადრატულ საყენიანი პატარა ეზოები და ეზოებში ჩამოძონძილა  
ეკლის ხეები.

ტინობის დაღრეჩილ კედელს როგორც გასცდები, ქალაქის გარე-უბანს ქარხნის  
შიწა-წყლისაგან რომ ჰყოფს (უწინ ალაყაფი იყო, ახლა ღრეჩოა), მეორე ყაზარ-  
მა დგას. ამ ყაზარმაში გლების ბინაა.

წინ ცოლი დაშა შემოეგებება ქალიშვილით, საბელი: ნიურკა. გრძნო-  
ბამორეული მის მკერდს მიეყრდნობა და გაინაბება. დაშა სრულიად არ

მოელის მას და გლებმა არაფერი იცის თუ რა უბედურება გადაიტანა მისმა ცოლმა ამ სამი წლის განმავლობაში. რესპუბლიკაში არ არის არც ერთი ბილიკი, რომ ადამიანის სისხლით არ იყოს მორწყული: ვინ იცის, იქნებ, მხოლოდ გზად გაიარა აქ სიკვდილმა, იქნებ, არც შეუხედავს მუშების ქოხებში, ან-და, იქნებ, ცეცხლითა და ქარიშხალით გაანიავა მისი ზუდე-ბუნაგიც?

გლები მიდიოდა შედედებულ ღვინის ფერ ბრწყინვალეებით მოსილი მთის კალთაზე და ირგვლივ გაძარცულ ბუჩქნარსა და შინდის ჩირგვებს ყვითელი კვირტი გაეშვათ. ეჩვენებოდა: რომ ჰაერს, ახლა რომ ჰგალობს და ცახცახებს მის ირგვლივ, სადაფის ფრთა აუსხამს.

კედლის უკან, გატრამულ პატარა მინდორში დაქვარქნილი ბავშვები თამაშობდნენ, გველის თვალებიანი მუცელ გაბიზინებული თხები დადიოდნენ და ნეკერს ახრამუნებდნენ.

მამლები წითელ ბიბილოიან თავს მალლა სწევდნენ და გაკვირვებულნი კითხულობდნენ:

— ეს ვინ უნდა იყოს?

გლებს გულში სისხლი მოაწვა და ესმოდა რომ ეს ქვის სატეხებით დაღარული მთები, ეს ქარხნის ბუხრები და მუშათა სამოსახლოები გუგუნობენ იქ. სიღრმეში, მიწის ქვეშიდან მოხეთქილ უცნაურ გრუხუნით... ქარხანა. დიზელები. ბრემსბერგები. საამქროები. ლუმელთა მბრუნავი ცილინდრები.

მთიდან მოსჩანს, როგორ ედინება ძირს ზღვის ნაპირისაკენ, პირსებთან ტრიუმფალურ კამარებად, უზარმაზარ ასო H-ის მსგავსად ბაგირის გზათა ბეტონის დედაბოძები. ამ დედაბოძებზე ლარივით არის გაჭიმული ფოლადის ბაგირი ცაში გარინდებული პატარა რონოდებით და მათ ქვეშ ჟანგისფერი მდინარესავით, ჯუკანეთივით არის გაკიდებული რკინის დამცველი ბადე. და იქ, კაბოტაეის ბოლოში, კოშკის თავზე, — ელექტროს ამწეს ფრთები გასაფრენად გაუშლია.

კეთილი. ისევ — მანქანები და შრომა. შრომა ახალი — თავისუფალი, ბრძოლით მოპოვებული — სისხლითა და ცეცხლით. კეთილი.

ცელქ გოგოებივით იცინიან და პეტელობენ ბავშვებთან ერთად თხები. ირგვლივ დგას ღორის საწოლი ლაფის გუბები და მოდის იქიდან ნიშადურივით მძაფრი სუნნი. იქვე, გვერდით, აყრილი შამბი და ქათმებისაგან დასვრილი სკები.

რა უნდა აქ — თხებს, ღორებს, ქათმებს? უწინ ეს სასტიკად იყო აკრძალული.

ქვა და ბეტონი. ნახშირი და დულაბი. ნაცარი და ქვარტლი. ელექტროგადამცემთა აფურის სახურავები. ბუხრები: მთებზე მაღალი. უამრავი თვალის ამრევი სიმები მათულებსა. და აქვე — გლების ბოსლები. ეშმაკის კერძები! სოფელი მიუგდიათ აქ და სოფელიც გაშლილა, გაუყრია ფესვები და არის ყველგან ობი და ხავსი.

გზაზე მან დაინახა როგორ მოდიოდა მყუდრო ახალშენიდან ტუსტუსით სამი დედაკაცი, ილღიაში რაღაც ხარა-ხერა ამოეჩარათ. წინ — როკაპივით სახე-

დაპრანქული დედაბერი, ორი უკან მოჰყვებოდა—ახალგაზდები, ბოსიკური მეხედულების: ერთი—გათქვირული, ძუძუებ აფუებული და პირი მუდამ უცინის, თითქოს ძლივს იკავებდეს სიცილს, ტუჩები მოკლე და კბილები გაშორებული, მეორე—წითელი თვალები, ქუთუთოებიც წითელი, წყალმანკიერი, სახეზე თავსაფარით აქვს ჩამოფარებული,—სტირის, თუ ავადმყოფია?

უეცრად იცნო დედაბერი: ის ზეინკალ ლოშაკის ცოლია; უკან რომ მიჰყვება ღიმილით აყვავებული,—ის კი ზეინკალ გრომადას ცოლია, ის კი, საშუალო, —ვერ იცნო, ვინ უნდა იყოს, არასოდეს არ უნახავს.

როცა ქალებს გაუსწორდა, გზას აუქცია, შამბიანში გადადგა და სამხედრო სალამი მისცა:

— გამარჯობა თქვენი, ამხანაგო ქალებო!

ქალებმა მოიხედეს, აპხედეს ისე, თითქოს ის ვილაც მავნე მაწანწალა იყოს და მორიდებით, კუშტად გვერდი ჩაუარეს. მხოლოდ უკანასკნელი, პირმოცინარი ქალი აკისკისდა კაკანით შეშინებულ ქათამივით.

— ჩაიარე, ჩაიარე, ვილაცა ხარ! ყველა ოხერი და მაწანწალა აქ იტეხთ კისერს. ყველას რომ სალამი ვაძლიოთ, სად წავა...

— ეი, თქვენ, განა ვერ მიცანით, ვინა, ვარ?

ლოშაკის ბებერმა ცოლმა წკვარამად აპხედა მას (სწორედ ასე იცქირებიან ბებერი როკაპები) და ბოხი ხმით გლებს კი არ მიმართა, არამედ თავის თავს:

— ეს ხომ გლებია. ციდან თუ ჩამოვარდა, კარგს არას უნდა გვიქადდეს... სთქვა და წავიდა დაღვრემილი თავისი გზით.

გრომადას ცოლმა ჩაიციხა და არაფერი უთქვამს. მხოლოდ შორიდან, იქ, სადაც კედელი იყო, მოიხედა, შეჩერდა და კაქკაქივით გადმოსძახა:

— უჩქარე, ვაჟო, ფეხს აუჩქარე, ცოლთან წადი. თუ დაგიკარგავს,—მონახე, თუ მონახავ,—ისევ შეირთე...

გლებმა გაპხედა ქალებს და ვერ იცნო ისინი, ისინი სულ სხვანი იყვნენ: უქარებელნი და უხიაგნი. ეტყობა, ძლიერ დაუწეწია ცხოვრებას ქარხნის მუშათა ცოლები!

იგივე ლობე ორ კვადრატულ საყენიან ეზოსთან, იგივე ჩეჩმა ქუჩაში. დროთა სრბოლას და ზამთრის ჩრდილო ქარს გაუცვეთია ლობის გარბილები. ქიშკარს ხელი შეაელო—ერთიანად დაირყა.

აი ახლა გამოვარდება გარეთ დაშა და ოდნავ შეჰკივლებს. როგორ შეხვდება ახლა ის გლებს სამი წლის უნახავსა და სიკვდილსა და ცეცხლში გამოვლილს! იქნებ მას დალუპული ჰგონია იგი, ან—და ფიქრობს რომ დაავიწყდა, ვინ იცის, იქნებ ყოველდღე მოელის იგი მას, იმ შავბნელ ღამის შემდეგ, რა ღამესაც დასტოვა იგი ნიურკასთან ერთად ამ ქობში და გადაიკარგა?

მაზარა ლობის გადაღმა ბეტონზე დააგდო, მზარზე ჩანთის თასმები შეიხსნა და ისიც მაზარაზე დააგდო; და ჩანთასთან ერთად დაეცა მისი ქუდიც წითელფრთიანი ვარსკვლავით. შეჩერდა, მხრები რამდენიმეჯერ აიჩეჩა, ხელები მიიქნ-მოიქნია (მხრებში უნდოდა გამართულიყო და ოდნავ მაინც დაშვებულყო), და ყოველ ხელის მოქნევაზე ხალათის სახელოთი სახეზე ოფლს იწმენდა,

მაგრამ ოფლი მაინც არ აშრებოდა, — ღვარივით მოდიოდა. ამახვდა არვანს და დააკვირდა იქ, სადაც კარი იყო.

დასცხა, ხალათი გაიხადა და ისევ მოიქნია ხელი, — მაგრამ მაშინვე უეცრად კარი აჭრიალდა და —

დაშკა არის ეს, თუ სხვა ვინმე?

წითელ თავსაფრიანი დედაკაცი, ვაჟური საყელოებგადაკეცილი ხალათით, იდგა კარის ზღურბლზე, უცქეროდა მას წარბებ მოხუშული და წაწამთა შორის სთრთოდა გაოცება და ოდნავი შეკვივლება. და როცა გლების ღიმილი იცნო, შეხუშული წარბები გაიშალა უეცრად, შეიფრთხილა და თვალები ცრემლით აივსო.

დაშკა არის ეს, თუ სხვა ვინმე?

სახე (ნიკაპზე ხალი, პაჭუა ცხვირი), ყელის მოღერება, როცა ის რამეს აკვირდება, — ეს ის არის: დაშკა. და ყველაფერი ის, დანარჩენი (რასაც ვერ მოთვლი ერთ საათში) — უცხოა მისთვის, ათა ქალური, რაც არასდროს არ უნახავს მასში.

— დაშა, ჩემო ცოლო... ეხ, შენ ჩემო მტრედო!.. ა!..

ბეტონზე ქუსლი დაარტყა და გაშლილი მკლავებით მისკენ გაექანა, რომ მკერდში ჩაეკრა თავისი ცოლი, გულმა ცემა დაუწყო, ყელში მოაწვა და სახე უცნაურად დაემანჭა.

დაშა ისევ ისე იდგა კარებში, კიბის საფეხურთან გარინდებული და მისი გული გლებს შეჭურფინვიდა, მაგრამ მუხლებმა უსუსტეს და აღეწილმა მხოლოდ ეს-ლა მოახერხა:

— ეს — შენ?... ახ, გლე-ებ!..

და მის თვალთა შავ სიღრმეებში ცეცხლის წვეთივით ენთებოდა რალაც ჯერ შეუმცნობელი შიში.

აი გლებმა მოჰხვია მკლავები ვაჟკაცურად, ქმარულად, და მკერდში ისე მაგრა მიიკრა, რომ ქალის ძვლებმა ტკაცუნის გაიღეს ხერხემალში, გაუპარსავე სახით მის ტუჩებს დაეკონა — და დაშა დანებდა ქმრის ნებას, წავიდა ბურანში.

— აი... ხომ ცოცხალი ხარ, ხომ კარგად ხარ, ჩემო სიცოცხლე?... ა, — მელოდო, თუ დროს ატარებდი?... ახ, ჩემო ყველავე, ჩემო!..

დაშა მიეკრა ქმარს მკერდში, ვერ სცილდებოდა და ამღერებული ხმით ტიტინებდა ბავშივით მიზეზიანი:

— რას ამბობ გლე-ბ?... მე არც ვიცოდი... ახ, გლე-ებ!..

მაგრამ ყოველივე ეს მხოლოდ ერთი წუთით მოსკდა მისი ქალური მკერდიდან და სწორედ ამ ერთ წუთში იგრძნო დაშამ გლების წინანდელი ძალა და ეშხი თავის თავზე.

მაშინ (სამი წლის წინად), როცა ის ოჯახის ქალი იყო მხოლოდ და სასძლოსავით ჰყვოდა ბალასინებთან ერთად, ოთახში დასტანდაზე რომ იდგა, მაშინ ეს ქმრის ძალა და ნება იყო ტკბილი და სასურველი, გულში მყუდროება იყო

და სიმშვიდე, რადგან ის ჰგონობდა მაშინ, რომ მას არ გააჩნია ნების-  
ყოფა და ის მთლად ქმრის გამრჯელ და საიმედო მკლავზე იყო დანდობილი  
და თავმიცემული.

გლებმა ჯერ კიდევ კარგად ვერ მოასწრო მისი მოთენთევა, მას ანლა უნდოდა  
ხელში აეტაცა იგი და ასე ბავშვით აყვანილი წაელო ოთახში ისე, როგორც  
უწინ შვრებოდა ხოლმე ქორწინების პირველ დღეებში, რომ ამ დროს დაშამ  
მისი ხელები მტკიცედ, მაგრამ ალერსიან სიფრთხილათ მხრებიდან ჩამოიშორა  
და ქმარს შუბლ ქვემოდან გაოცებულ ღიმილით შეხედა.

— რა დაგემართა, ამხანაგო გლებ? ნუ შფოთავ—დამშვიდდი...

და კიბეზე ერთი საფეხურით ძირს ჩამოვიდა.

გაიღიმა.

— შენ ნამეტანი აბორგდი, მეომარო, ამ მშვიდობიანობის დროს... ვასა-  
ღები ბოქლომში არის. წყალი პრიმუსზე შეგიძლია აიდულო—ჩაი და შაქარი  
არ არის... არც პური არის. ქარხკომში შეიარე და შენ ხვედრ ულუფაზე  
ჩაეწერე.

ერთი საფეხური კიდევ ჩაიარა. თან გლებს უცქეროდა, იღიმებოდა  
ოდნავ და მის გაცრეცილ სახეზე იყო რაღაც უცხო და მისთვის უცნობი  
მზრუნველობა.

და ყოველივე ეს—შეურაცხყოფა კი არა—სილა იყო. მოვიდა ადამიანთან  
და ადამიანის მაგიერ კედელს შეასკდა თავით—სცხვენოდა და გულში იყო  
რაღაც აუტანელი ტკივილი. ხელები ისევ გაშლილი ჰქონდა და სახეზე ისევ  
სთრთოდა ღიმილი.

— ეს რაღა ჯანდაბაა!.. როდის მერე გახდა ის, ნეტავ მისი ამხანაგი?..

დაშას კიბე უკვე ჩაეარა და ახლა კიშკართან იდგა. ქმარს შუბლ ქვემოდან  
უცქეროდა და უღიზოდა.

დაშკა არის ეს, თუ სხვა ვინმე?

— მე ქალაქში ვსადილობ, სახალხო მკვებავთა სასადილოში, პურს კი  
ულუფად ვიღებ პარტკომიდან. წადი, გლებ, ქარხკომში შეიარე და თავი რეგი-  
სტრაციაში გაატარებინე პურის ბარათისათვის. მე ორი დღე დამავკიანდება—  
სოფელში ვარ მივლინებული... მანამდე კი მოისვენე, დალლილი ხარ...

— მოიცა... არაფერი მესმის... როდის მერე გახდი შენ ჩემი ამხანაგი?..  
მითხარ მაინც, რაშია საქმე?..

— მე ქალთა განყოფილებაში ვარ... განა არ გესმის?..

— ნიურკა?.. სად არის ჩემი შვილი?

— საბავშო სახლშია. წადი, მოისვენე... არ მცალია, გლებ. მერე ვალა-  
პარაკოთ... მოისვენე...

და წავიდა აჩქარებულ, განიერ ნაბიჯებით, უკან მოუხედავად და წითელი  
თავსაფარი ჯიუტად აღიზიანებდა მის თვალებს, ეძახდა მას თავისკენ და  
იცივნოდა.

და მერე, როცა დაშა ღრეჩოსთან მივიდა, მოიხედა და ქმარს ხელი  
დაუქნია.

გლები იდგა კიბეზე და გაშტერებული გასცქეროდა მიშავალ დაშას: ვერ მიმხვდარიყო რა მოხდა, ან რას ნიშნავდა ყოველივე ეს.

მოვიდა სახლში და ძლივს ეღირსა თავისი ცოლის <sup>ერქივნივლი</sup> ~~გდგმას~~ <sup>ქრახვეს</sup>, სამი წელიწადია არ უნახავს—ეს სამი წელი მან ომში და ცეცხლში გაატარა. ასევე იყო დაშაც. რა გზას დაადგა დაშა—ეს არ იცოდა გლებმა. და აი მათი გზები ისევ გადაჯვარედინდენ უცნაურად. შერთვამდე მათი გზები მიდიოდნენ ერთ-ერთის გასწვრივ, მერე ისინი აირივნენ ერთიმეორეში და შედუღდნენ ერთ ბილიკად. მერე ათას შემთხვევათა გამო ეს გზები ისევ გასკდა ორად და მიდიოდნენ ისინი ცალ-ცალკე უვალ გზებით და ბილიკებით, არაფერი იცოდნენ ერთიმეორის. იქნებ, ის—დაშა, წაეიდა წინ, ან-და, იქნებ, ისინი ახლა უცხონი არიან ერთიმეორისათვის და სიყვარული არ შეიძლება?

სამი წელიწადი. ვინ იცის, რა არ გადაიტანა ქალმა ამ სამ წელიწადში, რა არ განიცადა? ეს სამი წელიწადი, რომელიც გლებს ათას ამბავთა და განსაცდელთა ქარიშხალს მოაგონებდა,—როგორი იყო ეს წლები დაშასთვის?

აი მოვიდა ის თავის ბუდე-ბუნაგში, ერთ უთვისტომო შავბნელ ლამით რომ დასტოვა. აი ისევ ის ქარხანა, სადაც ის ლითონის მტვერით, ქვარტლითა და მანქანის ზეთით იყო შეგირდობიდანვე გაქლენთილი. ბუნაგი—ცარიელი და ცოლი, რომელსაც ვერ იშორებდა განშორების ღამეს, შეხვდა მას არა როგორც ცოლი... ჩაუარა გვერდით ცივად, უთვისტომო ლანდივით, სიზმარში რომ იცის გამოცხადება, ისე.

გლები კიბეზე ჩამოჯდა და ერთბაშად დაღლილობა იგრძნო. ამ დაღლილობის მიზეზი ის კი არ იყო, რომ მან ოთხი ვერსი გამოიარა რკინიგზის სადგურიდან, არა, ის მოჰქანცა ამ სამმა წელიწადმა და იმ გაუგებარმა შეხვედრამ ცოლთან, ასე მოულოდნელად რომ დაჰკოდა მისი გული.

რათ არის ასეთი მძიმე და უჩვეულო სიწყნარე ირგვლივ? რათ ფართქალობს ასე ეს ჰაერი და ისმის ყველგან მთელ ამ მყუდრო ახალშენში ქათმების შმაშური?

ის შენობებიც, შენობები კი არა, გამლხვალი ყინულის ნატეხებია და ეს მაღალი ბუხრებიც მოსჩანან ცისფრად. მინის ცილინდრებივით ბუხრის თავებზე არ არის ქვარტლი: ჩამოხვეტეს ის მთის ქარებმა და ერთ მათგანზე მეხთამრიდის ისარიც კი არის ძირიანად მოგლეჯილი—რისგან?—ქარისაგან? ადამიანის ხელით?...

აქ არასოდეს არ მდგარა ნეხვის სუნი და ახლა? აგერ ამწვანებულ მთის კალთებზე ბოსლებიც კი დგას.

ოდესღაც იმ კორპუსში, მთის ძირას რომ დგას,—ზეინკალთა საამქრო იყო—და სამსაყენიანი ფანჯრები ამ დროს თვალის მომკრელად ქათქათობდნენ მინათებულ შუის სხივებით, ახლა კი ჩალეწილ მინებში მოსჩანს შავეთი.

ქალაქიც, ნავთსადგურს ზემოდ რომ არის გაშლილი მთის ტაფობზე,—ისიც სხვაა: მოხუცებულა, ობი გადაჰკვრია, დამტვერილა, მთის კალთას გასწვრივია,—ქალაქი კი არა, მიტოვებული ქვის სატეხია...

...ამხანაგი გლებ... დაშას ღიად დატოვებული კარი და ცარიელი ოთახი.

ჩამქრალი, მივიწყებული ქარხანა... ის ქარხნის მუშა იყო—მერე პოლკის სამხედრო კომისარი, წითელი დროშის გმირი...

ლობეს მამალი მიუახლოვდა, თავი აიმაღლა და ცალი თვალით გვერდულად ბოროტად და უკარებლად გადმოხედა.

— ეს ვინ უნდა იყოს?..

ეს თხებიც, ცნობის მოყვარე გველურ თვალებს რომ ახამხამებენ და ქალური დრუნჩის ცმაცურით რომ ლაპარაკობენ რალაც სისულელეს უხმოდ!

— ჰაცვი, შე მამალი მგელის შესაქმელო!.. დაგხოცავთ, თქვე ღდინძალღებო, და ის იქნება!..

## 2

## წყვდიადი

იქიდან, ქუჩის გადაღმა, ყაზარმის ღია სარკმელიდან გლებს ჩხუბის ხმა მოესმა, ეს—მეკასრე სავჩუკი გუგუნებდა ბოხი ხმით და ეს კი—მოტია იყო, მისი ცოლი, გულგახეთქილ ქათამივით რომ კაკანებდა.

გლებმა ბარგი, როგორც მიაგდო, ისე დასტოვა და სავჩუკის ბინისაკენ გაემართა.

ოთახში—მჭვარტლიანი კედლები. იატაკზე თაქდაღმა ეყარა გაჩოგნილი სკამები და ტანისამოსი, თუნუქის წაქცეული ჩაიდან ეგდო იქვე. და იატაკზე ყველგან ეყარა პურის ფქვილი.

სინათლიდან შემოსულ გლებს თვალები აერია, ვერაფერს ხედავდა, მერე გაარჩია—როგორ გადადიოდნენ ერთი მეორეში დათეთქვილი, მოღრენცილი და ათრთოლებული სხეულები.

დააკვირდა—ისინი არიან: სავჩუკები, ქმარს პერანგი მთლად შემოჰფლეთია და წელი ბორბალივით აქვს მოღუნული კისრამდე, ნეკნები ფერდზე სალტეებივით თრთოდნენ. მოტიას კაბა მუცლამდე აჩეჩია და დაეღლეძილი ძუძუები იბურცებოდნენ საკუთარ ხელებსა და ქმრის თითებს შორის.

გლებმა სავჩუკი იღლიაში მოჯამუჯნა და გვერდზე დააწვა. ზურგთან, ბეჭებში ძვლებმა ტკაცუნნი გაიღეს.

— ეი, ყაძახო! არაყმა ხომ არ გაგაშმაგა, შე ლორო? მოიცა, ცოტა სული მოიბრუნე. აბა, ფეხზე დადექი!..

სავჩუკს კუნთები აუკანკალდა, ჰაერს, ხელებს ავლებდა, ჰფხოქნიდა ცარიელ სივრცეს და თითები სახსრებში ტკაცუნობდნენ.

მთლად დაავიწყდა მოტიას, რომ ის თეწოებამდე შიშველია და ცალი ხელით იატაკზე დაყრდნობილი იდგა პირდაღებულ, გლებს უცქეროდა და მეორე ხელით ვილაცას იგერიებდა, უნდოდა ეყვირა, მაგრამ ვერ ახერხებდა.

— გაჩერდი, შე წყეულო, შენა! აბა, სავჩუკ, ფეხებზე დადექი!.. გაჩერდი ადამიანურად!..

მერე გლები ისევ დააწვა სავჩუკს და ძვლებმა ისევ დაიწყეს კახკახი.

— თავში დაგარტყამ, იცოდე, ღდინძალლო!.. ხომ არ გადირიე, შე ოხე-



რო, შენა!.. ადექი, მოტია!.. აბა, ერთი წელში გაიმართე!.. ნუ გრცხვენია, ქალო, — როგორც გინდა ისე იყავი!

და გლებმა შინაური კაცივით დაიწყეს სიცილი.

ერჩენული

მოტიამ მორცხვ ქალიშვილივით შეჰკივლა, მერე კაბის ქაღალდით იფარა, ფეხები დამალა და ზღარბივით მოიკუმშა — სულ მთლად დაპატარავდა და იყო ასე მუშტის ოდენად მოკუმშული, შეშინებული და ფერმიხდილი. კუთხეში მიიჭუჭკა და ტირილი დაიწყო.

საეჩუკმა გლებს სისხლიან თვალეზით გადახედა. ვერ იცნო. პირი შეიბრუნა და გაწამებულმა სთქვა ყრუდ, სლოკინით:

— რომელმა ეშმაკმა მოგათრია შენ, ვილაცა ხარ!.. აქედან გამეცალე, სანამ გვერდებში არ მოუყოლებიათ შენთვინაც... გასწი დაიკარგე!..

გლებმა ისევ შინაურ კაცივით გაიცინა.

— საეჩუკ, მეგობარო!.. სტუმრად ვარ შენთან და მამილე, ამხანაგო!.. აბა, მოიგონე, რამდენი ოფლი დაგვიღვრია ჩვენ ერთად ამ ქარხანაში!.. რომელმა ბზიკმა გიკბინა, მითხარ, მეკასრევ, რომ არ ისვენებ?

საეჩუკმა კიდევ აჰხედა გლებს კურატი მოზვერივით, ფეხი იატაკს დაართყა და ხელი აიქნია და ძონძები მის ირგვლივ ისე აფართხუნდენ, როგორც საფრთხობელაზე, — პერანგი კი არა, — ბრასტები ეცვა და კანქვეშ კუნთები დაზიდულ ბაწრის ნასკვებივით ცახცახებდენ.

— ახ, შე უღმერთოვ, შენა!.. გლებ, ჩემო ძამიავე, ჩუმალოვ, შე უღმერთოვ, შენა! რომელმა ეშმაკმა მოგიყვანა აქ საიქიოდან?.. ჰაიტ, შე მამაძაღლო!.. გლებ!.. მოდი, გლებ, მოდი და ერთი ამ გათახსირებულ სახეში შემომბედე...

და საეჩუკი გლებს წებიერი, ღიბი მკლავებით მოეხვია.

— მოტკა, ადექი! გონს მოდი: ასეთ დროს მე მუდამ სუსტი და მშვიდობიანი ვარ. სხვა დროსთვის გადავდოთ. მინდა დაეჯდე და ველაპარაკო გულდაგულ ამ ღდინძალ გლებს... ადე, მოტია!.. აკოცე ჩვენ მეგობარსა და ამხანაგ გლებს, დანარჩენი სხვა დროისთვის გადავდოთ.

და მისი თმები, წვერები: საკასრე სახელოსნოს ბურბუშელა, — დაძენძილი და აბურძენილი.

მოტია ზღარბივით მოკუმშულიყო და ტიროდა. კაბის კალთას ძირს ეწეოდა და შიშველ წვივებს იფარავდა.

გლებმა ქალს მეგობრულად და მხიარულად გაუცინა.

— ნუ გეშინია, მოტია, საეჩუკი ვერ მოგერევა. გათავდა! ამიერიდან შენ თავისუფალი ქალი ხარ და კარგადაც იცი შენი უფლებების დაცვა. აბა ერთი დაარტყი მაგას და ისევ თავიდან დაიწყე.

ამ სიტყვებმა, თითქოს, გული გაჰკაწრეს მოტიას. იატაკზე მუხლებით გლებისაკენ ხელიკივით გაფართხდა და თვალეზი აგიზგიზებულ სპირალებივით აენთო.

— წადი გამეცალე!.. წყულებო, ლაპარაკი ბლომად იცით და... მწვანელებლებო!

იატაკზე დაცემულ მზის სხივებამდე მიფართხდა და უეცრად აენთო იგი

ცეცხლივით ცისფერ ზოლებად ცისარტყელის შხეფ დარტყმული. შიშველ მსრე-  
ბზე და კოფტის ნახევებში თმები წყალივით ედინებოდენ.

— არ წავალ, მოტია: მე მინდა რომ თქვენი სტუმარი ვიყო! მაქამე რა-  
მე, ჩაი მომიტანე, შაქარი, გამიმასპინძლდი, — შენ ხომ მეტომრე...  
გლები იცინოდა, ელიზღებოდა მოტიას, ხელებს უჭერდა და თავს ალერ-  
სიანად აცემინებდა.

მოტია, მოდი ერთი მოიგონე შენი ქალიშვილობა, ხომ გახსოვს, არავის  
არათფერს რომ არ შეარჩენდი!.. მინდოდა ცოლად შემერთე, მაგრამ სავჩუკმა და-  
მჩაგრა, მაგ წყეულმა, მაგან!..

სავჩუკმა ბურღლუნნი დაიწყო და კბილები გაახრჭიალა.

— დედაკაცი კი არა, დედაბაყაყია! თუ შენ ჩემი მეგობარი ხარ — ესროლე  
მაგას ერთი პულემენტრიდან და მომასვენე, მომარჩინე ამ უბედურებას... რატომ  
არის რომ ჩემი სიცოცხლე ასე გაძალდა, ცხოვრება მე არა მაქვს და მოსვენ-  
ება. თავის ტომარაში შეინახა მაგან მთელი ცხოვრება?... რათ არის რომ მე უნდა  
ვიმუშაო სახლში და ათასი ოჯახური საქმეები ვაკეთო, როცა მე არც სახლი  
მაქვს, არც ოჯახი და ჩემი მარჯვენა, თითქოს ტარტაროზის ყელის საფხანად  
იყოს გაჩენილი?... არ ღირს ასეთი ცხოვრება, გლებ!.. აღარა ვარ კაცი, ამხანა-  
გო, ვავთავდი, მეტი არ შემიძლია... ქარხანა აღარ არის, მოკვდა და რა ვქნა  
მე ახლა, გლებ, რა ვქნა უქარხნოდ, უმუშევრად... რა გამაძლებინებს ასე...

მოტია წამოდგა და უეცრად მთლად შეიცვალა: იდგა სულ სხვა მოტია —  
გაწამებული, ნაცემ-ნაგვეში, ავადმყოფი.

— სავჩუკ, აბა შემომხედე: მე ხომ არა მაქვს არც ჯანი და არც ღონე, —  
სულ მთლად გამომელია იგი... მე გავიტანჯე, სავჩუკ... ერთი ჯამი პურის  
ფქვილის საშოვრად ვანა მე არ გავძარცვე ჩვენი ბუდე-ბუნაგი, ტანთ არ მაცვია  
და ფეხთ, გავხდი მაწანწალა და მათრეველა?... მალე სულ დავწვავ ჩემ სირ-  
ცხვილს შიშველ მზეზე... შვილები მყავდა, გვრიტები, და მე მაშინ ვიყავ მდიდარი  
და ბედნიერი დედა... სად არიან ახლა ისინი, გლებ?... რატომ მოხდა ისე რომ  
მე დედა აღარა ვარ?... მე მინდა ბუდე მქონდეს, მე მინდა ჩემი წიწილები  
მყავდეს ამ ბუდეში... ყველაფერი ერთიანად დამელუბა... დაე ცრემლებმა მაინც  
ამომწვან ეს თვალები, გლებ...

ლაპარაკობდა მოტია და ტუჩები და ღოყები უცნაურად უკანკალებდა.  
ცრემლმორეულ ამღვრეულ თვალებით უცქეროდა იგი გლებს და თან კაბის  
კალთას ექაჩებოდა ძირს, შიშველ მუხლებს იფარავდა და კოფტას, რაც ძალი  
და ღონე ჰქონდა, ეწეოდა, რომ ტიტველი ძუძუები დაეფარა.

ის აღარ არის, ის მოტია, ერთხელ რომ იყო, ის — წამებულია ახლა და  
გამორეტებული. ძირს დაშვებულ ბაგის კუთხეებში და ტკივილებით დამწვარ თვა-  
ლებში ენთო ციებიანივით ახალი, ჯერ შეუმცნობელი ძალა. გლებს კარგად ახსოვდა  
როგორ კაპასობდა იგი და კიჯინობდა ოდესღაც თავის მართვეში, — ზოგი ძუძუს  
სწოვდა, ზოგი კაბის კალთაში ეტანებოდა და თამაშობდენ ისინი ციყვებივით,  
— და მაშინ ის მოკუხკუხე და ალერსიან რუხს უფრო ჰგავდა, თავის წიწილებში

რომ დატრიალობს. მის თვალებში მაშინ იყო მშვიდი სიხარული, ბედნიერება და დედური თავგანწირვა.

საფრუკმა დაიღრინა, ხელში ხის გაჩოგნილი სკამი აიტაცა და ხტოლთან დადგა. მერე ოფლად გაღვრილი დაჯდა და, რაც ძალს დაეძინა, დაძინდა, მუშტი სუფრას დაარტყა.

— ხომ ხედავ, გლებ, სანამდე მიველით, ხომ ხედავ?.. ხალხო!.. ჩემო ძმაო და მეგობარო, გლებ!.. ვიღრჩვები, გლებ, ვიღრჩვები!.. ყველგან სიცარიელე და სამარე... ვკვდები და საცაა სული ამომძვრება მოვარდნილ ღონისაგან!.. ღონე მერჩის, გლებ, ღონე და სამუშაო არ არის!.. მუშაობა მინდა, გლებ, მუშაობა, თორემ დავიღწობი კაციშვილი!.. და რათ არის, რომ მაინც მეშინია, მითხარ, გლებ, რათ არის, რომ მეშინია?.. სიკვდილის კი არ მეშინია: სიკვდილი ჩემთვის არაფერია, ის არ არსებობს ჩემთვის. წყვიადის, უკუნეთის, აი რისი მეშინია მე, — წყვიადისა და უკუნეთის. სად წავილო ჩემი ძალ-ღონე, როცა ირგვლივ უკუნეთია და სასაფლაო?.. აი — შეხედე... ქარხანა კი არა, სანაგვე ყუთია, თხების ფარეხი... არ არის იგი... და თუ ის არ იქნება, რიდასი მაქნისი ვარ მაშინ მე, გლებ?.. სადა ვარ მე, გლებ, თუ ის არ არის?..

მოტია ქმარს ცრემლმორეულ თვალებით უცქეროდა, და გლებმა მის თვალებში გაწამებული სიყვარული ამოიკითხა ქმრისადმი.

— კარგი ახლა, გეყოფა, კამბეჩო... არა გრცხვენია, რას ჰგეგხარ, ერთი შენ სახეს შეხედე!.. სახე კი არა, — დაჩეჩვილი ჯამია. ჩემი სახეც არის ნაცემი, მაგრამ არც შენი არის მაინცადამაინც ლაზათიანად...

და მოტიას ამ სულწასწრებულ შეტევაში ქმრისადმი უკვე არ იყო ის გაბოროტება — მას უნდოდა რომ ავი ყოფილიყო, მაგრამ ხმა მაინც ალერსიანად უკანკალებდა.

გლებს გაეცინა.

— სულელები ხართ თქვენ, ჩემო მეგობრებო, სულელები!..

— აქ მოდი მოტკა... მინდა ვაკოცო... ჩემო ცოლო!..

საფრუკმა მოტია პატარა გოგონასავით ხელში აიტაცა, თავისთან წაიყვანა და ძირს ნელა დაუშვა.

იქ, უკან, მთებში მოსჩანდა ცარიელ ჭიქებივით გამსჭვირვალე ქარხნის გაციებული ბუხრის თავები. ბალახებითა და ჩირგვებით შეფუნილ მთის კალთებზე ჯანგმოდებულ ბრემსბერგში დახოცილ კუთა ხობოკოებივით ეყარა ვაგონეტების ბადიები.

— ესეც ქარხანა... რა იყო და რა არის, ხომ ხედავ, გლებ?.. გახსოვს, საკასრე განყოფილებაში საგაზაფხულო გოგონებივით რომ ჰგალობდენ და კისკისობდენ ხერხები?.. ეეხ, მეგობარო!.. მე ხომ აქ დავიბადე, აქ ამეხილა თვალები... მე სხვა ცხოვრება გარეშე ამ ჯოჯოხეთისა ხომ არც ვიცოდი...

დარდობდა საფრუკი წინანდელ ქარხნის ცხოვრებაზე, მაშინდელ გუგუნზე, დასტიროდა წარსულ შრომის სამარეს და თვალებზე ცრემლები ღაპა-ღუპით ჩამოსდიოდა. და თავის დარდში, ის ჰგავდა ბრმას, თავი რომ მალლა უქირავს და ცრემლმორეული რომ იღიმება.

მის გვერდით იდგა მოტია, ისიც ისეთივე, როგორც საფჩუკი, ისიც ბრძა და ცრემლმორეული. დედა, — რომელმაც დაჰკარგა თავის ბარტყებზე.

— მოდი, მცემე, საფჩუკ, მცემე, მირტყი რამდენიც გინდა... მცემე, რამდენიც გინდა, ოლონდ...  
 თავის ვარ გაჩენილი, საფჩუკ... შენც ასევე იყავი, საფჩუკ, შენც... მცემე, რამდენიც გინდა, ოლონდ...

— შენ გინდა, მოტკა, მეც ისევე მოვიქცე, როგორც სხვები?... ასანთები ვაკეთო?... თუ ნამალაუად კასრები უკეთო გლებებს?... განა, შენ არ იყავი, რომ ჩვრებითა და ათასი ხარახურით დადიოდი სოფელ-სოფელ სტანიცებში?... შენ, — მაწანწალავე და ნაცემო ძაღლო!..

მუშტები მოჰკუმშა, კბილები გაახრჭიალა.

მოტია იდგა, თითქოს ბოდავდა:

— მდიდარი ბუდე გექანდა ჩვენ, საფჩუკ... პატარა შოშიებივით ბარტყები გვყავდა ჩვენ... ეს ბარტყები მე და შენი სისხლი სისხლთაგანი იყვნენ... მოდი, საფჩუკ, ახალი ბუდე ავაშენოთ... მე არ შემიძლია, საფჩუკ, არ შემიძლია... მე ვივლი უგზო-უკელოდ და მოვაგროვებ სხვის უპატრონო ბავშვებს... მე ისე ვერ ვიცოცხლებ, ჩემო...

ერთი მხრივ მოტია იდგა, მეორე მხრივ გლები.

შეშფოთდა გლები და ხელი საფჩუკს მხარზე დაადო.

— შენ — ჩემო ძველო მეგობარო, საფჩუკ, ჯერ კიდევ ბალები ვიყავით მე და შენ, მუშაობა რომ დავიწყეთ. განა შენც ჩვენი მეგობარი არ იყავ, მოტია? შენ იჯექი აქ, საფჩუკ, მიკიოტივით და სქყიოდი ლამეებში, მე კი მტერს ვეომებოდი და სისხლსა ვღვრიდი... აი მოველი, — არც ბუდე ჩემი და არც ქარხანა... მოტია — კარგი დედაკაცია, გამრჯე... ღონე მოვიკრიბოთ, საფჩუკ... ჩვენ გვცემეს, მაგრამ ჩვენც ვისწავლეთ ცემა... ძაან კარგათ ვისწავლეთ, მაგისი რჯულიც არ იქნეს, საფჩუკ, კარგათ ვისწავლეთ... მომეცი ხელი, შე სულელო შეკასრევ...

საფჩუკი დაბნეულ თვალებით უცქეროდა გლებს და თავს რალაც უცნაურად იქნევდა. არ ესმოდა რას ეუბნებოდა გლები, უცქეროდა ნაღვერდლებით ანთებულ თვალებით.

მოტია გლებს მიეყრდნო და კისერზე შემოეხვია — ახლა არ სცხვენოდა.

— გლებ, ძვირფასო!.. საფჩუკი — კარგია... ის მხოლოდ მორეული ღონისაგან შფოთავს ასე, მოქარბებულმა ჯან-ღონემ გადარია იგი... საფჩუკი — კარგია... კეთილი... ახ, გლებ... მე მეტი არათერი მინდა... მე მინდა შვილები მყავდეს, მე მინდა მდიდარი დედა ვიყო... რა ბეღია, გლებ... რა ბედნიერებაა!..

— მოტკა, ნუ ეფერები სასძლოსავით მაგ კაცს...

ალერსიანად ეთამაშებოდა გლები მოტიას ხელებს და იცინოდა.

— სულელები ხართ თქვენ, ჩემო ძამიებო, სულელები!..

3

მ ა ნ კ ა ნ ე ბ ი

მყუდრო ახალშენიდან ქარხკომში ორი გზა არის: ერთი — შარავზა ქარხნის შენობათა გასწვრივ გამართული და მეორე — მთის კალთებზე აყრილ ბუჩქებში გათვლილი ბილიკი, ღორღში და ქვის სატეხებზე რომ მიიკლაკნება.

ქარხანა იქიდან მთლიანად მოსჩანს: კოშკები, კამარები, ვიადუკები, რკინა-ტინობისა და ქვის უზარმაზარი შენობები, ზოგი პაეროვანი და მსუბუქი, ზოგი უშველებელი ბუშტებივით დამხობილი და ზოგი კი: კუბიკური სტრუქტურის, სადა და მძიმე. ეს შენობები ერთი მეორეზე არიან ახობოლავეებული და მჭიდროდ ჩაკრულან. ზოგი მათგანი დგას ცალკე უზარმაზარი დამონოლიტური. ხეობებში, დაქცეულ ბრემსბერგების გასწვრივ, ეყარა ყველგან ღორღი, გადაბრუნებული ვაგონეტები და იქა-აქ ცემენტის ნათხარებთან გადმოკიდებულ კლდეებს ქვეშ და თვითონ კლდეებზედაც იდგა პატარა ქოხები. ქარხნის უკან ნისლდაყრილ კონცხებიანი ზღვა თასივით იყო სავსე და კონცხიდან კონცხამდე გაკიდებული იყო ცის ლაქვარდი. კოშკისა და სახურავების თავზე ქარხნის ცად ახილულ ბუხრებს შორის (ბუხრები: აყრილი ღორღი), ზღვის უბის მეორე მხრიდან, ქალაქი რომ იყო გაშენებული ქარხანიდან ზღვაში ორი გრძელი ზღუდე იყო შეჭრილი და ზღუდის ბოლოებში იდგა მაღალი შუქურები. ქარხკომიდან მოსჩანდა, როგორ მოგორავდა ზღვის კალთაზე ტალღები ქველივით და როგორ ასკდებოდა ფუნჯებად ქარხნისა და ნავთსადგურის ნაპირებს.

ყოველივე ეს ისევ ისე იყო, როგორც ამ სამი წლის წინად. მხოლოდ მაშინ ეს ქარხნები და ეს მთები ზანზარებდნენ შიგნიდან გაჩენილ ცეცხლით და ეს ქარხნის უზარმაზარი ტაძრები, ეს ბუხრები და ეს პირსები გაცოცხლებული იყვნენ მანქანათა ყრუ გუგუნით, აღსავსე იყვნენ ისინი ვულკანურ ძალით და ელექტროდენით ზარდაცემული მთები ზანზარებდნენ.

გლები მიდიოდა ბილიკზე, იცქირებოდა ძირს ნაპრალიდან ქარხანაში და წყაროთა ლიკლიკში ყურს უგდებდა გარინდებულ სიჩუმეს და ამ სიჩუმეში ჰგონებდა როგორ მძიმდებოდა და იძირებოდა იგი ქვის მტვერში.

განა ეს ის ქარხანა არის, მან რომ ბავშობა გაატარა? განა აქ იყო ყოველივე ის, — ცეცხლში და გუგუნში რომ აღიზარდა იგი და აგრუხუნებულ ნიდაგზე რომ გავაქვაცდა? და განა ეს ის ლურჯხალათიანი გლები არის, ჩუმალოვი, საზეინკლო ამქრის მუშა, ახლა რომ მარტოდმარტო მიდის, სულ სხვანაირი ძველ მიტოვებულ ბილიკზე სხვა სიარულით, და განცვიფრებული თვალებით აქეთ-იქით რომ იცქირება?

უწინ ის იყო: გაუპარსავი, კოპწია უღვაშებით, სახე მუდამ ჭკარტლითა და რკინის მტვერით ჰქონდა გამურული (რის გამო ის შაგვრემანი მოსჩანდა), ახლა ის: პირგაპარსული, სუფთა, თეთრი სახის, ყვრიმალის ძვლები და ცხვირის წვერი — გალურჯებული, გაცრეცილი და ქარებისაგან ახვეტილი. როგორ არის ეს ის ჩუმალოვი, როცა მას არც ზეთისა და არც ჭკარტლის სუნი არ ასდის, როცა მისი ბეჭები არ არის ოდნავ მოპრილი მუშაობისაგან? განა ეს ის ზეინკალი ჩუმალოვია, როცა ის მამაც მანქანით გამოიქურება და თავზე წოწოლა ქუდი ჰხურავს წითელ ვარსკვლავით და მკერდს კი წითელი დროშის ორდენი უმწვენებს?

მას რაღაც ახირებული გადახდა თავს. რაღაცამ მოიკვალა ფეხი მის ქვეშ უზარმაზარმა, უეცრად მთა მოსწყდა თავის ადგილს, დაქანდა და წავიდა სადღაც ჯანდაბაში.

მიდიოდა გლები და ათვალეირებდა ქარხანას, მთის სამუშაოებს, დადუშებულ ბუხრებს. ხანდახან შეჩერდებოდა, ფიქრობდა რაღაცას. შუბლს იკმუხნიდა, ოხრავდა.

— ახ, თქვე უსინიდისოებო, თქვე გათახსირებულეებო!.. ჯანდაბას იქით იყოს თქვენი თავი და ტანი, ჯანდაბას იქით!.. რას დაუმსგავსებიათ აქაურობა!.. დახვრეტა ცოტაა მაგ წუნკლებისათვის!.. ოხ, რა დიდებული, რა შესანიშნავი ქარხანა გაუოხრებიათ, როგორ დაუსამარებიათ აქაურობა, მაგ წუპაკებს!..

და გლები ხედავდა მხოლოდ ერთს: ყველგან იყო სამარე, ტრამა და სულთახუთვა, და ამ სამარეში, თვითონაც არ იცოდა, როგორ აღმოჩნდა ის, — გლებ ჩუმადლოვი, არმიას მოწყვეტილი დ ამის წარმოდგენაზე მასსუნთქვა შეეცრა, შეეშინდა ამ სამარისა და ამ დუმილის, ირგვლივ რომ იყო დასადგურებული, და არ იცოდა როგორ დაეღწია თავი ამ გულს შემოწოლილ სევდისაგან.

ძირს, ქარხანაში ჩავიდა, ერთ უკაცურ პატარა ბაქანზე შეჩერდა, ბაქანი ნახშირით იყო გამურული და ხავსმოდებული. დიდი ხანია მას შემდეგ, რაც აქ ანტრაციტის უზარმაზარი პირამიდები იდგა და მისი კრისტალები კუპრისფერ აღმასებივით ჰყვაოდენ. ბაქანზე ზემოდან ყვითელი და რუხი შრეების კლდე არის გადმოყუდებული, იფშვნება იგი და ჩამოცვივნილი ღორღი და ხრეში ნთქავს ადამიანის ხელით ნამუშევრის უკანასკნელ ნარჩენებს. ბაქანის კიდეზე ტოტებიანი რელსები აწყვია ნახევარ წრეებად. იქვე პირდაპირ, მოაჯირს იქით, უბსკრულიდან ოთხმოც მეტრიანი ბუხრის ცისფერი ობელისკი ამოტყორცნილა და ბუხრის უკან მთასავით აგრუხული ელექტრო-მექანიურ კორპუსის უზარმაზარი შენობა დგას.

უსახლვრო დუმილით ჩაშვებულა ქარხანა უსაქმო დღეებში. ჩრდილო ქარებმა დაღრღნეს მისი ყინულის თოშივით ჩასმული მსხვილი მინები, მთის ნიაღვრებმა გაატიტვლეს ტინობთა რკინის ჩონჩხები და ლაგვარდანებზე დაგროვილი გადამუშავებული მტვერი ისევ გაქვავებულია.

გვერდით დარაჯმა კლებკამ ჩაუარა. ტანთ გრძელი მუხლებამდე ჩაშვებულ ტომარ-ს პერანგი აცვია უქამროდ. შიშველ ფეხებით ხის ქოშებზე დგას და ქოშები იგი, თითქოს ცემენტის არის და ასე დგას იგი ფეხებით ცემენტზე დაყრდნობილი. აღარ ხუცდება ამაზე მეტად, თითქოს ასეთი იყოს მუდამ დაბადების დღიდანვე. შეჩერდა, ერთხანს უცქირა გლებს, უცქირა და მერე წავიდა. ის ჰგავდა: წარსული დროის გაველურებულ ნახეთქს.

— ეი, შენ... ყრონტო!.. რას დაეთრევი აქ მკედარი სულივით?.. რას უყურებდი ამდენ ხანს, შე ღდინძალლო, თვალეები არ გქონდა?..

შიში და გაოცება ერთად აღიბეჭდა დარაჯის გაბურძვნილ სახეზე.

— კერძო პირთათვის შესვლა აკრძალულია.

— სულელო!.. გასაღები ვისა აქვს?..

— რათ გინდა გასაღები?.. ბოქლომები არ არის... დაეანგდა... შედი და ხარე, სანამ არ მოგეწყინოს!.. თხები ბლომით არის ქარხანაში... რამდენიც გინდა... ვირთხებიც... ადამიანი დაიკარგა — გაჰქრა... არსად სჩანს...

— შენ თვითონ ხარ ბებერი ვართხა, რომ ჩამძვრალხარ სოროში/და უსაქმოდ დაძრწი... ჯანდაბა თქვენ თავს!..

კლებკამ უკაცურად, უხიაგად შეხედა გლებს, მერე თანვე და შეირხა ცემენტის ფიფქდაყრილი დამძიმებული თმები მის სანეზე.

— ჩერჩეტო... ეშმაკმა წაიღოს შენი თავი და ტანი... ვის უყვირი, თუ იცი!.. ხომ ხედავ, კაცი არაა.. დაიკარგა ადამიანი... არსად სჩანს...

სთქვა მან და წავიდა თავისი გზით ქოშების ფეხის გულზე ტლაშუნით...

ბაქანიდან ქარხნის მთავარ კოროპუსში ქვის ბურჯებზე შემდგარი მაღალი ვიადუკი მიდიოდა. ტინობის კედლები ღრეჩოებით იყო გამონგრეული სათოფურებად ტყვიამფრქვევლებისათვის. ერთ ღროს ეს ქარხანა თეთრგვარდიელების ციხე-სიმაგრეს წარმოადგენდა და შიგ თავლები ბ ბარაკები ჰქონდათ გამართული სამხედრო ტყვეებისათვის. და ეს ბარაკები, ინტერვეციის ღროს, კოშმარით სავსე კუბოებს უფრო ჰგავდა.

გლებს ქარხნის შიდა ნაწილის ნახვა მოუნდა.

კარები არ არის,—მოგლუჯილია!.. ქერში გადმოკიდებული ობობას ქსელი დატვირთულა ცემენტის მტვერით და ქანაობს მძიმედ დამპალ ძონძივით. და იქიდან, ქარხნის უსაზომო მუცლის სიღრმიდან, მოდის დაობებული სიმყრალე და ძველი გადამუშავებულ ცემენტის მტვერი.

შფოთავდა და გუგუნობდა უცნაურად მივარდნილ სიპარტახეში ქარხნის ბინდები წკრიალა გამოძახილებად. ბოგირები, კიბეები, დერეფნები, ტრანსმისსიები, აზარმაცები, თუჯის მილები, წყალსადენები, მავთულები—ერთი მეორეში უთავბოლოდ იყო არეული და ეყარა ხეხულასავით. ყველგან ცემენტის ზარბოშიანი მკავე სუნი იდგა. რეზერვუარის უზარმაზარ უხუფო მილს პირი დაეძრანა და მტვერით ამოხვეტილ უშველებელ ძაბრში ღმეოდა ქარი. წინად თუჯის ზარფუში ჰხუთავდა საიმედოდ ამ აღრენილ ხახას და ზარდამცემ გუგუნით, ელვითა და ქექით ისუნთქავდა მუცელში ცეცხლის აღმურს მბრუნავ ღუმელების გვიზიან ცილინდრებიდან.

გლები კიბეს დაჰყვა და ძირს ჩავიდა. გაიარა ცემენტის მტვერით დართვილულ ფანჯარებთან. იქ მბრუნავ ღუმელების უზარმაზარი ცისტერნები იყო და გლები იდგა მათ ქვეშ სულ პატარა, განადგურებული და მიწასთან გასწორებული საცოდავ კაცუნასავით ამ განუზომელობის წინაშე. ოდესღაც ეს ცისტერნები ბრუნავდენ უზარმაზარ ცეცხლმოდებულ ვეშაპებივით, მუცელში ცეცხლის აღჩავარდნილნი და ქათქათობდენ ღმუილითა და კოსმიურ სტვენით. მათ ძირას მდგომი ცეცხლგადასხმული ადამიანები მოსჩანდენ სულ პატარა სასაცილო ქიანქველებივით. თუჯის უზარმაზარ ოდრიკალებად და კაკტუსებად ინვეოდენ მათ ფერდებზე ზემოდან ჩამოშვებული მსხვილი მილების უცნაური სპირალები და ნასკეები. მერე ისევ:—კედელზე აფორთხებული და ჰაერში გაფრენილი ტრანსმისიები.

— ახ, ეგ წუნკლები, ეგ წუნკლები!.. როგორ გაუნადგურებიათ და გაუპარტახებიათ აქაურობა!..

გრძელ, ჩაბნელებულ გვირაბით შევიდა ის სამანქანო განყოფილებაში. აქ

მყუდროება და ციური სინათლე იყო ჩამოშვებული. აქაურობა ტაძარს დაგონებდა გლებს. იატაკი: ფერადი ქაშანის შამათურ მოზაიკის. ვერცხლისა და ოქროს ჯავარით მოოჭვილ შავ მარმარილოს კერპებივით იდგა ჩამწყვდილებული დიზელები, იდგენ და მზად იყვნენ ასამოძრავებლად. კმარა:—ხელი ჰქვარ და აცეკვდებიან, ათამაშდებიან სარკის ლითონებად. უზარმაზარი ბორბლები დგანან აფრენილნი. ხელი მოჰკიდა,—მტკიცედ და მაგრად დგანან მიწაზე დაქვავებული დიზელები. ყოვლის შემძლე ბროლებივით იდგენ ისინი ასაფეთქებლად განმზადებულნი.

აქ, როგორც უწინ, ყველაფერი პატარძალივით იყო მოართული, ყველაფერი სუფთად იყო შენახული და მანქანის ყოველ წვრილმანში ადამიანის მოსიყვარულე მზრუნველობა სუნთქავდა თბილად. წინანდებურად იყო გასაქსაქებული შორენკეცებიანი გასანთლული იატაკი და ეს უამრავი ფანჯრის მინები ლაპლაპობდნენ შიგ გადატეხილ სინათლისაგან, კანკალობდნენ ლაქვარდისა და ქარვის ფერად. ჯიუტად ცოცხლობდა აქ ადამიანი და ამ ადამიანის წყალობით ცოცხლობდნენ ეს მუშაობის მოლოდინით აღსავსე მანქანები.

და ეს ადამიანი, გამოვარდა შეეცრად დიზელებიდან თავზე კეპით და გლების წინ ხელების პაკლით წმენდით გაჩერდა. კეპი—ცხვირივით და ცხვირი კეპივით. წითელ ულვაშებიანი იდგა იგი და გლებს ჯიუტად უცქეროდა.

— ხა-ხა!.. მეგობარო!.. შენა ხარ?.. აბა, შეგხედო ერთი, აქეთ მოიწი, — მამაცი კომანდარში უნდა იყო, აი!.. ვიცოდი, გული მიგრძნობდა, რომ ცოცხალი იყავ!.. ვფიქრობდი, აი მოვა ასიც და დავატრიალებთ მერე ერთად ჩვენს ძველ კარუსელს... ყოჩაღ, მეგობარო, ვაშა!.. რომ იცოდე, რა გამიხარდა!.. მოდი ერთი ჩვენი მანქანის შირონი გცხო!..

ეს—ისაა: მემანქანე ბრინჯა, ძველი დოსტი და ამხანაგი.

ბრინჯა აქ იყო დაბადებული, ქარხანაში (მამამისიც მემანქანე იყო), მანქანებში აღიზარდა ის და მისთვის სიცოცხლე მხოლოდ სამანქანო კორპუსში არსებობდა. ბრინჯამ და გლებმა ერთად გაატარეს სიყმაწვილის დღენი და ქარხანაშიც ერთად შევიდნენ შეგირდებად.

— ჰაი გიდი, მხედარო!.. მოდი ერთი მობრუნდი—კარგად შეგხედო!.. თავზე ძაბრი ჩამოგიფხატავს და ცხვირი და ეარსკვლავი გაგზრდია მხოლოდ... ხელ-ფეხსაცა ვცნობ!..

გლებმა უცნაურად დაიროყინა და ხელებგაშლილი ძველი მეგობრისაკენ გაექანა.

— ბრინჯა!.. ჩემო მეგობარო!.. შენ ისევ აქა ხარ?.. რატომ შენც არ შეიგდე ზურგზე ტომრები და არ წადი სოფელ-სოფელ საწანწალოდ, ისე როგორც სხვებმა?.. თუ შენც მანქანებს აჭრი მილებს და აოხრებ ასანთების გასაქეთებლად? შენ ისე დაგიყენებია აქ საქმე, რომ აი ეს-ეს არის აუშვებ შენ ქაჯებს სამუშაოდ...

ბრინჯა გლებს ხელში ჩააფრინდა და დიზელებს შორის ვიწრო გასავლელისაკენ გააქანა.

— შეხედე ერთი ამ ჯოჯოხეთის მოციქულებს!.. როგორ მოგწონს?.. ისე



უყვართ სისუფთავე, როგორც ქალიშვილებს... კმარა დაიძაბო. აბა, ბრინჯა, დავიწყოთ!.. და მთელი ეს მხიარული მექანიკა ატრიალდება და წავა და წავა ფოლადის მარშით... რადგან მე მანქანასთან ვარ, — მეც მანქანა ვარ, — გამომორდით, ჯანდაბას იქით დაიკარგეთ თქვენი პოლიტიკით, ქაქანი იცით და მეტი არაფერი. ამტვრიეთ ერთი მეორეს თავპირი, ეს მე არ შემეხება, რა მენალვლება!.. იჩხუბეთ, რამდენიც გინდათ, ერთიმეორეს თავპირი ამტვრიეთ, იცურეთ სისხლში, — ჯანდაბას იქით თქვენი თავი და ტანი, რა მენალვლება, მე ეს არ შემეხება. ჩემთვის მხოლოდ ერთი რამ არსებობს: მე და ჩემი მანქანები... მე მინდა რომ მათთან ერთად ვიყო გულდაგულ, განუყრელად...

— ბრინჯა!.. მე ვცნობ შენ ხელებს, ბრინჯა!.. შენი ხელები ოქროა, ბრინჯა!.. უხ, რა მშვენიერებაა!.. თხები ხომ არა გყავს?.. ჯანდაბას იქით იყონ ისინი... დეე სულელებმა და გამოჩერჩეტებულებმა სდიონ მათ!.. ასანთებს ხომ არ გააკეთებ ბრინჯა?.. აი, ნამდვილი ქაჯი და ეშმაკი!.. ჩამძვრალხარ შენს მანქანებში და არაფერი არ გესმის რა ცვლილებები ხდება ქვეყანაზე, არც კითხულობ!..

ბრინჯა მოეშვა, გაჩერდა და გლებს თვალებში დააშტერდა.

— მოიცა!.. სააგიტაციოდ ხომ არ მოსულხარ?.. ეგეთი ამბებით, ძამიაე, მე ძვრასაც ვერ მიზამ!.. იცოდე რომ აქ მანქანებთან ხარ და არა თავყრილობაში. ეს შენც კარგად იცი და, თუ იცი, მაშინ გაჩუმდი!.. როგორ ვიქცევი მე ასეთ შემთხვევებში? უწინ საქმე იყო, ახლა ქვეყანა უსაქმო ხალხით გაივსო. შემოეთრეოდა ხოლმე აქ ვინმე ძალღის ქონით ყბებ დახელილი ყბედი, მაგრამ — კისერში და მისი ჯანი... მათი ადგილი ქარხკომია... როგორ გათახსირდა ხალხი ამდენ ლაპარაკით, როგორ გათახსირდა!.. ეს იმიტომ რომ საქმე არა აქვთ: უსაქმურობა და ყბედობა ერთი და იგივეა. აქ დალაბანდური სიტყვებით წინ ვერ წახვალ, ფებს ვერ მოიცვლი, — არა, ჩემო ძამიაე, აქ მანქანებია და მანქანები ლაპარაკი კი არა — ხელებია, თვალები:..

გლები მანქანის მბრწყინავ ნაწილებს აღერსიანად მოეფერა და მერე ბრინჯას ნამიან და ოდნავ ზარხოშიან თვალებით მიაშტერდა.

— რა კარგად არის აქ ყველაფერი დაცული, რა კარგად!.. წასვლაც კი მეზარება!.. როგორ გაპარტახებულა მთელი ქარხანა, მიწასთან გასწორებულა!.. ხალხი მაინც რამ წაახდინა ასე!.. რა ეშმაკი გაცდევინებს აქ და ხელებზე ტყავს იძრობ, როცა მთელი ქარხანა სარაიას დამსგავსებია და მუშები კი მაწანწალებს?.. წადი, შენც თავს უშველე, სანამ სული არ გაგვარდნია!..

ბრინჯას ტანში შეაჟრაჟოლა. სახემ მანქვა დაუწყო. მკერდ ქვეშ გული აფეთქდა და რისხვით მოხეთქილი სისხლი თავში ზარხოშივით აუვარდა. მეშტი რაც ძალი და ღონე ჰქონდა მოიქნია და დიზელის ჩაჩქანს დაარტყა.

— ქარხანა უნდა ამუშავდეს, გლებ, გესმის?.. ქარხნის სიკვდილი შეუძლებელია... მას სიცოცხლე უნდა... თუ არ ვაცოცხლებთ, მაშინ ჩვენ თვითონვე შეგვკამს იგი. იცი შენ როგორ ცოცხლობენ მანქანები?.. არა, შენ ეს არ იცი... ადვილად შეიძლება ჰკუთხეც შეიშალო, როცა ხედავ და გრძნობ ყოველივეს... ღინ იცის ეს?.. მე!.. მე ვიცი ეს! მხოლოდ მე ვიცი და სხვამ არაფინ!..

ასეთი გაბოროტება არასოდეს არ შეუმჩნევია მას უწინ ბრინჯაბი ის დარჩა მანქანებთან და მანქანებთან ერთად გაჩერდა ისიც, ეს იყო მაშინ, როცა დადუმდნენ დიზელეები და ხალხი წავიდა აქედან რევოლიუციის, სამარქალსკო ომებში, სიმშილში, ტანჯვაში,—და ის დარჩა აქ, სამანქანო კოორდინაციის დუმილში. ის ცხოვრობდა მანქანებივით და იყო ისევე მარტოდმარტო და ობოლი, როგორც ეს მანქანები.

— ქარხანამ უნდა იმუშავოს, გლებ!.. თუ არსებობენ მანქანები,—არ შეუძლიათ არ იმუშაონ: ისინი, ჩემო ძამიავ, მაშინაც მუშაობენ, როცა გაჩერებული არიან... ეხ, შენ რომ იცოდე... სულერთი არის, გრძნობ შენ თუ არა ყოველივე ამას: შენ მაინც ყველაფერი უნდა გააკეთო, ყოველივე ღონისძიება უნდა იხმარო რომ პირველი წუმწუმა გაიკრას... მხედველობაში იქონიე ყოველივე ეს, გლებ, და ყოველ წუთს გახსოვდეს...

გლებმა ხელი სიხარულით ჩამოართვა.

— მეგობარო!.. მართალს ამბობ შენ, მეგობარო!.. ქარხანა თუ ქარხანა არის—უნდა მუშაობდეს. აი ჩემი ხელი თავდებად: მაშ აუშვათ ქარხანა!.. მოკვდები, თავს დავისახიჩრებ და ქარხანას მაინც აუშვებ... მორჩა და გათავდა... ამას ლაპარაკი არ უნდა... დიზელეები მზად გქონდეს...

## 4

## ქ მ ე ბ ი

ქარხნის სამმართველოს ნახევარსარდაფის ვიწრო და ბნელ დერეფანში მუშები ირეოდნენ, იდგნენ, ისინი ჯგუფ-ჯგუფად ავარდნილ წეკოს ბოლში და ყველგან აბანოს დამპალი სუნი იყო გამეფებული. და ამ მწვირიან ბოლში მუშები ისე იყვნენ გახვეული, როგორც მწვირიანი ქვის სატეხების ლიბრი მტვერით დასვრილი ქარხნის მწვანე ბალახი. დერეფანში ბნელოდა და მუშების სახლები ისე გაწყალბებულად მოსჩანდა, როგორც სალამოს ბინდებში. იყო ყველგან ვახარამაცი, რუიონი მუშების და კედლები ზანზარებდნენ ამ გუგუნში. იქ ვილაც კვიროდა, აქ ერთი დედას იგინებოდა და დავობდნენ, ბკობდნენ—ულუფაზე, ნავთზე, დახმარებებზე, კაქის ასანთებზე, თხებზე და საწყალ მუშა ხალხზე და ყოველი მაწანწალა და ლამაზი სიტყვებით მოლაპარაკე უსაქმურზე, მუშას რომ ჰკიდია კისერზე.

ქარხნის კარი ღია არის და დგას ყველგან—ბოლი, ტალახი, არტელის ხალხი და უმუშევართა ოფლის მყრალი სუნი.

გლები ვერავინ იცნო, მან ხმის ამოუღებლად მუჯლუგუნის კვრით გაარღვია ხალხის გროვა, არავის ყურადღება არ მიუქცევია მისთვის, მხოლოდ უხიაგად, ამღვრეული თვალებით, ფარული მტრობით აჰხედეს მის წოწოლა ქუდსა და წითელი დროშის ორდენს. კარგად არც შეუხედავთ და მაშინვე დაავიწყდათ: განა ცოტა კომისრები დაეთრევიან ქარხნის პორტფელითა და უპორტფელოდ?

კარების წინ ვილაც ბიჭი ცეკვავდა, თავზე ქალის თეთრი ქუდი ეხურა,

პიჯაკზე კორსეტი შემოერთყა და საულვაშეზე ულვაშები ნახშირით დაეხატა. შექუჩებული ხალხი ხორხოტობდა, სჯმუჯნიდა ამას რ ის კი ხელს იკვრევინებოდა, დედაკაცური ხმით კაპასობდა და იპრანჭებოდა ბალაგანურად.

— ახ, ღმერთო ჩემო, გამატარეთ ერთი, თუ შეიძლებოდეს. პარ ვე ბრუჯ რიკაპე!.. მომიტევეთ!.. ახ, საძაგელო, ხელს ნუ მავლებთ!.. ახ, ახ, მოქალაქენო, როგორ არა გრცხვენიათ, ნე ხომ პატიოსანი საბჭოთა პროლეტარი ქალი ვარ... ახ, ხელს ნუ მავლებთ,—მელიტინება!..

И-ох, ты, яны-лочи-ко, д'куды котисься,  
Д'как в завком попадешь—об'рмотисься...

ბრბო გუგუნებდა, დედას იგინებოდა მხიარულად და საერთო ხარხარში იფარებოდა ამ ოხუნჯ ბიჭის ქალივით კვილი.

— ააი, შე მუდრეგო გოგრავე, შენა!.. მიტკა!.. ჭინკაე!.. მეგარმონეე!.. რა დაკარგავს მაგ ოხერს ცხოვრებაში, როცა მის სულსა და გულს არც ქაჯი ეკარება, არც ბატკო და არც საბჭოთა ხელისუფლება... არის თავისთვის...

ქარებში—კანკალობდა, ტრიალებდა ბზრიალასავით ტანმორჩილი კაცი, — შევეგრემანი, გაძვალტყავებულ სახეზე მხოლოდ ცალი თვალი ენთო. ეს ზეინკალი გრომადა იყო... და გლები გაკვირვებული თვალებით უცქეროდა ამ კაცს: როგორ გამოცვლილა ამ სამ წელიწადში!..

— კმარა, ამხანაგებო, თავი დაანებეთ ამდენ დისკუტიებს... სხვა რომ არა იყოს რა, საკმაოდ სამარცხვინოა თქვენის მხრივ, სირცხვილია ასეთი ბალლობა და სხვა... რა უნდა გავაკეთოთ ჩვენ, როცა ჩვენივე თავი ვერ შეგვიგნია შეგნებულად?!

სიტყვის დამთავრება ვერ მოასწრო, — მიტკამ გააწყვეტინა:

— ახ, უკაცრავად, ამხანაგო ქარხკომო, მომიტევეთ, მე ისე... მაპატიეთ... თუ შეიძლებოდეს, გამოსკვენით ერთი ეგ თქვენი ნერვები ერთად და ჭიპზე მიიბნიეთ ჭინძისთავით... მოვკვდი!.. დავიღრჩვი... რა ვქნა რომ მესმის.—მეც ვწუხვარ!.. ავიღებ და ამ კორსეტს იატაკზე დავავდებ, ქუდს თორხე და პაიდა, თუ გამიტანეს, შევალ მთელი პარატით დემონსტრაციაში... აჩუ!.. ტპრუ!..

ისევე ბალაგანურად დაიწყო მერე მანჭვა, მუჯლუგუნის კვრით ხალხი შუა გააპო და გასასვლელისაკენ გაემართა. გამოცვივდა ხალხი ოთახიდან, დერეფნებიდან და სანახაობას მოწყურებული ხორხოტით უკან გაპყვა.

გლები ქარხკომის ოთახში შევიდა და იქვე მუშებს უკან კედელთან გაჩერდა, ქარხკომის მაგიდასთან კუხიანი ლოშაკი იჯდა, შავი, გამურული ზეინკალი. იქვე, მის გვერდით, — გრომადა. შავი ანტრაციტივით მკერდით მაგიდის კიდეს მიყრდნობოდა, ხელის ხშირად მოკიდებისაგან გალაპლაპებული და ანტრაციტივით შავი ქუდი ეხურა თავზე, სახეზე პაჭუა ცხვირი ობლად იყო დაგლესილი და დასიებულ სისხლიან თვალის ბისტებს აბრიალებდა თეთრად. იჯდა ის ქვის მუნჯი კერპივით გაუნძრევლად, გრომადა მნაშურობდა, ერთ ადგილას ვერ ისვენებდა, ცმუტავდა, წელებზე ფეხს იდგამდა, პირიდან დორბლი სცვივოდა, ადგებოდა, ისევე დაჯდებოდა, გამხდარ ძვლებს აქრაჭუნებდა (ეს სკამი იყო, მოუ-

სვენარი კაცის ქვეშ რომ კრაჭუნებდა) და ყველას ყვირილითა და ხელების ქნევით იგერიებდა.

ვილაც გავაგანიერი დედაკაცი რაც ძალი და ღონე ჰქონდა, ყველა დასთრთოდა ერთიანად ფაფასავით აფუებული. ბიზუნიქსუქსა

— კისერზე დაგვაჯექით უქნი ხალხი და ეს არის... რა გენაღვლებათ: ჩვენ თუნდა მოგკვდეთ... ჩემი თხები იქ უპატრონოდ ყრია და მე აქ სალაცხით დამათრევენ...

მუშები ქალს ზურგში ნუჯლუგუნს სცემდენ, ავულისებდენ, იცინოდენ გაკვირვებულნი და დედას იგინებოდენ.

— მისცხე მაგათ, ძალუა აედოთი, მისცხე!.. სულ მაგათი ბრალია ყველაფერი!.. მიდი, ნუ გეშინია!..

— გაჩუმდით, თქვე წუპაკებო, თავი გამანებეთ!.. რათ ავირჩიეს თქვენ ქარხკომებად და სათავეში დაგსვეს?.. ა?.. ეს განა ფეხსაცმელია?.. ფეხსაცმელია ეს?..

დაიყვირა დედაკაცმა, ფეხი აიშვირა და რაც ძალი და ღონე ჰქონდა მაგიდას დაარტყა. კაბა მუხლებს ზემოდ აიწია და გულის შემომყრელად გამოჩნდა წყალმანკიანი შიშველი დასიებული ფეხი ბარძაყამდე.

ხალხი აჩოჩქოლდა და გაკვირვებისაგან ტაში შემოჰკრა.

— ყოჩაღ, ძალუა აედოთი, ყოჩაღ!.. აი ნომერი თუ გინდა, — ეს არის!.. აი ესეც შენი წარმოდგენა!.. კიდევ მაღლა ასწიე ფარდა, ძალო, უფრო მაღლა, — ერთი მთავარი წარმოდგენაც გვაჩვენე!..

ლოშაკი ქვის კერპივით იჯდა უმოძრაოდ და თვალებს აბრიალებდა მხოლოდ თეთრად. გრომადა წამოვარდა და სუსტი, დაქლეჩებული ხელების ქნევა დაიწყო.

— მოქალაქე!.. ამხანაგო!.. განა შენ მუშა ქალი არა ხარ?.. ქარხკომი თავის ნოცემულებას ასრულებს... და სხვა... რით გაგაგებინო, ადამიანო!..

— მიდი მაგას, ძალო, მიდი, ყველას მაგიერ!.. ჩვენც აქა ვართ!..

— გაათრიეთ აქედან ეს დედაკაცი!.. რა იყო, რაშია საქმე?.. აქ კედელზე ლენინის სურათი ჰკიდია და ეგ კი კაბას ჭიპამდე იხდის.

— გაჩუმდი ერთი, თორემ, მე ვიცი... რა იქნა ჩემი ფეხსაცმელები?.. ეს არის თქვენი დახმარება?.. ერთხელ წაველ სტანიცაში ტომრით, მერე ორჯერ სასადილოში ვიყავ ღორის სალაფავისთვის და ვხედავ ფეხსაცმელებს ძირი გავარდა... აი თქვენი დახმარება, თავზე გადაიბერტყეთ!..

დაიძახა მან, ფეხი მაგიდაზე მიიქნია, პირ დაბჩენილი ფეხსაცმელი წასძვრა, ლოშაკს გულში მოხვდა და იქით გადავარდა. დედაკაცმა იატაკს ფეხი დაარტყა.

ლოშაკი იჯდა ისევ ისე ხმის ამოუღებლად. მთლად ანტრაციტის ფერი ფეხსაცმელი წყნარად აიღო და მაგიდაზე დაიღო.

— მეტი ხომ არაფერი გაქვს სათქმელი?.. გისმენთ...

გრომადამ ვერ მოითმინა, ფეხზე წამოიჭრა და ხელების ქნევა დაიწყო.

სიბრაზისაგან შავგვრემან, მთლად მიწისფერ ლოყებზე უკანასკნელი სიხელი მოაწვა და აკანკალდა.

— ამხანაგო ლოშაკო, მე მეტს ვერ მოვითმენ!.. მე არ მცემინდა მოვითმინო, როგორ შეუგნებლად ფიქრობს ეს მოქალაქე და სხვა... სხვა... ეს, თავლაფდასხმაა!.. განა ქარხკომს საქმეები არა აქვს?.. ეს უნდა უთხრათ მაგას... ასეთი პროვოკაცია...

— მოითმინე, გრომადა, დამშვიდდი!.. ცხელი აბანო სასარგებლოა... აი, ვიმსჯელოთ... აბა ერთი გვითხარი, შე უბედურო დედაკაცო: რაში უნდა მოგცეთ ჩვენ კარგი ფეხსაცმელები?.. რა სამუშაო შეგისრულებია?..

— შენ ეი, თვალებს ნუ მიხვევ, ვილაცა ხარ!.. ვმუშაობ თუ არ ვმუშაობ, — სულერთია, მეც მეკუთვნის...

— მოიცა!.. რას არატრატდი დალაბანდივით, კარგად მოისაზრე. მე შენ გეკითხები: რა გაგიკეთებია შენ, შაქარ მოყრილ რძიან ფაფას რომ თხოულობ?.. ა?.. მეორე ფეხსაცმელიც აქ მომეცი!.. შეცდომით მოგცეს... ქარხკომი შეცდომაში შევიდა... შენ ღორებს კი რეკვიზიციას უშვრებით იმ სასადილოსთვის, სადაც შენ მუცელს იტენი... დაამტკიცე შენი სიმართლე... თუ დაამტკიცებ — უკანვე დაგიბრუნებ...

დედაკაცი უკან მიაწვა და არტელი თავიდან ბოლომდე შეაჩოჩქოლა.

— ფუი, ღმერთმა დასწყევლა თქვენი თავი და ტანი და თქვენი მოცემულიც!.. ეგდეთ მანდ, სანამ არ მოგეწყინოთ!..

ლოშაკმა დინჯად, შეკრული წარბებით ხელში ფეხსაცმელი აიღო (ფეხსაცმელს ლანჩა ძროხის ენასავით ავარდნოდა).

— აჰა, წაიღე, დედაკაცო!.. ქმარს მიუტანე და დაგიკერებს... ისე კი, თუ გინდა; შემდეგ შემოიარე... როცა ქარხანას ავამუშავებთ, ქვის სატეხში გაგზავნით: შენ ულალუმოდაც კარგად ააფეთქებ კლდეებს... ნალმევით ხარ...

დედაკაცი ფეხსაცმელს წაეტანა, ჩაჯდა იქვე და ლანძღვა-გინებით ჩაიკვა ფეხზე.

— თქვენ, ჰეი — ყური მიგდეთ... მე მინდა თქვენ აგიხსნათ, თუ რა გააკეთა საბჭოთა ხელისუფლებამ... ბურჟუებთან საომრად გლესს პური ჩამოართვა, ბურჟუებს კი — ქარხნები, და აი, ახლა ის ჩვენი... ვთქვათ... სამუშაო მაინც არ არის... ბურჟუებს ჩამოართვა, ჩვენ მოგვცა და ახლა გვეუბნება: აბა, მუშათა არტელებო, თქვენ იცით, როგორ მოუვლით, არაფერი დაკარგოთ... თუ ქარხანა აუშვით, თქვენ მაშინ ნახეთ რა იქნება... აბა, ახლა სახლში ყველამ...

ამ დროს გლები მაგიდასთან მივიდა, ხელის აღებით მიესალმა და გაიცინა.

— ყოჩაღ, ბიჭებო, აფერუმ თქვენს ვაჟკაცობას!.. კარგა ხანია არ მინახავხართ... მოველ დაზგასთან და რას ვხედავ, ქარხანა კი არა, — სასალახო გაგიხსნიათ... როგორ აგიობრებიან ყველაფერი, ამხანაგებო, გაგიპარტახებიან!.. დახვრეტის ღირსი ხართ თქვენ, ჩემო ძვირფასო და საყვარელო მეგობრებო, დახვრეტის...

გრომადას გაოცებისაგან სკამიც კი გადაუბრუნდა და იატაკზე წაექცა.

— გლებს!.. ჩემო ძვირფასო ამხანაგო!.. ლოშაკ, ხედავ, შე კუზინო, ვერ ხედავ ვინ არის?.. გლებ ჩუმალოვი... ჩვენი გლები... მკედარი და ცოცხალი... შეხედე, ლოშაკო, შეხედე...

ლოშაკი ისევ ისე იჯდა შავი კერპივით გაქვავებული დასტრეხილი ბისტების ბრიალით ისევე უცქეროდა გლებს, როგორც მის წინ მდგომ მუშებს, როგორც იმ დედაკაცს, როგორც მთელს ამ არტელს, ყოველდღე რომ აქ მოდიოდა დილიდან საღამომდე საყაყანოდ.

— მაშ ასე. ვხედავ, კარგად ვხედავ: იყავ ზეინკალი, — ახლა მხედარი ხარ... ზეინკალთა საამქრო დალბა, გლებ, სულ მთლიად გაოხრდა, იქ ახლა კაეიან ასანთებს აკეთებენ... დაწყველილი ადგილია, გლებ, დაწყველილი ადგილი!..

და მაგიდის ქვემოდან გრძელი ხელი ძლივსძლივობით გამოსწია, მერე მაგიდაზე ნელ-ნელა გააცურა და გლებს გაუწოდა და რატომღაც გლებს უცნაურად მოეჩვენა რომ ეს უზარმაზარი ხელი (გლების ხელზე დიდი) — ლოშაკის ხელი იყო.

უეცრად გლებს მუშები სხვადასხვა საამქროებიდან მოაწყდა, უცქეროდენ გაოცებულ თვალებით მას, მკვდრეთით ამდგარს, და ბუტბუტით ხელს ართმევდენ.

ჩამოვარდა სამარისებური სიწყნარე, იქა-აქ ამოოხვრა ისმოდა მხოლოდ.

— აი, ამხანაგო ჩუმალოვი!.. შენი თვალით ნახე... ყველაფერი ჩვენ ხელშია... შენ თვითონ ნახე... ყველა პატრონები გავრეკეთ... და ხედავ, მაგისი დედაც... ყველაფერი დაიღუპა, წავიდა უკულმა.. ტაციაობა ყველგან.. ვის კანკიკი მიაქვს... ვინ სპილენძს აძრობს მანქანაზე და ვინ ღვედებს სკრის... ესეც ჩვენი ხელისუფლება...

სჩიოდა ყველა ერთად და ვერ გაიგებდი, ვინ ვის უჩიოდა, — ყველა ერთი მეორეს აწყვეტინებდა და ყველას ეგონა, რომ მხოლოდ ის იყო მომჩივანი.

გლები მხიარულ ღიმილით უცქეროდა არტელს და თავს იქნევდა.

— აა, მეკასრეები!.. მქედლები... ელექტროხელოსნები... ზეინკლები... ძმებო!..

სულ პატარა, გაძვალტყავებული, გამხდარი გრომად ხალხში თავისი სკამით გაძვრა და რაც ძალი და ღონე ჰქონდა იატაკს დაარტყა.

— უკან დაიწით, ამხანაგებო!.. გზა მიეცი ამხანაგ ჩუმალოვს... ის ჩვენი მხედარია, ჩვენი მეომარი, წითელარმიელი და, ვინაიდან და რადგან იგი ჩვენი დიდებული ქარხნის მუშა არის, ამიტომ ჩვენ მუდამ ღ ყოველთვის პატივისცემა გვმართებს მაგისი და სალამის მიცემა. ჩუმალოვს რომ წითელარმიაში მწვანეებისაგან ტანჯვა-წვალება არ გამოეარა და სხვა, მაშინ ჩვენ, იქნებ, ბევრი ვერაფერი გაგვეკეთებინა რეკაპეს რიგებში შესვლისათვის... აი, რას წარმოადგენს, ამხანაგებო, ჩვენთვის ამხანაგი ჩუმალოვი.

მუშათა არტელებიდან ესევე ისმოდა ალერსიანად:

— ხომ გადარჩი, ძამიავ?.. კარგია, ძლიერ კარგი, რომ გადარჩი!.. ახლა აქ იქნები ჩვენთან... დრო ატარე... მაგრამ რაღა დროსტარება იქნება აქ?..

თუთუნის ჩვენზე იყოს... ქარხანა—ხაბარდა!.. ტინ-ტილილინ!.. გათავდა!.. აღარ არის...

გრომადა მუშტებით ემუქრებოდა მათ და ჩახლეწილი ქვიშა ეფარებოდა ქინკრაქასავით.

— ამხანაგებო, ვინაიდან და რადგან ჩვენ, მუშათა კლასი, ვცდილობთ წარმოების დაპყრობას... მაგრამ სირცხვილია, ამხანაგებო, სირცხვილი... ჩვენ დემაგოგიურ ანკესზე ვეგებით... ჩვენ ყველა ფრონტებზე გავიმარჯვეთ და ყველაფრის ლიკვიდაცია მოვახდინეთ და თუ ჩვენ ვერ შევძლებთ შრომის ფრონტზეც ბრძოლას?!

გლები ჩუმად იყო და ასე ხმის ამოუღებლად უცქეროდა მუშების სახადით ნაავადმყოფარ, ფერმკრთალ სახეებს, უცქეროდა გრომადას (თვითონ ქინკრაქასავით პატარა, გვარი დიდი, სიტყვებსაც დიდ-დიდს ლაპარაკობს), ლოშაკს, კისერზე უხარმახარი თავი რომ დასწოლია და მაგიდის ქვეშ შემძვრალა, და უეცრად, იმ დროს, როცა ის დაქანცული და უენო სკამზე გასწორდა, გლებმა იგრძნო ტკივილამდე, ისე როგორც მაშინ, აქეთ წამოსასვლელ გზას რომ დაადგა. რომ მისმა სიცოცხლემ გეზი შეიცვალა და ამ დღიდან იგი სულ სხვა გზას ადგას. ყველაფერი ნათელი და აშკარა იყო: ყველაფერს თავისი ჩვეულებრივი დასრულება ჰქონდა. და სადღაც იქ, შიგნით, სულ ახლო ბუნდოვანად და გულისშემოქმედებლად დაეხვია სევდა და ყელში გორგალივით ამოგორდა.

...დაშა... ცოლი, რომელმაც გადააბიჯა მას და წავიდა... ის უცხო იყო... გულში ისარივით მოხედა რალაც... ცარიელი ქარხანა... მშობლიური არმია...

— მართალია, მეკობრეებო, მეც ვხედავ!.. ვერა გაქვთ კარგი ცხოვრება... როგორ მიიყვანეთ ასე ყველაფერი გაპარტახებამდე?.. რას აკეთებდით?.. როგორ იბრძოდით?.. გამოშტერებულხართ, ამხანაგებო!.. ეს რა გიქნიათ?..

გრომადას რალაცის თქმა უნდოდა, მაგრამ ყელში მოწოლილ დიდ სიტყვას ვერ მოერიდა და გაჩუმდა. მუშებსაც უნდოდათ რალაცის თქმა, მაგრამ სიტყვის მაგიერ მძიმედ ამოიოხრეს და გაჩუმდნენ. ვილაცამ ჩაიციხა მხოლოდ მტვერით ჩახლანძული ხმით. ის მუშებს უკან იყო, არ სჩანდა.

— ქარხანაში რომ დავრჩენილიყავით, სიმშლით სული გაგვარდებოდა ყველას... რა დავგრჩენია მაგ ოხერ ქარხანაში...

გლებმა კბილები გააკრაჭუნა და ხელი მუხლზე დაირტყა.

— გაგვარდნოდათ მერე ეგ სული... გამწყდარიყავით და ქარხანა შეგენახათ!.. რა იყო მერე, რომ გაწყდებოდით, სამაგიეროდ ქარხანა იქნებოდა ცოცხალი!..

— ხო-ხო!.. კმარა!.. ჩვენ უშენოდაც საკმაოდ გველაპარაკეს ტკბილი მოთაფლული სიტყვებით!.. უკეთესია მაგ სიტყვებით იმათ მიმართო, ვინც ჩვენ გეთაფლავს. იმათი დედაც... ცოცხალი ვართ, თუ მკვდარი, კაცი არ კითხულობს...

ოთხად მოღუნულმა ლოშაკმა ბოხი ხმით დაიღმუვლა:

— მოდი ქარხანაში?..—კეთილი და პატიოსანი... სამუშაოდ წახვალ... ხაქმე უნდა გავაკეთოთ. ეს—კარგია, ძლიერ კარგი!..

გრომადა აღტაცებულ თვალებით უცქეროდა გლებს, როგორც მიდრი, განუზომელი უნდოდა ეთქვა, მაგრამ ვერ ახერხებდა, სიტყვები უცქერდა და არაფერი ებოძებოდა.

გლებმა ქუდი მოიხადა და ლოშაკის წინ მაგიდაზე დააგდო.

— მოველ, ლოშაკო... მოველ სახლში და ცოლმა ისე ამიარა გვერდი, თითქოს არაფერი. ახლა ისეთი დრო დადგა რომ შენ ცოლსაც ველარ სცნობ უეცრად.. ახლა ჩემ ბუნაგში ლოჭორები ბლომად არის, პური კი, — არა!. პურის ბართი დამიწერე ერთი, ლოშაკო!..

ამ სიტყვის თქმისთანავე, ხალხი ამოძრავდა და სიცილი დაიწყო.

ხომ ხედავ!.. ლამაზ სიტყვებს კი ამბობ, მაგრამ კუჭი მაინც თავისას მოითხოვს... ბარემ, აქედან დაგეწყო, შე დალოცვილო... ეეხ, ძამიავ!.. მოდი ჩვენთან და ჩვენთან ერთად დაიწვი შენ ერთ ტაფაში... კუჭი-კი საქმელს მოითხოვს!..

— ამხანაგებო, როგორც ხედავთ, ამხანაგი ჩუმალოვი ჩვენი საერთო მუშაა... მაგრამ ის მაინც ჩვენი... ის ხომ ბრძოლებში იტანჯებოდა, ამხანაგებო, და სხვა, და სხვა!..

— რაღა გინდათ აქ?... არ მოგშივდათ?... სახლში წავიდეთ...

გლები წამოდგა და ქუდი დაიხურა.

— ძმებო!..

დაიძახა მან ხმამაღლა ისე, როგორც არმიაში.

მუშები შეჩერდნენ.

— ძმებო!.. ასე იყოს... მართალია: კუჭს ამოყოფა უნდა... იქ მიომნია, — აქაც ვიომებ. ვიმუშაოთ... ქარხანა აღვადგინოთ... მოვკვდები, ქკუაზე შევიშლები და ქარხანა მაინც ავამუშაოთ... ცოცხლად დამწვით, ოღონდ ქარხანა გავაჩალოთ... აი ჩემი კისერი, ჩემი მარჯვენა!..

მუშები გაკვირვებული იდგნენ, თვალები ოდნავ მოეხუშათ.

— მიდი, გლებ, მიდი!.. მეც შენთანა ვარ... მართალი ხარ... მიდი!..

გრომადა იცინოდა, დარბოდა მაგიდის ირგვლივ და იწვოდა აკანკალებული.

უეცრად გლები შეკრთა, ნერწყვი ძლივს გადიტანა. ფანჯარაში გამოჩნდა, როგორ მოდიოდა ბეტონით დაფენილ გზაზე ბატონურ სიარულით, მხრებში მოხრილი დარბაისელი მოხუცი დიდკაცურად. არა, ის—არ არის მოხუცი: ის მაღალი კაცია, თეთრი წვერებით. ის—ინჟინერი კლემისტი არის... როგორც მაშინ, ახლაც ისევ ისე იდგა ის გლების გზაზე.





კრიტიკა მხატვრობა  
და  
კუბლიცისტისკა



## ჯესლიანი ჟანიუზნაბი

დიდსა და პატარა საქმეთა გაწამაწიაში, რაც ყელამდე ავსებს არა მარტო დღეებს, არამედ ხანდახან ლამეებსაც კი, ველარ ასწრებ თვალყური ადვენო სხვა „ფრონტებს“, — „ფასების პოლიტიკაზე“, ადგილობრივ ბიუჯეტსა, ჩინეთის სამოქალაქო ომსა, ინგლისის მზაკვრობათა, ნედლი მასალის პრობლემათა და სხვა ამგვარ ამბებზე რამდენისამე სართულით მაღლა რომ არის გაშლილი, იმაზე ზევითაა რასაც ჩვენ, „ქმა-ხელოსნები“ (რევოლიუციის ხელოსნები), ასე ვთქვათ, სამსახურის მოვალეობის გამო ვადევნებთ თვალყურს.

მაგრამ ხანდახან საჭირო ხდება ამ დარგებსაც მივაპყროთ ხოლმე ჩვენი თვალი. და უნდა გამოტეხიოთ ვთქვათ, იქ, „ზემოდ“, ყოველთვის თვალ-მარგალიტი როდი გხვდება.

„Красная Новь“-ის უკანასკნელ ნომერში მე წავაწყდი დრუჟინინის ლექსს „Российское“.

О Русь чудесная! Жива ты,  
Как живы русские блины.  
Твои соломенные хаты  
Овсяной тайной поляны.

რასაკვირველია, არავის დაეძრახვის ლექსად და პროზად პატრიოტული აღტაცებით ქებათა-ქება შეასხას „რუსულ ბლინებს“. ეს მით უმეტეს, რომ ამ ხელობას ადგიან ევროპის ქალაქებში ყველა „რუსის“ მეტრაქტირეები. არ დაეძრახვიოთ აგრეთვე აქონ „შეუცნობელი ღმერთის“ მიერ შექმნილი მისტიური საიდუმლოებანი. ამ „საიდუმლოებების“ მომხმარებელთა განსაზღვრული წრეებისათვის ქერი — სწორედ რომ შესაფერი მასალაა. განა ჯერ კიდევ შჩედრინმა არ სთქვა: „ზოგს კონსტიტუცია მოსწონს, ზოგს კიდევ პილპილ-მოყრილი ზუთხიოჲ“. სწორედ ამ, როგორც ახლა იტყვიან, მიმართებაზეა დამოკიდებული „რუსეთის“ ათვისება. ზოგიერთს ზემოხსენებული ქვეყანა საბჭოთა კონსტიტუციის პრიზმით განჭვრეტილი წარმოუდგება, ზოგი კიდევ ბლინების პრიზმით სჭვრეტს მას. ყველაფერი ეს გემოვნებასა, ტემპერამენტსა, ტვინსა და, — ბოლოს, — ჯანდაბას მისი თავი, — კუჭზეა დამოკიდებული. ბლინებია — ბლინები იყოს. მაგრამ აი, რა ამოვიკითხე შემდეგ გაოცებით:

Своя земля, как складень древний —  
 Над ней ночует свет и мрак,  
 И в каждой хате есть царевна,  
 И в каждой улице — дурак.  
 На них цветные сарафаны  
 И заливчатские штаны.  
 На кой же чорт иные страны,  
 Кроме советской стороны?  
 И я люблю тебя такую  
 Тоской и горечью полей  
 И не отдам твою тоску я  
 За всех заморских журавлей.



მართალია ჩვენ შეგვიძლია ავტორს დავეთანხმოთ, სულელების სიმრავლის შესახებ. მაგრამ სრულიად ვერ დავეთანხმებით მეფის ასულთა სიმრავლეზე, ვინაიდან მეფის ასულნი თავის დროზე ცოტაოდნად დახვრეტულ იქნენ, უვარგისობის გამო თავის დრო მოჭამეს და ხალხში პოპულარობა დაჰკარგეს. ისიც მართალია რომ ბლინებიდან „შარვალზე“ კატასტროფიული გადასვლა ნაკლებად არის „დასაბუთებული“. მართალია აგრეთვე, რომ ზემოხსენებული „Залихватские штаны“, შეზავებული „სამშობლოს სიყვარულისა და ხალხის სიამაყის“ შესახებ სიტყვებთან — ფრიად და ფრიად მოგვაგონებს ჰეინეს გმირებს კრაპულინსკისა და ვაშლიანსკის: „შენ სევდა გკლავს სამშობლოსი ქუდისა და ხალათისათვის“. ისიც უნდა ითქვას, რომ უკანასკნელი ტაეპი „ფორმალურად“ გადასხვაფერებაა საბავშვო ლექსისა:

Однажды немец, таз куя,  
 Сказал жене своей тоскуя:  
 „Задам рабочим таску я  
 И разгону свою тоску я“.

ბოლოს, ისიც მართალია, რომ არ შეიძლება რუსულად ასე თქმა: „В каждой улице — дурак“ — და ამის ცოდნა არას ავნებს „Российское“-ს ავტორს. მაგრამ ყველაფერი ეს არაფერია იმ ლოზუნგთან შედარებით, რომელიც უშუალოდ „სარაფანებსა“ და „შარვლებზეა“ „დამყარებული“: „На кой же чорт иные страны, кроме советской стороны“.

ეს უკვე მარტოოდენ „ნაციონალური გონებაშეზღუდულობა“ როდია. ეს პირდაპირ „შოვინისტური ლორობაა“. ძველ ნეტარ დროს რუსეთის ნაციონალისტურ-რუსულ იდეოლოგიის „კრისტალიზაციის საკმეში მნიშვნელოვან როლს“ თამაშობდა, როგორც მოგვხსენებათ, ბურახი (კვასი). აქედან წარმოსდგა „კვასნოი პატრიოტიზმი“, რაიც ყველა სულ ცოტაოდნად პროგრესიულ ადამიანის თვალში საგინებელ სიტყვად ითვლებოდა. ახლა კი, პროლეტარიატის დიქტატურის მეათე წელს, როგორც ჰხედავთ, კვასის ადგილი წარმატებით დაუკავებია ბლინებს. ქეშმარიტად, „ვითარ დიდებულ არს უფალი ვენი სიონით“ — შეუძლიანთ სთქვან ცოტაოდენი ირონიით ბლინებასა, შარვლებისა,

მეფის ასულთა და სულელების იდეოლოგზე. დავეთანხმებით ამას! მაგრამ ეს ირონია—მოსალოსეების (юродствующие) ირონიაა. ეს სალოსობა შედის, როგორც შემადგენელი ნაწილი, თანაერთადს იდეოლოგიაში უახლეს ნაციონალიზმისა „ა ლა მუეიკ რიუსს“. „ჩვენ მუეიკურად, „დურაკულად“ გვიჩვენებენ, ეს „მუეიკული“ მოსალოსე იდეოლოგია კონსპირაციის მიზნით საბჭოთა „კაფტანს“ იჩაჩავს ტანზე. მაგრამ მარტოოდენ ეს ნათქვამი: „кроме советской стороны“, — მკისვე ცხადპყოფს მთელს მის სიყალბეს, გაცვეთილობას, უგულწრფელობასა და შინაგან წინააღმდეგობას. „На кой же чорт иные страны“ —ო. არ შეიძლება, ბატონო ბლინების უზომოდ მკამელნო, ცოტა მეტი სიფრთხილით ილაპარაკოთ?!

ზემოხსენებულს ღირიკულს „აღსარებას“, მიუხედავად თავისი, ასე ვთქვათ, ინტიმურ-ფიზიოლოგიური შინაარსისა, დიდი საზოგადოებრივი მნიშვნელობა აქვს: ვიმეორებ, ეს მთელი იდეოლოგიაა. სერგეი ესენინის იოლი ხელით— „დღის ეს უკანასკნელი მოდა“ მოეფინა მთელს ჩვენს ლიტერატურას, მათ შორის პროლეტარულსაც და ამ „ქეშმარიტ რუსული“ ბლინების ქონიან ლაქად დააჩნდა. ნამდვილად კი, „ესენინშიჩინა“ — ჩვენი სალიტერატურო დროის ყველაზე მეტად მავნე და ნამდვილი გამათრახების ღირსი მოვლენაა. ესენინი ნიჭიერია? რასაკვირველია. აქ განა დავა შეიძლება? მაგრამ ნიჭიერი იყო ბარკოვიც, პუშკინის ლექსის ეს პირდაპირი წინამორბედი. ფრიად და ფრიად ნიჭიერია „აკადემიკოსი“ ბუნინიც. მერეეკოვსკისაც კი ვერ წაუვართმევთ ამ თვისებას. ესენინის ლექსი ხშირად ვერცხლის წყაროსავით მორაკრავებს. და მიუხედავად ამისა, „ესენინშიჩინა“ მთლიანად — ეს არის საზიზღრად შეპუდრული, ურცხვად შეფერუმარილებული რუსული დედისგინება, ლოთური ცრემლებით მაგრად დასველებული და ამიტომ უფრო მეტად საზარელი, უცნაური ნაზავი „ხვადი ძაღლისა“, „ხატებისა“, ჯიქნიანი დედაკაცისა“, „წმინდა სანთელისა“, მთვარისა, ძუკნებისა, უფალ-ღმერთისა, ნეკროფილებისა და ლოთური ცრემლების სიუხვისა; ეს არის ნაზავი „ტრალიკული“ ლოთური სლოკინის, რელიგიის, ხულიგნობის, ცხოველებისადმი „სიყვარულის“ და ადამიანისადმი, განსაკუთრებით ქალისადმი ბარბაროსული დამოკიდებულებისა; ესაა ნაზავი უმწიო ცდებისა „ფართო გაქანებისადმი“ — უბრალო დუქნის ოთხ ფრიად ვიწრო კედლებს შორის, ნაზავი თავაშვებულობისა, რომელიც პრინციპის სიმალღეზეა აყვანილი. და ყველაფერი ეს იფარება მოსალოსე კვაზი-ნაციონალიზმის სარქველ ქვეშ. აი, რა არის „ესენინშიჩინა“.

გვეუბნებიან: იგი იყო გლებთა პოეტი გარდამავალი ეპოქისა, ტრალიკულად დალუპული თავისი შეუგუებლობის გამოვო. არა, სავსებით ასე როდია, ძვირფასო მეგობრებო! გლებიცაა და გლებიც. ესენინის პოეზია თავისი არსებით არის მოლაქულ ფეხსაცმლიან, „ლოთი-ფოთ ვაქრად“ („ухарь-купец“) გადაქცეული მუეიკი, აბრეშუმის სარტყელითა და მოქარგული ბლუზით. „ლოთი-ფოთი“ დღეს „დედოფლის“ ფეხებს ემთხვევა, ხვალ კიდევ ხატსა ლოშნის; ზეგ შეიძლება მან დუქნის მოსამსახურეს ცხვირი მდოგვით მოუსვაროს, ხოლო შემდგომ „სულით და გულით“ სინანულში ვარდება და ტირის, შხადაა ხვადს ჩაეკონოს და „სულის საოხად“ წმ. სერგეის ტაძარს შესაწირი უძღვნას. მან,

შეიძლება თავიც კი ჩამოიხრჩოს თავისი შინაგანი სულიერი სიცარიელის სხვენში. „ძვირფასი“, „ნაცნობი“, „ქეშმარიტ-რუსული“ სურათია!

იდეურად ესენინი რუსის სოფლის, ეგრედწოდებული „ნაკვეთი“ ხასიათის“ ყველაზე მეტად უარყოფითს თვისებებს გამოხატავს: ცემა-ტყეპა, უდიდესი შინაგანი უდისციპლინობა და საერთოდ საზოგადოებრივი ცხოვრების ყველაზე ჩამორჩენილი ფორმების გაღმერთება. ადამიანებში გამოსული, „ლოთი-ფოთ ვაქრად“ ქცეული მუეიკი ხშირად კისერს იტეხს იმით, რომ „ლოლიკურ დასკვნამდე“ მიჰყავს თავისი „ნატურის“ „სიფართოვე“, ცნობილი „ჩემს ჟინს ნურვინ წინააღმდეგებით“, —ის „სიფართოვე“, რაიც თუ დავაკვირდებით, ნამდვილად შინაგანი მოფუჭულობა და უკულტურობაა. საზოგადოებრივი განვითარების უფრო მაღალ ფონზე იგი სწორედ ასეთად გვევლინება. ამისთანა „საშინლად ფართო“ პიროვნებათა ფრიალ მაღალ თვითშეფასებასა და მათს ქეშმარიტად მარადლაც რომ საბრალოს „რეფლექსებს“ შორის წინააღმდეგობას — შეიძლება პიროვნულად ტრადიციული აღსასრული მოჰყვეს. მაგრამ ჩვენ აქ საქმის მხოლოდ და მხოლოდ საზოგადოებრივი მხარე გვეინტერესება. ლიტერატურას საერთოდ და კერძოდ პოეზიას, ქეშმარიტად უდიდესი აღმზრდელობითი მნიშვნელობა აქვს. ეს „გაცვეთილი აზრია.“ პოეზია — ხასიათს აყალიბებს. ისტორიაში ჩვენი ლიტერატურისა, რომელიც არ შეიძლებოდა, საუკეთესო შემთხვევაში, რადიკალურ-მეშჩანური არ ყოფილიყო, მოიპოება გაპოეზიებული თავაშვებულობის მთელი მონბლანები ძმა-მწერლებისა, რომელნიც კეკლუცობით „ყლურწავდენ პილატეს ცრემლებს“ (არაყს), რასაკვირველია „ხალხის საკეთილდღეოდ.“ თუ წინანდელ დროს თავისი საკუთარი ინტელიგენტური წვინტლიანობით, უმწეობით, უხასიათობითა და საბრალობელი დონდ-ლეობით კეკლუცობა საზიზლარი იყო, —იგი უკვე პირდაპირ შეუწყნარებელია ჩვენს დროს, როდესაც სულ სხვა ხასიათები გვესაქიროება, —ენერგიულნი, ნებისყოფიანნი და არა მჩვარი, რომელიც, დიდი ხანია სანაგვეში გადასაგდებია.

ლიტერატურულ წვინტლიანობის ამ საბრალობელ ტრადიციას „მძლავრს“ ბურჯობას უწევს „ესენინშჩინა.“ მას გაპოეზიებული უხასიათობა — გაპოეზიებული ხულიგნობისა, მოქეიფე „ქეშმარიტ-რუს“ ლოთი-ფოთობის სიმალღეზე „აჰყავს“. ეს არის „ესენინშჩინის“ ლერძი და არა „საბჭოური“ მიმართებანი, სრულიად უცხონი და დაუძღველნი ესენინისათვის, რომელიც მთელი თავისი ემოციონალური ფესვებით გარემო ცხოვრებიდან სულ სხვა წვესს სწოვდა.

სირცხვილის აღმურით ვკითხულობდით მთელ იმ საგანსვენებო „ლიტერატურას“, დაღუპულ პოეტის ხსოვნას რომ მიუძღვნეს. ეს ლიტერატურა თბოქმის მთლად იმავე გზით მიდიოდა. „ძმა-მწერლები“ სლოკინით ჩასციებოდენ განსვენებულს ესენინს: „Давай, Сережа, ангел мой, я тебя поцелую.“

და ტიროდენ არც თუ მაინცა და მაინც ფხიზლის ცრემლებით.

მე ვიცი, ესენინის თაყვანისმცემლებს, —თაყვანისმცემლებს ორისავე სქესისა, —ძალიან აღაშფოთებთ ამ სტრიქონების სიავე. მაგრამ საქიროა „ესენინშჩინას“ კარგა ლახათიანად მოვსცხოთ. საქიროა ზოგიერთი ცოტა გონს მოვი-

დეს, აქეთ-იქით მიიხედ-მოიხედოს. ხანდახან ეს ფრიად და ფრიად სასარგებლო რამაა.

ჯერ კიდევ ამის დროს ლენინი სწერდა: „ჩვენ აღსავსენი ეროვნულ-სიახლეს გრძობით, რადგან ველიკოროსმა ერმაც წარმოშობილია ციონური კლასი, მანაც დაამტკიცა, რომ უნარი აქვს კაცობრიობისადმი თავისუფლებისა და სოციალიზმისათვის ბრძოლის დიადი ნიმუშების მოცემისა და არა მარტო უნარი „პოგრომების“, მთელ რიგ სახრჩობელათა, საპყრობილეთა, დიდი შიმშილობისა, ხუცესთა, მეფეთა, მემამულეთა და კაპიტალისტების წინაშე დიადი ქედმოხრილობისა. ჩვენ აღსავსენი ვართ ეროვნული სიახლეს გრძობით და სწორედ ამიტომ გვძულს ასე მძაფრად ჩვენი მონური წარსული. ვერავის დაედება იმის ბრალი, რომ იგი მონად დაბადებულა. მაგრამ ისეთი მონა, რომელიც არა თუ ერიდება თავისუფლებისადმი მისწრაფებას, არამედ ამართლებს და შეაღამაზებს კიდევაც თავის მონობას,—ასეთი მონა არის აღშფოთების, ზინლისა და სიძულვილის კანონიერი გრძობის გამომწვევი მლიქვნელი და ქამი.“

ასე აყენებდა ლენინი ველიკოროსთა „ნაციონალური სიახლეს“ საკითხს. მას შემდეგ დიდმა ხანმა განვლო და ველიკოროსმა ერმა თავისი მუშათა კლასის სახით გმირობის, რევოლუციონური ალტყინების და დიადი შემოქმედებითი ენერჯის შეუდარებელი ნიმუშები მოგვცა. ყველაფერ ამით ჩვენ, ველიკოროსებს შეგვიძლია ვიახლოვდეთ და უნდა ვამაყობდეთ კიდევ. მაგრამ აი, რა არის საინტერესო: ჩვენს ლიტერატურაში უკვე ამოიწია, როგორც საფუარიდან, „ველიკოროსთა სხვა სიახლემ“, რომელიც სწორედ ამ მონურს წარსულს დამღერის. მართლაც და, რა არის დარჩენილი აწმყოში ზემოხსენებული მონური წარსულიდან?

ესაა სიბნელე, უვიცობა.

ესაა ცემა-ტყემა.

ესაა ლოთობა. ესაა არყისა და კრემლების „უძირო, ლურჯი ზღვა“, როგორც მშვენივრად, არა ესენინურად სთქვა მოხუცმა გლეხმა მოსკოვის კონფერენციაზე.

ესაა დედისგინება.

ესაა დონდლეობა, შრომისადმი უპატივცემლობა, ხულიგნობა,

ესაა „საკმეველი“, „ხატები“, „წმინდა სანთლები“ და „კანდლები“.

ესაა შოვინიზმის ნაშთი: „на кой же чорт мне иные страны“.

ესაა ქალებისადმი ღორული მოპყრობა.

ესაა შინაგანი თავაშეებულობა, თავის თავზე მუშაობის უნარის უქონლობა, ობლომობის, ინტელიგენტური ამპარტაუნობის, ყოყოობის და მუშაობის მონური ტემპის ნაშთები.

მათელ ამ ჩვენს მონურ ისტორიულ წარსულს, რომელიც ჯერ კიდევ ცოცხალია ჩვენში, დამღერის და მალლა. კვარცხლბეკზე აპყავს ესენინისა და მის მრავალრიცხოვან მიმბაძველთა თავალებულსა და იმავე დროს ლოთურ-მტირალს პოეზიას. ამავე ხაზით სწარმოებს ახალ პოეზიაში „რუსული საწყისის“ შექება.

ხოლო იდეოლოგიის მწვერვალებზე იფურჩქნება ტიუტჩევისა და სხვებისადმი მიბრუნება. ან კი რატომ არა?

Умом России не обнять,

უ რ ი მ ნ ე მ უ მ ი

Аршином общим не измерить!

ა რ შ ი მ ი მ ი მ ი მ ი მ ი მ ი მ ი

მართალია ახლა არშინის მაგივრად უფრო მეტრს ხმარობენ. ისიც მართალია, რომ „ნაციონალური სიამაყის“ იდეოლოგებს შეგნების სხვა ორგანო, გარდა ტვინის, „ჭკუისა“—ჯერ ვერ გამოუნახავთ. მაგრამ, მიუხედავად ამისა, ისინი დაჟინებით ურტყამენ ჩვენს საბჭოთა საზოგადოებრივობის ქვას და თავიხ სახარების მიხედვით აეროვნულევენ ჩვენს ლიტერატურას. ზოგიერთი მიაბიტები კი მათს სტვენას აპყოლიან, ბანს ეუბნებიან და ვერ გაურჩევიან კი, სად რა და როგორაა საქირო.

„На кой же чорт иные страны“—აი, ერთი საზომი მეშჩანინის „ნაციონალური სიამაყისა“. „Умом России не понять“—აი, მეორე, ცოტა უფრო კვალიფიციური საზომი. ცოტაოდენი ლათაიები „უობოებისა“ (жиды), „ინოროდცების“ შესახებ,—აი, კიდევ ერთ-ერთი ფორმა მეშჩანური გრძნობუკების აღზრდისათვის. აი, ასე ნელი-ნელ აცოცებს ჩვენსკენ თავის იდეოლოგიურ თითებს რუსეთის ახალი ბურჟუაზია, სულ ერთია, შეგნებული აქვთ ეს მისი (ბურჟუაზიის) გავლენის პროლეტარიატში, განსაკუთრებით პროლეტარულ ახალგაზრდობაში გამტარებლებს თუ არა.

არ შეიძლება იმის უარყოფა, რომ „ესენინშჩინას“ უდიდესი გასაველი აქვს და ამნაირად იგი მავნე საზოგადოებრივ ძალად ხდება. უეჭველია იგი გადამდებ სენად მოსდებია ჩვენს კომკავშირულ ახალგაზრდობასაც.

რაშაა საქმე, რატომაა ასე?

რასაკვირველია, უპირველესად ყოვლისა საქმე ისაა, რომ ჩვენებურ ახალგაზრდობას ახასიათებს შრომის კულტურის ფრიად დიდი, მეშჩანური ნაკლებობა. ამ ნაკლებობას ზოგიერთი თავქარიანი „ვაეი“, რუსული სისულელისა გამო, თითქოს სიკეთედ და ისიც კომუნისტურ სიკეთედ სთვლის.

მაგრამ საქმე მართო ეს როდია.

საქმე ისაა, რომ ჩვენ თვითონაც ძალიან ნაკლებად გვესმის წინამდებარე იდეოლოგიური ამოცანები. ნება მომეცით, მკითხველო, ახლა სხვა ფრონტზე დაგვბინო ხალხი.

ჩვენ გასაოცრად ერთფეროვან იდეოლოგიურ საზრდოს ვიძლევიან. მე ამას იმ აზრით როდი ვამბობ, რომ ეს საზრდო ერთნაირი კომუნისტური რეცეპტით არის შემზადებულ-მოხარშული. პირიქით. ეს გარემოება ძალიან კარგიცაა. საერთოდ, რაც უფრო მეტი იქნება ასეთი მთლიანობა, მით უკეთესი. მაგრამ საქმე ისაა, რომ აქაც ჩვენში ივიწყებენ მომხმარებლის ინტერესებს: მომხმარებელს ხშირად მისდის ბეჭედდაკრული პარაგრაფები და ცირკულიარები ისეთი მოსაბეზრებელი ერთფეროვანებით დაწერილი, რომ შეუჩვეველს კაცს გული აერევა.

წინად ამბობდენ: კურდღელს კუდზე ფეხი მაგრად რომ დააჭირო, იგი წუმწუმის ანთებასაც დაიწყებსო. ახლა ამ თქმაში შესწორება შეაქვთ და გვიმ-

ტკიცებენ: თუ კურდღლის ზემოხსენებულ კუდს სათანადოდ მოექცევი, მისი (კუდის) პატრონი ციტატების შეკოწიწებასაც ისწავლისო. მაგრამ, მე მგონია/ კურდღელიც კი ავიმბობდებათ, თუ იგი დღისითა და ღამით ერთიხადაც ემუშავა იდეური მასალით ჰკვებეთ.

კომუნისტური იდეოლოგია, რასაკვირველია, ბევრად უფრო მეტი ტვეა-დობისაა, ვიდრე, ვთქვათ, ფასების დაკლების საკითხი, თუმცა ეს უკანასკნელი საკითხიც მნიშვნელოვანია. საერთოდ კომუნისტები და მუშები მოსიარულე აბს-ტრაქციებს როდი წარმოადგენენ: ისინი ცოცხალი ადამიანები არიან, სისხლი და ხორცი აქვთ. არაფერი ადამიანური მათთვის უცხო არაა. ისინიც იტანჯუ-ბიან, ხარობენ, იბრძვიან, უყვართ ვინმე, ცხოვრობენ, კვდებიან. თვითთული მათგანი პიროვნებაა და არა საშუალო სტატისტიკური ციფრი, არა ინდექსი, არა პარაგრაფი ან აბზაცი მიმდინარე მომენტის შესახებ რეზოლიუციისა.

გარდამავალი ეპოქის ცხოვრება ისეთი მდიდარია, ისე არაჩვეულებრივად რთულია, იგი იმდენად გატენილია წინააღმდეგობანითა და საზოგადოებრივი, საყოფაცხოვრებო თუ პირადი კონფლიქტებით, რომ აქ ასპარეზი აქვს დრა-მებს, ტრაგედიებს, კომედიებსა და ლირიკას; აქ ასპარეზია მეცნიერების, ფი-ლოსოფიის ზოგადი მსოფლმხედველობის უფართოესი ინტერესების გასაშლელად, გასაშლელად ყველა იმისა, რასაც კაცობრიობის „სულიერი კულტურის“ სა-ხელი ეწოდება.

ჩვენში, საჭიროა ამაში გამოვტყდეთ, აქაც ადგილი აქვს „მაკრატელს“ მა-სათა მოთხოვნასა და პროდუქციის ღირსებას შორის.

რითი იტაცებს ესენინი ახალგაზრდობას? რატომ არის, რომ ჩვენს ახალ-გაზრდობაში „ესენინის ქვრივთა“ წრეები არსებობს? რატომაა, რომ ხშირად კომკავშირელს „კომუნისტის თანამგზავრის“ გვერდით ესენინის წიგნაკი უდევს? იმიტომ რომ ჩვენა და ჩვენი იდეოლოგები არ შევხებივართ ახალგაზრდობის იმ სიმებს, რასაც შეეხო (თუნდაც არსებითად მაუნე ფორმით) სერგეი ესენინი.

აქ თავისთავად წამოიჭრება დიდი მნიშვნელობის დასკვნა. შეუძლებელია ჩვენი ახალგაზრდობა საცხენო დოზებით ვკვებოთ ერთისავე და იმავე მასალით. უფრო მეტი სხვადასხვაობა საკითხებისა! უფრო მეტი ყურადღება განსაკუთრე-ბული ფსიხოლოგიის მჭონე ცოცხალ ადამიანებს! მეტი ყურადღება ცხოვრებას მის მრავალფეროვანებით, ნაირნაირობითა და გასაოცარი სირთულით. ნაკლე-ბად იყოს ბექედდაკრული, არა სავსებით ხეირიანი მასალა, ეს ბიუროკრატი-ული იდეური შემოჭმედების ნაყოფი!

ახლა ორიოდე სიტყვა ჩვენი პროლეტარული პოეტების მიმართ. „უკვე რა-მდენჯერ გვითქვამს საქვეყნოდ“, რომ ჩვენი „პოეტური მონაცვლეები“ იმ საქ-მეს როდი აკეთებენ, რასაც უნდა აკეთებდნენ. ყველა პოეტები კრიტიკოსებად, ორგანიზატორებად და პოლიტიკოსებად იქცნენ და ცხოვრების შესწავლის საქ-მეს კი, საკუთარ თავზე მუშაობას კი ჩამორჩნენ, დაჰკარგეს მასებთან ცხოვე-ლი პოეტური ხმის საშუალებით ის კავშირი, რა კავშირობასაც ისინი უნდა ეწეო-დნენ. და აი, როდესაც ცხოვრების იძულებისა გამო ისინი ცდილობენ „ამღერე-ბას“, უცბად აღმოჩნდება ხოლმე, რომ მათი ღირიზმი, თუნდაც ყველაზე „შეუ-



რიგებლებისა“, სხვისი ნათქვამის გადამღერებაა. ცრემლები დასაშვებია, მაგრამ რატომ უეჭველად ლოთური სლოკინით? სევდაც დასაშვებია, მაგრამ რად გვჭირდება დამპალი „ваши пальцы пахнут ладаном“ ანუ „შენი ხელების სუნია ლადანის“? ამ დამპალს რამეებს თავი უნდა ვანებოთ. რაც უფრო „საქართველო“ უნდა ვისტუმროთ, მით უკეთესი. ჩვენ მოსიარულე ხატები როდი გვჭირდება, თუნდაც იგი ფრიად და ფრიად პროლეტარული ტიპისა იყოს. არ გვჭირია ეს ხატები, რომელთაც აუცილებლად მანქანები უნდა ჰკოცნონ, ანა და გამოხატონ ზესაშინელი „ურბანიზმი“, რომელსაც ნიადაგი არა აქვს, ვინაიდან მოსკოვში ჯერ კიდევ პყვიან მამლები და არც ექნება ნიადაგი, რადგან ჩვენ ვიცავთ „სოფელთან ქალაქის გაერთიანებას.“ ჩვენ გვჭირია ლიტერატურა ხალისიანი ადამიანებისა, ცხოვრების ორომტრიალში მონაწილეთა, მედგარი მშენებლებისა, ცხოვრების მცოდნეებისა და გახრწნილის, სიდაშპლის, საფლავის მთხრელობისა, ლოთური ცრემლებისა, ფეხებზემკიდიაობისა, ყოყოჩობისა და სალოსობისადმი ზიზღით მაკჭერალთა. ბურჟუაზიის უდიდესი ადამიანები იყვნენ არა მოჭეიფენი, გენიოსი ლოთი ვერლენის მსგავსნი, არამედ ისეთი გიგანტები, როგორიცაა გიოტე, ჰეგელი და ბეთჰოვენი, რომელთაც ისეთი მუშაობა იცოდნენ, რანაირიც სხვას არავის სცოდნია. პროლეტარიატის უდიდესი გენიოსები—მარქსი, ენგელსი და ლენინი—უდიდესი მუშაკები იყვნენ. ნეტარნი და გლახაკნი „სულით“, სახელისათა ქრისტესათა მოსალოსენი და კაფე-შანტანების „გენიოსები“ ნახევარ საათით—შორს ჩვენგან! უფრო მეტი სიახლოვე იმ შესანიშნავი ცხოვრებისადმი, დედამიწაზე რომ იფურჩქნება; მეტი სიახლოვე იმ მასებისადმი, ქვეყნიერებას რომ გარდაქმნიან!

## იდეოლოგიურ ფრონტზე\*)

ინტელიგენცია

ეს ავიღებთ ინტელიგენციის განწყობილებას, — ის რამდენათმე გამოხატულებას პოულობს ქართველ მწერლებში, ქართულ ლიტერატურაში. 1925 წ. საქართველოს გასაბჭოების ხუთი წლის შესრულების მომენტში გამართული იყო ქართველ მწერალთა ყრილობა, რომელმაც მიიღო დეკლარაცია, სადაც ის აცხადებს, რომ სავსებით დგას საბჭოთა ხელისუფლების პლატფორმაზე და სხ. მაგრამ, ასეთ დეკლარაციებს იქით, რომლებიც ამჟამად ჩვენთვის არაა საკმაო, ქართველი მწერლები არ წასულან და ჩვენ ვერ ვხედავთ, რომ ისინი, როგორც ინტელიგენციის ერთ-ერთი რაზმი, ლებულობდნენ აქტიურ მონაწილეობას ჩვენი წმენბლობის საქმეში.

მიუხედავად ასეთ დეკლარაციებისა, ჩვენ მოწამენი ვართ ისეთი გამოხატულების, რომლებიც არ ეთანხმება საბჭოთა არსს.

მოციყვან ორ მაგალითს ქართველ მწერლების ორგანო — ჟურნალ „ქართული მწერლები“ — დან 1926 წ. აგვისტოში, იმ მომენტში, როცა ჩვენ წინაშე ვაყენებთ ქვეყნის ინდუსტრიალიზაციის ამოცანას, ერთი ქართველი პოეტთაგანი, ეგრედ წოდებულ ახალ მიმართულების („ცისფერი ყანწები“) წარმომადგენელი ვალერიან გაფრინდაშვილი სწერს ამ ჟურნალში, მაგალითად შემდეგს:

„წყვეული იყოს დიდი ქალაქი,  
ჩემგან ვით ციხე უარყოფილი,  
მე შირჩევნია ქუჩას — ქალაქი,  
ჩემი სამშობლო არის სოფელი!  
და ცისარტყელა სჯობია კინოს,  
ჩრდილს კოშკებისას — ჭადარის ჩრდილი,  
ავტომობილის მკეჭავ სირინოზს  
სჯობს უსათუოდ ურმული ტკბილი!“

მას, ხედავთ, არ სურს არც ქალაქის მოძრაობა, არც მაშინიზაცია, არც ელექტროფიკაცია, ჩვენ ვატარებთ ინდუსტრიალიზაციას, ვალერიან გაფრინდაშვილს კი ეს საქმე სრულიად არ აინტერესებს, მას ურემზე ჯდომა ურჩევნია.

\*) ამს კახიანის ნოხსენებიდან — ტფილისის პარტკონფერენციაზე 11 იანვ. 1927 წ.

(სიცილი). ეს მისი საქმეა, — დეე იჯდეს მისთვის ურემზე და იმდენად ჩვენ მას ხელს არ შეუშლით, მაგრამ მან უნდა იცოდეს, რომ მშრომელებს ამგვარი სიმღერები ეხლა არ შეეფერება. ეხლა 1926—27 წ. ჩვენ ასეთ მშრომელებს და პოეტებს უნდა უთხრათ, რომ საქიროა ცოტათი გამოსცვალონ თავიანთი გრამაფონის ფირფიტები.

აი, კიდევ ამავე ჟურნალიდან აბაშელის ლექსი. აბაშელი ლექსით სწერს ბარათს ნოე ჩხიკვაძეს. რა თქმა უნდა, შეიძლება ბარათის მიწერა ნოე ჩხიკვაძისათვის, თუმცა ის უკვე მკვდარია, მაგრამ ვნახოთ რა ლექსს უძღვნის ნოე ჩხიკვაძეს ეს აბაშელი. ამ ლექსის უკანასკნელ აბზაცში ნათქვამია მაგალითად შემდეგი:

„მაგრამ დღეს სხვაა ჩვენი პაერი —  
დაეცა ლოცვა და პოეზია.  
მოკვდა ბრწყინვალე ძველი შაირი,  
და ახალს — ჩრდილი შემოესია.  
გაგიკვირდება: ლექსს რად არ ჰშველის, —  
რომ კვლავ ამალდეს რჩეულ ხარისხად, —  
ციდან ქუხილი ბარათაშვილის.  
მთიდან ყვირილი ვაჟას ხარისა?  
ახლა ქუხილი არ ისტამბება,  
ხარი არ ჰყვირის მაღალ მთებიდან.  
ლექსი დაადრჩო წვრილმა ამბებმა,  
ამონაწერმა გაზეთებიდან.“

როგორც სჩანს ავტორი უკმაყოფილოა, რომ ჩვენ ამჟამად არ ვბეჭდავთ ყოველგვარ ანტი-საბჭოთა აბდა-უბდას და აბაშელის ლექსების ნაცვლად ვათავსებთ სხვა მასალას, რომელიც გაცილებით უკეთ სახავს საბჭოთა ყოფაცხოვრებას. უნდა ითქვას, რომ ეს აბაშელი უკანასკნელ დრომდე მუშაობდა სახელგამში, იმყოფებოდა საბჭოთა ჯამაგირზე და ამავე დროს მოახერხა 1927 წ. შეედგინა ისეთი საბჭოთა კალენდარი, სადაც, რაც უფრო უახლოვდებით 26 მაისს, დაბეჭდილია ისეთი სხვადასხვა ლექსები, რომლებშიაც გაკვირვებით არის ლაპარაკი საბჭოთა ხელისუფლების წინააღმდეგ.

ასეთი მიკიბ-მოკიბული ენით ლაპარაკობენ იმ იმედით, რომ ჩვენ მას ვერ გავიგებთ. არიან ისეთი გულუბრყვილონი, რომლებიც ფიქრობენ, რომ კომუნისტები სათანადოთ ვერ ერკვევიან ლიტერატურის საკითხებში. აშკარად უნდა ითქვას, რომ ჩვენ არავის უფლებას არ მივცემთ კონტრბანდათ გააპაროს ყოველგვარი ანტი-საბჭოთა საქონელი. ჩვენ ვსცდილობთ ჩვენს მხარეზე გადმოვიყვანოთ ინტელიგენცია, საამისოდ ჩვენც ვმუშაობდით და ვმუშაობთ, მაგრამ ჩვენ გადაჭრით ვიბრძობებთ ანტი-საბჭოთა სულისკვეთების ასეთი გამომქლავების წინააღმდეგ ინტელიგენციაში.

თუ ავიღებთ ქართველ ინტელიგენციას შთლიანად, იგი შეიძლება დაყოფილ იქნეს დაახლოვებით სამ ძირითად ჯგუფად.

პირველ კატეგორიას უნდა მიეკუთვნოს ინტელიგენციის დიდი და საუკეთესო ნაწილი, რომელიც საბჭ. ხელისუფ. დამყარების დღიდან ჩვენთან მუშაობს და აქტიურ მონაწილეობას იღებს ჩვენს აღმშენებლობაში. ასეთი ინტელიგენციის საუკეთესო მაგალითია ინჟინერი ბ. ჭიჭინაძე, რომელსაც საბჭოთა ხე-

ლისუფლებამ მიანდო ორი დიდი საქმე—ზაჭესის აშენება და საქართველოს ს. მ. უ. ს. ხელმძღვანელობა. ჩვენი დამოკიდებულება ასეთ უპარტიო ინტელიგენტებთან, რომლებიც ჩვენს მხარეზე მუშაობენ, სავსებით ნათელია: მათი ინტელიგენტობისა, დახმარებისა და ყურადღებისა.

მეორე ჯგუფს შეიძლება მიეკუთვნოს ქართველი ინტელიგენტების საკმაოდ დიდი ნაწილი, რომელიც თუმცა უკვე წელიწადია ჩვენთან მუშაობს, მაგრამ მაინც რალაცას უცდის და პასიურად, ყოველგვარი ენტუზიაზმის გარეშე ასრულებს თავის მოვალეობას. ასეთი ინტელიგენტების ნათელი მაგალითია სეით დევდარიანი, მისი რყევით და ერთ წერტილზე გაყინვით. ასეთ ინტელიგენტებთან, რომლებიც რალაცას უცდიან, ჩვენც სათანადო დამოკიდებულება უნდა გვქონდეს: ჩვენც უნდა დავიცადოთ და ფიზიკური თვალყური უნდა ვადევნოთ მათ. ძირითადი ამოცანაა აქ—მათი გარდაქმნა და ხელახლა აღზრდა საბჭოთა სულიკვეთების ნიადაგზე.

მესამე ჯგუფს შეიძლება მიეკუთვნოს ინტელიგენტების მეტად მცირე ნაწილი, რომელიც ჩვენს მიმართ აშკარად მტრულად, —სახანჯლოდ, თუ შეიძლება ასე ითქვას, არის განწყობილი. ისინი ზოგან ჩვენს დაწესებულებებში მუშაობენ და ყველგან და ყოველთვის სცდილობენ ზიანი მიაყენონ საბჭოთა საქმეს. რასაკვირველია, ასეთი ინტელიგენტების მიმართ ჩვენ არ შეიძლება გვქონდეს რაიმე ნდობა, რაიმე დახმარება. ჩვენი ამოცანაა—პირველ რიგში განვათავისუფლოდ მისგან ჩვენი საბჭოთა დაწესებულებები.

აი, დაახლოვებით ის, რისი აღნიშვნაც შეგვიძლია ჩვენ ჩვენი ინტელიგენტისთან და ინტელიგენტის ჩვენთან დამოკიდებულების შესახებ.

თ ე ა ტ რ ი

შემდეგ მე მინდა შევეხო ქართულ თეატრს, რომელიც ჩვენი აგიტაციის იარაღი უნდა იყოს.

როგორი მდგომარეობა გვაქვს ჩვენ ამ მხრივ?

ავიღოთ რუსთაველის აკადემიური თეატრი. მან, მართალია, უკანასკნელი დროის განმავლობაში ტექნიკური მიღწევების მხრივ ძალიან ბევრი გააკეთა, რეპერტუარის მხრივ კურსი აიღო მარცხნივ, დადგა ისეთი პიესა, როგორიც არის „ზაგმუკ“ და დასადგმელად ამზადებს „საქე მარცხნივ“-ს; ეს ძალიან კარგია, რომ მან საქე მარცხნივ მიმართა, მაგრამ ამ თეატრში აღდგლი აქვს ერთ არანორმალურ მოვლენას. ეს ის არის, რომ იქ არსებობს ჯგუფი „დურუჯი“, რომელიც პრეტენზიებს აცხადებს მონოპოლიურ უფლებაზე თეატრში. ამ კორპორაციის დაარსება ხდებოდა სხვა პირობებში, როდესაც ეს პროგრესიული და რევოლუციონური მოვლენა იყო, რამდენათაც ეს არტისტები იბრძოდნენ ძველ მეთოდებთან და რეაქციონურ ტრადიციებთან და რამდენადაც ისინი სცდილობდნენ მარცხნივ მიემართათ საქე, მაგრამ ეხლა „დურუჯი“ თავის საწინააღმდეგო მოვლენად გადაიქცა და იგი საპარალო ხდება თეატრისათვის. ჩვენ ვფიქრობთ, რომ სახელმწიფო თეატრის არტიტი არ შეიძლება ეკუთვნოდეს რაიმე კორპორაციას, რომელსაც რალაც თავისი წესდება აქვს და რომელიც თავისი შეხეულებებისამებრ მუშაობს.

აქედან საჭიროა გამოტანილ იქნეს სათანადო დასკვნები სახელმწიფო თეატრის გაჯანსაღების მხრივ, იმ მიზნით, რომ იგი დაუახლოვოთ მუშებს და მშრომელთა მასებს, რომლებმაც ძალიან ცოტა იციან ამ თეატრის არსებობის შესახებ.

## პროლეტარული მწიკლოვა



ეხლა ჩვენი მარცხენა ფლანგის შესახებ. რა გვაქვს ჩვენ ლიტერატურის დარგში? ჩვენ არც ისე ლატაკნი ვართ. ჩვენ გვაქვს პროლეტარული მწიკლოვა კავშირი. ეს ასოციაცია, მართალია, სათანადოთ ვერ მუშაობს. მათ დაიწყეს იმით, რომ გამოსცეს ჟურნალი „ლიანდაგი“. ჩვენ ესთქვით, რომ საკმარისი არ არის მართო სახელწოდება, საჭიროა რომ მათ გამოამქლავონ შემოქმედებითი ტენდენცია. მაშინ მათ შესცვალეს ეს სახელწოდება და რატომღაც ამოირჩიეს „მერცხალი.“ მე არ ვიცი, რატომ უნდა გამოხატოს ამ მერცხალმა ქართული პროლეტარული პოეზია. უკანასკნელი დროის განმავლობაში პროლეტარულმა მწერლებმა რამოდენიმეთ გააცხოველეს თავისი მუშაობა, აირჩიეს პრეზიდენტი, სამდივნო, ფიქრობენ ახალი ჟურნალის გამოცემას, მართავენ თვითმოქმედების საღამოებს, სადაც კითხულობენ მოხსენებებს და ლექციებს. ისინი ერთგვარ აქტივობას იჩენენ. მაგრამ ეს არ არის საკმარისი. თუ მათ უნდათ ნამდვილი ჰეგემონები გახდნენ ჩვენს ლიტერატურაში, ჰეგემონია კი შეიძლება მოპოვებული იქნეს მხოლოდ ბრძოლის პროცესში, მათ უნდა მოამზადონ და გამოუშვან თავისი კარგი მხატვრული პროდუქცია, ამისათვის კი საჭიროა სწავლა, სწავლა და კიდევ სწავლა. თუ ჩვენ გვინდა დავიპყროთ იდეოლოგიური ფრონტი, საჭიროა გვყავდეს მომზადებული მწერლები და დიდი ყურადღება მივაქციოთ მათ მუშაობას.

## მ ლ მ ს ი თ ვ ა

ეხლა იმ საკითხების ჯგუფის შესახებ, რომელნიც ეკუთვნიან ჩვენს ბრძოლას იდეოლოგიურ ფრონტზე.

მე კმაყოფილებით უნდა აღვნიშნო ის ფაქტი, რომ ამის შესახებ ბევრი ითქვა ამ კონფერენზიაზე. ეს გასაკვირველი არაა იმიტომ, რომ თუ ჩვენ სწორად გვინდა გადავსწყვიტოთ სოციალისტური აღმშენებლობის საკითხი, მაშინ ჩვენ სათანადო თეორეტიული საფუძველი უნდა გვექნეს, რომლის ხაზი უნდა გავატაროთ ჩვენი აღმშენებლობის ყველა დარგებში.

აქ ილაპარაკეს იმის შესახებ, რომ მუშა მუშფაკელებს სურთ მეცადინეობა, მაგრამ სტიპენდიის რაოდენობა არის იმდენად მცირე, რომ არ უზრუნველყოფს ნორმალური მეცადინეობის პირობებს. ეს მართალია. განათლების სახალხო კომისარიატმა უნდა იფიქროს იმაზე, რომ შეამციროს ხარჯები „ფუფუნების“ საგნებზე და ცოტა-ოდნად მაინც გაადიდოს სტიპენდიები.

აქ აღნიშნეს, რომ მუშები ვერ დადიან თეატრებში ფასების სიძვირის გამო. ესეც მართალია. აქ ნაწილობრივ დამნაშავენი არიან ჩვენი პროფკავშირები. მე, მაგალითად, დავსვი მუშათა ზოლის გატარების საკითხი. მაგრამ პროფკავშირები რატომღაც უწევენ ამას წინააღმდეგობას, ამბობენ, რომ არ არსებობს ამის აუცილებლობა, ვინაიდან რაიონებში იდგმება წარმოდგენები, ცენტრში კი მუშები სულ ერთია. არ წავლენ. რატომ ფიქროფთ თქვენ, რომ მუშა არ წავა ოპერაზე ან რუსთაველის თეატრში? ასეთი ოპეკუნობა რამდენადმე ჩინოვნიკურ ხასიათს ატარებს. ჩვენ მაგალითის აღება მოგვიხდება სხვა ცენტრალური ქალაქებიდან და ტფილისშიაც უნდა გავატაროთ მუშათა ზოლი იმისათვის, რომ მუშებმა ხელმისაწვდომ ფასებში შესძლონ თეატრებში სიარული.

იდეოლოგიური ბრძოლის ფრონტზე ცოტა გადაამლაშა ამხ. სალუქვაძემ იგი კარგად ლაპარაკობდა, როგორც შეფერის კომკავშირის წარმომადგენელს, დიდის ენერგიით, მაგრამ ერთგვარი გადამლაშება იყო სახელდობრ იგი მოითხოვდა მთელი არა კომუნისტური, მთელი არა პროლეტარული ლიტერატურის შეკუმშვას. ეს არ შეიძლება. ამხ. სალუქვაძე მართალია, რომ ყოველ არასაბჭოთა ნაწარმოებზე მაშინვე უნდა უბასუბოთ. ეს მართალია, ჩვენთვის აუცილებელია გვეჩინდეს ჩვენი მარქსისტულ-ლენინური კრიტიკა. ჩვენში კი ხშირად ხდება, რომ რეცენზია არაფრად არ ვარგა. ამას წინედ გამოვიდა ჟურნალი „საბჭოთა ხელოვნება“. ამ ჟურნალის რედაქციაში 5—6 კომუნისტი ზის. პირველი ნომრის მოწინავე წერილში ისინი დაგვიპირდნენ სერიოზულ მარქსისტულ კრიტიკას. მე ენახე ჟურნალი და აღმოჩნდა, რომ ჟურნალმა სრულიად ვერ შეასრულა მოწინავეში მოცემული დაპირება. მოწინავე წერილი დასწერა ერთმა ამხანაგმა, დანარჩენი კი სხვებს მიიანდო, რომელნიც ყოველგვარ ტუტუტურ წერილებს სწერენ, როგორც მაგ., იმას, რომ ჟურნალ „ქართული მწერლობა“, რომელიც არაა ჩვენი ორგანო, მეტად კარგი ჟურნალია და უფრო და უფრო უმჯობესდება. მე პირადად ვფიქრობ, რომ ჟურნალი სულ უფრო და უფრო უარესდება. ეს ჟურნალი არის არა საბჭოთა ხელოვნების, არამედ დომხალის. კომუნისტებისათვის, რომლებსაც ჩვენ ვგზავნით იდეოლოგიურ ფრონტზე, საკმაო არაა ლიტერატურაში ჰეგემონობის მხოლოდ სურვილი. საჭიროა ამისათვის რამის კეთება. საჭიროა, რომ მტკიცე და ხანგრძლივი შრომით მოიპოვო ჰეგემონის უფლება.

ამხ. სალუქვაძე ამბობდა, რომ არ ვარგა თავუნას „თამარ ცბიერი“ — ვეთანხმები, რომ ეს კონტრრევოლუციოხური იუმორია. ადამიანს რომელიც არის მენშევიკი, არ შეუძლია ნამდვილი, ჯანსაღი სიცილი. სიცილი შეუძლია მხოლოდ კომუნისტს, რომელიც ხედავს რაიმე უმსგავსოებას და ჩვენი თვალსაზრისით დასცინის მას. როცა იცინის მენშევიკი, ეს გამოდის არა სიცილი, არამედ ლვარძლიანი ხითხითი ჩვენს პოლიტიკაზე. თავუნა იცინის ჩვენს პოლიტიკაზე ყოფილ მენშევიკების მიმართ, იცინის მუშათა დელეგატების ჩამოსვლაზე, რაიც დიდი მიღწევაა ჩვენთვის. ერთი სიტყვით ის დასცინის ჩვენს პოლიტიკას და ამას მეტად მოსერხებულად სჩადის. (ხმები: რატომ გაუშვით?) იმიტომ, რომ ხდება შეცდომები.

ასე, რომ ამ მხრივ მე ვეთანხმები ამხ. სალუქვაძეს, რომ თავუნა არ ვარგა, მაგრამ არ ვეთანხმები მას, როცა იგი ამბობს, რომ კარგია სერგია ერისთავის „ნაწარმოები“. მე ვფიქრობ, რომ სერგია ერისთავის „ნაწარმოები“ არის ნაწილობრივ პორნოგრაფია და ნაწილობრივ ხალტურა. ასე, რომ თქმა იმის, რომ იგი განოდგება ჩვენი სატირისა და იუმორის ნაწარმოებად, ზედმეტია. ჩვენ გვყავს პროლეტარული იუმორისტი სალიბისტრო თოდრია. მას ეხლა დიდი თანამდებობა უჭირავს — ცაკის მდივანია. მაგრამ იგი მაინც სისტემატიურად უნდა შეუდგეს ლიტერატურულ მუშაობას, რომ შექმნას ნამდვილი ჩვენი იუმორი და გაანადგუროს ყველა ეს თავუნები და მენშევიკების სხვა თავგები. (ტაში)

## რომანტიზმი ქართულ ლიტერატურაში

### I

მე-XIX-ტე საუკუნე მდიდარია არა მარტო თავისი არაჩვეულებრივი შინაარსით — აღმოჩენებით და მიღწევებით. მდიდარია აგრეთვე თავისი არაჩვეულებრივი განთიადითაც.

მე-XVIII-ტე საუკუნის მეორე ნახევარი, საფრანგეთის დიდი რევოლუცია თავისი მოსაზრებებით ხანით და შედეგებით მთელი კაცობრიობის ისტორიაში არაჩვეულებრივი დაჭიმვის ხანაა. ამ ხანამ მე-XIX-ტე საუკუნის ცისკარი შელება წარმტაცი იმედებით და მწარე იმედგაცრუებულობით, ბედნიერების პოვნის აღტყინებით და სინამდვილეში საშინელი მსხვერპლის განწირვით, თავისუფლების ქვეყნის მოახლოების და დამყარების რწმენით, თანამედროვეთათვის კი თითქოს მასთან დაშორებით.

ეს ხმა არაჩვეულებრივი და ძლიერი იყო არა მარტო საფრანგეთისათვის, არამედ მთელი კაცობრიობისათვის. ამ ხანამ ძირითად შეარყია არა მარტო საფრანგეთი, არამედ მთელი კაცობრიობაც.

ეს ხანაა ძველის მტკრევისა და ნგრევისა, ახალის აუცილებლობისა, ახალს პრინციპებზე. ეს მეტად ძლიერი და მტკივნეული გარდაქმნის ხანაა.

კაცობრიობის ასეთი აბობოქრებული ვნებათა და აზრთა ღელვის დროს, ბუნებრივია, ლიტერატურა, როგორც ერთ-ერთი მძლავრი ნაკადი ცხოვრებისა, მისი ცოცხალი ანარეკლი, ვერ შეადგენდა გამონაკლისს, ისიც უნდა წასულიყო ახალი გზით, ახალი მისწრაფებით, ახალი შინაარსით.

აი ამ რევოლუციის ხანის აღში და შემდეგ მის განვლებულ მდიდარ კერაზე ჩნდება და ხორცს ისხამს ის დიადი ლიტერატურული მიმართულება, რომელმაც მიიზიდა და დაიპყრო მთელი კაცობრიობის მოწინავე საზოგადოების გრძნობა და გონება მე-XIX-ტე საუკუნის 30-იან წლებამდის და რომელსაც **რომანტიზმი** ეწოდება.

რა არის რომანტიზმი?

ამ საკითხის გარკვევა და ნათელყოფა მით უფრო საჭიროა, რომ თუმცა ცნება რომანტიზმი ხშირად იხმარება ისე თითქოს ეს ტერმინი გარკვეულს რასმე გვეუბნებოდეს, მაგრამ თუ მოვიხილოთ მის კონკრეტულად წარმოდგენას, გაგებას თუ რაშია მისი შინაარსი, სად არის მისი საზღვრები, რითი განსხვავდება ის სხვადასხვა ლიტერატურულ მიმართულებებისაგან, აღმოჩნდება რომ შეგ-

ვიძლიან ვიპოვოთ თითქმის იმდენგვარი გაგება და განმარტება რომანტიზმის, რამდენიც მასსზე გამოკვლევა არსებობს.

თუ ამ მოვლენას ღრმად და სერიოზულად ჩაუკვირდებით, დასავლეთ-ევროპის მწერლობის ისტორიაში რომ გადავიხედოთ, იქ ვერ ვხვდებით მთლიანობას რომანტიზმის გაგებაში. და ამ მოვლენას თავისი სერიოზული გასამართლებელი საბუთები აქვს.

ჩვენ ვერ შევძლებთ ყველა მწერალი, რომელიც თავის თავს რომანტიულ მიმართულებას აკუთნებს და სინამდვილეში მართალაც ასეა, ერთი საერთო კათეგორიის ქვეშ მოვაქციოთ.

განა შეიძლება ერთს ჯგუფში მოვათავსოთ: რომანტიკოსი რუსო თავისი ცივილიზაციის უარყოფით და ბუნების კულტით; შატობრიან, თავისი მისტიციზმით; ვალტერსკოტი — თავისი შესანიშნავი, წარმტაცი ფერადებით ძველი დროის დახატვით; ბაირონი თავისი ძლიერი პიროვნების კულტით, შეურიგებელი სულიერი განწყობილებით; ტიკო, ნოვალისი, თავიანთი მისწრაფებით საშუალო საუკუნოების ფანტასტიკისადმი; შლეგელები — მათი სიყვარულით ანტიურ კულტურისადმი?

ან რუსეთის მწერლებში განა შეიძლება უუკოვსკი, მარლინსკი, პუშკინი, ლერმონტოვი ერთი მიმართულების წარმომადგენლად მივიღოთ?

რასაკვირველია არა! თუმცა ყველა ჩამოთვლილი მწერალი რომანტიულ მიმართულებას ეკუთვნის.

ჩვენთვის აქედან აშკარაა, რომ რომანტიულ მიმართულებაში ვამჩნევთ მრავალ სხვადასხვაობას იმის მიხედვით, თუ მწერალი, ან მკვლევარი რომანტიზმის რომელ მხარეს აქცევს მეტს ყურადღებას.

ზემო ნათქვამიდან საკმარისია რომ ასეთი დასკვნა გამოვიტანოთ: ცნება რომანტიზმი მეტად ფართოა, ის კონგლომერატია სხვა და სხვა მიმართულებათა, მასში თავს იყრის ყველა ის, რაც მისი შთახახვის და განვითარების ხანაში მოწინავე, ცხოველმყოფელი და იდეური იყო ლიტერატურაში.

ამას გარდა მსოფლიო მწერლობის ისტორიაში ცნობილია ასეთი ტერმინები: ფრანგული, გერმანული, ინგლისური, რუსული რომანტიზმი. ეს გარემოება, რასაკვირველია, ართულებს და აძნელებს რომანტიზმში გარკვეული ცნება და შინაარსი ვიგულისხმოთ. რა კი ვარჩევთ გერმანულ რომანტიზმს ფრანგული რომანტიზმისაგან, მაშასადამე მათ შორის არის რაღაცა არსებითი განსხვავება, რომელიც გვიძნელებს ამ მიმართულების განსაზოგადოებას. შესაძლებელია აქ განსხვავება ნაციონალურიცაა. და ეს ასეც უნდა იყოს. როდესაც არჩევს ლიტერატურულ მიმართულებებს დასავლეთ-ევროპაში <sup>1)</sup> აი რასა სწერს პროფ.

ბატუშკოვი: „Идейный космополитизм встречается некоторое препятствие, когда мы переходим к области художественного творчества, в более тесном смысле слова. Идеи могут быть общими, так как они принадлежат отвлеченной области мысли. Между тем, форма выражения, материал Творчества и точка зрения должны быть свои. Искусство не может не быть нацио-

<sup>1)</sup> Проф. Ф. Д. Батюшков — „Памятник XIX века“



нальным, поскольку оно требует конкретности и индивидуального отношения к объекту творчества. Чтобы подойти к общему, надо сначала поработать сперва свое, индивидуальное. И вот, параллельно гуманизму и космополитизму XVIII века мы видим также искание и прояснение своей индивидуальной особы, искание своей природы, параллельно культу природы, вообще своей. т. е. своего народа без чего невозможно возвращение к непосредственности творчества“.

მაშასადამე ჩვენი მეცნიერების არსებული მდგომარეობის მიხედვით შეგვიძლიან ვილაპარაკოთ ან რომელიმე მწერლის, ან ჯგუფის, ან რომელიმე ეპოქის, ან კიდევ რომელიმე ერის რომანტიზმზე.

ჩვენც გვგონია, რომ შეგვიძლიან ვილაპარაკოთ ქართულ რომანტიზმზე, ან რომანტიზმზე ქართულ მწერლობაში. მაგრამ სანამდის ამ საკითხის უშუალო განხილვას შეუდგებოდეთ, საჭიროდ მიმაჩნია სქემატიურად მაინც გავიცნოთ ის პრინციპები, რომლებზედაც დასავლეთ-ევროპაში აღმოცენდა და განვითარდა რომანტიზმი.

## II

დასავლეთ-ევროპის მწერლობაში მე-XVII-ტე და მე-XVIII-ტე საუკუნის პირველ ნახევარში, განსაკუთრებით საფრანგეთში, ვხედავთ გაბატონებულ პსევდო-კლასიკურ მწერლობას თავისი გარკვეული, ჩამოყალიბებული კანონიერებით, სურვილით ყველაფერი ამ კანონების ფარგლებში ჩააყენოს. მიღებულ ფორმების და კანონების გარეშე არაფერი არ დასტოვოს, არ მისცეს არაერთარი გასაქანი თავისუფალ შემოქმედებას. ასეთი სასტიკი რეგლამენტაცია მხატვრულ შემოქმედებას უბრალო ხელოსნობად ქმნიდა და მით მას აკნინებდა.

პსევდო-კლასიციზმი დაიწყო საბერძნეთ-რომის მწერლობის შესწავლის ნიადაგზე, იმ იმედით, რომ იქ იპოვიდნენ იდიალურს. მაგრამ ეს შესწავლა დამთავრდა თანამედროვე შემოქმედების სრული დამონებით ერთხელ ცნობილ ავტორიტეტებისადმი, გარკვეული ფორმების და კანონების დამყარებით და ყოველივე ახალი გზის სასტიკი უარყოფით.

ფსევდო-კლასიციზმი აღმოცენდა დასავლეთ-ევროპის ფეოდალურ-არისტოკრატიული წესწყობილების ნიადაგზე, ფეოდალთა ფსიქოლოგიის თავისებურობაზე.

ფეოდალურ-არისტოკრატიულმა წყობილებამ საფრანგეთში მე-XVI--XVII-ტე საუკუნოებში უმაღლეს წერტილს მიაღწია. ლუი XIV თავისი ბრწყინვალე სასახლეთი და ეთიკეტით უდიდესი წარმონაღვენელია ფეოდალური კულტურის ცენტრალიზაციის პროცესისა. ლუი XIV თავის ბრწყინვალე სასახლეში შემოიკრიბა თანამედროვე მწერლები, დაუნიშნა მათ პენსია და მისცა საცხოვრებელი ბინა. მაღლიერი მწერლები, რასაკვირველია, ქებას ასხამდნენ თავიანთ სიუზერენს, ლუი XIV, მის სადიდებლად ოდებს სთხზავდნენ.

ლუი მეოთხემეტემ თავისი მოქმედებით, რომელიც ლოდიკური გამოხატულება იყო ფეოდალური წყობილების განვითარებისა, ბუნებრივი ნიადაგი მისცა

იმ ლიტერატურულ-იდეოლოგიურ მიმართულებას, რომელსაც ცრუ ანუ ფსევდო-კლასიციზმი ჰქვია და რომლის მთავარი ხასიათი იყო რაინდული.

ცრუ კლასიკოსები ხატავენ რაინდს მაღალი წოდებიდან, კბოვრებიდან იღებენ ისინი მასალას შემოქმედებისათვის.) თავრანთ-გმირებს გვისურათებენ მხოლოდ რაინდულ პოზაში და რაინდული მოქმედებით. ცრუ-კლასიკოსებს მიუღებლად მიაჩნდათ, რაინდს რაიმე ცუდი, რაინდის შთამომავლობისათვის შეუფერებელი საქმე ჩაედინა. ასეთი საქმეებისათვის იყო დაბალი წოდება, მოსამსახურეები. ეს ლიტერატურული მიმართულება წმინდა არისტოკრატიული იყო. ასეთი ლიტერატურული მიმართულებისათვის საჭირო იყო შესაფერი და მისაღები შემოქმედების ფორმები. ასეთ ფორმებად ფსევდო-კლასიციზმის კანონმდებელმა ბუალომ მიიჩნია და დააწესა ოდა და ტრადედია. ოდა ფსევდო-კლასიკოსებს საშუალებას აძლევდა ფეოდალის შექმნის დროს არა ბუნებრივი პათოსი გამოეხატა, ხოლო ტრადედია ეხმარებოდა გმირი-არისტოკრატი რაინდულ პოზაში და რაინდულ მოქმედებაში განესახიერებინა. ფსევდო-კლასიციზმი შეიქმნა პრივილეგიურ კლასის, კონსერვატიულ, ცხოვრებას მოწყვეტილ მიმართულებად, რომელიც ჰბოჭავდა ყოველივე თავისუფალ შემოქმედებას, რომელშიაც არა ჩანდა ჩვეულებრივი ადამიანი, ჩვეულებრივი განცდით.

საჭირო იყო ან ისეთი არაჩვეულებრივი ძალა ნიქისა, როგორც ჰქონდა როსანს, რომ შთაებერა ცხოველი ძალა ამ შკედარ, უსიცოცხლო კანონებში; ან ისეთი შესანიშნავი ალლო რეალობისა, როგორითაც დაჯილდოვებული იყო მოდიერი, რომ საფრანგეთის ფსევდო-კლასიციზმი გადაქცეულიყო მსოფლიო მოვლენად.

უკმაყოფილება ფსევდო-კლასიკურ ლიტერატურისადმი მე-XVIII საუკუნეში როდესაც მესამე წოდება, ბურჟუაზია, ძლიერდება, იწყებს სახელმწიფო როლის თამაშს, საგრძნობლად იზრდება და ვითარდება. მის საწინააღმდეგოდ უპირველესად ინგლისში, რადგანაც სახელმწიფოებრივი წყობილების გამო მესამე წოდება უფრო ძლიერი იყო, ჩნდება ე. წ. სანტიმენტალური მიმართულება—ეს რომანტიზმის დასაწყისი. სანტიმენტალიზმი მიზნად ისახავდა არა მართო მაღალი წოდების, არამედ ჩვეულებრივი ადამიანის ხნეობრივი თვისებების გრძნობიარე დასურათებას (რიჩარდსონი, გოლდსმიტი, სტერნი და სხვანი). გერმანიის აზროვნება ფსევდო-კლასიციზმს წინააღმდეგა ლესინგის მოქმედებით, რომელმაც საფუძველი ჩაუყარა საფრანგეთის კლასიციზმის კრიტიკას.

თვით საფრანგეთში ამ ლიტერატურული მიმართულების წინააღმდეგ უ. უ. რუსო გამოდის.

მეცნიერთა და მკვლევართა უმრავლესობის აზრით აი ეს უ. უ. რუსო გახდა მამამთავარი რომანტიზმისა.

ევროპის ისტორიის მე-XVIII-ტე საუკუნის მეორე ნახევრის სინამდვილეში რუსო ერთი უდიდესი წარმომადგენელია როგორც მწერლობაში, ისე ფილოსოფიურ აზროვნებაში. მისი იდეები მჭიდროდაა დაკავშირებული საფრანგეთის რევოლუციის დროის მოძრაობასთან, რომელიც შემდეგში მთელს ევროპას მოედო. რუსო სრულიად სამართლიანად ითვლება ამ ეპოქის საზოგადოებრივი სულიერ

განწყობილების უდიდეს წარმომადგენელად. არა მარტო რუსოს პროლიტიკურ, არამედ მის სოციალურ იდეებსაც დიდი გავლენა და მნიშვნელობა ჰქონდათ იმ დროს. მაგრამ საზოგადოებრივ აზრს და სულიერ განწყობებზე რუსული იზიდავდა უფრო იმ პროტესტით, თანამედროვე კულტურის იმ უმთავრეს მემკვიდრე მან ასე მკაფიოდ გამოსთქვა თავის ტრაქტატში „ცივილიზაცია ხელს უწყობს თუ არა ხალხის ზნე-ჩვეულებათა გაუმჯობესობას?“ რუსო თავის ორიგინალურ თხზულებაში ამტკიცებს, რომ ბედნიერება შეიძლება მხოლოდ ბუნებასთან მჭიდრო კავშირში, როდესაც ადამიანი მასთან ერთად საერთო ცხოვრებით ცხოვრობს. კულტურა ადამიანს ბუნებას აწორებს, თავისი პირობებით მის ბუნებას ამახინჯებს. ამიტომ კულტურა უდაოდ მავნებელია. თუ კაცობრიობას უნდა ბედნიერებას მიაღწიოს, უნდა ბუნებას დაუბრუნდეს, მასთან საერთო ცხოვრებით იცხოვროს, მას შეუერთდეს. მაშინ იგი შეიძლება დარჩეს ბუნებრივ ადამიანად — *l'home naturele*. აქედან — რუსოს გატაცება პირველყოფილი ადამიანით და მისი ცხოვრების სახით, რადგანაც ამ პირობებში ადამიანი ბუნებრივ მდგომარეობაშია.

რუსოს ასეთმა ორიგინალურმა მოძღვრებამ, მეტად ნიჭიერად გამოთქმულმა, მრავალი თანამგრძნობი და მომხრე მიიზიდა. ფსევდო-კლასიციზმის ფორმალიზმით შებოჭილმა ადამიანის შემოქმედებამ, რომელიც უკვე ჰგრძნობდა მის დრომოკმულობას და მტკივნეულად ეძებდა დაგუბებულ უშუალო გრძნობათა გამოსავალს, რუსოს ასეთს უარყოფით-პროტესტულ მსოფლ-მხედველობაში ჰპოვა სტიქიური დაკმაყოფილება თავის მოთხოვნილებათა.

როგორც რევოლიუციამ ხალხის ნებისყოფას და სურვილს მისცა ფართო გასაქანი, როგორც რევოლიუცია იყო ძლიერი პროტესტი ცხოვრების სოციალურ და ეკონომიურ პირობათა წინააღმდეგ, ასევე ლიტერატურის სფეროშიაც პარალელურად განვითარდა თავისებური რევოლიუცია, გაისმა პროტესტი ფსევდო-კლასიკური შემოქმედების რეგლამენტაციის წინააღმდეგ.

აი ეს პროტესტული სულიერი განწყობილება, უკმაყოფილება თანამედროვეობით და შემოქმედების თავისუფლება უნდა ჩაითვალოს უმთავრეს და დამახასიათებელ თვისებათა იმ მიმართულებისა, რომელიც შეიქმნა რეაქციად ფსევდო-კლასიციზმის წინააღმდეგ და რომელსაც ეწოდება რომანტიზმი.

რომანტიზმის სხვადასხვა მხარეები რომ განვიხილოთ, დავრწმუნდებით, რომ მიუხედავად მისი მრავალ-ფეროვანებისა, მასში ერთი რამ ძირითადია — უარყოფითი და უკმაყოფილობითი სულიერი განწყობილება, პროტესტი, ბუნების კულტი, რაზედაც განვითარდა რუსოს მსოფლმხედველება. რომანტიზმი გვეხატება როგორც ძლიერი თავისი მდიდარი და მიმზიდველი წინაარსით საზოგადოებრივი მსოფლ-მხედველობა, რომელსაც უნდა შეეცვალა არსებული. ამ თვალსაზრისით რომანტიზმი პროტესტია გაბატონებული აზრისა და ცხოვრების არსებული მდგომარეობისა.

როგორც ლიტერატურული მოვლენა რომანტიზმი რეაქციაა ცრუ-კლასიციზმისა. მან თავისუფალი შემოქმედების პრინციპი აღიარა და თავისუფალ შემოქმედების პირობებს შეურიგებელი ბრძოლა გამოუცხადა. ყოველ მხატვრულ ნა-

წარმოების ძირითად მოთხოვნილებად მან აღიარა შემოქმედების სრული თავისუფლება. წინააღმდეგ ფსევდო-კლასიციზმის თეორეტიკოსის ბუალოს ყოველ შემოქმედებელ პოეტიკისა თავისი ურყევი და მკაცრი საყოველთაო კანონები, რომლებიც ტიხმმა უარყო ყოველივე წესები, ყველაზე მაღლა დააყენა პოეტის ნიჭი, მისი პიროვნება, მისი ძალა, პოეტის თავისუფალი შემოქმედება, დამყარებული მის თავისუფალ მოქმედ სულზე, მის სუბიექტურ სამყაროს განსახიერებაზე და გამომჟღავნებაზე.

პიროვნება და მისი ფსიქოლოგიის გამორკვევა ერთი უდიდესი საკითხთაგანი იყო რომანტიულ ლიტერატურაში. ამ მიმართულებამ წარმოშვა ინდივიდუალიზაცია პიროვნებისა, რომელიც აქამდის მიჩქმალული იყო საზოგადოებრივი ფორმებით და ლიტერატურული ფორმალიზმით. აქედან — კულტი ძლიერი პიროვნებისა რომელიც ინგლისის მწერალმა დიდმა რომანტიკოსმა ბაირონმა უმწვერვალესად განავითარა.

რომანტიკოსების გაგებით და შეგრძნობით თანამედროვე ცხოვრება მთელი თავისი წესწყობილებით, მიმართულებით და მისწრაფებით ფარგლავდა ადამიანს, როგორც საზოგადოების წევრს, აღუწერს პიროვნებას, ხელს უშლის მის განვითარებას — ამისათვის პიროვნებისათვის თავისუფლების მოპოვება იწვევს უკმაყოფილებას და უარყოფას ცხოვრების არსებულ წესწყობილებათა. აქედან ბრძოლა ამ წესწყობილების წინააღმდეგ (თუმცა ზოგიერთი რომანტიკოსები თანამედროვეობის უარყოფიდან კონსერვატიზმში ვარდებოდნენ, მაგ. როგორც ნოვალისი).

რომანტიზმის ასეთს მეტბრძოლ ხასიათს ხელს უწყობდა და აღრმავებდა ის იდეური და სოციალ-პოლიტიკური მოძრაობა, რომელიც დაკავშირებული იყოს საფრანგეთის დიდს რევოლუციასთან. ეს უკანასკნელი კი საშუალება იყო XVII-XVIII საუკუნეთა ცხოვრების მოძველებულ ფორმებთან საბრძოლველად. ამისათვის რომანტიზმის პროტესტი საზოგადოებრივ ცხოვრებასთან დაკავშირებით იღებს თითქოს ბრძოლის ხასიათს, უახლოვდება ბრძოლის იმ ფორმებსაც კი, რომელიც შექმნა საზოგადოებრივ-პოლიტიკურმა ბრძოლამ.

რომანტიზმის უარყოფამ თანამედროვე კულტურისა და ცხოვრების პირობებისა, მისმა პროტესტმა ყოველივე შემაფერხებელ მდგომარეობის წინააღმდეგ, უსაზღვრო შემოქმედების კულტმა, რომანტიკოსების გულისყური გადაიტანა წინა ხანაში, წარსულში. რომანტიკოსებმა საშუალო საუკუნოებს მიმართეს და იქ აღმოაჩინეს მთელი თავისებური ქვეყანა, სავსე პოეზიით, ფანტასტიკით, საიდუმლოებით. ხავსე იმით, რაც რომანტიული ირიალური შეხედულებებისათვის იყო მშვენიერი, კარგი და ეწინააღმდეგებოდა გარემო რეალობის ყოველ დღიურობას, რასაც ასე გაურბოდა რომანტიზმი.

საშუალო საუკუნოებში რომანტიკოსები ჰხედავდნენ სხვა კულტურას, უფრო მარტივს, მაგრამ ფაქიზს და სავსე ფანტასტიკით და მიმზიდველობით.

საშუალო საუკუნოების ცხოვრება რომანტიკოსთა გაგებით თვალსაჩინოდ განსხვავდებოდა თანამედროვე ცხოვრებიდან.

თანამედროვე ცხოვრებაში პიროვნება სუბტია, დამტვრეულია, მას

მთლიანობა არა აქვს, ის შებოქვილია ტანჯვით, მწუხარებით, კმუნვით. საშუალო საუკუნოებში კი, პირიქით, ადამიანში მთლიანი მსოფლ-შეხედულებაა დაცული. იქ მრავლადაა მთლიანი, ძლიერი, ენერგიული, თქმულში პიროვნება.

აი აქ საშუალო საუკუნოების ცხოვრებაში გატაცებულმა რომანტიკოსებმა ჰპოვეს უხვი მასალა, დიადი სურათები ენერგიული, მტკიცე, მთლიანი პიროვნების შექმნისათვის, რომელითაც ასე მდიდარია რომანტიკოსების შემოქმედება.

თავისუფალი, უშუალო ცხოვრების და პიროვნების გამოძებნა ხდება არა მარტო საშუალო საუკუნოებში, არამედ აქედან რომანტიკოსების დაუდგრომელი ფანტაზია გადადის საერთოდ წარსულის წყვილადში, განსაკუთრებით აღმოსავლეთი თავისი წარსულით შეიქმნა რალაც ფანტასტიურ ქვეყნად, რომლისაკენაც მიისწრაფოდა არა ერთის და ორის რომანტიკოსის აღზნებული შემოქმედება. ამ წარსულში რომანტიკოსები, რასაკვირველია, სდებდნენ თავის შეხედულებას, ახალს აზრს. აქედან წარმოიშვა იდიალიზაცია წარსულისა.

ასეთმა ძველი დროით გატაცებამ, მისმა იდიალიზაციამ, თანამედროვე ცხოვრება—მოყინებული ევროპის ინტელიგენციის აზრი და გრძნობა თანდათან ძლიერად და თავდავიწყებით დააწაფა ჭილარა წარსულს, არა მარტო საშუალო საუკუნოებს ან აღმოსავლეთს, არამედ თავის ნაციონალურ წარსულსაც. რომანტიკოსებმა ნაციონალურ შემოქმედების ფორმების და სახეების აღდგენას მიჰყვეს ხელი.

ევროპის ვერც ერთმა ერმა ვერ დაახწია თავი ასეთს გატაცებას. პირველობა ამაში თითქმის ინგლისს ეკუთვნის მაკფერონის მიერ შოტლანდიის ხალხური მგოსნის ოსიანის სახელით ხალხურ ჰიმნების და თქმულებათა კრებულის გამოცემით. ამ კრებულმა დიდი ინტერესი და გავლენა გამოიწვია მაშინდელ ლიტერატურულ წრეებში, მეორე დიდი წარმომადგენელი წარსულის განსახიერებაში დიდი რომანტიკოსი ვალტერ-სკოტია თავისი მეტად მიმზიდველი ფერადებით დაწერილი რომანებით.

საფრანგეთში ჩვენ ვხვდებით შატობრიანის დიდს ფიგურას. გერმანიაში ისეთს ბუმბერაზებს, როგორც არიან შლეგელები, გრიმები და სხვანი.

რუსეთში—ჟუკოვსკის, პუშკინს.

ყველა ესენი ცდილობენ განავრცონ თავისი შემოქმედების თემები უპირველესად თავიანთი ეროვნული, ნაციონალური წარსულის სფეროში.

მაშასადამე კულტი წარსულისა და ამაზე აღმოცენებული ეროვნული წარსულისა, მისი შემოქმედების და სახეების აღდგენისა, ერთ-ერთი ლოზუნგია რომანტიზმის მიერ განვითარებული.

ასეთია ძირითადი მოტივები რომანტიზმისა, რომელიც გააძლიერა და გააღრმავა შელინგის და ჰეგელის იდილისტურმა ფილოსოფიამ.

ევროპის მწერლობაში მე-XVIII-ტე საუკუნის მეორე ნახევარში და მე-XIX-ტე საუკუნის 30 წლებამდის რომანტიზმი თავისი მრავალფეროვნებით და სხვა და სხვა მიმართულებებით ძალუმათ მულობელობდა.

ვერც ერთმა ერმა და მით უმეტეს ვერც ერთა მწერალმა ცალკე ვერ

შესძლო ამ რთული მიმართულების მთლიანად გადაღება და განვითარება. ყოველი მათგანი ანვითარებდა და აღრმავებდა რომანტიზმის რომელიმე მხარეს, იმ სოციალ-პოლიტიკურ-ეკონომიურ პირობათა და ნაციონალურ თვისებათა მიხედვით, რომელიც ამა თუ იმ ერის ლიტერატურას თავის მძლავრ გეგმებს აწვავს.

ასეთივე მდგომარეობა რომანტიზმისა ქართულ მწერლობაში, სადაც ეს მიმართულება მოდის ევროპიდან რუსეთის გზით.

სანამდის გადავიდოდეთ ქართულ მწერლობაში რომანტიზმის დახასიათებაზე, საჭიროა გავერკვიოთ, გაკვირთ მაინც, როგორ გადმოდის რომანტიზმი ჩვენს მწერლობაში და ქართული ცხოვრების სინამდვილე რამდენად ნოყიერ ნიადაგს აძლევდა მის განვითარებისათვის ჩვენში. ეს გარემოება მოგვცემს საშუალებას ქართული რომანტიზმის ლეიტმოტივის გასაღებიც ვიპოვოთ.

### III

თუ დასავლეთ-ევროპაში და რუსეთშიაც რომანტიზმი ერთგვარი რეაქცია იყო ძველი, წინამავალი ლიტერატურული მიმართულებისა, ე. წ. ფსევდო-კლასიციზმისა, თუ რომანტიზმს უცხო ქვეყნებში მკაცრი ბრძოლა მოუხდა გაბატონებული ლიტერატურის შემზღუდავი ტრადიციების დასამხობად და ახალის, უფრო თავისუფალი შემოქმედების უფლებების დასამყარებლად, საქართველოში ასეთი ბრძოლა მას სრულებით არა სჭირდება. ლიტერატურული ტრადიცია, რომელიც აღმოსავლეთიდან, განსაკუთრებით სპარსეთიდან, მომდინარეობდა, სრულებით თავისუფალი იყო იმ ფორმულებისა და ფორმალიზმისაგან, რომელიც ახასიათებდა ფსევდო-კლასიციზმს და რომლის წინააღმდეგაც ასე მკაცრად ამხედრდა რომანტიზმი. ცრუ-კლასიციზმი თავისი მომსპობი მშრალი ფორმულებით აღმოსავლურ მწერლობას სრულებით არ შეჰხებია. პირიქით, აღმოსავლური მწერლობა სავსე იყო ღირიკული ხასიათის შემოქმედებით, რომელშიაც პოეტის მგრძნობიარე აღფრთოვანებული თუ ნაღვლიანი ჩანგის ქლეჩა მეტად სუბიექტურ და მასთან ერთად რეალურ ხმებში გაისმოდა.

ასეთივე ხასიათისაა ჩვენი მწერლობაც აღორძინების ხანაში. რა არის შემოქმედება თეიმურაზ I, თეიმურაზ II, არჩილ მეფის, ვახტანგ VI, დავ. გურამიშვილის, ბესიკის და სხვათა თუ არა ღირიკული შემოქმედება, პოეტის მწუხარე და გაწამებული სულის კვეთების უშუალო განსახიერება?

განა ელეგია, ეს დამახასიათებელი და სულიერი განწყობილების შესაბამისი ფორმა ლიტერატურული შემოქმედებისა რომანტიულ ხანაში, ჩვეულებრივი და გავრცელებული ფორმა არ არის ჩვენი მწერლობისა აღორძინების ხანაში? ან განა საბა-სულხან ორბელიანის „სიბრძნე სიცრუფსა“ ხალხური შემოქმედების ფორმის, შინაარსის და ენის მშვენიერი და ძლიერი გამოყენება არ არის, რაც ერთ-ერთი საბე იყო რომანტიული მიმართულებისა? რასაკვირველია, ჩვენ ამით იმის თქმა არ გვინდა, რომ ჩვენი აღორძინების ხანის მწერლები რომანტიულ მიმართულებას ეკუთვნიან. ეს შეცდომა იქნებოდა, რადგანაც რომანტიზმი ეწოდება გარკვეულ მიმართულებას, რომელიც წარმოიშვა დასავლეთ-

ევროპის მწერლობაში და განსახლებულ პერიოდში (XVII საუკუნის მეორე ნახევარში და XIX საუკ. 30 წლებამდის) ვითარდებოდა და მფლობელობდა. აქედან გავრცელდა სხვა ქვეყნებში. ჩვენი მწერლების ხელოვნობის ხასიათი და მიმართულება კი გაცილებით ადრე განვითარდა, ვიდრე უნდა ვეძებოთ აღმოსავლეთში. მაგრამ ის კი შესაძლებელია დავამტკიცოთ, რომ რომანტიზმის დამყარებას და განვითარებას ჩვენს მწერლობაში მომზადებული ნიადაგი დაჰხვდა — შემოქმედება თავისუფალი, შემოქმედება გამომხატველი პოეტის შინაგანი „მე“-სი, მისი შინაგანი ქვეყნის. ამ მხრივ რომანტიზმის დამყარება არ განიცდიდა ჩვენში იმ ტკივილებს და მტვრევას, რომელსაც ალაგი ჰქონდა დასავლეთ-ევროპაში და, თუ გნებავთ, რუსეთშიაც.

მეორე გარემოება, რომელსაც ხელი უნდა შეეწყო რომანტიულ მიმართულების განმტკიცებისათვის ჩვენს მწერლობაში ის ისტორიულ-პოლიტიკურ-სოციალური-ეკონომიური მდგომარეობაა, რომელშიაც მოემწყვდა საქართველო მე-XIX-ტე საუკუნის დასაწყისიდანვე.

ქართველი ერის ისტორიის ჩარხი მე-XIX-ტე საუკუნის დასაწყისიდანვე სხვა, ახალი მიმართულებით ამოძრავდა. თითქოს ის ხანგრძლივი უბედურება-ბედნიერება, გამარჯვება — დამარცხების ისტორიული გზა, აღმოსავლეთ ერების ცხოვრება — კულტურასთან გადახლართული — სწყდება. უკანასკნელი საუკუნოების მთელმა რიგმა შინაურმა თუ გარეშე კატასტროფიულმა მოვლენებმა გატეხა შეუპოვარი, თავისუფლების მოტრფიალე ქართველის გული და მწვავე და ხანგრძლივ ტკივილებში გადააწყვეტინა ცხოვრების ახალი გზის გამონახვა. მე-XVIII-ტე საუკუნის დასასრულმა დაასრულა „ქართლის ბედის“ საკითხიც.

რუსეთთან დაკავშირება ქართველი ერისათვის ერთგვარი ბედის დამორჩილებაა, თუ შეიძლება ასე ითქვას. რადგანაც იმ „უბედურის და დარღვევის დროს... კეთილთა დღეთა თვის ქართლისა“ ამაზე უმჯობესი ვერ მოაგვარა „ქართლის ბუდის“ ქირისუფალმა ერეკლე II, ვინაიდან მას გულის დამწველი შავი ზრახვა

„რომ დღეს იქნება, თუ ხვალ იქნება

ქართლსა დაიცავს რუსთ ხელმწიფობა!“

გულს უღრღნიდა, სიმტკიცეს უღუნებდა.

ბრძოლის ველზედ გამუდმებით დაუზოგველად მებრძოლი, ახლა ილაჯ-გამოცლილი ქართველი ერი „თავისუფლების გაყიდვით“ ელოდა დამშვიდებულს და მყუდრო ცხოვრებას. ყოველი კუთხიდან მოწოლილი მტრისა და დიდგვაროვანთა შინაური ქიშპობით გაღატაკებული — ეკონომიურად წელის მომაგრებას; ხანგრძლივი და განუწყვეტელი ომებით კულტურულ ცხოვრებას მოწყურებული — კულტურის დაწაფებას და აღორძინებას.

მაგრამ სინამდვილეში ყოველივე ეს მოლოდინი მხოლოდ უნიადაგო, გულუბრყვილო ოცნება გამოდგა. რუსეთის შემოსვლის პირველი დღიდანვე ქართველმა ერმა მწვავედ იგრძნო ბიუროკრატიული რუსეთის დაპყობითი პოლიტიკის კლანჭები.

რუსეთის შემოსვლის პირველივე დღეებიდან ქართველმა ერმა იგრძნო, რომ

„სახელმწიფოსა ერთობა სჯულის  
არა რას არგებს, ოდეს მის შორის  
თვისება ერთა სხვადასხვაობდეს.“



ქართული

რუსეთის დამკვიდრებამ ქართველი ერის ყოველ ნაწილს მთელი აქანყებათა იმედები. აი ამიტომაა მე-XIX-ტე საუკუნის პირველი ნახევარი სავსე აქანყებათა მთელი რიგით, რუსეთის დამკვიდრებით და თავისუფლების დაბრუნების სურვილით გამოწვეული. ამ ხნის განმავლობაში მღელვარება და შფოთვა საქართველოს ხან ერთს და ხან მეორე კუთხეში თითქმის არ შეწყვეტილა. მხედველობაში რომ არ მივიღოთ წვრილ-წვრილი მღელვარება, რომელიც განუწყვეტლივ ხდებოდა საქართველოს თითქმის ყველა კუთხეში, შეუძლებელია აღნიშნული არ იყოს შემდეგი დიდი ამბოხებანი: მთიულეთისა—1804 წ.; კახეთისა—1812 წ.; ხევსურეთისა—1813 წ.; იმერეთისა—1820 წ., ე. წ. „რომანტიული ამბოხება“—1832 წლ. და 1841 წ. გურიის აქანყება.

ყველა ეს აქანყებები უბრალო „ბუნტი“ კი არ არის „მოუსვენარი ხალხისა“, არამედ ერთგვარი უკანასკნელი ძალის მოკრებაა ისედაც სისხლით დაწრეტილი ბრძოლით მოქანცული, იმედგაცრუებული, გამოუვალ პოლიტიკურ და ეკონომიურ ჩიხში მომწყვდეული ქართველი ერისა. ეს ამბოხებანი უბრალო „ბუნტი“ არ არის უკმაყოფილო თავზე ხელ აღებული მცირე ნაწილისა, რომელსაც უნდა ისარგებლოს არეული დროთი. ეს ამბოხებანი არ შეიძლება მივიჩნიოთ შედეგად თავად-აზნაურთა დაგვიანებითი თვალის გახელისა და თავის მოფხანისა, რომ დაკარგეს ძალა-უფლება, როლი სახელმწიფო ცხოვრებაში და უნდათ დაიბრუნონ ამ „ბუნტით“, ეროვნულ ნიადაგზე მოწყობით და ხალხის მასების „გაბრიყვებით“ ჩათრევით. არა, ეს ამბოხებანი, განსაკუთრებით მთიულეთისა, კახეთისა და გურიისა პირდაპირ უშუალო ხალხურია. ეს უკანასკნელი გაბრძოლებაა ხალხის იმ ნაწილისა, რომელიც თითქმის ყოველთვის პოლიტიკის გარეშე დგას, თუმცა კი სახელმწიფოს ცოცხალი ძალაა, და პოლიტიკური საკითხის გადაჭრას თავს იდებს მხოლოდ მაშინ, როდესაც ერისა და სახელმწიფოს ცხოვრება უმწვერვალეს, შეიძლება ითქვას კატასტროფიულ მდგომარეობას აღწევს, როდესაც მისი ცხოვრება ძირიანფესვიანადაა შერყეული, როდესაც მისი „ყოფნა-არყოფნის“ საკითხია დასმული.

სწორედ ასეთი ხასიათისაა მთიულეთის, გურიისა და კახეთის აქანყებები. და ეს გარემოება უტყუარი მაჩვენებელია იმისი, თუ რა ტკივილებში მოხდა საქართველოში ის გარდატეხა, რომელიც მე-XIX-ტე საუკუნის სინამდვილეს შეადგენს; ეს უტყუარი მაჩვენებელია იმისი, თუ რა მძლავრად ჰქონდა ფესვები გადგმული თავისუფლების დაკარგვით შექმნილ საერთო ტრალედისა; ეს იმის მაჩვენებელია, თუ ხალხის გულის რა სიღრმემდის მისწვდა თავისუფლების დაბრუნების სურვილი და ბიუროკრატიული წესწყობილებისადმი სიძულვილი. და ეს ძლიერი სურვილი გამოწვეულია არა მარტო პოლიტიკური ცხოვრების აღდგენით, როგორც უბრალო ჩვეულებათა, ტრადიციის დაბრუნებით, არამედ გამოწვეულია ხალხის, ერის ფიზიკური ცხოვრების გადარჩენის სურვილით. ამის დასამტკიცებლად საჭიროა თვალის გადაკვრა არქეოგრაფიული კომისიის აქტე-



ბისა. მეფის რუსეთის აღმოსავლეთის დაპყრობითი იმპერიალისტური პოლიტიკა, რომელისათვისაც გამოყენებული იქმნა საქართველო — ჯარის საქიროები-სამებრ გადაყვან-გადმოყვანა, ამ მიზნისათვის გზების შეკეთება, ~~ქარაბუღის~~ გამოკვება, რუსეთის მოხელეების უხეში შეხედულება ქართველებთანად, ~~ქართველებთანად~~ კორც. ველური ხალხისა, დახმარების და დამშვიდების მაგიერ აფორიაქება და შევიწროება — მძიმე ტვირთად დააწვა ქართველ მშრომელ ხალხს.

ქართველი მშრომელი მასები და შეამზობენი რუსეთის შემოსვლის წინააღმდეგნი კი არ იყვნენ, პირიქით, დიდი სასოებით მოელოდნენ და სურდათ კიდევ ასეთს აზრს გამოსთქვამენ შეამზობენი თავიანთ არხებში და განცხადებებში. მაგრამ რუსეთის „კულტურულმა კლანკმა“, მის უანგარიშო ანგარებით აღკურვილმა მოხელეებმა ქართველი ერი სრულს განადგურებამდის მიიყვანა. სასოწარკვეთილებით მოცულ ხალხსაც ამან ააღებინა ხელში საომარი იარაღი.

საკმარისია რამდენიმე ფაქტის მოგონება ამ მეტად საინტერესო და მწარე წარსულიდან, თუნდაც ოფიციალური მიწერ-მოწერიდან ამ „კულტურტრეგერების“ საარაკო და „საგმირო“ საქმეებისა შესახებ, რომ თქვენს თვალწინ ცოცხლად გადაიშალოს შემადრწუნებელი სურათი რუსეთის დამკვიდრებისა და ამ ამბოხებათა მიზეზებისა თავისი შედეგებით.

ყველა ეს ამბოხება დამთავრდა ქართველი ერის დამარცხებით. ამ გარემოებამ ქართველ ერში დაამკვიდრა საშინელი უიმედობა, უილაჯობა, სევდა და ჭმუნვა. უფრო გააღრმავა და გააძლიერა ის სევდა, რომელიც წითელი ზოლივით მოჩანს აღორძინების მწერლობაში.

აი ეს მეორე პოხიერი ნიადაგი რომანტიზმის განვითარებისათვის ჩვენში.

#### IV

ამ რიგად, ამ ორმა ძირითადმა მოვლენამ — ერთის მხრით, მე-XVIII-ტე საუკუნის ლიტერატურული მემკვიდრეობა, — მეორეს მხრით, ის ისტორიულ-პოლიტიკურ-ეკონომიური ატმოსფერა, რომელიც დამყარდა მე-XIX საუკუნეში რუსეთის შემოსვლით, მისცა მიმართულება და შინაარსი ქართულ მწერლობას და კერძოდ ქართულ რომანტიზმს. ამ ორი მოვლენის საფუძველზე აღმოცენდა და ხორცი შეისხა იმ ძირითადმა მოტივმა, რომელმაც მისცა თავისებური ხასიათი ჩვენს რომანტიზმს.

ეს ძირითადი მოტივი არის **ერთგნული გრძნობა**. ამ ლეიტ-მოტივის მიხედვით ჩვენი მწერლობის რომანტიზმს შეიძლება ვუწოდოთ **ერთგნული რომანტიზმი**.

რომ ამ სახელწოდებას ერთგვარი გამართლება აქვს, ამას დაგვიმტკიცებს ჩვენი მწერლობის ზოგადი გადახილვაც კი.

დავიწყეთ რომანტიზმის შთასახვიდან ჩვენს მწერლობაში.

მე-XVIII-ტე და მე-XIX-ტე საუკუნეთა უღელტეხილზე ჩვენი მწერლობის ისტორიაში ვამჩნევთ მთელს რიგს მეორე ხარისხოვანს, თუმცა საკმარისად გავრცელებულ მწერალთა, როგორც არიან თუმანიშვილები, ბარათაშვილები,

მელიქაშვილები, ქეთევან და თეკლე ბატონიშვილები და სხვანი. მაგრამ მათი შემოქმედების ყველა მოტივები: პატრიოტული გრძნობა, სიყვარული, საწესრეობის სიმუხთლით გამოწვეული ჭმუნვა-ნალღელი არის „სისხლიანი სიბრძნე“ და ხორცი სორცითა“ ჩვენი აღორძინების ხანის მწერლობისა, როგორც მწერლობისა, ისე გარეგნული ფორმის მხრივ. ამისათვის მათ ჩვენ ჩვენი ძველი მწერლობის დასასრულს მივაკუთნებთ და ვერ მივიჩნევთ დამწყებად ჩვენი ახალი მწერლობისას, რომელიც, თუმცა მკვიდრადაა დაკავშირებული და ანვითარებს აღორძინების ხანის მწერლობის მოტივებს, მაგრამ თავისებურება, როგორც შინაარსისა, ისე ფორმის მხრივ აშკარად შემოაქვს.

ამიტომ ალ. ჭავჭავაძე სრულიად სამართლიანად მიგვაჩნია ჩვენი ახალი მწერლობის დამწყებად და რომანტიზმის გადმომხერგავად ჩვენს მწერლობაში.

შთამომავლობით დიდგვაროვანი ალექსანდრე ჭავჭავაძე, შვილი საქართველოს დესპანის რუსეთში გარსევან ჭავჭავაძისა, ნათლული რუსეთის მეფის ეკატერინე II, მამის სამსახურის გამო სცხოვრობდა რუსეთში; იზრდებოდა და ტრიალებდა რუსეთის არისტოკრატიულ წრეებში, სადაც იმ დროს უკიდურესად გაბატონებული იყო საფრანგეთის კულტურა, როგორც გარეგნული მოდის მხრივ, ისე ენისა და ლიტერატურისა. ყოველივე ახალი ევროპიული რუსეთის საზოგადოებას იტაცებდა. მე-XVIII-ტე საუკუნის მეორე ნახევარში დასავლეთ-ევროპის მწერლობაში განვითარდა და გაბატონდა ახალი ლიტერატურული მიმართულება—რომანტიზმი. რუსეთშიაც ლომონოსოვ-სუმაროკოვის ფსევდოკლასიციზმს მდგრად შეებრძოლა ახალი ლიტერატურული მიმართულება. ბრძოლა აქაც სასტიკი და დაუნდობელი იყო. რუსეთის იმ დროის არისტოკრატიის ლიბერალურად განწყობილი ნაწილი ზოგი შეგნებულად და ზოგიც შეუგნებლად ვაიტაცა ამ ახალმა ლიტერატურულმა მიმართულებამ, როგორც ერთგვარმა ახალ ჰორიზონტების მაჩვენებელმა.

მართლაც, რომანტიზმს, როგორც ზევითაც აღვნიშნეთ, არა მარტო ლიტერატურული (შინაარსი და ფორმის მხრივ) ხასიათი ჰქონდა, არამედ იგი ფართე საზოგადოებრივი მსოფლ-მხედველობაც იყო მე-XIX-ტე საუკუნის განთიადზე.

ალ. ჭავჭავაძემაც, რუსეთში ცხოვრების და სწავლის დროს რუსეთის საზოგადოებასთან ერთად განიცადა, როგორც ფრანგული ენისა და კულტურის გავლენა, ისე ახალი ლიტერატურული მიმართულება. მას, როგორც არისტოკრატიის იმ ნაწილს, რომელშიაც ის, მდგომარეობის გამო გამუდმებით იყო, ფრანგული ენა საკმაოდ კარგად უნდა სცოდნოდა და ევროპის მწერლობას უშუალოდ დასწაფებოდა. ამ გარემოებამ დიდი გავლენა მოახდინა ალ. ჭავჭავაძის შემოქმედებაზე.

მაგრამ ალ. ჭავჭავაძის შემოქმედების შესწავლის დროს მკვლევარის ყურადღებას მეორე გარემოებაც იპყრობს. ეს ის, რომ ალ. ჭავჭავაძე არა მარტო ახალი მიმართულების, რომანტიზმის, გავლენას განიცდის, არამედ აგრეთვე ცრუ-კლისიციზმის კორიფეების შემოქმედებითაც ყოფილა დაინტერესებული და საკმაოდ სერიოზულადაც. რასინი, კორნელი, ლაფონტენი და ვოლტერი მისი

საყვარელი მწერლები ყოფილან, რომელთა შემოქმედებიდან რომდენიმე ზიმიში, ზოგი თუ რუსულით, ზოგიც უშუალოდ ფრანგულით ქართულად თარგმნა.<sup>1)</sup> მაგრამ თვითონ ალ. ჭავჭავაძის შემოქმედებაში რომანტიულმა მისტიკულუბამ უფრო მეტი ადგილი და განსახიერება ნახა.

ალ. ჭავჭავაძე რუსეთში მარტო რუსულსა და ევროპულ ლიტერატურული ატმოსფერით კი არა სუნთქავდა, იქ, რუსეთში, ალბად, მის საკუთარ ოჯახშიც და მის გარეშეც, რუსეთის გადახვეწილ და გადასახლებულ ქართულს ოჯახებში არსებობდა მეორე—ქართული, ეროვნული, აქედან—სამშობლოდან, გადატანილი კულტურა რომელიც განსაკუთრებით მწერლობის სახით რაღაც ღვდელ-მოქმედებითი მოწიწებით და სიყვარულით ინახებოდა ჩაუქრობელი, როგორც ღვთაებრივი ცეცხლი, გაღვივებული ჭირში, გაკაეებული მუხთალსაწუთროსთან ბრძოლაში. აქ დაუფიქსარნი და ერთგვარი ნუგეზის მომცემნი, სევდის გამქარვებელნი იყვნენ ჩვენი ძველი და ახალი მწერლები: უკვდავი შოთა რუსთაველი, თეიმურაზ I, არჩილ მეფე, ვახტანგ VI, დავ. გურამიშვილი, ბესიკი და სხვანი.

ყოველ ეჭვს გარეშეა, ამ ეროვნული მწერლობის და მიმართულების გავლენა თუ პირველზე უფრო ძლიერი, სუსტი არ შეიძლება ყოფილიყო.

აი ამ ორი მიმართულების, ორი ატმოსფერის დახავლეთ ევროპიულისა, რასაკვირველია, რუსეთის გზით გადმოტანილი, და ქართლის ეროვნულის გავლენათა ქვეშ შეიქმნა და გაიზარდა ალ. ჭავჭავაძე და მისი პოეტური ნიჭი.

აი ალ. ჭავჭავაძის შემოქმედება რატომ წარმოადგენს ხანჯეზს ამ ორის—აღმოსავლეთის და დასავლეთის მიმართულებათა.

აი ამისათვის მოახერხა ალ. ჭავჭავაძემ უმტკივნეულოდ დაემყნო ევროპიული რომანტიზმი ქართულ მწერლობაზე და ამ მიმართულების, რომანტიზმის, მამამთავრად გადაქცეულიყო ჩვენს მწერლობაში.

მე არ შეუდგები ალ. ჭავჭავაძის რომანტიზმის დეტალურად განხილვას, ეს არ არის მთავარი საგანი ჩემი დღევანდელი თემისა. მე ნაინტერესებს ძირითადი მოტივი მისი რომანტიზმისა და ის, თუ რამდენად დამახასიათებელი იქნება ეს მოტივი შემდეგი მწერლობისათვის.

როდესაც ალ. ჭავჭავაძის შემოქმედებას ეცნობით, აშკარად ჰხედავთ იმ უკმაყოფილობა-სევდა-ნაღველს, რომელიც ასეთი კმუნვის ალშია გახვეული. თვით სატრფიალო ლექსებშიაც კვნესა გვესმის. კვნესის პოეტი, როცა საწუთროებას ჩაუკვირდება.

ეს კმუნვა და კვნესა ნაწილობრივ წარმოშობილია იმ ნაღვლიანი კილოსი და შინაარსისა, რომელიც ჟღინთავდა თანამედროვე ევროპის ცხოვრებას და ლიტერატურას, და რომლის უდაო ზეგავლენით იზრდებოდა ალ. ჭავჭავაძე და ვითარდებოდა მისი პოეტური ნიჭი. მაგრამ ნაწილობრივ ამ სევდა-კმუნვის დასაბამი უნდა ვეძიოთ საჭარბველოს მაშინდელ მდგომარეობაში თუ მთლიანად არა ნაწილობრივ მაინც; მართალია კიტა აბაშიძე, როდესაც სწერს: „მთელი მისი (ალ. ჭავჭავაძის) ლექსები „კვნესაა სულისა“ და არა მარტო ტრფობისა

<sup>1)</sup> იხ. პროფ. კ. კეკელიძე—„ქართ. ლიტერ. ისტ.“ ტ. II გვ. 500—502.

ნაშთი, არამედ სხვა უფრო მაღალ განწყობილების „მონაბერი“, <sup>ერის სულს</sup> მიმართულებისაგან დაბადებული. ...ამ სევდიანი კილოს მიზეზი საქართველოს ბედში იმალებოდა<sup>1)</sup>. მართალია პოეტმა გარკვევით ვერ შეიგნო საქართველოს ქართველ ერს, მართალია გარკვეულად ამაზე თავის აზრის და გრძობის გამოხატვას გაუბოდა; მაგრამ ალ. ჭავჭავაძეს, როგორც ნიჭიერს პიროვნებას, დაჯილდოვებულს დიდი პოეტური ნიჭით, არ შეეძლო არ განეცადა ის საშინელი ტრაგედია, რომელშიაც ქართველი ერი ჩავარდა რუსეთის ჩვენში დამკვიდრებით და იმ უთანასწორო ბრძოლით, ქართველი ერი რომ აწარმოებდა დიდი მეფის რუსეთის წინააღმდეგ. მას არ შეეძლო არ განეცადა ის მტანჯველი კაეშანი, რომელმაც დაისადგურა ქართველ ერის სულში. ყოველ შემთხვევაში ალ. ჭავჭავაძეს არ შეეძლო არ განეცადა ის კაეშანი, რომელმაც მოიცვა ჩვენი ბრწყინვალე წოდება ძალა-უფლების დაკარგვის შემდეგ. ამ კაეშანს არ შეეძლო გამუდმებით არ ეღრღნა პოეტის გული და გონება. ამას ამტკიცებს არა მარტო ალ. ჭავჭავაძის მონაწილეობა ამბოხებებში თავად-აზნაურთა 1802 წ. და 1832 წ. არამედ მთელი მისი შემოქმედებაც.

აი ალ. ჭავჭავაძე თავის დამოკიდებულებას ამ დროსთან, როგორი უკმაყოფილობით გამოჰხატავს ლექსში „მუსტაზადი“:

„წყეულ არს ის დრო, როს სამკვიდრო დაგკარგედ კრულნი!

გვძლივა სოფელმან ხელ მყოფელმან, აწ გვაგო შურნი“...

(„მუსტაზადი“—გვ. 68.)

და გულდაკოდილი პოეტი აი როგორ ახასიათებს იმ ძალას, რომელიც ასე შემოიჭრა ჩვენში:

„ვინც ჰხედა მათ მახეს, ჭირთა სახეს არა აქვს შვება,

მათხედ კეთილი, ვითა შლილი დაიცარება.

.....

მუხთლად გვაწვიეს, დაგვახვიეს თავს ბნელი შურნი,—

გვძლივა სოფელმან, ხელთ-მყოფელმან, აწ გვაგო შურნი.

.....

(იქვე—გვ. 68-69).

გაშმაგებული პოეტი ასეთი უდიერებით და დაუნდობლობით, ველარ იტეეს სიძულვილს, ფიალა მოთმინებისა ევსება და გულის სიღრმიდან აღმოსთქვამს:

„სხვათ დიდს ბოროტსა, მცირე მათი უმეტესია.....

დაკარგეს ყოვლი ჭირნახული გულთუმხნესია,

ჰქმნეს სავანენი საუკუნოდ ვით უდაბურნი,—

გვძლივა სოფელმან, ხელმყოფელმან, აწ გვაგო შურნი!..

(იქვე—გვ. 69).

აი ასეთია ალ. ჭავჭავაძის მიერ თანამედროვე ცხოვრების შეფასება. ასეთია მისი განცდა, რომელიც საწამლავსავეთ ჰშხამავს მის არსებას. აი რატომ

<sup>1)</sup> კიტა აბაშიძე „ეტიუდები“ I. გვ. 11.

ალ. ჭავჭავაძე, გარეგნულად ბედნიერი, „ვით მწირი შეჰკენეს შეებდეს ჭვეყნი-  
სასა, ჭვეყნისათვის ანატიროო“, და აწმყოთი უკმაყოფილო, უნუგემო, ნალვლია-  
ნად, როგორც ეს რომანტიკოსებს სჩვეოდათ, მიჰმართავს <sup>ოცნებას</sup> წარსულში  
გადაიტანოს მისი „ზრახვა და გონებ“.

„ნუ მიტევებ, ოცნებავ, მომეც ძველნი ხილვანი,  
მომეც მე ძველნი ცრემლნი და ძველნიცა ოხვრანი:  
წარსულისა სიცოცხლის ნიაფი კვლავ დამქროლე  
და დამაშვრალს სულსა ჩემს სიტკბო მით განუახლე“.

(„პეა ჩემო ოცნებავ“... გვ. 83).

დაქანცულ, მოტყუებულ მწერლის „წყლულ გულს“, სიტკბოებას მხოლოდ  
წარსულის ხილვა და აძლევს:

„გვედრებ, ნულა მშორდები, განმიგრძე სიხარული,  
რომე ხსოვნითა ოდენ დავიტკბო წყლული გული“.

(იქვე—გვ. 83).

აწმყოთი მაშვრალს პოეტის გონებას აზრთ სრბოლა წარსულის საიდუმ-  
ლო სივრცეში გადააქვს. მუხთალი აწმყო და სოფელი თავისი დაუდგრომლო-  
ბით პოეტში ცხოვრების აზრის და დანიშნულების, მისი დასაბამის და დასა-  
სრულის საკითხს აღძრავს. და როგორც სწვა მრავალი რომანტიკოსი ალ. ჭავ-  
ჭავაძე საშინელ პესიმიზმამდის მიდის: როგორც რომანტიკოსი „ღრუბლიანი დაპ-  
ყურებს გოგჩის ტბას“ და მის ნგრეულ მიდამოში კითხულობს:

„აჰა პალატთა დიდებულთა ნგრეული ნაშთი,

აჰა ქალაქთა ჩინებულთა ხვედრი უცრილო,

აჰა ჩვენისა მომავლისაც ნამდვილი ხატი.

მხოლოდ აწყმობე რას დაბმულხარ, ხედავ ბრმობილო!“

ასეთი პესიმიზმი მეორე ძირითადი მოტივია ალ. ჭავჭავაძის მელანქოლიუ-  
რი პოეზიისა, აღმოცენებული საქართველოს იმავე ნიადაგზე და გაღვივებული  
რომანტიზმით. ეს პესიმიზმი მეტად ძალუმადა აქვს გამოხატული თავის ორ  
ელეგიაში „სხვადასხვა დროის კაცი“.

რითი უნდა აეხსნათ ალ. ჭავჭავაძის საერთო უკმაყოფილება, ან ის სევდა  
და ნალველი, რომელიც ისე ძალუმადა არის ჩაქსოვილი მის შემოქმედებაში მთლია-  
ნად და სატრფიალო ლექსებშიაც კი, თუ არა იმ პატრიოტულ გრძნობით, რო-  
მელსაც ასე მწვავედ განიცდიდა ქართველი ერი და თვით ალ. ჭავჭავაძესაც,  
როგორც ერისა და იმ დროის შვილს, ძალა-უნებურად უნდა განეცადა.

## V

განა ამავე პატრიოტულ გრძნობაზე არ აღმოცენდა და გაიშალა გრ. ორ-  
ბელიანის პოეტური ნიჭი? განა ამავე გრძნობამ არ მისცა გრ. ორბელიანს სა-  
შუალება და საზრდო გაედრმავებინა და გაეფართოვებინა რომანტიული მიმარ-  
თულება ჩვენს მწერლობაში? მიუხედავად იმისა, რომ გრ. ორბელიანი მაინც და  
მაინც არ არის დიდი პატრიოტი (რაც აშკარად ჩანს მისი პირადი ცხოვრები-  
დან და შემოქმედებიდანაც, მისი პატრიოტიზმი წოდებრივ გაგებას იშვიათად



სცილდება), ეს გრძნობა იმდენად ღრმად და მწკავედ იყო ჩახლართული ქართველი ხალხის მასებში, იმდენად მტანჯველი იყო მისთვის, რომ გრ. ორბელიანშიც არ შეიძლებოდა არ ეპოვნა გამოძახილი იმ კატასტროფას, რომელიც დაატყდა ქართველს ერს. განსაკუთრებით 1832 წლის ამბოხება-დამარცხებით ქართველ არისტოკრატებს და კერძოდ გრ. ორბელიანსაც მოევლინა მძიმე უბედურებად და უკმაყოფილება, უიმედობა გახადა საფუძვლად მის შემოქმედებისა.

დასჯილ მგოსანში გაღრმავდა უკმაყოფილობა. „უბედურებამ გაუგებრობაზე და გამოუცდელობაზე აწუნებულმა“ (როგორც თვითონ ამბობს ლექსში „ჩემს დას ეფენიას“ 1832 წლის შეთქმულების შესახებ) უფრო მჭიდროდ დააკავშირა პოეტი თანამომხრეებს, რასაკვირველია უფრო დასჯილ თავად-აზნაურობას (მასში წოდებრივი ფსიქოლოგიური ნათესაობა გააღრმავა. <sup>1)</sup>

ამ გარემოებამ გრ. ორბელიანს სამშობლოს სიყვარული უფრო მტკივნეულად აგრძნობინა. თავისუფლების დაკარგვის საბედისწერო შედეგებმა

„ექვით აღვსილსა, უსასოდ ქმნილსა,  
გულ უიმედოს გაუხარებელს“...

პოეტს დააკარგვინა თანამედროვე ცხოვრებისადმი ნდობა. აწინდელი მდგომარეობით უკმაყოფილო პოეტი ნაღვლიანად მიჰმართავს წუთისოფელს:

ჰე, ცრუ სოფელო, დაუნდობელო,  
შენში კეთილი სად არს ფერუცვლეელ?!“

(„თამარ მეფის სახე“...).

აწმყოთი უნუგეშო, როგორც რომანტიკოსებს სჩვევიათ, გადადის წარსულში, იქ წარსულში ეძებს სულის სიმშვიდეს, დაკმაყოფილებას:

„მიხარის—გიმზერ, ვწუხვარ—და გიმზერ—  
და ესრეთ მზერა მსურს სიკვდილამდე,  
არ გამოვეფხიზლდე, რომ აღარ ვგრძნობდე  
ჩემის სამშობლოს სულით დაცემას.“

(„თამარ მეფის სახე“)

იქ წარსულში, როგორც ჩვეულებრივ რომანტიკოსები, გრ. ორბელიანი ჰპოულობს ეპიზოდებს და პიროვნებებს, რომელთა შექმნეს „დიდება ჩვენი ცადსხივმიმფენი“. თავის თხზულებაში „სადღერძელო“ ის აღადგენს ჩვენს წარსულს. პოეტი დიდის აღფრთოვანებით და მოწიწებით, ლამაზი პოეტური ენისა და ალაგ-ალაგ მხატვრული ექსპრესიის დაცვით, ცდილობს ჩვენი ბრწყინვალე წარსული თავისი გმირებით, მათი ვაჟკაცობით და მხნეობით მკითხველს ცოცხლად დაუბატოს.

წარსულის დიდებით და მამაცობით, მისი სილამაზით და მიმზიდველობით დამთვრალი პოეტი აღტაცებით წარმოსთქვამს:

„მამულისათვის ფიალა სავსე ვსვათ სიამოვნებით—  
და იქმნეს აღყვავებული კეთილ დღეობით, დიდებით...  
იქმნეს მის ქედი აყვანილ ცათამდის ძეთა მხნეობით,

<sup>1)</sup> იხ. მიხ. ზანდუკელი—„გრ. ორბელიანი და მისი შემოქმედება“—მნათობი 1926 წ. № 8—9.

და სიყვარულის მისდამი ეჭვარობდეთ გულსა აღგზნებით!  
სოფელი იმად არა ღირს, კაცი ნატრობდეს ჟამს გრძელსა,  
თუ ფუჭი მისი სიცოცხლე ვერა რახ არგებს მამულსა!  
მის სადიდებლად ჩვენც შევხვდეთ უშიშრად ათასს დახვეწილსა,  
და მოვკვდეთ, თუ კი სიკვდილით, ვადიდებთ მისსა სახელსა!“

მართალია საკმარისად რიტორიული ხასიათი აქვს „სადღეგრძელო“-ს როგორც მთლიანს, ისე კერძოდ ამ მოტანილს ადგილსაც; თითქოს პოეტი ძალდატანებით მსჯელობს, თუმცა ლამაზი პოეტური ენა და მთელი რიგი პოეტური ადგილებისა ამ ნაკლს ანელებს.

ამავე ძირითად, ეროვნულ გრძნობრს ნიადაგზეა განვითარებული გრ. ორბელიანის პოეზიაში რომანტიზმის ერთ-ერთი დამახასიათებელი თვისება — კულტი ბუნებისა. გრ. ორბელიანი, შეიძლება ითქვას, პირველი შემომტანია ჩვენს მწერლობაში ბუნების კულტისა. ბუნება რომანტიკოსისათვის ერთ-ერთი (თუ ერთად-ერთი არა) ნავთსაყუდარი იყო, სადაც აფორიაქებული და გაწამებული რომანტიკოსები პოულობდნენ სიმშვიდეს და სიწყნარეს. ბუნებას რომანტიკოსებმა სული ჩაუდგეს, გააკაცეს, აამეტყველეს, თავიანთი შქმუნვარე ნალველის თანამოზიარედ გახადეს, მის თანაგრძნობით იქავედნენ აწმყოთი დაუკმაყოფილებელ სევდიან სულიერ განწყობილებას. ბუნება მათთვის ერთგვარი ტადარი იყო, რომელშიაც, ცხოვრების იქით ბედნიერების მაძიებელი რომანტიკოსები, გუნდრუკს აკმევდნენ.

ერთი უდიდესი დამსახურება გრ. ორბელიანისა, როგორც რომანტიკოსისა, ის არის, რომ მან დიდის ნიჭით და მხატვრულობით დაგვიხატა ბუნების ასეთი გაგება.

„მზე ჩაესვენა: მის შუჭი გამოსალმის ჟამს კავკასსა  
თავსა ეხვევა ალერსით, ვით ქალი მამას მოხუცსა!  
ბუმბერაზ მთანი მდუმარედ ცათამდის აყუდებულნი —  
სხედან ვით დევნი, სპეტაკის ყინულ-გვირგვინით შემკულნი!  
მათ კლდოვან გვერდთა შავათა ღრუბელნი ზედასწოლიან  
და მრისხანებით ქვეყანას წარღვნითა ემუქრებიან.“

(„სალამო გამოსალმებისა.“)

ან კიდევ:

„იელვა, ბინდი ლამისა, ცაში ვარსკვლავნი ჰქრებიან,  
ათასი ხმებით ფრინველნი განთიადს მიეგებიან!  
მოჰქრის დილისა ნიავიც, გულისა მაგრილებელი;  
ფშვინვა დაიწყეს ყვავილთა და ბალში ფოთოლთ შრიალი!  
ოჰ, რა ლამაზად იღვიძებს ბუნება მიძინებული!  
დაჩუმდი... ყური მიუგდე.., არ გესმისთ, გალობს ბულბული?“

(„სადღეგრძელო“ — გვ. 73)

რომანტიკოსები ბუნების წიაღში, მისი სილამაზის და უშუალო შეხების პროცესში უახლოვდებოდნენ იმ პირველს მიზეზს, რომელსაც ღვთაებას, აბსოლუტს ეძახდნენ და რომლის ძიება და განსახიერება უდიდესი განცდა იყო მა-

თი აღგზნებელი აღმაფრენისა. ბუნება რომანტიკოსებს ერთგვარ უზად და ბი-  
დად ედებათ ამ აბსოლუტის შესახებად და განსაცდელად.

ასეთივე გაგება აქვს ჩვენს პოეტსაც:

„ვიშ ამ დილასა, ამ ჰაერს, ბუნების განმაცხოველსა,  
გულისა კმუნვის გამქარველს, სიცოცხლის დამატკობელსა!..  
ღმერთო, ვინ მისწვდეს შენგან კმნილს, მის ფერუთვალავ

შვენებას?

სიბნელეს აქრობ ნათელით, სიკვდილით ჰბადავ ცხოვრებას!..

(„სადღეგრძელო“ — „განთიადი“)

გრ. ორბელიანი ბუნებასთან შეხებაში გრძნობს გამათაქიზებელ, განმწმედ  
საშუალებას ბიწიერებისაგან, მაღალი პოეტური ნიჭით და აღმაფრენით აღბეჭ-  
დილი გულუბრყვილობით კითხულობს:

„ამ მშვენიერსა დილასა კაცს რად ჰსურს სისხლი კაცისა“—ო.

გრ. ორბელიანის პოეზია საინტერესოა აგრეთვე რომანტიზმის სხვა მო-  
ტივის—სიყვარულის გრძნობის ახალი გაგების შემოტანის მხრივაც ჩვენს მწერ-  
ლობაში.

სიყვარულის გრძნობის განსახიერება ჩვენი მწერლობისათვის უცხო და  
ახალი არ იყო. სატრფიალო ელემენტი, როგორც გამომხატველი პირადი გან-  
ცთვისა ჩვენი აღორძინების ხანის მწერალთა შემოქმედებაში უხვადაა გაშლილი.  
საუკეთესო წარმომადგენელი, რომელსაც დღესაც არ დაუკარგავს მიმზიდველო-  
ბა არის ბესიკი. მისი ლექსთა დიდი ნაწილი სამღერალ რომანსებად გადაიქცა  
თანამედროვეთათვის და თითქმის მეოცე საუკუნის კარამდე ვრცელდებოდა.  
სიყვარულის გრძნობა მეტად მრავალ-მხრივ და მრავალ-ფეროვანად განავითარა  
და განასახიერა გრ. ორბელიანის წინამორბედ თანამედროვემ ალ. ჭავჭავაძემაც.  
სიყვარულის მრავალ-ფეროვნების განსახიერების მხრივ, როგორც ბესიკი, ისე  
ალ. ჭავჭავაძე ისეთს ვირტუოზობამდის მივიდნენ, რომ გრ. ორბელიანი ამ მხრივ  
მათ ვერც კი შეედრება. მაგრამ როგორც ბესიკი, ისე ალ. ჭავჭავაძე სპარსული  
მწერლობის გამო ხორციელ, ფიზიკურ სიყვარულს უგალობენ, მხოლოდ მას  
უთმობენ თავის გულს ტახტად, მონად მას უხდებიან. მათთვის მეორე, სულიერ-  
ი მხარე სიყვარულისა მიჩქმალულია, არც კი ჩანს. გრ. ორბელიანს კი ახალი  
გაგება სიყვარულისა, მისი სულიერი მხარის სიძლიერის და უპირატესობის შე-  
გნება შემოაქვს ჩვენს მწერლობაში:

„რაა გინდ მოვკვდე! მაინც შენდამი სულს სიყვარული

თანა წაჰყვება!

არს უკვდავება, სულის დატკობა, რომელს დასახრულ არა ექნება  
მაშ სახე სულის დამატკობელი იმიერ სოფელს არ განგვშორდების—  
და სიყვარული სულის მაშვენი სიცოცხლესთანა არა დაშრტების,—  
თვარა სიყვარულს თუ დავკარგვიდე, უკვდავებამან მის წილ რა

მომცეხ?..

(„სადღეგრძელო“ გვ. 72).



გრ. ორბელიანს, როგორც ნამდვილ რომანტიკოსს, არა მარტო სიყვარულის სულიერი მხარე სწამს, მისი გაგების უნარი აქვს, არამედ, როგორც რომანტიკოსებს სჩვეოდათ, ის გრძნობს, რომ სიყვარულის განცდის უწყობით ადამიანი ღვთაებასთან აბამს კავშირს. ასეთს ღრმა რომანტიკულ-სინდრისადმიურ გაგებას სიყვარულის გრძნობისას გრ. ორბელიანი შემდეგს სიტყვებში გვაძლევს:

„ძმანო, ივიწყეთ მცირეს ჟამს მტერი, ომი და დიდება;  
მოიგონეთ სიყვარული, რომლით სიცოცხლე გვიტკბება,  
რომლის შუქი აღგვამალლებს, რომლით სული გვინათდება,  
რომლით კაცი მშვენიერებს. **მაშინ თვით ღმერთს ემსგავსება!**“

(„სადღეგრძელო“—გვ. 70).

სიყვარულის გრძნობა, როგორც გრძნობა ბუნებისა, რომანტიკოსების შეხედულებით, ადამიანს არა მარტო აახლოვებს ღვთაებასთან, არამედ უკვდავებას განაცდევინებს:

„რომ სახე მისი თვალთა დახშულმან თანა წარვილო იმიერ სოფელს,

მუნ საშვებელად, მუნ სანუგეშოდ, და **ჩათა მითვე ვმსცნა უკვდავება!**“..

(„სადღეგრძელო“—გვ. 72).

ასეთი ძლიერი განსახიერება სიყვარულის განცდისა და გაგებისა ბევრს დიდს რომანტიკოსსაც გაუჭირდებოდა!

## VI

მაგრამ აღ. ქავჭავაძის და გრ. ორბელიანის შემოქმედება მხოლოდ დასაწყისია ჩვენი რომანტიზმისა. ნამდვილი და უდიდესი წარმომადგენელი ჩვენი რომანტიზმისა, მისი გამაღრმავებელი, გამათართოვებელი და ამყვანი უმაღლეს წერტილამდის არის მაღალი პოეტური ნიჭის შარაევანდებით მოცული ნ. ბარათაშვილი. მთელი მისი შემოქმედება კერძო წერილია იგი, ლექსი, თუ პოემა ერთი მთლიანი, გულის სიღრმიდან ამონახეთქი ელევიაა, რომელშიაც იხატება პოეტის „მე“ და მისი შავბედითი ცხოვრება. მასთან ერთად ბარათაშვილის პოეზია ცოცხალი და მკვეთრი განსახიერებაა ქართველი ერის ტრადიციისა. ბარათაშვილის პოეზია ცოცხალი სარკეა იმ უილაჯობისა და უიმედობისა, იმ სევდანალველისა და გაუნებელ კაეშნისა, იმ სიცარიელის და დაცემისა, რომელთაც დაისადგურეს ქართველი ერის სინამდვილეში. ბარათაშვილის პოეზია—გულწრფელი, უშუალო, საშინელი ტკივილებით აღსავსე ქართველი ერის აღსარებაა, რომელიც პოეტის ნიჭის განვითარებასთან ერთად სცილდება საქართველოს ფარგლებს და მსოფლიო სევდაში, მსოფლიო გოდებაში გადადის. ბარათაშვილის პოეზია აგებულია ტიპიურ რომანტიულ მსოფლ-მხედველობის საფუძვლებზე და თვით ქართველი ერის ცხოვრებაც ხომ მთლად რომანტიულია!.. და აი ნიჭიერი, მგრძნობიარე, აღსავსე ცხოველ-მყოფელი ძალით და მისწრაფებით, მუდამ მოძრავი, მუდამ მჭრელი, საგნისა და მოვლენის ღრმად ჩამწდო-

მი ნ. ბარათაშვილი, რომლის „ყოველთა ზრახვათა და საწადელთა“ ბავშობი-დანვე რალაცა „ხმა იღუმალი“ თანსდევს და მუდამ ჩასძახის: ქართული  
ლიტერატურა

„ეძიე ყმაო, შენ მხვედრი შენი,  
ვინძლო იპოვო შენი საშენი!“-ო („ხმა იღუმალი“)

ასეთსავე განცდას ბარათაშვილი თავის ბიძა გრ. ორბელიანსაც უზიარებს: „მე შინაგანი ხმა მიწვევს, — სწერს ის, — საუკეთესო ხვედრისაკენ, გული მეუბნება, რომ შენ არა ხარ ახლანდელის დროისათვის დაბადებულიო! ნუ გძინავსო! მე არა მძინავს, მაგრამ კაცი მინდა, რომ ამ პატარა ღრე კლდეს გამიყვანოს და დავდგე გაშლილს ადგილს. ოჰ, რა თავისუფლად ამოვისუნთქავ მაშინ, რა ხელმწიფურად გადმოვხედავ მაშინ ჩემს ასპარეზს!“<sup>1)</sup>

თანამედროვე ცხოვრებაში, გახრწნილსა და შეგინებულში პოეტი ვერაფერს სანუგეშებელს ვერა პოულობს და კაეშანს ეძლევა. თითქოს ყველა, მთელი ცხოვრება ერთს მხარეს მოექცა, მეორეს კი — თვით პოეტი თავისი შეურიგებელი მსოფლ-მხედველობით, მწველი განცდებით და ტანჯვებით. სინამდვილესთან შეხება პოეტში იწვევს მისდამი უარყოფას, სულიერი ტკივილების გამწვავებას. აი რასა სწერს ბარათაშვილი ერთ-ერთს თავის მეგობარს: „ვინც მაღალი გრძნობების მექონი მეგონა, იგი ვნახე უგულო; ვისიც სული განვითარებული მეგონა, მას სული არა ჰქონია; ვისიც გონება მრწამდა ზეგარდმო ნიქად, მას არცა თუ განსჯა ჰქონია; ვისიცა ცრემლნი მეგონებოდნენ ცრემლად სიბრა-ლულისა, გამომეტყველად მშვენიერის სულისა, თურმე ყოფილან ნიშანნი ცბი-ერებისა, წვეთნი საშინელი საწამლავისა. სად განისვენოს სულმა, სად მოიდ-რიკო თავი?“<sup>2)</sup> და განა ეს ცოცხალი და ნამდვილი გამოძახილი არ არის ქართ-ველი ერის იმედგაცრუებული და ცარიელი ცხოვრებისა?

და აი მგოსანმა, როგორც რომანტიკოსებს სჩვეოდათ ამ „საძაგელ ცხოვ-რებაში“, როგორც თვითონ ეძახის, სულის განსასვენებელი ვერაფერი და ვე-რაფინ ვერ იპოვა და საშინელ მოწყენილობას და სიმარტოვეს გრძნობს: „კი-დეგ მომნახა, — სწერს პოეტი მაიკო ორბელიანს, — ჩემმა ჩვეულებრივმა მოწყენი-ლობამ; ვისაც საგანი აქვს ჯერ იმის სიამოვნება რა არის ამ საძაგელ ქვეყანა-ში, რომ ჩემი რა იყოს, რომელიც, შენც იცი, დიდი ხანია ობოლი ვარ. არ დაიჯერებ, მაიკო, სიცოცხლე მომძულეებია ამდენის მარტოობით?“<sup>3)</sup> ასეთსავე გრძნობის მწარე ქვითინით მოსთქვამს თავის ლექსში „სული ობოლი“:

„ძნელი არის მარტოობა სულისა,  
მას ელტვიან სიამენი სოფლისა,  
მარად ახსოვს მას დაკარგვა სწორისა,  
ოხვრა არის შვება უბედურისა“.

ცხოვრებაში გაწამებულ ობოლ მგოსანს მხოლოდ ოხვრა და აძლევს შვებას.

ვინაიდან პოეტი ცხოვრებაში ვერ პოულობს ტოლს, მიდის, როგორც ყველა რომანტიკოსი ბუნების წიაღში. იქ ყუჩდება მისი აფორიაქებული შინა-

<sup>1)</sup> იხ. წერილი ნ. ბარათაშვილისა გრ. ორბელიანთან 1843 წ. 21 აგვისტო.

<sup>2)</sup> იხ. წერილი ნ. ბარათაშვილისა მაიკო ორბელიანთან 1842 წ. 31 ოქტომბერს.

<sup>3)</sup> იხ. წერილი ნ. ბარათაშვილისა მაიკო ორბელიანთან 1842 წ. 31 ოქტომბერს.

განი სამყარო, იქ ეძიებს მისი აფოიაქებული ფიქრი „ნაცნობს ადგრის / განსასვენებლად“. ბუნება ბარათაშვილისათვის ცოცხალი არსებაა — მკაცრი და უღმრთო-ბელი ადამიანისაგან გარიყული, მიუღებელი, აქ ბუნებაში პოეტისთვის იქნება თანამგრძობს. ბუნება „ხან მცინარი, ხან ცრემლიანი“ „გულდახურულთა მეგობარია“, მხოლოდ იქ შეუძლიან პოეტს ჩამოყაროს „სანუგეშებელი ცრემლი“, ეს ნალველის განმაქარვებელი საშუალება რომანტიკოსებისათვის, იქ ბუნების თანამგრძობაში პოეტი სჭვრეტს კონტაქტს თავის განცდასთან „იქაც (ე. ი. მტკვრის პირას) ყოველი არემარე იყო მოწყენით“, ან „შემოღამება მთაწმინდაზე“-ში:

„მახსოვს იგი დრო, საამო დრო, როს ნალვლიანი,  
კლდევ ბუნდოვანო, შენს ბილიკად მიმოვიდოდი.  
და წყნარს საღამოს, ვით მეგობარს, შემოვეტრფოდი,  
რომ ჩემებრ იგიც იყო მწუხარ და სევდიანი!“

ნიკოლოზ ბარათაშვილის ბუნების შეგრძობა წმინდა პანტიესტურია. ის ბუნებას განიცდის, როგორც მთლიანი ცოცხალი არსების ცხოვრებას, ადამიანთ-ერთი ნატეხია ამ ცხოვრებისა და როდესაც ადამიანი მთელი თავისი არსებით შეერთვის ამ საერთო ცხოვრებას, მხოლოდ მაშინ შეუძლიან განიცადოს სულის სიმშვიდე, ჩასწვდეს და გაიგოს ის პირველყოფილი მიზეზი დასაბამისა, რომლის საიდუმლოება სტანჯავს კაცობრიობას და ასე მტკივნეულად იზიდავდა რომანტიკოსებს, კერძოდ ნიკოლოზ ბარათაშვილსაც.

რომანტიკოსების აგზნებული ფანტაზიისათვის საყვარელი იყო ბუნება ბინდისას, მთვარიან ღამეს — „ყოველი ბუნებაც მაშინ ღამაში და მინაზეებულია“. ასეთი გარემოება ხელს უწყობდა მათი აღმაფრენის სრბოლას რეალობის ზემოთი სამყაროსაკენ. ჩვენი პოეტი იქ „დაფიქრებული სერზედ“ მდგარი, გარშემორტყმული მაისის მწუხრით, როდესაც გარშემო „იდუმალება დაისადგურებს“, „მხოლოდ ვარსკვლავთა თანამავალთა ამცნობს (თავის) გულის საიდუმლოს“. აქ „ხანდისხან ნელად მქროლნი ნიაენი“ მის „გულსა ეთანხმებიან“, აქ საიდუმლოებით მოცულ ბუნების წიაღში, პოეტი შვებას პოულობს და ექსტაზით წამოიძახებს:

„მე შენსა მჭვრეტელს მავიწყდება საწუთროება,  
გულის თქმა ჩემი შენს იქითა... ეძიებს სადგურს,  
ზენაართ სამყოფს, რომ დაშთოს აქ ამაოება“...

(„შემოღამება მთაწმინდაზე“).

იშვიათის სიღამაშით, სიღრმით და სისწორითაა გადმოცემული არა მარტო ნ. ბარათაშვილის რომანტიული ძიება, იმ ქვეყნის, ტრანსცედენტალური სამყაროს ხილვით აგზნებული, არამედ მთელი რომანტიზმისა! არა მგონია ყოფილიყო ისეთი რომანტიკოსი, თუნდაც უდიდესი წარმომადგენელი, როგორც რუსო, ბაირონი, შატობრიანი, ტიკი, ნოვალისი, ლერმონტოვი, რომელსაც ამ სიტყვებში არ დაენახა მკვეთრი განსახიერება იმ აღმაფრენისა, რომელიც ასე სტანჯავდა მათ, არ აყენებდა ერთს ალაგას, ცხოვრებასთან შერიგების ხილს ამსხვრევიანებდა, სადღაც წინისკე, ზეცისკე დაუდგრომლად ამოძრავებდა.

მაგრამ ჩვენი მგოსანი მწარედ გრძნობს, რომ ეს ოცნების ქროლვაც არ

არის დაუბოლავებელი და ყოელის შემძლებელი; გრძნობს, რომ ძნელია ცხოვრება „ციურ განგების“, გრძნობს, რომ მუდამ ლაქვარდ ცისკე მიმსწრაფნი მისი ზრახვანი სასურველ ქვეყნის საზღვრებამდისაც კი „ვერ მიახწევენ“ და „საჭირომდე განიბნევიან“. ეს გარემოება უფრო აღრმავებდა იმ პესიმიზმს, რომელიც ასე მწვავედ ღრღნიდა ყველა დიდს რომანტიკოსს და კერძოდ ნ. ბარათაშვილსაც.

ჩვენ აქ ნ. ბარათაშვილის პოეზიის ძირითადი მოტივის, პესიმიზმის გაღრმავებას ვხედავთ. იშვიათს მწერალს მოუხერხებია თავის პირად განცდათა განსახიერებაში ისე მკვეთრად ჩაექსოვოს საერთო ეროვნული და ამ ეროვნულში მსოფლიო, საკაცობრიო, როგორც ეს ჩვენმა პოეტმა შესძლო. „ნ. ბარათაშვილი, — როგორც სამართლიანად სწერს გ. ჯავახიშვილი, — სამშობლოს უბედურობით გამოწვეული მწუხარება, ეგრედ წოდებული პოლიტიკური რომანტიზმი გადააქცია წმინდა მსოფლიო რომანტიზმად“. <sup>1)</sup> ნ. ბარათაშვილმა მართლაც პირადი ნაღველი ნიჭიერად გალესა საერთო ეროვნულ სევედა-უბედურობაში, მკვეთრ ნაკადად შეურია საერთო მსოფლიო გოდებას ტ საბოლოოდ საერთო-საკაცობრიო ხასიათი მისცა თავის შემოქმედებას — „შემოღამება მთაწმინდაზე“-ში, „მერან“-ში, „სულო ბოროტო“-ში და სხვაში.

ეს გარემოება ნ. ბარათაშვილს მსოფლიო მგოსანთა შორის საპატიო ადგილს აძლევს.

მაგრამ ნ. ბარათაშვილის შემოქმედება საინტერესოა აგრეთვე სხვა თავისებურობით.

ჩვენი პოეტის მწუხრი სული და უნდობი გონება, განვითარებული მისი შეხედულობით, რომ ცხოვრება ამოებაა და ფუჭი, რომ „წუთისოფელი ოდენ საწყაულია აღუესებელი“, უნდა გამოუვალ ჯადოსნურ რკალში მომწყვდეულიყო, ასეთს უსაზღვრო სასოწარკვეთილებამდის მისულს ცხოვრებაზე ხელი უნდა აეღო, როგორც მრავალი რომანტიკოსი იქცეოდა, მაგრამ ჩვენი მგოსანი ამ წყვდიადის და უფსკრულის წინაშე არა ტყდება, არ იკარგება და მთელის მტკივნეულობით და შეგნებით წარმოსთქვამს:

„არც კაცი ვარგა, რომ ცოცხალი მკვდარსა ემსგავსოს,  
იყოს სოფელში და სოფლისთვის არა იზრუნოს“.

ამაში ჩვენ ვგრძნობთ ერთგვარ გარდატეხას ნიკ. ბარათაშვილის პესიმისტურ მსოფლ-მხედველობაში, აქ ისახება და იშლება ის მებრძოლი ძალა, რომელიც ახასიათებდა ბევრს რომანტიკოსს და აგრეთვე დამახასიათებელია ჩვენი მგოსნისათვისაც მისი შემოქმედების მეორე პერიოდში, რომელიც ჩვენის შეხედულებით, იწყება 1841 წლიდან და გრძელდება მის სიკვდილამდის.

ეს ის პერიოდია ჩვენი პოეტის ცხოვრებაში, როდესაც ამდენ ხნის დაუკმაყოფილებელი მოქმედების წყურვილით დატანჯული მგოსანი ცდილობს გაექცეს „თვალ ბედითს შავ ყორანს“, გაკვეთოს ქარი, გააპოს წყალი, გარდაიაროს კლდენი და ღრენი, როდესაც მზადაა მოშორდეს მამულს, მოაკლდეს სწორთა და მეგობართა, ვეღარ იხილოს მშობელი და სატრფო ტკბილ-მოუბარი. თანხმდება

<sup>1)</sup> იხ. ნ. ბარათაშვილის თხზულება, გამოცემა 1922 წ. „ნ. ბარათაშვილის წინამორბედნი“ 83-180.



სად ხარ აღმშფოთო, მიპასუხე, ნუ იმალები,  
რატომ გაცუდდა ძალი შენი მომჯადოები?“



(„სულო ბოროტო“)

და აფორიაქებული პოეტი ძლიერი გულისწყრომით შესძახებს:

„წყეულიმც იყოს დღე იგი, როს შენთა აღთქმათა  
ბრმად ვუმსხვერპლიდი, მივანდობდი ჩემთ გულის თქმათა!  
მას აქეთ არის დავუკარგე მშვიდობა სულსა!  
და ვერც ღელვანი ვნებათანი მიკვლენ წყურვილსა!“

და ბოლოს აღშფოთებული მგოსანი ეუბნება:

„განვედი ჩემგან, ჭი მაცდურო, სულო ბოროტო!“

პოეტი მიუხედავად ასეთი აწეწილი, აფორიაქებული ცხოვრებისა, მოქმედებისა, განცდისა; მიუხედავად იმისა, რომ ცხოვრების სიცარიელე და ამოება ჰშრეტს მის ცხოველმყოფელ ძალას; მიუხედავად იმისა, რომ მას „წარღებული აქვს სულის მშვიდობა“, მოკლული „ყმაწვილის ბრმა სარწმუნოება“, დარჩენილია „აწ სოფლად უსაგნოდ, მარტო; ჭკუით ურწმუნო, გულით უნდო, სულით მახვრალი“; მიუხედავად იმისა რომ „ბოროტის სულის“ სახვრელი სული დაუნდობლად ღრღნის მის გაშმაგებულ გულსა და გონებას, — მაინც ჩვენი მგოსანი ამ სოფელს იქით გრძნობს სხვა, ახალს ქვეყანას, ახალს ცხოვრებას, აწინდელის გამაგრძელებელს, რომელსაც მისი „განწირული სულის კვეთება“ ერთგვარ მსხვერპლად, „გზად და ხილად“ უნდა დაუდოს. მას სწამს, რომ „გზა უვალი“ მის მიერ ასეთი ტანჯვით „თელილი... მოძმეს სიძნელეს გზისას გაუადვილებს“ ჭ მოუმზადებს მას ნიადაგს „შავს ბედთან“ საბრძოლველად.

ამაშია ჩვენი დიდი რომანტიკოსის დიდი ბუნება და ორგინალობაც. ის ვერ დაკმაყოფილდა ცხოვრების გარეშე სრბოლით, ვერ დაკმაყოფილდა ცხოვრების ყოველმხრივი განმანადგურებელი ანალიზის ვაკეთებით; პირიქით, მან ცხოვრების უარყოფაში დაგვანახა რაოდენ დიდი და ძლიერი იყო მისი მიზიდულობა ცხოვრებისადმი.

ბარათაშვილის ეს მწვავე უარყოფა ცხოვრებისა, უდაოდ გვაჩვენებს მისდამი დიდს და განუსაზღვრელს სიყვარულს, რომლის დაკმაყოფილებასაც თანაჩედროვე ცხოვრებაში ვერ პოულობდა და ასე თავდავიწყებით ეძებდა ლაგამ-მიშვებულს მერანზე მჯდომი შეუპოვარი და თავგანწირული მხედარი. ბარათაშვილის ცხოვრების უარყოფაში ვხედავთ მის დაუკმაყოფილებელს სურვილს და სიყვარულს ცხოვრებისას.

დიახ, ნიკ. ბარათაშვილის კაეშნიან მუზას თითქმის სავსებით ასაზრდოებს მისი ცხოვრებისადმი დაუძლეველი სიყვარული. სწორედ ამით აიხსნება, რომ მეორე პერიოდის შემოქმედებაში პოეტი ლამობს ობიექტიური ცხოვრების, მასთან დამოკიდებულების განსახიერებას.

აი რატომ პირველსა და მეორე პერიოდის გარდატეხილზე უილაჯო, უიმედო გაწვალებული პოეტის აზრი გადადის ჩვენი ისტორიის წარსულში, რომელიც სინამდვილე იყო თავისი შედეგებით თანამედროვე ცხოვრებაში; ცდილობს

თავისი და აგრეთვე მთელი ქართველი ერის ტრადიციის გასაღები მოგვცეს თავის პოემაში „ბედი ქართლისა“.

ბარათაშვილის შემოქმედებაში აქ ჩვენ ვსკვრებით რომანტიზმს და რეალიზმის სამზღვარს. ბარათაშვილის შემოქმედების მეორე პერიოდში ჩვენ ვგრძნობთ იმ ღრმა და დიდს გარდატეხას, რომელიც ამ დროს ისახება ჩვენი ერის ცხოვრებაში და ფსიქოლოგიაში. ამ გარდატეხის გაგებაც ჩვენმა მგოსანმა შესძლო თავისი გენიოსური ინტუციით და რომელიც გამოჰხატა შემდეგი სიტყვებით:

„გაჰკვეთე ქარი, გააბე წყალი, გარდაიარე კლდენი და ღრენი, გასწი, გაკურცხლე და შემიმოკლე მოუთმენელსა სავალნი დღენი, ნუ შეეფარვი, ჩემო მფრინავო, ნურცა სიცხესა, ნურცა ავდარსა, ნუ შემიბრალებ დაქანცულობით თავგანწირულსა შენსა მხედარსა!“

„ცუდად ხომ მაინც არ ჩაივლის ეს განწირულის სულის კვეთება! და გზა უვალი, შენგან თელილი, მერანო ჩემო, მაინც დარჩება, და ჩემს შემდგომად მოძმესა ჩემსა სიძნელე გზისა გაუადვილდეს, და შეუპოვრად მას ჰუნე თვისი შაეის ბედის წინ გამოუქროლდეს!“

ბარათაშვილის ახალი ცხოვრების წინაგრძობით გამოწვეული აფორიაქებული გრძნობების უფრო გარკვეული განსახიერება შესძლო ჩვენმა მეორე დიდმა მგოსანმა, ჩვენი ცხოვრების მეორე მესაიდუმლემ, ბარათაშვილის ნიჭიერმა მემკვიდრემ ილია ჭავჭავაძემ შემდეგს სიტყვებში:

„მას ნულარ ვსტირით, რაც დამარხულა,  
რაც უწყალოს დროთ ხელით დანთქმულა,  
მოვიკლათ წარსულ დროებზე დარდი...  
ჩვენ უნდა ვსდიოთ ეხლა სხვა ვარსკვლავს,  
ჩვენ უნდა ჩვენი ვწვათ მყოობადი,  
ჩვენ უნდა მივსცეთ მომავალი ხალხს...“

(„ქართლის დედას“)

ნ. ბარათაშვილი, ჩვენი ფიქრით, აი ამ მომავლის გზის გამონახვის ატმოსფეროში უნდა შესულიყო მთელი თავისი მოუსვენარი, ძლიერი და ცხოველი ტემპერამენტით, რომ უდროოდ სიკვდილს არ მოესპო მისი სიცოცხლე, მისი ჩანგის ეღერა.

## VII

ბარათაშვილისთანა ბრწყინვალე წარმომადგენელი ჩვენს რომანტიზმს არა ჰყავს. მან სავსებით ამოსწურა ქართული რომანტიზმი. მისი სიკვდილის შემდეგ ჩვენს მწერლობაში რომანტიზმის დეკადანსი იწყება, რეალიზმი თანდათან გაბედულის ნაბიჯით შემოდის ჩვენს მწერლობაში და მე 60-ცე წლებში ილია-აკაკის მეთაურობით მკვიდრდება.

მაგრამ რომანტიზმი ჩვენს მწერლობაში მაინც არ გამქრალა. პარალელურად გაბატონებულ რეალისტურ მიმართულებასთან ფერმკრთალი, მაგრამ მაინც კი ძლიერი ნაკადით მთელი მე-XIX-ტე საუკუნის მანძილზე მომდინარეობდა. თუ-

მცა დეკადანსის დროს რომანტიზმი თავის ძალას ზე ელფერს ჰკარგავს, მაგრამ მისი ლეიტ-მოტივი ეროვნული გრძნობა კვლავინდებულად ნიადაგია მისი განვითარებისა და ისეთსავე მიმზიდველობას აძლევს მას. ეროვნული გრძნობის განვითარების დაკარგვა და მისი აღდგენის ოცნება ისეთს ძლიერ სურვილად გადაქცეული, ისეა შესისხლხორციელებული ჩვენი პროეტების შეგნებასთან, ისე ძალუ-მად, ისე მტკივნეულად, რომ მათ რაღაც საოცნებო ქვეყანა წარსულისა შეუქმნიათ, იქით მიილტვის მათი ფიქრი და გონება, იქ იზიდავს გატაცებულის გზებით მკითხველს.

რა არის თუ არა პატრიოტული გრძნობით შექმნილი ოცნების სამყარო ვახ. ორბელიანისა, ჩვენი რომანტიზმის დეკადანსის ამ საუკეთესო წარმომადგენლისა მთელი თავისი ნაზი და მგრძნობიარე „მე“-ს გაშლით თავის შემოქმედებაში, წარსულის იდეალიზაციით, მაღალი და სპეტაკი ეროვნული გრძნობის განსახიერებით („წიგნი მოწერილი რუსეთიდან“—1833 წ., „იმედი“—1850 წ., „ძველი დმანისი“ 1866 წ., „ორი სიზმარი“—1879 წ., „ორი შენობა“ 1881 წ., „ობოლი“ 1882 წ., „სამშობლო ქვეყნის პასუხი“ 1883 წ., „ირაკლი და მისი დრო“ 1885 წ.).

პოეტში მწარე ნაღველს იწვევს სამშობლოს დაცემა, მისი უილაჯო და უნუგეშო მდგომარეობა. აწმყო მას არავითარ სანუგეშოს არ ეუბნება. მაგრამ მგოსანი იმედს არ ჰკარგავს, მას რწმენა აქვს, რაღაც იღუმალი ძალა მას ჩახახის, რომ საქართველო „წამებული კვლავ გამრავლდება... სამშობლო დანგრეული კვლავ აღყვავდება“.

ვახ. ორბელიანის აღგზნებული ოცნება-შემოქმედება ამ საკითხის გარშემო ტრიალებს. ის „ორ სიზმარში“ წარსულს აწმყოსთან ადარებს: ახალი მთელი, ლამაზი, მაგრამ სუსტი, უღონო; ძველი ნგრეული, შველასი წლის მოხუცი, რომელიც მედგრად უმაგრდება დროთა ქარიშხალს, რომელიც მტრის მიერ შერყეული, შეგინებული „დგას გმირად გმირთა ხელით აშენებული“,—ეს უკანასკნელი მაინც დიდხანს დარჩება, რადგანაც „დიდს წარსულს მომავალიც დიდი ექნება“. ეს აზრი და იმედი ვახ. ორბელიანს სიზმარშიაც კი არ სტოვებს. მას ელანდება („ორი სიზმარი“)—„სიცოცხლის წყაროს გაელვიძნა მის (საქართველოს) წიაღსა შინა, ვხედავდი დაბლა მიწაზედ ერს მშრომელს, ბედნიერს.“ თვით რელიგიური გრძნობაც კი („ჯვარი ვახისა“) დამახასიათებელი რომანტიკოსებისათვის, ვახ. ორბელიანის მიერ შექმნილ სამყაროში იმდენადაა ძლიერი და საინტერესო, რამდენადაც ეს გრძნობა დაკავშირებულია საქართველოს ძველ დიდებასთან.

ეს პატრიოტული რომანტიული ჰანგები, ვით გედის სიმღერა, გაისმოდა მთელი მე-XIX-ტე საუკუნის განმავლობაში არა მარტო ვახტანგ ორბელიანის შემოქმედებაში, არამედ, მიუხედავად რეალიზმის დამკვიდრებისა, ამ პატრიოტულ-რომანტიულ ჰანგებზე მღეროდა უმეტესი ნაწილი ჩვენი მგოსნებისა.

ვინ არის თუ არა რომანტიკოსი მამია გურიელი, ნინო ორბელიანი, გრ. აბაშიძე, რომელთა ფიქრია ტურფა სამშობლოს „მტლად დაუდონ თავისი სი-



ცოცხლე, სიჭაბუკე გალომებული, მას დაანაცვლონ თვისი ჩანგი, კალიძი, დასწვან გრძნობები, ვით აბედი“?..

განა რომანტიკოსი არაა გრ. ვოლსკი, რომლის განუყოფელი ტყვეობის ხატებაა სატრფო-სამშობლო, რომლის სახეც, „ოდეს ეწვევა ტანჯვა და მწველი და გულ-ღვიძლს უღრღნის, ვით გესლი გველი,“ მოველინება „მხსნელ ფარად“ და უკლებელის აღტაცებით მარად განაგრძობს მის ტრფობას?

თვით ის მწერლები, რომელთა შემოქმედებაში რეალიზმია გაბატონებული თავისუფალნი არ არიან ამ პატრიოტულ-რომანტიული მიმართულებისაგან.

რა არის თუ არა ძლიერი რომანტიული ნაკადი ილია ჭავჭავაძის შემოქმედებაში „დედა და შვილი,“ „დიმიტრი თავდადებული“ წარსულის იდეალიზაციით?

ან აკაკი წერეთელის ძველი საქართველო ასეთი აღფრთოვანებით და სიყვარულით განსახიერებული მის ისტორიულ პოემებში—(„თორნიკე ერისთავი,“ „ნათელა“, „ბაგრატ დიდი“ და სხვა)—ჩვენი წარსულის და წინაპართა მოღვაწეობის იდეალიზაციით?

ან ეს საოცნებო სახე მისი სატრფოსი, რომელიც იყო „უწინ ტურთა, დღეს კი ლეჩაქ მოხდილი,“ რომლის განთავისუფლებაც უფსკრულ წყურვილად აჭკონდა გადაქცეული აკაკის? ეს სატრფო ხომ რომანტიული სიმბოლოა სამშობლოსი!..

ვინ არის განდევნილი, დუტუ მეგრელი, რომელთა პოეზიის ლეიტ-მოტივია ზრუნვა „ტანჯულ სამშობლოზე“, რომლის გულისათვისაც მზად არიან „მთლად ცრემლად იქცნენ“!..

განა ესევე ეროვნული გრძნობა არაა ის ძირითადი ფუძე და დაუშრეტელი წყარო ტანჯვისა და ბედნიერებისა, დამცირებისა და სიამაყისა, აღფრთოვანებისა და მწარე ნალღველისა, რომელზედაც აღმოცენდა და გიგანტისებურ განვითარდა ყაზბეგის და ვაჟა-ფშაველას ორიგინალური და ძალუმი რომანტიული უფრო ნეორომანტიული მსოფლ-მხედველობა?

რა არის ყაზბეგის მთელი შემოქმედება, თუ არა მშვენიერი წარმტაცი ეპოპეია ჩვენი ხალხის სულიერი ტრადედიისა, ამოცენებული რომანტიულ ნიადაგზე? რა არის ყაზბეგის გმირთა გალერეა, თუ არა ერთგვარი, მართლაც რომანტიული შეჯიბრება ეროვნული და პირადი თავისუფლების მოპოების საქმეში? ვინ არის ხევის ბერი გოჩა, თუ არა რაღაც რომანტიული ბრწყინვალეების გვირგვინით მოცული მსხვერპლი და გმირი ეროვნული გრძნობისა? ვინ არიან მათია, ონისე, იაგო, ნუნუ, მაყვალა, თუ არა გაწვალებულნი და წამებულნი სიყვარულის გრძნობით გმირები მხოლოდ რომანტიზმისათვის რომაა ჩვეულებრივი? ან მოძღვარი, ხალხის ბედნიერებასთან ასე უანგაროდ გადაბმული? ან მთელი ეს ფანტასტიური სამყარო თემობრივი წესწყობილებით, სადაც ადამიანი ასე თავისუფალია, ასე მთლიანია, ასე ძლიერია, სადაც ზნე-ჩვეულება ხელს უწყობს პიროვნების გაფაქიზებას და ამაღლებას?—ესეც ხომ მთლად რომანტიულია.

ავილოთ ვაჟა-ფშაველა, ეს ნიჭიერი მოწაფე ყაზბეგისა და მისი დიდი მეტოქე, მთელი თავისი პოეტური სამყაროთი, რომელიც შექმნა მისმა ბუბუ-რაშმა აგზნებულმა ფანტაზიამ. ჩვენი მთის არწივისათვის ეს ოცნებები სამყარო რეალურ სამყაროზე უფრო რეალურია, მისთვის ეს სამყარო სინამდვილეა.

რა არის ნიადაგი ამ ჯადოსნური ხელოვნებით აღდგენილი ძველი მთისა თავისი ვაჟკაცური გაუტეხელი ხასიათით, რაინდული ზნე-ჩვეულებებით, თუ არა ეროვნული რომანტიზმი პოეტისა? ვაჟა-ფშაველას პანტიზმიც, ბუნების მეოხებით პირისპირ მისვლა, შეხება და შეგრძნობა ცხოვრების დაუსრულებლობისა და განუსაზღვრელობისა ხომ ეროვნულ რომანტიზმის დერიტაზეა დადებული!

აი ასეთი თავისებური ხასიათისაა რომანტიზმი ჩვენს მწერლობაში, რომელიც, როგორც ზევით დავინახეთ, მთელი მე-XIX-ტე საუკუნის მანძილზე ანდამატივით იზიდავდა ჩვენი მწერლების გულისყურს და ნიჭსა, აქმნევინებდა მრავალს დიდი ნიჭით აღბეჭდილ ნაწარმოებს, რომელთაგან მრავალი ვიწრო ეროვნული ხასიათისა კი არაა, არამედ საერთო საკაცობრიო.

## გერმანიის კაპიტალიზმის კრიზისი

(წერილი გერმანიიდან)

გერმანიის კაპიტალიზმი რომ ხანგრძლივ კრიზისის პერიოდს განიცდის — ეს არავისათვის სადაო არ არის დღეს. ამ ფაქტს აღნიშნავენ და სცნობენ გერმანიის მსხვილი ინდუსტრიის ცალკე წარმომადგენლები, ეს ფაქტი აღნიშნა სრულიად გერმანიის მრეწველთა ყრილობამაც დრეზდენში, ამას მოწმობენ სამეურნეო-სტატისტიკური ურნალები და ოფიციალურად გამოქვეყნებული სტატისტიკური ციფრები. ამ ფაქტს არ უარყოფს გერმანიის სოც.-დემოკრატია, მიუხედავად მის თანდაყოლილ ფლეგმატიზმისა ეკონომიურ საკითხებში.

ეკონომიური კრიზისი, მიუხედავად იმისა, რომ უკანასკნელი თვეების განმავლობაში გერმანიის სახალხო მეურნეობის საერთო კონიუნქტურა რამოდენიმეთ გაუმჯობესდა ინგლისის სამთო-მადნო მუშების გაფიცვის გავლენის გამო, რჩება მაინც ფაქტად და, — როგორც ქვემოთ დავინახავთ მოსალოდნელია ამ კრიზისის კიდევ მეტი გამწვავება.

გერმანიის კაპიტალიზმის კრიზისის ძირითად მიზეზების გამორკვევა შეადგენს ჩვენი წერილის მიზანს.

### 1. 1923 წელი

დღევანდელი გერმანიის კაპიტალიზმი თავის ისტორიის დასაწყისს 1923 წელს აცხადებს. თუ ამ დატის ქვეშ იგულისხმება ის, რომ მაშინ — ოქტომბერში — გერმანიის კაპიტალიზმი უფსკრულის წინაშე იდგა, შესწყდა მისი ეკონომიური მაჯისცემა, დაეცა ვალიუტა, მინიმუმამდე შემცირდა საქონლის ბრუნვა; ვაჭრობა და მრეწველობა ჩაკვდა, სავაჭროები და ქარხნები დაიხურა, დაშვებული და აჯანყებული მუშები ამზადებდნენ გერმანიის კაპიტალიზმის საბოლოო დანგრევას.... მაგრამ სოც.-დემოკრატის მორიგ ლალატის გამო გერმანიის ბურჟუაზიამ თავი დააღწია 1923 წლის სახიფათო განსაცდელს, ხელი ჩასჭიდა სახელმწიფო ძალა-უფლებას და სოც.-დემოკრატ პრეზიდენტის — ებერტის ხელით დაიმკვიდრა ერთგული მთავრობა. თუ ახალი დატის ქვეშ იგულისხმება ის, რომ გერმანიის კაპიტალიზმი, რომელსაც 1923 წელს ცალი ფეხი სამარეში ედგა და ძლივს გადარჩა, — ჩვენ სადაო არა გვაქვს რა!

აღნიშნავენ, რომ დღევანდელი მდგომარეობა გერმანიის კაპიტალიზმის შედარებით იმასთან, რაც სამი წლის წინად იყო, დიდი სტაბილიზაციის მაჩვენებელია. ეს აზრი საერთოდ მართალია, მაგრამ საჭიროა გვახსოვდეს, რა ფაქტორები წლის წინად გერმანიის კაპიტალისტური წყობილება დაღუპვის წინაშე იდგა.

## 2. ინფლაციის როლი და გერმანიის კაპიტალიზმის ხტრუბტურა

გერმანიის კაპიტალიზმის დღევანდელ სტრუქტურაში 1923 წელს მნიშვნელოვანი წილი უდევს, მიუხედავად იმისა, რომ ეს ხანა მისთვის დიდად საშიშარ კატასტროფას წარმოადგენდა. ვალიუტის ისტორიაში იშვიათია ისეთი კატასტროფა, რომელიც გერმანულ მარკამ 1923 წელში განიცადა. მარკა საათობით ჰკარგავდა სყიდვის ძალას; გერმანული ღირებულების ქაღალდები ბათილდებოდა, ბანკები კოტრდებოდა, საკრედიტო ოპერაციები შეუძლებელი ხდებოდა.

გერმანულ კაპიტალს ორი გზა ჰქონდა: ან უცხოეთში გაქცევა და უცხო ვალიუტის ქვეშ თავის შეფარება, ან თავის ქვეყანაში დარჩენა და სწრაფი და მოხერხებული გადასვლა ღირებულ ინვენტარში, რომელიც თუნდაც მოგების წყაროს არ წარმოადგენდეს.

გერმანულ ბურჟუაზიამ ამ მიზეზთა გამო თავისუფალი კაპიტალი მოახმარა ქარხნების გაფართოებას, ახალ მანქანების და ახალ ინვენტარის შეძენას, მიუხედავად იმისა, რომ ბაზრის და წარმოების ინტერესები ამას სრულიად არ მოითხოვდა და უმრავლეს შემთხვევაში ეს გაფართოებული საწარმოო აპარატი უსაქმოდ იდგა.

გერმანიის კაპიტალის ასეთმა მანიოვრმა, რომელსაც საგნობრივ ღირებულებათა ქვეშ თავის შეფარებას უწოდებენ (Flucht in die Sachwerte), გამოიწვია წარმოების აპარატის ზედმეტი გაფართოება.

ომის დროს გერმანიის სამეურნეო წარმოების აპარატი, როგორც ცნობილია, საგრძნობლად შემოკლდა, თუ მხედველობაში არ მივიღებთ საომარ მიზნებით აგებულ წარმოებას. ინფლაციის დროს კი გერმანულ მსხვილ ბურჟუაზიამ ეს მდგომარეობა არა თუ გამოასწორა, არამედ ბევრად გაუსწრო ომის წინა პერიოდს. მეტად მოკლე დროში მოხდა ულმობელი კონცენტრაცია არსებულ ქონებისა მსხვილ კაპიტალისტების ხელში მუშათა კლასის და წვრილბურჟუაზიის ხარჯზე, რომელმაც ეს ქონება, — როგორც აღნიშნული იყო — წარმოების ღირებულ ინვენტარში გადაიტანა და ტექნიკურ გაუმჯობესებას მოახმარა.

წარმოების აპარატი გერმანიაში ამ რიგად სწრაფი ნაბიჯებით ორიოდ წლის განმავლობაში კოლოსალურად გაიზარდა და გაფართოვდა. და ახალ ტექნიკურ გაუმჯობესებათა გამო წარმოებითი შესაძლებლობანი გერმანულ სამეურნეო აპარატისა ბევრად მაღლა სდგას 1914 წლის დონესთან შედარებით.

მოგვყავს რამდენიმე დამახასიათებელი რიცხვი:

ნახშირის მრეწველობის მანქანების რაოდენობა და ტექნიკური კვალიფიკაცია შემდეგი განვითარების მაჩვენებელია: (რიცხვები მოყვანილია „Börsen-Courier“ 6/1 1925 წ.).

	მანქანების რიცხვი ნახშირის წარმოებაში		მანქანების სიმძლიერე — ცხენის ძალაში (PS) ქ. რეზერვუაჟი	
	1914 წ. I IV	1924 წ. I IV	1914 წ. I IV	1924 წ. I IV
საბურღავე მანქანები . . . . .	48	2.427	42	1.793
საბურღავე ჩაქურჩები . . . . .	13.783	43.472	21.574	51.023
გამწმენდი მანქანები . . . . .	545	15.500	585	12.944
ნახშირის საკვეთი მანქანები	35	69	72	232
გადამზიდავი მატორები . . . . .	2.135	6.301	19.038	57.429
Schrammaschinen . . . . .	270	715	951	3.782
Pressluftbaeken . . . . .	—	469	—	488
	16.816	68.953	42.262	127.637

სატრანსპორტო საშუალებანი შემდეგი განვითარების მაჩვენებელია, თუ ჩვენ რკინისგზის ინვენტარის რიცხვებს ავიღებთ:

1913 წ. გერმ. ჰქონ.	29.990	ლოკომტ.	65.961	სამოგზ. ვაგ.	669.048	საბარგ. ვაგ.
1923 წ. " "	30.850	" "	69.253	" "	748.713	" "
1924 წ. " "	30.767	" "	69.209	" "	705.021	" "

თუ ჩვენ ქიმიურ მრეწველობის რიცხვებს ავიღებთ (იხ. შემდეგ), ისევ დავინახავთ გერმანიის საწარმოო აპარატის უდიდეს ტექნიკურ დაწინაურებას. ეს მოწმობს იმას, რომ გერმანიის წარმოებითი შესაძლებლობანი ბევრად წინ არის, ვიდრე ომის წინა პერიოდში. ის კი ფაქტია, რომ გერმანია მაინც შორს არის 1914 წლის წარმოების დონესაგან \*).

რისთვის? — პასუხი ქვევით.

**მუშახელის** მხრივ გერმანიის კაპიტალიზმი იმყოფება გაცილებით უკეთეს პირობებში ვიდრე ოდესმე.

მიუხედავად იმისა, რომ გერმანიის ტერიტორია ერთი მერვედით შემცირებულია, მცხოვრებთა რიცხვი დაახლოებით იგივე დარჩა. 1910 წლის აღწერის თანახმად გერმანიას ჰყავდა 65 მილიონი მცხოვრები; ეხლა კი 64 ილიონია შემცირებულ ტერიტორიაზე. მოსახლეობის სიმჭიდროვე ნაცვლად 120 სუ-

\*) ამ ფაქტის დასადასტურებლად ჩვენ შეგვიძლია მეტად სანდო და საიმედო მოწმე მოვიყვანოთ. ვესტფალია-რეინის მსხვილ მრეწველთა კონგრესზე დიუსსელდორფში *Guten-Hoffnung-Hütte*-ს გენერალ დირექტორმა როიშმა (Reusch) შემდეგი განაცხადა: „უკანასკნელ ხანებში გავრცელებული აზრი, ვითომ ეხლა გერმანიის მეურნეობის კრიზისი დამთავრებული იყოს, ყოველ შემთხვევაში ნაჩქარევია და ფაქტებს წინ უსწრებს. გერმანიის მეურნეობის ნამდვილ მდგომარეობას ფარდას ადარებს ბრიტანიის სამთო-მადნო მუშების გაფიცვის გავლენა და გერმანულ მეურნეობაში შემოსული უცხოეთის სესხები. ჩვენ თვალი არ უნდა დავხუჭოთ იმის წინაშე, რომ ჩვენი ექსპორტის ნაწილი საქვეყნო ბაზარზე მეტად დაკლებულია. საჭიროა ხანგრძლივი და მძიმე მუშაობა, რათა მიღწეულ იქმნეს მდგომარეობა, რომელიც ჩვენ ომის წინა ეპოქაში გვქონდა“...

ლისა კვადრატულ კილომეტრზე (1910 წელში), ეხლა შეადგენს 133,8 (1925 წლის აღწერის თანახმად).

დღევანდელ გერმანიის მოსახლეობაში სამაგიეროთ გაცილებით მეტი პროცენტია შრომის შემძლე წლოვანობის, ვიდრე ომის წინ იყო. ამ მოსახლეობაში ნაანგარიშევი არ არიან ის ბავშვები, რომელნიც ომის პერიოდში უნდა დაბადებულიყვნენ და რომელნიც ეხლა 8 ან 11 წლის იქნებოდნენ, და აგრეთვე ის ბავშვები და მოხუცნიც, რომელნიც ეკონომიურ კრიზისის მიერ გამოწვეულ გაჭირვების გამო დაიხოცნენ. გარდა ამისა მუშა ხელს ემატება უამრავი რენტნერები და პენსიონერები, რომლებმაც ინფლაციის გამო დაჰკარგეს შემოსავლის ეს წყარო, მასვე ემატება რამდენიმე ასი ათასი ქალიშვილი და დედაკაცი, რომელნიც უწინ ქმრების და მამების ხარჯით ცხოვრობდნენ და ეხლა იძულებულნი არიან სამუშაო ეძიონ.

1907 წელს 62,01 მილიონი მცხოვრებთაგან 26,17 მილიონი მუშა ხელი იყო  
 1913 წელში 66,98 მილიონისაგან " 28 " " "  
 1926 წელში 62,6 მილიონისაგან " 31,64 " " "

აქედან ნაანგარიშევი: 1. გერმანიის წლიური პროდუქციის ჯამი მეტი უნდა ყოფილიყო, ვიდრე ომის წინა ეპოქაში, რადგან მუშა ხელი მეტია. 2. რადგან საწარმოვო აპარატი გერმანიის მეურნეობისა მეტად გაუმჯობესებული და გაფართოებულია, წლიური სამეურნეო პროდუქცია კიდევ მეტი უნდა ყოფილიყო და 3. რადგან პროცენტული შეფარდებით მოსახლეობასთან მუშაობის უნარიანთა რიცხვი ბევრად მეტია და რადგან შრომის ნაყოფიერობა აწეულია, ამიტომ გერმანელი ხალხის მატერიალური კეთილდღეობაც უკეთესი უნდა ყოფილიყო ვიდრე ომის წინ იყო. მიხედვით ამისა თვითეულ მცხოვრებზე მოხმარებული საქონლის რაოდენობა მეტი უნდა ყოფილიყო ვიდრე ომის წინ.

მაგრამ აი რას გვეუბნება ქვემოთ მოყვანილი ცხრილი:

**გერმანიის მოსახლეობის თვითეულ სულზე იხარჯებოდა წლიურად:**

	1913 წ.	1922 წ.	1923 წ.	1924 წ.	1925 წ.
ბამბა . . . . .	7,2 კგ.	4,3 კგ.	3,0 კგ.	4,3 კგ.	5,9 კგ.
ნავთი . . . . .	15,2 "	6,6 "	3,0 "	3,8 "	7,4 "
ქვავი . . . . .	153 "	90 "	106 "	87 "	128 "
პური . . . . .	96 "	47 "	57 "	68 "	83 "
კართოფილი . . . . .	700 "	500 "	433 "	495 "	—
ხორცი . . . . .	52 "	34 "	31 "	43 "	47 "
ლუდი . . . . .	102 ლტ.	51 ლტ.	45 ლტ.	60 ლტ.	75 ლტ.

საერთოდ იქვი არავის ეპარება, რომ გერმანიის ფართე მასსა დღეს ეკონომიურად მეტად გაჭირვებულ მდგომარეობაშია.

შედგვი: მიუხედავად ჩინებულ ტექნიკურ პირობებისა (წარმოების აპარატი) და მშრომელი ძალისა (მუშა ხელი) გერმანიის წლიური წარმოება დიდი დეფექტის მაჩვენებელია.

წარმოების  
აპარატი  
მუშა ხელი

### 3. ბაზარი, მოგების ხაკითხი და „რაციონალიზაცია“

გერმანიის კაპიტალიზმმა ომის შემდეგ წააგო მთელი გარეშეშაზარი. მას შეუმოკლეს ტერიტორია (გერმანიამ დაჰკარგა ვერსალის ხელშეკრულობის თანახმად თავისი ტერიტორიის ერთი მეოთხედი).

გერმანიის ბურჟუაზიამ გადასწყვიტა ამის გამო „შინაყმებიდან“ აენაზლაურებინა, რაც მან ვერსალში წააგო. გერმანიამ დაჰკეტა მაღალი ბაჟებით უცხოეთის საქონლისათვის თავისი საზღვრები და დაეპატრონა შინაურ ბაზარს. მისი მიზანია მოგება შინაურ ბაზარზე მაქსიმუმამდე მიიყვანოს. ამ მიზნით დაიწყო უღმობელი „რაციონალიზაცია“. დღევანდელი „რაციონალური“ ქარხნის ლოზუნგი შემდეგია: ამოქაჩე მუშისაგან მაქსიმუმი მისი ძალღონისა, მიეცი მას უმცირესი ხელფასი და დასტოვე სამუშაო დრო უცვლელი (რომელიც საშუალოდ არითმეტიკულ 9 საათს უდრის); რასაც უწინ ათი მუშა აკეთებდა, გააკეთებინე ხუთს, — დანარჩენი დაითხოვე; სადაც და როგორც შესაძლებელი იყოს, შემოიღე სანარდო წესები და ფასები; შეამოკლე წარმოების ხარჯები მიწიუმამდე და ამგვარად დამზადებული საქონელი გაჰყიდე ძველ ფასებში. საქონელზე ძველი ფასები — ნიშნავს დღევანდელ პირობებში, როდესაც შრომის ნაყოფიერება ზემოდ ჩამოთვლილ მიზეზების გამო უაღრესია, როდესაც თვით ღირებულება პროდუქციისა კოლოსალურად შემცირებულია, საზღაპრო მოგებას მექარხნის მიერ. (მრავალ შემთხვევაში საქონლის ფასები იზრდება კიდევაც.)

წარმოების აპარატი და წარმოების შესაძლებლობანი — როგორც აღნიშნული იყო, მეტად განვითარებული და გაფართოებულია. სწორეთ აქ იწყება გერმანიის ეკონომიური სიძნელენი. წარმოების გაფართოებისათვის მხოლოდ საწარმოვო საშუალებანი საკმარისი არ არის; საჭიროა განაღდების ბაზარი. გერმანელ საქონელს ბაზარი არა აქვს, შინაგანი ეკონომიური მდგომარეობა ლატაკია, მომხმარებელი მასსა ანუ მყიდველი ეკონომიურად უძლურია, საჭიროება და მოთხოვნილება არის, მაგრამ არ არის სყიდვის საშუალება — მყიდველი ღარიბია. გერმანიის წარმოება იძულებულია დაემორჩილოს შინაურ ბაზრის ძალას და შეეგუოს უცხო ბაზრის პირობებს.

ამ მიზეზთა გამო საჭირო შეიქმნა წარმოების შემოკლება, მრავალი მანქანის შეჩერება და ზოგჯერ ქარხნების დახურვაც, წარმოების ხარჯების შემოკლება, მუშების დათხოვნა და სხ. და სხ. მრავალი დარგი გერმანიის მრეწველობისა იძულებული შეიქმნა ნახევრად შეემოკლებია თავისი წარმოება. წარმოების აპარატის დიდი ნაწილი გაჩერებულია, რათა საქონლით არ წარღვნას მთელი შინაგანი ბაზარი.

შემდეგი ცხრილი იძლევა იმ შეუსაბამისობის აშკარა სურათს, რომელიც არსებობს საწარმოვო შესაძლებლობის და ფაქტიურ წარმოების შორის:

მანქანების წარმოება ამზადებს მხოლოდ	50%	იმისას, რაც მას შეუძლ.
ლოკომ. და ვაგ. წარ.	25%	" " " "
ხის წარმოება	25-60%	" " " "
რკინის წარმოება	60%	" " " "
ფოლადის წარმოება	70%	" " " "

ეს რიცხვები მოიყვანა დიუსბერგმა <sup>1)</sup> თავის სიტყვაში სრულიად გერმანიის მრეწველთა ყრილობაზე (დრეზდენში 1926 წ. სექტემბერში).

ამგვარად წარმოების აპარატი დაახლოებით 50%-ით სკარბობს განადგობის შესაძლებლობას.

თუ ჩვენში (საბჭოთა კავშირში) გადატვირთული გვაქვს მთელი წარმოებითი აპარატი და მაინც ვერ ვფარავთ ჩვენი ბაზრის მოთხოვნილებას, გერმანიაში მოწინააღმდეგე მოვლენას აქვს ადგილი.

წარმოების შემოკლების გამო და შრომის ნაყოფიერების გაძლიერების შედეგად, გერმანიის ბურჟუაზიამ ზედმეტ ბარგად გამოაცხადა კვალიფიციური პროლეტარიატის დიდი ნაწილი და დაითხოვა ქარხნებიდან მილიონები. გერმანული „რაციონალიზაცია“ უპირველესად ყოვლისა ქარხნებში მომუშავე პროლეტარული პერსონალის უსასტიკეს შემოკლებას ნიშნავს.

უმუშევართა რიცხვის გამორკვევა გერმანიაში არ არის ადვილი საქმე. აღრიცხულნი არიან მხოლოდ ის უმუშევრები, რომელნიც უმუშევართა ფონდიდან დახმარებას იღებენ, დანარჩენები-კი (და ასეთების რაოდენობა ძლიერ დიდია) არ არიან აღრიცხული.

კონიუნქტურის ინსტიტუტი იძლევა 1925 წლის 1 აგვისტოსთვის შემდეგ რიცხვებს:

1. უმუშევრები, რომელნიც დახმარებას იღებენ . . . . .	1. 650.000
2. Ausgesteuerte (ისეთები, რომელთაც 59 კვირის განმავლობაში სამუშაო ვერ უშოვიათ და ამის გამო დაჰკარგეს დახმარების მიღების უფლება) . . . . .	100.000
3. ისეთები, რომელნიც უმუშევართა დახმარებას არ იღებენ (რადგ. ოჯახში ერთ რომელიმე წევ. სამუშ. აქვს)	165.000
	<hr/>
	1. 915.000

ამას მიუმატოთ 1.670.000 ნახევრად უმუშევარი, რომელთაც შემოკლებული სამუშაო აქვთ (Kultarbeiter და კვირაში 3 ან 4 დღეს მუშაობენ), რაც შრომის კვირაზე გადატანით იძლევა . . . . . 500.000 სრ. უმუშ.

ერთად—2:415.000 სრ. უმუშ.

ამხ. ვარგა სამართლიანად შენიშნავს, რომ უმუშევართა ნამდვილი რიცხვი გაცილებით მეტია, რადგან საკმაო რიცხვი უმუშევართა დახმარების ფონდიდან მოხსნილია და ისეთებისა, რომელნიც არავითარ დახმარებას არ იღებენ.

<sup>1)</sup> დ ი უ ს ბ ე რ გ ი გერმანიის უძლიერეს საღებავების მრეწველობის ტრესტის ბატონია და სრულიად გერმანიის ინდუსტრიულ მრეწველთა თავმჯდომარე.



გაცილებით დიდია იმაზე, რომელსაც კონიუნქტურის ინსტიტუტი იძლევა და ამიტომ ნამდვილი რიცხვი უმუშევართა გერმანიაში უდრის 3 მილიონს.

ამ რიგად 3 მილიონი კვალიფიციური მუშა გამორიცხავს გერმანიის მეურნეობისაგან. თუ ამას მიუმატებთ კიდევ არა პროდუქტიულ მუშახელს, რომელიც ვაჭრობაში იმყოფება და რომლის რიცხვი 1913 წელთან შედარებით მნიშვნელოვანად გადიდებულია, გასაგები შექმნება, თუ რისთვის ვერ მიაღწია გერმანიამ იმ ზედმეტ პროდუქციას, რომელიც მას საწარმოო აპარატის და მუშახელის რაოდენობის თანახმად უნდა ჰქონოდა.

გერმანიის მთელი საწარმოო აპარატის ნორმალური დატვირთვა, მისი სრული გამოყენება 3 მილიონ უმუშევარს ქარხანაში დაბრუნების შესაძლებლობას მისცემდა, მაგრამ კაპიტალისტისათვის საკითხი ასე არა დგას მისთვის მნიშვნელობა აქვს მოგებას და არა მუშების მდგომარეობას. დღევანდელ გერმანელ კაპიტალისტის მიზანია არსებულ ბაზრის პირობებს ისე შეეგუოს, რომ უდიდესი მოგება მიიღოს. აქედან მოდის კაპიტალისტების მისწრაფება — წარმოების ხარჯების შესამოკლებლად უფრო მეტის სიმწვავით ჰყვლიფოს თუნდაც შემცირებული მუშათა პერსონალი, ღვივდება მისწრაფება პროდუქტიულობის ამაღლებისა, „რაციონალიზაციისა“, და მონოპოლიზაციისაკენ. (რაც არაპირდაპირ გაყვლეფის გაძლიერებას ნიშნავს საქონლის ფასების გადიდების საშუალებით).

ასეთია გერმანიის დღევანდელი ეკონომიური კრიზისის სურათი. კაპიტალისტური მეურნეობის კრიზისის ეს ტიპი, რომელსაც დღეს მხოლოდ გერმანია კი არ განიცდის, არამედ ევროპის სხვა სახელმწიფოებიც, კლასიკური სიცხადით და ოსტატობით დაახასიათა აშშ. ბუხარინმა თავის მოხსენებაში მე-XIV პარტიულ კონფერენციაზე. უკვე ხმარებაში შემოსულ ტერმინოლოგიით რომ ვილაპარაკოთ, გერმანიის მეურნეობა განიცდის ფრიად ღია „მაკრატელს“ წარმოების შესაძლებლობის და განაღდების შესაძლებლობის შორის.

ნორმალურმა და პროგრესულმა კაპიტალიზმმა ამდენხანს ერთი ხერხი იცოდა პროდუქციის და განაღდების წონასწორობის აღსადგენად: განაღდების, ბაზრის კრიზისს იმით ჰკურნავდა, რომ ბაზარს აფართოებდა და უთანხმებდა დაწინაურებულ წარმოებას. დღეს კი საწინააღმდეგო მოვლენას ვხედავთ. ფრანფურტის სავაჭრო პალატის მოხსენება ამბობს:

„ამ დარღვეულ წონასწორობის აღდგენა (წარმოებასა და განაღდების შორის) შესაძლებელია მხოლოდ დაუნდობელი შემოკლებით, დახურვით და შევიწროებით ყველა იმ წარმოებათა, რომელიც ზედმედტია“.

კრიზისის ლიკვიდაციის მიზნით კაპიტალისტი ცდილობს წარმოება შეამოკლოს და შეუფარდოს შევიწროებულ ბაზარს, და არა პირუკულმა.

რას ნიშნავს ეს? — კაპიტალიზმის პერმანენტულ რეგრესს.

#### 4. სარეპარაციო გადასახადები და კრედიტები უსწრეთიდან

ზემოთ მოყვანილი სურათი — ასე ვსთქვად — გარეგნული სურათია გერმანიის კაპიტალიზმის მდგომარეობისა და უნდა ითქვას, რომ ეს უნუგეშო სურათი

მაინც დიდი სტაბილიზაციის მაჩვენებელია ომის შემდგომ პერიოდთან შედარებით. თუმცა გერმანიის მეურნეობა 1914 წლის დონემდე არ ასულა (და როგორც შემდეგში ნაჩვენები იქნება, ვერც მიაღწევს), მაგრამ უკანასკნელი 3 წლის შედარებითი რიცხვები მაინც აღმართების მრუდეს აჩვენებენ ჩამოხედვით ამ გარეგნულ სტაბილიზაციაში.

**სარეპარაციო გადასახადები** გერმანიას დღეს უფრო მეტის საშიშროებით ჰკიდია დამოკლეს ხმალივით თავზე, ვიდრე უწინ. **დაუესის-გეგმის** თანახმად შემდეგ წლებზე და შემდეგნაირად არის განაწილებული სარეპარაციო გადასახადები:

1924	წელში	გერმანიამ	უნდა გადაიხადოს	1. 000	მილიონი	მარკა
1925	"	"	"	1. 220	"	"
1926	"	"	"	1. 500	"	"
1927	"	"	"	1. 750	"	"
1928	"	"	"	2. 500	"	"

დღევანდლამდე ე. ი. ორი წლის განმავლობაში გადახდილია 2. 500 მილიონი. ყოველ ახალ წელში გადასახადი იზრდება პროგრესიულად და პროცენტებიც ზედ ემატება.

ამ ორი წლის განმავლობაში გერმანიის მეურნეობას საკუთრივ არც კი უნდა ეგრძნო გადასახადების სიმძიმე, რადგან ზევით აღნიშნული 2½ მილიარდი გამოღებული იყო არა საერთო სახალხო შემოსავლისაგან (დაუესის გეგმის სიმძიმე არ უნდა ეგრძნო აგრეთვე ამ 2 წლის განმავლობაში არც მშრომელ მასებს;—მიუხედავად ამისა გერმანიის მეურნეობას მაინც დღითი-დღე შინაგანი წინააღმდეგობანი ემატებოდა და მშრომელი მასის მდგომარეობა დღითი-დღე კატასტროფიულად უარესდებოდა.) შეუძლებელი იყო სარეპარაციო გადასახადების წლიურ სახალხო შემოსავლისაგან ჩამოქრა.

გერმანიის საერთო წლიური სახალხო შემოსავალი 1912 წელს უდრიდა **ჰელფერიხის** ანგარიშით 43 მილიარდს ე. ი. თვითველ მცხოვრებზე 650 მარკას წლიურად. თუ ამ ხანას პირობით, ნორმალურად მივიღებთ, და თუ ვიგულისხმებთ, რომ საცხოვრებელ საგნების ღირებულების ინდექსი 1925 წელს 40%-ით მაღლა იდგა, ვიდრე ომის წინ,—მაშინ დღევანდელ პირობებში ნორმალური შემოსავალი თვითველ სულზე წლიურად უნდა უდრიდეს 910 მარკას. ეს ნიშნავს: გერმანიის საერთო წლიური სახალხო შემოსავალი დღევანდელ პირობებში უნდა უდრიდეს 57 მილიარდს; ეს იქნებოდა შემოსავლის დონე დაახლოებით მსგავსი ომის წინა პერიოდის დონესთან. სინამდვილეში-კი გერმანიის წლიური სახალხო შემოსავალი მიმდინარე პერიოდში—თუ ჩვენ მაქსიმალურ რიცხვს ავიღებთ და უმუშევართ და ნახევრად უმუშევართ არ ჩავსთვლით—უდრის 32½ მილიარდს.

**ეს ნიშნავს:** 1. გერმანიის კაპიტალისტური მეურნეობა თავის ნორმალურ დონეს კიდევ 175%-ით დაშორებულია. 2. მიმდინარე ხანაში გერმანიის საერთო წლიური სახალხო შემოსავალი უკიდურესად დაბლა სდგას და 3 აუცილებელია დამხმარე თანხები გერმანიის მეურნეობისათვის, როგორც სარეპარა-



ციო გადასახადის გასახტუმრებლად, ისე დეფიციტების დახაფარავად და სა-  
მეურნეო ხარვეზების შესაკერავად.

ამგვარად, სესხი გერმანიისათვის აუცილებელი იყო. უამრავს თუ  
სარეპარაციო გადასახადების დაფარვა, არამედ მთელი გერმანიის კაპიტალიზ-  
მიც კი საექვო იყო.

დაუესის გეგმის მიღების შემდეგ უკვე ოფიციალურად გამოქვეყნებული  
რიცხვების თანახმად (ჟურნ. Wirtschaftsdienst № 32 1926 წ.) გერმანიამ შემ-  
დეგი სესხები აიღო უცხოეთიდან (ამერიკისაგან, ინგლისისაგან, შვეიცარიისა-  
გან და სხ.):

1924 წ.	(ეგრედ წოდებული დაუესის სესხი)	—840	მილიონი მარკა
1924	"	154	" "
1925	"	1.471,79	" "
1926	"	1.047,37	" "

3.513,16 მილიონი მარკა

მიუმატეთ ამას მოკლე ვადიანი კრედიტები და აქციები, რომელიც გერ-  
მანიაში უცხოეთის ხარჯზე იქმნა ფართედ შესყიდული, პლიუს პროცენტები,  
პლიუს დამატებითი ხარჯები—ყველა ეს იძლევა ამხ. ვარგახ ანგარიშით 6 მი-  
ლიარდიდან 8 მილიარდ მარკამდე.

**რას ნიშნავს ის ფაქტი, რომ 2 წლის განმავლობაში (დაუესის ხელშეკ-  
რულება იქმნა 1924 წ. სექტემბერში მიღებული) გერმანიის მეურნეობაში 8  
მილიარდამდე უცხო კაპიტალი იქმნა შემოტანალი?**

ეს ნიშნავს: 1. რომ 2 1/2 მილიარდი ხარეპარაციო გადასახადი მთლიანად  
უცხოეთის სესხიდან იქმნა გახტუმრებული; სახელმწიფო შემოსავალი ამ გა-  
დასახადს ვერას გზით ვერ აიტანდა და დიდ საკითხს წარმოადგენს, თუ რო-  
გორ ზიდოს გერმანიამ მომავალი სარეპარაციო გადასახადები, რომელიც წლი-  
დან წლამდე პროგრესიულად იზრდება.

2. ეს ნიშნავს, რომ გარდა ზემოაღნიშნულ გადასახადისა, გერმანიის  
შინაური დანაკლისი მეტად დიდი იყო და მახ 3 1/2 მილიარდი უცხოელი თა-  
ნხა უნდა მიშველდებოდა, რათა გერმანიის კაპიტალიზმი არ წაქცეულიყო.

ასე რომ ის შედარებითი გაუმჯობესება, რომელსაც გერმანიის ეკონომიურ  
მდგომარეობის მიმართ აღნიშნავენ, უბრალოთ აიხსნება იმით, რომ უცხო კაპი-  
ტალმა ხელი გაუწოდა გერმანიას რე გაუხსნა დიდი კრედიტები იმ პირობით, რომ  
გერმანია ვალდებულია მორჩილებით და ბეჯითად იმუშაოს და დააბრუნოს რე-  
პარაციები, სესხი და პროცენტები. „ავადმყოფ ყმას გონიერი ბატონი უაქიმებს  
და მოარჩენს, რათა შემდეგ ერთი ორად დაიბრუნოს მასზე გაღებული ხარ-  
ჯები“.

მაგრამ მიუხედავად ამისა, მიუხედავად უცხოეთის კაპიტალის ასეთი ძლი-  
ერი ნაკადისა გერმანიის პროდუქცია და კონზუმპცია (მოხმარება) ჯერ კიდევ  
დაშორებულია ნორმალურ მდგომარეობას.

გერმანიის კაპიტალიზმის ეკონომიური ხერხემალი ამრიგად უცხოეთის სე-  
სხზეა აშენებული. ეს მეტად საექვო „სტაბილობის“ მაჩვენებელია. სესხსაც ხომ

გადახდა ესაჭიროება—ისიც პროცენტებით. — მაგრამ ამასაც თავი და ვერ აკლებოთ. ესტჟვათ დაიხურა უცხოეთის კრედიტები, რაც სავსებით მოულოდნელი არ არის, რადგან ამერიკასაც ხომ თავისი ბუჰგალტერია აქვს, სადაც აღრიცხულია მოვალეთა გადახდის უნარი და შესაძლებლობანი. რა მოხდება მაშინ? ვერც ვიფიქრებ, რომ გერმანიის მეურნეობას შინაგანი დანაკლისი აქვს (რომელსაც გერმანელი კაპიტალისტი სცდილობს მუშების გაძლიერებული გაყვლეფით შეავსოს), რომელიც ამდენ ხანს სესხით იფარებოდა, გერმანიამ მომავალ წელში 2 მილიარდი სარეპარაციო გადასახადი უნდა ამოიღოს საკუთარ ჯიბიდან, რომელშიაც ფულის მაგიერათ 8 მილიარდის ვალდებულებანი აწყვეია პროცენტებით. ამრიგად ზღაპარია, ვითომც გერმანიის კაპიტალიზმი შევიდა ნორმალურ კალაპოტში, განმტკიცების პერიოდში და ვითომდა უზრუნველყოფილია მისი განვითარებაც.

**დღევანდელი გერმანიის კაპიტალიზმი უცხოეთის ქვიშაზეა აგებული და პირველივე ავდარი დაანგრევს მას.**

### 5. ინგლისის სამთო-მადნო მუშაობის გაფიცვა და გერმანიის კონიუქტურა

მეორე ფაქტორი, რომელმაც გერმანიის კრიზისის სიმწვავის შემსუბუქებაში დიდი როლი ითამაშა თავდაპირველად გერმანიის მძიმე მრეწველობის სასარგებლოდ, არის ინგლისის სამთო-მადნო მუშეების გაფიცვა.

ინგლისის სამთო-მადნო მრეწველობის დამბლამ ჩააჩუმა რამოდენიმე თვით უდიდესი კონკურენტი და ფართე ბაზარი გაუხსნა გერმანიის მძიმე მრეწველობის კაპიტალს.

1. ამ გაფიცვამ გაუხსნა გზა რურის ოლქის და ზემო სილფიის ნახშირს ინგლისში და მაისიდან დეკემბრამდე გერმანიის შტრეიკბეხერული ნახშირით განუწყვეტლივ იტვირთებოდა გემები. გერმანიის რეფორმისტულ პროფკავშირების ხელმძღვანელები თავის შტრეიკბეხერულ საქციელის დაფარვის მაზნით ხელს აფარებდენ ნახშირის ექსპორტის რაოდენობას, მაგრამ, მათდა საუბედუროთ, გამოქვეყნებულ იქნა რიცხვები, რომელნიც ამტკიცებდა რომ თვიდან თვემდე ნახშირის ექსპორტი ნახტომებით იზრდებოდა.

1926 წ. ივლ. ნახშირის ექსპორტი გერმანიიდან უდრიდა	3.640.000 ტონას
„ აგვისტოში	„ „ 3.973.000 „
„ სექტემბერში	„ „ 4.029.000 „ (კოქს.).

პირდაპირ ინგლისში გაზიდული ნახშირის რაოდენობა სექტემბრის განმავლობაში უდრიდა 1.221.000 ტონას, თუ ჩათვლილი არ იქნება ის ნახშირიც, რომელიც ბელგიაში და პოლანდიაში იგზავნებოდა და იქიდან ინგლისის გემზე იტვირთებოდა.

2. ინგლისის გაფიცვამ და ინგლისის მძიმე მრეწველობის კონკურენციის გამორიცხვამ გამოიწვია ერთგვარი თავისუფალი ადგილი საერთაშორისო ბაზარზე და ამ დია არეში გაეშურა გერმანიის მძიმე ინდუსტრიის კაპიტალი სხვა ინპერიალისტურ კონკურენტებთან ერთად (საფრანგეთი, ბელგია და განსაკუთრებით შეერთებული შტატები).

კონტინენტალურ ფოლადის ტრესტმა (სადაც გერმანიას უდიდესი წილი უდევს) გააფართოვა წარმოება და 29 მილიონი ტონით გადააჭარბა ხელშეკრულებაში განსაზღვრულ თავისი წარმოების მაქსიმუმს. რურის კონტინენტალური (სამთო-მადნო ტრესტი) დატვირთულია მთელი 100%-ით. გერმანიის წარმოების მრეწველობამ ბევრად გაუსწრო 1914 წლისას. საკვირველი არაფერია, თუ არ დავივიწყებთ, რომ ინგლისში მხოლოდ 5 ლუმელი მუშაობდა და 1 მაისიდან ყველა მალაროები დაყრუებული იყო.

ინგლისის სამთო-მადნო წარმოების შეჩერებამ გამოიწვია მოთხოვნილება-მიწოდების კანონის თანახმად—და ქვანახშირის, რკინის და ფოლადის ფასების აწევა.

გერმანიის მძიმე ინდუსტრიის კაპიტალმა ისარგებლა ინგლისის კონკურენციის შეფერხებით და ფასები ასწია. თუ რამდენად საზღაპრო იყო მათი მოგება,—შემდეგი რიცხვები გვიჩვენებს.

სექტემბრის 1	კვირაში რურის ნახშირი ფასდება ინგლ. ბაზარ. ტონა	38	მარკა
" 2	" " " " " "	40	"
" 3	" " " " " "	44	"
" 4	" " " " " "	54	"
ოქტომბრის 1	" " " " " "	57,6	"
" 2	" " " " " "	62,6	"
" 3	" " " " " "	65	"
" 4	" " " " " "	80	"

იგივე ნახშირი შინაურ ბაზარზე ღირდა ტონა 19,8 მარკა; ნოემბერში კი ის 80 მარკად იყიდებოდა. ეს შეადგენს 60 მარკის განსხვავებას ტონა ნახშირზე. თუ აქედან გამოვაკლებთ საფრაბტო ხარჯებს (რაც შეადგენს 3,50 როტერდამამდე + 9 მარკა როტერდამიდან ლივერპულამდე = მაქსიმუმ 14 მარკას) მაშინ მივიღებთ, რომ მალაროს პატრონს თითო ტონა ნახშირზე 46 მარკა წმინდა მოგება დარჩა, რაც თვიურად 24 მილიონ წმინდა მოგებას შეადგენს.

ამ საზღაპრო მოგებაში, რომელიც ნაყიღია ინგლისის მუშების და საერთაშორისო სამთო მადნო მუშების გაუგონარ გაყვლებით, გამოიწვია ნახშირის აქციების კურსის ასეთივე საზღაპრო ზრდა. „ბერლინერ ტაგებლათის“ ცნობით ნახშირის საზოგადოება აქციების კურსი ინგლისის გაფიცვის შემდეგ გაიზარდა 100 და ზოგან 150 %-ით.

ამგვარად, გერმანიის მძიმე მრეწველობის კაპიტალისათვის 1926 წელი ოქროს ხანა იყო. მან გააფართოვა წარმოება და განაღდების ბაზარი მისთვის ხსნილი იყო; მისი მოგება 250% უდრიდა.

მაგრამ 1926 წელთან ერთად თავდება გერმანიის მძიმე ინდუსტრიის ოქროს ხანაც. საჭიროა გვახსოვდეს, რომ გერმანიის კაპიტალიზმის ზემოაღნიშნული მაღალი კონიუნქტურა გამოწვეული იყო არა საერთაშორისო ბაზრის გაფართოებით, არამედ ინგლისის მეტოქეობის დროებითი შეჩერებით. ეხლა არავისათვის საეჭვო არ არის, რომ ინგლისის მუშების გაფიცვა საერთაშორისო რეფორმიზმის ლიდერების შემწეობით იქმნა წაგებული.

ინგლისელ მუშების მიერ გაფიცვის წაგებით ინგლისელი კაპიტალისტები ამცირებს ნახშირის თვითღირებულებას 17,45 მილიონგიდან 14,2 მილიონამდე ტონაზე, მუშის ხელფასის შემოკლების ხარჯით. ასე რომ ინგლისის მძიმე მკერე წველობას შეუძლია იაფი ნახშირით გამოვიდეს საერთაშორისო ბაზარზე და როგორც მეტოქეს, დიდი შანსებიც აქვს.

როგორც კი ინგლისელი კონკურენტი ისევ აქტიურად გამოვა საერთაშორისო ბაზარზე და ფასების ბრძოლა გაჩაღდება, ჩვენ უკვე საქმე გვექნება ნახშირის ზედმეტ მიწოდებასთან, რადგან საერთაშორისო ნახშირის ბაზარი კი არ გაფართოებულა, არამედ შემოკლდა, ხოლო ნახშირის კონკურენტი მაზუთი და ელექტრონი თანდათანობით უფრო ფართე არეს იკავებს წარმოების ყველა დარგში.

საერთაშორისო ნახშირის კრიზისი კი გერმანიის მძიმე მრეწველობისათვის (რომელიც ეხლა უიმისოდაც დაქვეითებულია და მესამე ადგილი უჭირავს) კატასტროფიული იქნება და ამასი იქვი არავის შესდის.

ასეთივე მდგომარეობაა რკინის მრეწველობაში და ფოლადის მრეწველობაშიც. ამას ემატება კიდევ ის მოვლენა, რომ ინგლისში მეტად ჩქარი ნაბიჯებით ხდება კონცენტრაცია ფინანსიურ კაპიტალის ისეთივე „რაციონალიზაციის“ შემწეობით, რომელიც გერმანიაში ტარდება.

რა შედეგები მოჰყვება ამას გერმანიის სახალხო მეურნეობის კონიუნქტურისათვის და რა შედეგები ექნება ამას ინგლისის კაპიტალიზმისათვის?

— ორთავე ეჯახება საერთაშორისო ბაზრის სივიწროვეს და მის შეზღუდულობას. ორთავე ცდილობს „რაციონალიზაციის“ საშუალებით შეეგუოს ბაზრის დადებულ საზღვრებს. მაგრამ, რადგან მ თვის განმავლობაში გაჩუმებული ინგლისელი კონკურენტი, რომლის ადგილი გერმანიამ დაიჭირა, უკვე აქტიურად გამოდის სავაჭრო არენაზე და გამოაქვს თავისი საქონელი, შეზღუდული ბაზარი გაივსება საქონლით და კატასტროფა აუცილებელი გახდება თავდაპირველად გერმანიისათვის.

და ამასთანავე ინგლისის გაფიცვის დამთავრების შემდეგ საჭირო შეიქნება გერმანულ მძიმე მრეწველობის განმეორებითი და ულმობელი შემოკლება და ეხლანდელ 3 მილიონ უმუშევარს კიდევ ახალი მილიონები მიემატება.

უმუშევართა რიცხვი გერმანიაში უკვე ეხლაც კატასტროფიულად იზრდება. მხოლოდ ბერლინს ყოველ კვირაში საშუალოდ 4.500 ახალი უმუშევარი ემატება (ისინი, ვინც ქარხნებიდან დათხოვილ იქნენ).

პრუსიის შრომის სამინისტროს მოხსენება შემდეგ სურათს იძლევა:

1926 წ. 14 ნოემბერს ბერლინის შრომის ბირჟაში ირიცხებოდა	229.267	უმუშ.
„ 21 ნოემბერს	232.895	„
„ 27 ნოემბერს	237.768	„

მაშასადამე დღეს მხოლოდ ბერლინს ჰყავს 237.768 უმუშევარი, თუ მხედველობაში არ მივიღებთ იმას, რომელნიც აღრიცხულნი არ არიან; მათ შორის 150.915 მამაკაცი და 86.853 დედაკაცები. მათგან მხოლოდ 150.004 უმუშევარი იღებს უმუშევართა ფონდიდან დახმარებას.

## 6. ბაზრის პრობლემა, მონოპოლისტური მისწრაფებანი და ახალი იმპერიალიზმის ხანა



ეროვნული

ჩვენ მიერ გარჩეული თვითეული საკითხი ცალ-ცალკე დაქვეყნებული ერთად მოწმობდა იმას, რომ მთავარი და მასთან მტკივნეული პრობლემა გერმანიის კაპიტალიზმისა არის ბაზრის საკითხი.

არსებობს ორი მოსაზრება იმის შესახებ, თუ რა გზით შეუძლია გერმანიის შეურნეობას ამ უნუგეშო მდგომარეობიდან გამოსვლა. უკეთ რომ ვსთქვათ არსებობს ერთი გზა, რომელზედაც უკვე შესდგა გერმანიის კაპიტალიზმი და რომელსაც, როგორც ქვემოთ ნაჩვენები იქნება, გერმანია ეკონომიურ ჩიხში შეჰყავს, და არსებობს მეორე მხოლოდ თეორია, სოციალ-დემოკრატიული თეორია, რომელიც თვით სოციალ-დემოკრატისადაც არ სწამს და არც მის განხორციელებაზე ფიქრობს.

სოც.-დემოკრატია პოლიტიკურად სავსებით შეურიგდა „ჰინდენბურგის რესპუბლიკას“. ის მხარს უჭერს აგრეთვე ყველა ეკონომიურ ღონისძიებებს, რომელსაც გერმანიის კაპიტალიზმი ცხოვრებაში ატარებს. მიმდინარე პერიოდში მნიშვნელოვანია ერთი დოკუმენტი, რომელიც სოც.-დემოკრატის ოფიციალურ თეორეტიკოსს რ. ჰილფერდინგს ეკუთვნის. ჰილფერდინგი ნაღობას უცხადებს სრულიად გერმანიის მრეწველთა ხელმძღვანელთ სილვებერგს და ლიუხბერგს, რომლებმაც ის არზი გამოხატვეს, რომ სასურველი და აუცილებელია სოც.-დემოკრატის უმჭიდროეს თანამშრომლობაში შესვლა მთავრობის პარტიებთან. ჰილფერდინგი შეეცადა იგივე მოსაზრება სოც.-დემოკრატიულ ტაქტიკის მხრივ ეკონომიურად დაესაბუთებია. ეს დოკუმენტი არსებითად არაფერ ახალს არ წარმოადგენს; სოც.-დემოკრატია 1914 წლიდან ასეთ გზას—ბურჟუაზიასთან მჭიდრო თანამშრომლობის გზას—უკვე ადგია. ჰილფერდინგის წერილი „პოლიტიკური პრობლემები“ (იხ. gesellschaft № 10 1926 წ.) მხოლოდ ოფიციალური და საჯარო აღიარებაა იმ პოლიტიკური შანტაჟისა, რომელსაც სოც.-დემოკრატია მრავალ წელს ეწევა.

სოც.-დემოკრატიული „თეორია“ ამბობს: ჩვენი საქონელი თავდაპირველად შინაურ ბაზარზე უნდა გასაღდეს. შინაური ბაზარი კი საერთო სილატაკის გამო შევიწროვებულია. საჭიროა შრომის ხელფასის ამაღლება და ამით გაფართოებულ იქნება შინაური ბაზრის სუიდევის ძალა.

სოც.-დემოკრატის ეს ცარიელი ფრაზა წინააღმდეგობაშია მისივე მეორე პრინციპთან, რომელიც მხარს უჭერს კაპიტალისტურ რაციონალიზაციას და რომლის შედეგად გერმანიას უკვე 3 მილიონი უმუშევარი ჰყავს.

ეს წინადადება მხოლოდ დემაგოგიური ფრაზაა, რადგან სოც.-დემოკრატამ კარგად იცის, რომ შინაური ბაზრის გაფართოება შრომის რეალური ხელფასის ამაღლების საშუალებით კაპიტალისტისათვის არასოდეს მისაღები არ იქნება, რადგან ეს ნიშნავს შემდეგს:

კაპიტალისტი აჩუქებს მუშას ზედმეტ ღირებულების ნაწილს, რათა მას ამ ფულით შემდეგ საქონელი მიჰყიდოს. კაპიტალისტს ასეთი ანგარიშით ვერ მოატყუებ, მას მოგება წაგების საქმე კარგად ესმის.

გერმანიის ბურჟუაზია გერმანიის სოც-დემოკრატიასთან ერთად ერთად პირიქით ხაწინააღმდეგო ზომებს ატარებს. რაციონალიზაცია ნიშნავს ხელფასის ხარჯების შემოკლებას, ე. ი. მუშების სყიდვის ძალის შემცირებას. მუშაობა შრომის ხელფასის გადიდებას, უნდა აღნიშნულ იქმნეს შემდეგი: გერმანულ მუშის ხელფასი ფულად ოფიციალურ, ცნობების თანახმად, უცვლელი დარჩა. სააკორდო ფასები კი შემოკლებულ იქმნა და პირველ აუცილებელ საგნების ღირებულების ინდექსი 3<sup>0</sup>/<sub>10</sub>-ით აიწია, — ისე რომ მუშის რეალური ხელფასი დაეცა 5<sup>0</sup>/<sub>10</sub>-ით. სოც-დემოკრატის ლიდერებმა ეს არითმეტიკა ჩინებულად იციან და ნაცვლად იმისა, რომ მუშის ხელფასი დაიცვან, ისინი შეთანხმებაში შედიან მთავრობის პარტიებთან, რათა რეიხსტაგში 8 საათის სამუშაო დღის საწინააღმდეგო კანონი იქნეს გატარებული.

გერმანულმა კაპიტალისტმა თავისი საქმე იცის. მას ისიც ესმის, თუ რამდენად აუცილებელი და სასარგებლო ელემენტია მის პოლიტიკაში გერმანიის რეფორმისტული პროფკავშირები და გერმანიის სოც-დემოკრატია. ამიტომ ის ყურსაც კი არ ათხოვებს სოც-დემოკრატის „პლატონიურ თეორიებს“ და მასთან ერთად, უმრავლეს შემთხვევაში მათივე ხელით, გერმანულ მსხვილ მრეწველთა პოლიტიკას ატარებს, როგორც შინაურ, ისე გარეშე ბაზარზე, ქარხანაში, პროფკავშირებში, რეიხსტაგში და ყველგან.

გერმანიის ბურჟუაზიის ამოცანაა შევიწროვებულ ბაზრიდან უდიდესი მოგება ამოიღოს: 1. შეამციროს საწარმოვო ხარჯები, შრომის ხელფასი, დამატებითი ხარჯები და 2. საქონელი მაღალ ფასებში გაჰყიდოს.

პირველი მიზნის მისაღწევად ის ატარებს „რაციონალიზაციას“, რისი შედეგებიც ჩვენ ნაწილობრივ უკვე დავინახეთ. მეორე მიზნის მისაღწევად კი (საქონლის ფასების გადიდება) კაპიტალისტები იკრიბებიან მონოპოლისტურ ორგანიზაციებად.

ტრესტიფიკაცია და კარტელიზაცია გერმანულ მრეწველობისა დიდი მასშტაბით და სისწრაფით მიდის წინ. გერმანიაში კაპიტალის კონცენტრაციამ უფრო მაღალ დონეს მიაღწია, ვიდრე ომის წინ იყო. ჩვენ მოვიხსენიებთ მხოლოდ რამოდენიმე მონოპოლისტურ გაერთიანებას: სრულიად გერმანიის ელექტრო-წარმოება სამი მთავარი ტრესტის ხელშია, რომელნიც მზად არიან ერთი ტრესტი შეადგინონ. მათ შორის საერთო-ელექტრო-საზოგადოებას (AEG) და სიმენს-შუკერტს 300 მილიონი სააქციო კაპიტალი აქვთ.

საღებავების ინდუსტრიის ტრესტი, რომლის კაპიტალი ა. წ. სექტემბერში 1 მილიარდს უდრიდა, გერმანიის ფოლადის ტრესტი თავის 800 მილიონი კაპიტალით და 120 მილიონის აქციებით, ქიმიური ტრესტი, რომლის კაპიტალი 1.100 მილიონს უდრის და სხ. და სხ. და რაც უფრო მეტი ყურადღების ღირსია, არის სრულიად გარკვეული ტენდენცია ისეთი ტრესტების და სააქციონერო საზოგადოებათა გაერთიანებისა, რომელნიც ამდენ ხანს ერთმანეთისაგან სრულიად დამოუკიდებელი იყვნენ. მაგალითად უკვე არსებობს ინტერესთა მჭიდრო გადახლართვა ქიმიურ ტრესტის და მიხელსის-კონცერნის (ქვანახშირი)



შორის ერთის მხრით და ქიმიურ ტრესტის და ელექტრო წარმოების კაპიტალის შორის, მეორეს მხრით.

მონოპოლისტური გაერთიანებანივე თავსდება გერმანიის წარმოების უკვე დაარსებულია მთელი რიგი საერთაშორისო ტრესტებისა და განსწორების ქიდევ მთელი რიგი ახალ სინდიკატების დაარსება: კონტინენტალურ ფოლადის ტრესტი, ინტერნაციონალური მავთულის ტრესტი, შინების წარმოების საერთაშორისო კარტელი და სხ. გერმანიის ქიმიურ მრეწველობის ტრესტმა რამოდენიმე ხელშეკრულება დასდო უცხოეთის საღებავთა მსხვილ მრეწველობებთან. იგივე ტრესტი უმჭიდროვსადაა დაკავშირებული ასაფეთქებელ მასალის და ხელოვნურ აბრეშუმის დასამზადებლად ინგლისის ნობელის ჯგუფთან და ამერიკულ დიუპონის ჯგუფთან. ამგვარად წარმოიშვა საერთაშორისო კარტელი ხელოვნურ აბრეშუმის წარმოებისა თავისი 2 მილიარდიანი კაპიტალით.

გერმანიის ქიმიური მრეწველობის ტრესტი (i. g.-interessengemeinschaft) მოლაპარაკებაშია აგრეთვე ორ უდიდეს ნავთის კონცერნებთან, რომელთაც ხელოვნური ბენზინის კონკურენციის შიში აქვთ. ქიმიურ ინდუსტრიის ტრესტმა პირობა დასდო მათთან და 150 მილიონი მარკის ანაზღაურების ფასად უარი განაცხადა, საერთაშორისო ბაზარზე გამოვიდეს თავისი ხელოვნური ბენზინით.

კალიუმის სინდიკატიც უახლოეს დამოკიდებულებაში სდგას უცხოელ მრეწველობასთან და რამდენიმე საერთაშორისო ხელშეკრულებანი აქვს დადებული.

როგორც მაგალითი მონოპოლიზმის განვითარებისა და ტრესტების სიძლიერისა მოგვყავს გერმანიის ქიმიური ინდუსტრიის მდგომარეობა. ეს ტრესტი დაარსდა 1915 წელში, მისი კაპიტალი უდრიდა 646 მილიონ მარკას, მაშინ ეს ტრესტი უძლიერეს ფინანსიურ ძალას წარმოადგენდა გერმანიაში. 1926 წლის სექტემბერში კი ამავე ტრესტის კაპიტალი შეადგენდა უკვე 1.100 მილიონ მარკას. დღეს მისი აქციების კურსი სდგას 300<sup>0</sup>/<sub>100</sub>-ით მაღლა 1914 წლისაზე. ეს საზღაპრო ქონება ეკუთვნის რამოდენიმე ათეულ კაპიტალისტს. ქიმიური მრეწველობის ტრესტის აქციონერებმა მიიღეს 1925 წელს 10<sup>0</sup>/<sub>100</sub> დივიდენდები. ოფიციალურად გამოქვეყნებული წმინდა მოგება ამ ტრესტის 1925 წელს უდრიდა 68 მილიონს, როდესაც ამორტიზაციისათვის ნაანგარიშევი იყო 55 მილიონი. „როტე ფანეს“ ანგარიშით-კი ქიმიური ტრესტის წმინდა მოგება 1925 წლის განმავლობაში უდრიდა 100 მილიონზე მეტს და 1926 წელში მინიმუმ 200 მილიონს.

ამ საარაკო მოგებას სოც-დემოკრატიის ნაფიცი თეორეტიკოსი პილფერდინგი და ბურჟუაზიის ხელმძღვანელები აწერენ მექარხნის მუყიათობას და ტეხნიკურად კარგად დაყენებულ წარმოებას. სინამდვილეში კი ეს მოგება შედეგია ქიმიური ინდუსტრიის პროლეტარიატის სასტიკ ექსპლოატაციისა და მექარხნის მიერ იმ ტეხნიკურ გაუმჯობესებათა მითვისების, რომელნიც უმრავლეს შემთხვევაში მუშების მიერ არის აღმოჩენილი. ასეთი მაგალითები მეტად ბევრია გერმანიის წარმოებაში. 1925 წლის წლიურ ბალანსში ეს ტრესტი უჩვენებს 45 მილიონს, როგორც მთავარ ხარჯებს. რა შეადგენს ამ მთავარ ხარ-

ჯებს?—მუშების ხელფასი და ჯამაგირები, რომელშიაც აგრეთვე ქარხნის დირექტორების ჯამაგირებიც შედის. მუშების ხელფასი აქედან მაქსიმუმ 40 მილიონს უდრის.

რომ მუშას კვირაში 60 საათიდან 30 საკუთრივ და 30 საათი სტრასათვის ემუშავა, მაშინ ზედმეტი ღირებულების მიმართემა მუშის ხელფასთან 100% შეადგენდა. აქ კი დამოკიდებულება ასეთია: 100 მილიონი წმინდა მოგება და 40 მილიონი შრომის ხელფასი. ეს იმას ნიშნავს, რომ ქიმიურ ინდუსტრიის მუშა კვირაში 2 $\frac{1}{2}$  ღლეს მუშაობს თავისთვის და 3 $\frac{1}{2}$  ღლეს კი კაპიტალისტისათვის <sup>1)</sup>).

ასეთ წარმოუდგენელ ექსპლოატაციას და საზღაპრო მოგებას ბირჟამ, ცხადია, უპასუხა იმით, რომ ქიმიურ მრეწველობის აქციების კურსი საოცარი სისწრაფით გაიზარდა და ქიმიურ ტრესტის მსხვილ აქციონერებმა დამატებით კიდევ მრავალი ათეული მილიონი მოიგეს.

ყველა ჩამოთვლილ და მსგავს კაპიტალისტურ გაერთიანებათა მიზანია მონოპოლისტური უფლებების საშუალებით საქონლის ფასების აწევა და მშრომელი ხალხის ორმაგათ გაყვლეფა, ერთი მხრივ წარმოებაში, როგორც მომუშავის და მეორეს მხრივ ბაზარზე, როგორც მომხმარებლის—მყიდველის.

### 7. „პანევროპეიზმი“ თუ ახალი იმპერიალიზმი?

მონოპოლისტურ გაერთიანების და საერთაშორისო სინდიკატების განვითარების ფაქტი სოც.-დემოკრატიამ იმ მიზნით გამოიყენა, რომ ახალი თეორია შეეთხზა. ამბობენ, რომ კაპიტალიზმის განვითარება სრულიად ახალ პერიოდში შევიდაო. კაპიტალიზმის ეს ახალი ხანა იმით ხასიათდება, რომ კაპიტალისტური მეურნეობა მომავალში ანარქიული კი არ იქნება, არამედ საერთაშორისო სინდიკატების მიერ მოწესრიგებული. კრიზისის საკითხები ომის საშუალებით კი არ იქნება გადაწყვეტილი, არამედ ერთა ლიგის და საერთაშორისო სინდიკატების მიერ, და ევროპაში სამუდამო, საყოველთაო მშვიდობიანობა გამეფდებაო.

ამ თეორიას ამხ. ბუზარინი „ზეიმპერიალიზმის“ თეორიას უწოდებს. ამ თეორიამ თავისი გამოხატულება ნახა ევრედ წოდებულ „პანევროპიულ“ მოძრაობაში და კონგრესებში. როგორც თეორია, ისე „მოძრაობაც“ ავადმყოფ ტვინის ნაყოფია და მისი დანიშნულებაა—ევროპის პროლეტარიატის მოტყუილება. ჩვენ კარგად ვიცით, რომ ომის წინადაც გავრცელებული იყო საერთაშორისო სინდიკატები და საერთაშორისო ხელშეკრულებანი, მაგრამ ჩვენ ისიც კარგად ვიცით, რომ თვითეული მხარე მალულად თუ აშკარად ომისათვის ემზადებოდა. საფრანგეთ-გერმანიის შორის არსებულ წინააღმდეგობებს ვერავითარი სინდიკატები ვერ შეარიგებს. ახალშენების დაკარგვას გერმანიის ბურჟუაზია

<sup>1)</sup> ეს უბრალო არითმეტიკა და ჰილფერდინგმა ჩინებულად იცის ანგარიში. მიუხედავად ამისა, ის ფარისევლობს, სტყუის და ამბობს—ქიმიური ინდუსტრია მუშათა კლასის მოკეთეაო. (იხ. მისი წერილი „Politische Probleme“).

და გერმანიის ფაშიზმი არ შეურიგდება. დიდი ბრიტანეთის და გერმანიის კაპიტალისტური მეურნეობის ჰომოგენური (მსგავსი) საფუძვლები (ხანშირი, რკინა, ფოლადი, მანქანები) შეუძლებლად ხდის მათ ურთიერთ უმეცობას, მით უმეტეს, როდესაც ერთმანეთს მხრის ინდუსტრია სწრაფად იზრდება. **„პანევროპიული“ მელიოდის ხმები ვერ დაჰვარავს იარაღის ფლარუნს ევროპაში.**

მონოპოლისტური გაერთიანებანი, ინტერნაციონალური სინდიკატები, გერმანიის კაპიტალის აჩქარებული ტემპით კონცენტრაცია არის მხოლოდ ბაზისი, რომელზედაც გერმანიის კაპიტალიზმი ახალ იმპერიალისტურ დროშის აღმართას ლამობს. გერმანიის ბურჟუაზია და გერმანიის ფაშიზმი აკტუალურად აყენებენ საკითხებს: უკან დაბრუნება დაკარგულ ინდუსტრიალურ რაიონებისა, დაკარგულ ახალშენების, რომელნიც ეხლა ინგლისის ახალშენების სისტემაშია მოთავსებული, გერმანიის კაპიტალის ექსპორტის გაფართოება. საკითხების ამგვარი დაყენება ნიშნავს ომზე ლაპარაკს და ვერსალის მიერ განიარაღებული გერმანია უკვე ენახდება ომისთვის.

გერმანიის ოფიციალური სამხედრო ძალა, თუმცა მეტის მეტად შევიწროებულია და განსაზღვრული (სახელმწიფო არმია), მაგრამ ფაშისტური სამხედრო კავშირები (ოლიმპია, შტალჰელმ, ახალ გერმანიის ორდენი, კონსულ, O. C. გუშაგი მგელი (Webrwolf) და მრავალი სხვანი) წარმოადგენენ არც მეტს და არც ნაკლებს—გერმანიის ბურჟუაზიის არაოფიციალურ, მაგრამ სრულიად გამოცდილსა და გაწვრთნილ ჯარს. ტყუილია გერმანიის სამხედრო მინისტრის ფიცი და ამტკიცება რეიხსტაგის წინაშე, ვითომ რესპუბლიკის ჯარის ოფიცრობას მთავრობის მიერ აკრძალული ჰქონდეს ფაშისტურ კავშირებთან ურთიერთობა იქონიონო. არა ერთი ფაქტი იყო გამომჟღავნებული, რომ სწორედ ეს ოფიცრობა ხელმძღვანელობდა ფაშისტურ ორგანიზაციების სამხედრო ვარჯიშობას და სამხედრო მინისტრის მიერ არც ერთი მათგანი პასუხისგებაში მიცემული არ იყო და არც სამსახურიდან დათხოვილი.

ოპპაუში და ლოინაში (Leuna) ქიმიური მრეწველობის ქარხნები სამხედრო ინდუსტრიის როლს თამაშობენ. ისინი ახალი საომარი ტექნიკის თანახმად უმთავრესად საწვამლავ გაზებს ამზადებენ. თუმცა ქიმიურ მრეწველობის ხელმძღვანელი ამტკიცებენ, რომ მახრჩობელა გაზები მიწის სანოყიერო ნივთიერების დამზადებისათვის არის საჭიროო, მაგრამ ეს არავის არ სჯერა. სინამდვილეში კი ლოინა გადაიქცა გერმანიის ახალი იმპერიალიზმის, ქიმიურ იმპერიალიზმის ცენტრად. გაზები და ტანკები თანამედროვე საომარი ტექნიკის მთავარი იარაღებია. ტანკებისათვის ბენზინია საჭირო და ქიმიური მრეწველობა ახალი საშუალებებით ხელოვნურ ბენზინს მიაწოდებს გერმანულ იმპერიალიზმს—როგორც ერთ დროს (მსოფლიო ომის დროს) კრუპპი, ეხლა კი ქიმიური ინდუსტრია აცხადებს პრეტენზიას გერმანიაში ხელმძღვანელ პოლიტიკურ როლზე.

ახალი იმპერიალიზმის სუნი დგას მთავრობაში, რეიხსტაგში განსაკუთრებით—კი ჰინდენბურგის ოფიციალურ და არა ოფიციალურ კაბინეტში.

ახალი იმპერიალიზმის ქარტეხილს გრძნობს აგრეთვე ყოველი ადამიანი გერმანიაში. იმართება საჯარო დისპუტები ახალშენების საჭიროების შესახებ. ახალშენების დაბრუნების პროპაგანდა საშუალო სკოლებშიც კი ტარდება. ფა-

შისტური სამხედრო კავშირები ორკესტრებით მოგზაურობენ სოფლებიდან სოფლებში და გერმანული გლეხობას ახალშენების დაბრუნების საქმიანობას უქადაგებენ. დღევანდელ გერმანული კინოს მთავარი მოტივი ახალშენების საქმიანობა და გერმანული რეჟისურა მეტად დახელოვნებულია ყოველად რეალისტურად თემის ზედმიწევნით მხატვრულად დამუშავებაში. თეატრებში და კაფეებშიც კი წააწყდებით ასეთ პროპაგანდას.

„პანევროპიული“ ზრდილობა მაინც მოითხოვდა, რომ „პანიმპერიულიში“ ასეთი წყვირალა არ ყოფილიყო!

### 8. გერმანიის კაპიტალიზმი ჩიხში

გერმანიის კაპიტალიზმი სამ საშუალებას მიჰმართავს თავისი მდგომარეობის გამაგრებისათვის. ორი ლეგალური და ოფიციალური საშუალებაა:

1. რაციონალიზაცია და მონოპოლისტური უფლებების აღდგენა შინაურ ბაზარზე.

2. საერთაშორისო სინდიკატები საგარეო ბაზარზე გავლენის აღსადგენად.

და მესამე არაოფიციალური საშუალება: სამხედრო საშუალებათა გაძლიერება.

ჩვენ დავინახეთ, რომ „რაციონალიზაცია“ კრიზისს ამწვავებს. რაციონალიზაციის შედეგია 3 მილიონი უმუშევარი გერმანიაში და 5. 000 ახალი უმუშევარი ყოველ კვირეულად მხოლოდ ბერლინში. ასევე სწრაფად ეცემა შინაგანი ბაზრის სყიდვითი ძალა და კაპიტალისტური მეურნეობა იძულებულია კიდევ უფრო შეამციროს წარმოება.

მონოპოლისტური ღონისძიებანი აგრეთვე ამწვავებენ გერმანიის კაპიტალიზმის კრიზისს, მათი ამოცანა არის საქონლის ფასების აწევა: ჩვენ კი დავინახეთ რომ ბაზრის სყიდვითი ძალა საერთო სილატაკის გამო მეტად სუსტია. მაღალი ფასები და შემცირებული ხელფასი კიდევ უფრო შეავიწროებს გერმანულ საქონლის განაღდების ბაზარს.

საერთაშორისო სინდიკატების საშუალებით ყოველად შეუძლებელია, რომ გერმანიამ თავისი მდგომარეობა გამოასწოროს—შემდეგი მიზეზების გამო:

გერმანიის წლიური ექსპორტი და იმპორტის დამოკიდებულება შემდეგი რიცხვებით გამოიხატება:

1922 წ. გერმანიას ჰქონდა	103 მ. მარ. პასსიური	სავაჭრო ბალანსი.
1923 „ „ „	795 „ აქტიური	„ <sup>1)</sup>
1924 „ „ „	1.635 „ პასსიური	„
1925 „ „ „	2.404 „ პასსიური	„
1926 წ. პირვ. ნახევარში	50 „ აქტიური	„ <sup>2)</sup>

<sup>1)</sup> 1923 წლის სავაჭრო ბალანსის აქტიურობა აიხსნება იმით, რომ გერმანიის ვალიუტის გაფასებით ისარგებლეს უცხოელმა სპეკულიანტებმა და გაზარცვეს გერმანიის იაფფასიანი ბაზარი.

<sup>2)</sup> ინგლისის სამთო-მადნო მუშების გაფიცვის გავლენა.

გერმანიის ეკონომიური მდგომარეობა კი მოითხოვს, რომ მისი ექსპორტი (და გერმანიას უმთავრესად დამზადებულ ფაბრიკატების ექსპორტი შეუძლია) წლიურად 6 მილიარდ აქტიურ ბალანსს უდრიდეს. ეს თანხა — კარგა რაციო გადასახადებისათვის, უცხოეთის ვალების პროცენტების — დასაფარავად, შინაგან სამეურნეო დეფექტების გასასწორებლად და სხ., მაგრამ, როგორც ზემომოყვანილი ცხრილი გვიჩვენებს, დღეს-დღეობით გერმანიის კაპიტალიზმის ამოცანას შეადგენს სავაჭრო ბალანსის ელემენტარული გამოსწორება, ხოლო 6 მილიარდით გაფართოებულ ექსპორტზე ლაპარაკიც შეუძლებელია.

მეორე მხრივ საერთაშორისო ბაზარი არ იძლევა ამის შესაძლებლობას.

საერთაშორისო ბაზრის მოთხოვნილება დამზადებულ ფაბრიკატებზე უდრის 9<sup>1</sup>/<sub>2</sub> მილიარდ დოლარს ანუ 40 მილიარდ მარკას (თუ ჩვენ 1925 წლის საერთაშორისო ექსპორტის რიცხვებს ავიღებთ უმთავრეს მიმწოდებელ ქვეყნებისას: ინგლისი, შვედეთი, შტატები, საფრანგეთი, გერმანია, ბელგია, იტალია და სხ.). რომ გერმანიის ექსპორტი 6 მილიარდით გაიზარდოს, საჭიროა რომ ან საერთაშორისო ბაზრის მოთხოვნილება გაფართოებულ იქნეს 15<sup>1</sup>/<sub>10</sub>-ით (რაც გერმანიის კაპიტალიზმის ყოველ ძალღონეს აღემატება), ან კიდევ — გერმანიის წარმოებამ საერთაშორისო ბაზრიდან უნდა გამოდევნოს თავისი კონკურენტები და მსოფლიო მიწოდების ახალი ერთი მეექვსედი ნაწილი ხელში ჩაიგდოს, რაც ყოველად შეუძლებელია, რადგან მთელი გერმანიის მეურნეობა, სახელმწიფო შემოსავალი, ბანკები, რკინისგზები უცხოელ კონკურენტების კონტროლის ქვეშ იმყოფებიან, გერმანიის კაპიტალის ექსპორტი ყოველდღე უმწეო მდგომარეობაშია და მას მაღალი საბაჟო გადასახადებით შეკრული აქვს გზა.

ამ რიგად, არც ერთი საშუალება რეალური არ არის და გერმანიის კაპიტალიზმი თავდაულწიველ ჩიხში შედის.

გერმანიის მილიტარისტულ სამზადისის შესახებ ჩვენ აღვნიშნავთ მხოლოდ, რომ ეს გზა გერმანიის კაპიტალიზმის უკანასკნელი და უვიცი ავანტიურა იქნება:

გერმანიის სამხედრო ძალა, მიუხედავად ფაშისტურ ლეგიონებისა და ლონის მახრჩობელა გაზეებისა, ბავშური გართობაა სხვა იმპერიალისტური სახელმწიფოების სამზადისთან შედარებით და ახალი ომი გერმანიის კაპიტალიზმს დამარცხებას არგუნებს, რომელთან შედარებით „ვერსალი“ მოსაგონიც არ იქნება.

გერმანიის პროლეტარიატს და გლეხობას შეტად მწარე გამოცდილება არგუნა უკანასკნელმა ომმა, ვერსალის ხელშეკრულებამ, გამარჯვებულთა ოკუპაციამ, ინფლაციის ხანამ, დაუესის გეგმამ და მრავალმა სხვამ, და მხოლოდ უდიდეს სულელს ან ავანტიურისტს შეუძლია იმედი იქონიოს, ვითომ შესაძლებელი იყოს გერმანიის მშრომელი მასების ხელახალი მოტყუება, ახალი პროვოკაციის ანკესზე წამოგება და იმპერიალისტურ ომში ჩაბმა. გერმანიის პროლეტარიატი უმოწყალოთ გასთელავს რეფორმიზმის და სოც-დემოკრატიის ფარისევლობას და ერთხმად სამოქალაქო ომით უპასუხებს იმპერიალისტურ ომს.

**დასკვნები:**

1. გერმანიის კაპიტალიზმის დროებითი სტაბილიზაცია მოხდა არა საკუთარი ძალით, არამედ უცხოელ კაპიტალის შემწეობით.
2. ამით გერმანიის კაპიტალიზმის კრიზისი დროებით შემსუბუქდა და არა სამუდამოთ ზაფხულის აშორებული. წინააღმდეგობანი წარმოებასა და განაღდების შორის დღითი დღე იზრდება. ინგლისის სამთო-მადნო მუშების გაფიცვის დამარცხების შემდეგ და უცხოეთის კრედიტების შეწყვეტის შემდეგ გერმანიის კრიზისი კატასტროფიულ წერტილს მიაღწევს.
3. გერმანია იძულებულია წლიურად  $1\frac{1}{2}$  —  $2\frac{1}{2}$  მილიარდი სარეპარაციო გადასახიდები იხადოს. დღევანდლამდე სარეპარაციო გადასახადები უცხოეთიდან აღებულ სესხით იფარებოდა. გერმანიის მეურნეობას არ შესწევს არავითარი საშუალება საკუთარი ძალით აიტანოს ეს ხარჯები.
4. გერმანიის ექსპორტის გაფართოება ეჯახება საერთაშორისო ბაზრის სიფიწროვეს და ევროპის იმპერიალისტურ სახელმწიფოთა ძლიერ კონკურენციას.
5. გერმანიის ბურჟუაზია ფიქრობს, თავი დააღწიოს წარმოებასა და განაღდების შორის არსებულ წინააღმდეგობას, რაციონალიზაციას, საქონელზე მონოპოლისტური ფასების დადების და საერთაშორისო სინდიკატების საშუალებით. ყველა ღონისძიებანი უშუალოთ გერმანიის პროლეტარიატის გაძლიერებულ ექსპლოატაციას ნიშნავს და კლასობრივ ინტერესების წინააღმდეგობათ წარმოუდგენლად ამწვავებს.

# გიგლიოგრაფია



ზრ. რჩეულოვი — „ქვრივის ლიმონები“ „ქართული მწერლობის“ გამოცემა.

— გრ. რჩეულოვი არ ეკუთვნის მწერალთა იმ რიცხვს, რომლებიც „ეპოქას უძლებენ“. საეპოქო ძის ნაწერებში არააყურია. თანამედროვე მკითხველი აქ საინტერესოს ვერაფერს ნახავს, — თითქმის ვერაფერს. არამც თუ მხატვრულ ღირებულებათა თვალთახედვით, არამედ უბრალო ისტორიულ ცოდნათა შეძენითაც. გასაკვირი არ არის სრულებით, რომ ეს მწერალი დავიწყებულ იქნა. ასეთი მწერლები ხშირად სიცოცხლეშიაც კვდებიან, — თუმცა სწერენ — არამც თუ სიკვდილის შემდეგ. მწერალის — როგორც ყოველგვარ საზოგადო მოღვაწის — დაფასება საზოგადოებრივ თვალსაზრისით უნდა ხთებოდეს. აქ პირად გრძნობას, პატივისცემას, სიბრალულს, სიმპატიასა თუ სხვა — ადგილი არ უნდა ქონდეს.

და აი, როდესაც ასეთ ნაირად — საზოგადოებრივ თვალსაზრისით — უდგებოდა გრ. რჩეულოვს — გადაწყვეტილად უნდა ვსთქვათ: არ ღირს მისი ხელოვნურად გაცოცხლება. არც მოხდება ეს, არ მოხერხდება. ჩვენ რასაკვირველია, ამით სულაც არ გვინდა იმის თქმა, რომ „ქვრივის ლიმონები“-ს გამოცემა საჭირო არ იყო.. რატომაც არა. არამც თუ ეს, შეიძლება დადგეს დრო — და ჩვენ გრ. რჩეულოვის ნაწერთა სრული კრებულიც გამოუშვათ... თუმცა, ვაი მისი ბრალი, ვისაც ეს მოვალეობა დააწევება კისერზე?! ძალიან მოსაწყენი საქმე იქნება! ძალიან!

გრ. რჩეულიშვილი წყალნარევი რომანტიკოსია. მას არ წამს არც დანიელ ჭონქაძის, არც გრ. ერისთავის, არც ლავროენტი არდაზიანის სალიტერატურო მიმართება — მხატვრული რეალიზმი. ცხოვრებას, თანამედროვეობას იგი ანგარიშს სრულებითაც არ უწევს. მისი რომანების და მოთხრობების (იგი სწერდა აგრეთვე ლექსებსაც, ი. გრიშაშვილის ცნობით მას ეკუთვნის ლექსი:

ახ, მთვარე, მთვარე, დამწვართ იმედო...),

დედა ძარღვს სიყვარული და ამ სიყვარულზე აშენებული სხვა-და-სხვა მოქმედებანი შეადგენს. სიყვარულზე წერის წინააღმდეგი რა უნდა გვექნეს?. მაგრამ საჭირო ხერხით უნდა ხთებოდეს ეს. ამ ხერხს — მხატვრობა ეწოდება. ეს კი რჩეულოვს აკლია. ნაკლებად აქვს ისტორიულ ფონზე შლის ვითომც რჩეულოვი თავის სიყვარულის ამბებს — მაგრამ გვატყუილებს იგი. ყალბია მისი ისტორია ისევე, როგორც მისი მხატვრობა. ყალბია არა მარტო იმით, რომ ისტორიულ ფაქტებს ძალიან ხშირად და იოლადაც ამახინჯებს (თოფის სროლა მაშინ, როდესაც თოფის წამალიც არ იყო გამოგონილი და სხვა) — ეს კიდევ არაფეთი — არამედ უმთავრესად იმით, რომ ისტორიის მაჯის ცემა სრულებით არ ისმის მის ნაწერებში, ეპოქას ვერ ნახულობთ სავსებით... მისი ისტორია — მხოლოდ ისტორიულ გმირთა სახელებით იწყება და თავდება.

„ქვრივის ლიმონები“ — გამონაკლისს არ შეადგენს გრ. რჩეულოვის ნაწერებში. მას ერთი უპირატეობა აქვს: მოკლეა, ქალაქის ცოტა რაოდენობაზე ეტყევა.

ქნეინა კეკე — ლამაზი და კეკლუცია. ამასთანავე ქვრივი. იგიც ოცდა ორი წლის, ერეკლე მეფის ნაშვილევია. უნდა გათხოვდეს. ორი წარჩინებული ეძლევა. ერთია კახელი ქაიხოსრო, მეორე ქართლელი ზაზა. ფიქრობს ქნეინა, ვის გაყვეს. ორივე კარგია... ორი ლიმონი უკავია გელში. მაისია. ეშმაკობს ქნეინა. ლიმონს უნდა მიანდოს თავისი ბედი. ერთს ზაზას ჩაუთქვამს, მეორეს ქაიხოსროს. რომელსაც დავიკერ — იმას გაყვებიო. მაგრამ დახეთ: ლიმონებიც ეშმაკობენ. არც ერთი ძირს არ ვარდება. ქნეინა საგონებელშია. ამ დროს

შემოდის მეფე ირაკლი. მიხედება, რა-  
შიაც არის საქმე. იგიც ათამაშებს ლი-  
მონებს—მაგრამ არაფერი გამოდის.  
შემდეგ მისი რჩევით: კნენა კეკე იბა-  
რებს თავისთან ორივე საქმროს: ზაზას  
და ქაიხოსროს. ირაკლი მეორე ოთახ-  
ში იმალება და უსმენს—აბა რას იტყ-  
ვიან საქმრონი. გამოიჩქვება, რომ ზაზას  
ისე უყვარს მეფე ირაკლის სამსახური,  
რომ კეკეს თხოვნაზე, მიანებე ყოველი-  
ვე ამას თავი და სოფლად წავიდეთ  
საცხოვრებლათო—უარს ამბობს. ქაი-  
ხოსრო კი თანახმაა—კეკეს ყოველგვა-  
რი მოთხოვნა შეასრულოს... საქმ-  
რონი მიდიან. ირაკლი—რომელსაც ყვე-  
ლაფერი ეს ესმოდა—ურჩევს კეკეს გა-  
ყვეს ცოლად ქაიხოსროს; რადგან—ასე  
ეუბნება ირაკლი კეკესთან ხელმეორედ  
მოსულ ქაიხოსროს.—

„ზაზას უყვარს ჩვენი ნათლული  
კეკე და თხოულობს ამის ხელსა;  
მაგრამ იმას შე უფრო უყვარვარ  
კეკეზედ, ამიტომ არა სურს  
დატოვება ჩემი სამსახურისა. ხო-  
ლო შენ კეკესი უფრო გეხატრე-  
ბა, ვიდრე ჩემი, ამიტომ რომ  
თანახმა ხთები ემსახურო ჩემს  
კარის წინ, მხოლოდ კეკეს სურვი-  
ლით. აქედან შე ვხედავ, რომ ზაზა  
კარგი დივანბეგი და ეშუაბაში შე-  
იქნება ჩემი და შენ ერთგული  
ქმარი კეკესი. ამისათვის მას  
ვაძლევ ყარა-იასაულობას და  
ვისტუმრებ ერევანში და შენ  
გნიზნავ კეკეზედ“.

ასე თავდება ეს რომანიული ამბავი  
კნენა კეკეს ლიმონების შესახებ.

მთავარი როლი მოთხრობაში ირაკ-  
ლის ეკუთვნის. ეს გამოიხატება იმაში,  
რომ იგი ძალიან ბევრს ლაპარაკობს.  
თითქმის ნახევარი მოთხრობისა მის  
სიტყვებზედ არის აშენებული. თუ რო-  
გორი მხატვრული სიცხოველით არის  
იგი დახატული—ეს იქიდან სჩანს, რომ  
სახელის ნეტი მას—ისტორიულ ირაკ-  
ლის—არაფერი ახლავს. ასეთია შინა-

არსი ამ რჩეულოვის ნაწილთა / შორის  
რჩეულ მოთხრობისა, თუ რამდენი შე-  
სრულება ცეთანაბრება. მინაარსს მთელ  
მოთხრობაში მხოლოდ ორ დროას  
წავაწყდი, რომლებიც რაღაცას ამბო-  
ბენ, რომ ყურადღებას მიაქცევთ:

კნენა კეკეს მოახსენეს „მეფე მო-  
ბრძანდება!“—„კნენა კეკე წამოხტა  
ნარდად, დაისველა ორი თითი ნერწყ-  
ვით, გარდისო წარბებზედ, გაისწორა  
კაფები, ჩაიხედა სარკეში და გაეგება  
კარებზედ“. კარგი, ცოცხალი სურა-  
თია! თუ გინდ დღეისთვისაც. ნარტი-  
ვად, ლამაზად, გადმოცემული,—მოქნი-  
ლი სიტყვებით.

— მოხუცი ვრეკლე—დალონებუ-  
ლია, — რომ სიბერის გამო იგი მოკ-  
ლებულია ბევრ რამეს, ნატრობს ახალ-  
გაზრდობას. „მაგრამ ამაო არის ნატუ-  
რა, დროს ქრთამით ვერ შეაყენებს  
კაცი“. ეს უკანასკნელი წინადადება—  
დროს ქრთამით ვერ შეაყენებს კაცი—  
დასავიწყი არ არის.—

დასასრულ: პოეტი გრიშაშვილი, რო-  
მელიც მოხდენილ წინასიტყვაობას  
უკეთებს რჩეულიშვილის მოთხრობას—  
ასე ამბობს: „და თუ მართალია ის  
აზრი, რომ მომავალი პოეზია შეიძლე-  
ბა სათაურებით ამოიწუროს, მაშინ ერ-  
თი პირველი ნოვატორთაგანი გრიგოლ  
რჩეულიშვილი იქნება“. ჩვენ ვფიქ-  
რობთ, რომ ეს აზრი არასოდეს არ  
გამართლდება. პოეზია არასოდეს არ  
ამოიწურება მხოლოდ სათაურებით.  
პირიქით. სათაურების პრანქვა-გრეხი-  
ობას, რომელსაც დიდი ადგილი ქონდა  
არაშორეულ წარსულში და, საუბედუ-  
როთ, დღესაც აქვს ადგილი—ბოლო  
მოვლება მომავალში, როდესაც ნაწარ-  
მოებს სათაურით კი არ დავაფასებთ,  
არამედ სათაურს ნაწარმობით.

ორიგინალური სათაური „ქვრივის  
ლიმონები“ არაფერს მატებს—გრ. რჩე-  
ულიშვილის ყალბ მოთხრობას „ქვრი-  
ვის ლიმონები“.

მკითხველი.



აკაკი პაპავა — „მეურმე ნესტორა“, მოთხრობა. სახელგამის გამოცემა.



უნდა გამოვტყდე: უგულოთ დავიწყე ამ პატარა მოთხრობის კითხვა; უხალისოდ ავიღე იგი ხელში. ვფიქრობდი: ტყუილად დროს დაკარგვა იქნება. რატომ? არ ვიცი. შეიძლება იმიტომ, რომ ავტორი ამ მოთხრობის—აკაკი პაპავა—ჩემთვის სრულებით უცნობი იყო, როგორც მწერალი. შეიძლება იმიტომაც—რომ მოთხრობის სათაური—„მეურმე ნესტორა“—რალაც ზედმეტად ჩვეულებრივი და ზედმეტად ძველის-ძველი, სოფრომ მგალობლი შვილის უმხატვრო მოთხრობების განმეორებას მაფიქრებდა.. ეს ხომ ფაქტია, რომ თანამედროვე ქართულ პროზაში—თავისი მანჭიობით და მაიმუნური პრაქტეა-გრებით—მკითხველს თითქმის სრულებით გაგვიფუჭა მხატვრული გემოვნება: უბრალოება და სისადავე—რალაც უშნო ტონის და გემოვნების გამომხატველად გადაიქცა...

„მეურმე ნესტორა“ წავიკითხე და რალაც კარგ გუნებაზე დავდექ. სადა, გასაგები, ჩვეულებრივი—და ამიტომ ლამაზი და მგრძობიარე ქართული ფენით—მოთხრობილი ამბავი იმის შესახებ—თუ როგორ ებრძოდა მეურმე ნესტორა თავისი გაკრასკული, გალამაზებული ურმით და საყვარელ, ჩასუქებულ ხარებით—სოფელში ახლად შემოქრილ რკინის ურემს ცეცხლის თვალებით, გრიალ-გრიალით, ქშილით, ორთქლით და ყვირილით.

პატიოსანი გლეხის ოჯახის შვილი იყო მეურმე ნესტორა. პატიოსანი მშრომელი მამა ყავდა მას. დედაც ასეთივე. თვითონ—ერთად-ერთი შვილი—ავგრეთვე შრომის მოყვარული, ოჯახის ადამ-ჩვეულებების დამცველი—ავრეთვე პატიოსანი მშრომელი დადგა. უყვარდა მამის ხელობა—თავის ურმით საქონლის ზიდვა მახლობელ ქალაქიდან ადგილობრივ ვაჭრებისათვის, უყვარდა თავისი კარ-შიდამო, ფიქრობდა ახალი ორსართულიანი „ოდის“ წამოდგმას, ოცნებობდა მეზობელ გერასიმეს ქალი-

შვილ ნატოს შერთვას, განსაკუთრებით უყვარდა თავისი კობტა და მაგარი ურემი და ორი საამაყო ხარი, რომლებსაც ალბათ არა ნაკლებათ უყვარდათ თავისი „ბატონი“ ნესტორა. კითხვა და წერა არ იცოდა ნესტორამ. არც ის იცოდა, რომ წერა-კითხვის არ ცოდნა რა ცუდი საქმეა!! არ უყვარდა ქალაქი და არც იქაური ხალხი. ზედმეტად სძულდა ჩინოვნიკები, „ხაზინის“ ფულის მფლანგველები.

და აი—ერთ მშვენიერ დღეს: სოფელს შემოესია ეს ჩინოვნიკები, ქალაქის მუშები. რკინის გზა გაყავთ... მკერდში გული არ ეტევა ნესტორას: რალა ენას?! ვის რათ დასჭირდება შემდეგ მისი ურემი, მისი ხარები. რკინის ურემი, ამბობენ, გაცილებით უფრო იაფად ჩამოიტანს საქონელსო. იმედი აქვს ნესტორას, დედა მისსაც:—არც ისე ადვილი საქმეა რკინის გზის გაყვანა—დაიწყებენ და მიატოვებენო... მაგრამ... არ გამართლდა ნესტორას ფიქრები.. რკინის გზა დაამთავრეს... ნატოც სხვამ წაიყვანა: სწორეთ ქალაქიდან ჩამოსულმა კაკარდოსანმა. გერასიმეც და ნატომაც ადვილათ გამოიცნეს—ვინ გაიმარჯვებდა, ნესტორას ხარები თუ რკინის ურემი... სამუშაო არა აქვს უკვე ნესტორას: ოდას ვინ დაიდგამს; ურემიც დაუშნოვდა, ხარებიც უსაქმოდ გაულამაზდენ.. სიყვარულიც გააჭრა. ნატო მტერმა მოსტაცა. თვითონ ნესტორაც დაავადმყოფდა. ხედავს, რომ დამარცხდა, მოერია მის ურემს—რკინის ურემი, სოფელს—ქალაქი, ჩაბალახს—კაკარდოსანი ქუდი... მაგრამ ჯიუტობს ნესტორა.. არ უნდა ასე ადვილად დაუთმოს მამა-პაპათაგან მისთვის ახდერძად დატოვებული მოედანი—ახალ ხალხს, ახალ შრომას... ჯიუტობს ნესტორა. უკანასკნელად სურს შეებრძოლოს თავის მოსისხლე მტერს... ლამით, ქურდულად ლამობს აყაროს რკინის ლიანდაგი.. გაუგებენ, დაიჭე-

რენ და ქალაქისკენ ისტუმრებენ უკვე, როგორც ტუსალს..

ამით თავდება ეს ამბავი... ძველის-ძველია იგი. მდიდრები და მამლრები ბატონობდნენ მაშინ.. მამასახლისები მართავდნენ სოფლებს, ვაჭრების საქმეს აკეთებდა ქალაქიდან მოსული კაკარდოსანი... ისტორიულად ნესტორა, ცხადია, არ არის მართალი თავის ბრძოლაში. რკინის ურემი—პროგრესი იყო ნესტორას ურემთან შედარებით. ძველს იცავდა ნესტორა—ახალის წინააღმდეგ, ისტორიის ბორბალს—უკუღმა ექაჩებოდა.. ამიტომ დამარცხდა იგი..

აუცილებელი იყო ეს ბრძოლა?—მაშინდელ დროისათვის კი.. კაპიტალიზმის დროში—სოფელში შემოსული ქალაქი—ნესტორას წელში სტეხს, ანადგურებს... დღეს? განა ცოტანი

არიან ნესტორები? მაგრამ მითი/ბრძოლა დღევანდელ ქალაქის წინააღმდეგ არამც თუ აუცილებელია პირიქით.. რადგან კაპიტალიზმის დროში ქი არ მიდის დღეს ქალაქი სოფლად, არამედ კომუნისმის, სოციალიზმის. დღევანდელი ნესტორა თავის ურმით და ხარებით—ერთად ეწევა ქაპანს იმ დიად საქმისათვის, რომელსაც მეთაურობს და აკეთებს დღეს მუშური ქალაქი..

აკაკი პაპაევას მოთხრობა—წარსულს ეკუთვნის. მაგრამ ეს წარსული—ჯერჯერობით კიდევ არ არის დასავიწყი. მასზე ჩვენ კიდევ უნდა ბევრი ვისწავლოთ.

ამიტომ იკითხება ასე ხალისიანათ—მხატვრულად შესრულებული მოთხრობა „მეურმე ნესტორა“,

უცნობი.

ალ. ნევეროვი—„ტაშკენტი—ქალაქი პურის“. გამოცემა—„შრომა“. თარგმ. ლ. ჯათარიძის.

საკმაოდ მდიდარია ოქტომბრის შემდეგი რუსული მხატვრული ლიტერატურა, განსაკუთრებით ბელეტრისტიკა. სეიტულინა, გლადკოვი, სერაფიმოვიჩი, ივანოვი, ლიბედინსკი, პილნიაკი, ერენბურგი, ვერესაევი, ალ. ტოლსტოი, რომანოვი და კიდევ სხვები. უსაქმოდ არ იჯდენ ამ წლებში ესენი. ბევრი რამ შესძინეს რუსულ ბელეტრისტიკას, და ამ ბევრში—საკმაოდ ბევრია ისეთი ნაწერები, რომლებიც არ მოკვდებიან ავტორებთან ერთად! დიდ-ხანს, დიდ-ხანს იცოცხლებენ. ერთხელ წაკითხულნი ისინი დაუვიწყარნი ხდებიან.

ოქტომბრის შემდეგი ეპოქა—ცალცალკე მომენტებში, ეპიზოდებში—ნათელი თუ დაჩრდილული მხარეებით—საკმაო სიფრთხილით და სიღრმით არის დახატული მათში. ძნელია, ხშირად შეუძლებელიც—მხატვრულ ნაწარმოებთა ერთმანეთისადმი დაპირისპირება—თუ რომელი სჯობნის—ესათუ ის. ძნელია იმიტომ, რომ თვითეულ მათგანს თავისებურათ აშენებულს—თავისებურივე ნაკლულეფანებანიც

აქვს და დადებითი მხარეებიც. ერთი ამ მხრივ მოიკოჭლებს, სამაგიეროდ იმ მხრივ მშვენივრად არის შესრულებული. მეორე სწორეთ პირიქით და ასე.

როდესაც ეცნობით ოქტომბრის შემდეგ რუსულ ბელეტრისტიკას—აგრეთვე ძნელად გადაჭრი—რომელი რომელს სჯობნის, სწორედ ზევით დასახელებულ მიზეზის გამო.. მაგრამ მათ შორის არის ერთი მოთხრობა—რომანი—რომელმაც არ შეიძლება, განსაცვიფრებელი შთაბეჭდილება არ დატოვოს,—ამავე დროს განსაკუთრებული. საშინელი ტკივილებით და ამავე დროს სიხარულის და სიყვარულის გრძნობით იკითხება იგი. ძნელია—შეუძლებელიც—მისი ხელში ალება—კითხვის დაწყება—და მერმეთ მისი შეწყვეტა მანამ, სანამ არ დაამთავრებ სულ..

— ეს არის ალ. ნევეროვის მოთხრობა: „ტაშკენტი—ქალაქი პურის“.

— ვერც პილნიაკის „შიშველი წელი“, ვერც ლიბედინსკის—„მვიდი დღე“ და „კომისრები“, ვერც გლადკოვის „ცემენტი“, მით უმეტეს ვერც

სეიფულინას „ვირინეა“—არც ერთი ამათგანი ისეთ ძლიერ, დაუვიწყარ მხატვრულ შთაბეჭდილებას ვერ ახდენენ—როგორც ნევეროვის ეს პატარა მოთხრობა. საუკეთესოა შესრულებულია თედორე გლადკოვის ახალი რომანი „ცემენტი“, არა ნაკლები ოსტატობით არის დაწერილი—სეიფულინას „ვირინეა“—მაგრამ მაინც შეხედებით მათში ყალბ ადგილებს, მკვდარ სურათებს... მაშინ როდესაც ნევეროვის დასახელებული მოთხრობა დაწყებული პირველი სტრიქონიდან და გათავებული უკანასკნელით—ისეთ ნაირად არის აშენებული, რომ მასში ერთ სიტყვას ვერც ამოაგდებ და ვერც ჩაამატებ, ისე ოსტატურად არის დალაგებული ამბავი, მისი გახსნა-გაშლა და ტეხნიკა ამისა. თითოეული სიტყვა—უძვირფასეს მძივად არის ჩაქარგული მოთხრობის მთელ ტანში.—შეიძლება ფურმანოვის „ჩაპაევი“ შეგვედარებინა თავისი სიძლიერით ნევეროვის ამ მოთხრობასთან, მაგრამ: „ჩაპაევის“ სიძლიერე მარტო ფურმანოვის მხატვრულ შემოქმედებას არ ეკუთვნის—აქ თვით ისტორიულ ჩაპაევსაც მიუძღვის წილი. საკვირველი და საოცარი გმირული მოქმედებანი ცოცხალ ჩაპაევისა—რასაც ადგილი ქონდა სინამდვილეში—თავისთავად ახდენენ—დაუვიწყარ და განუმეორებელ შთაბეჭდილებას... ასე, რომ ფურმანოვის „ჩაპაევი“—ჩაპაევის სინამდვილესაც ეკუთვნის.—„ტაშკენტი—ქალაქი პურის“—კი ნაყოფია ნევეროვის მხატვრულ შემოქმედების—მხოლოდ.

— საშინელი ამბავია მოთხრობილი შიგ—განსაცვიფრებელი გარეგნული სიმშვიდით და სადათ, ვითომ აქ არაფერია, ვითომც რა უყოთ მერე-ო! მაგრამ ამ უბრალო, მარტივი, ჩვეულებრივი სიტყვებით და მოთხრობის კილოთი—ისეთი რამ სურათი იშლება, რომ ძნელია კაცმა—რომელსაც ჯალათის ხასიათი არა აქვს—კბილთა ღრჭენით, ხან თვალეზზე ცრემლებით—ნამდვილი ცრემლებით—ხან გულწრფე-

ლი სიხარულით არ გაყვეს ამ მოთხრობას დაწყებიდან დამთავრებამდე...

— საშინელი დრო იყო. ნხოცებოდენ სიმშვილით ათასობით და—ათი ათასობით, კეუაზედ ნხოცებოდენ სიმშვილისაგან.. დედას უნახავდი შვილის ძვალს პირში.. თავის კუჭს აკმაყოფილებდა—გონება დაკარგული.. თავისავე ხელებით—მამა ახრჩობდა თავის ერთად ერთ შვილს—რომლის დანაშაული ის იყო მხოლოდ, რომ მას შიოდა—და მამას კი არ ქონდა საშუალება მისთვის პური მიეცა. მონაკვდავი დედის წინ ხდებოდა ხოლმე ხშირად ეს.

— ბაბუა მოკვდა. მოკვდა ბებიაც. შემდეგ მამა... მოკვდა ბიძია მიხაილი, მოკვდა ძალუა მარინა... დარჩა მიშკა დედით და ორი პატარა ძმით. უმცროსი ოთხი წლის—შუათანა რვის. თითონ მიშკა თორმეტის... დედა შიმშილით დასნეულებულია!..

ფიქრობს მიშკა—გვარად დოდონოვის არის ახლა ოჯახის პატრონი. და აი გადასწყვიტა მან წავიდეს პურზე ტაშკენტში.. იქით ორი ათასი ვერსი, აქვთ კიდევ იმდენი.

— და წავიდა მიშკა. მას თან გაყვა ამხანაგი და მეზობელი სერიოჟკა... ამით იწყება ეს საშინელი ამბავი—მიშკა დოდონოვის მოგზაურობისა პურზე—დამშეულ ბუზულუკის მაზრიდან ტაშკენტამდე... ორი ათასი იქით—ორი ათასი აქეთ. ძნელია—მით უმეტეს როდესაც არა გაქვს სამგზავრო ფული, წასვლის ნებართვა და ხარ მხოლოდ 12 წლის.. მაგრამ სხვა რა გზა ქონდა მიხეილ დოდონოვს.. დედას და პატარა ძმებს სიმშვილით ხომ არ დახოცავდა.. განა ეს დაუბარა მას სიკვდილის წინ მამამ?

— საშინელ სურათს წარმოადგენს ეს ორი ათასი ვერსი...

ამ სურათის ერთი ნაგლეჯი: „შიშველი დედაკაცი მუცლამდის ჩახდილ პერანგებით, ბანჯგულიანი, პირდაუბანელი ხილავდნენ პერანგებს ტილები-საგან. სკულეტდნენ ფრჩხილებით, სდებდნენ გახურებულ აგურებზედ, სტკბე-

ბოდნენ ცქერით, როგორ იხრაკებოდნენ. გლებ კაცები გახსნილ ნიფხვებით იფურთხებოდნენ ბინძურ, დასისხლიანებულ ბოჩხილებზე. ყველას თვალწინ დედა-კაცი წამოხდილი კაბით იჭინთებოდა ფალარათით შეწუხებული. თავის დათარვა არსად შეიძლებოდა... კუთხეში გლებ-კაცი გდია ხურგზედ დაუვარცხნელ წვერით. ზედ ქიანქველასავით მილოლავენ მსხვილი, რუხი ტილები. გლებ-კაცის თვალები ხან იხსნებიან, ხან იხუჭებიან. უღვაშებზედ—სველ ნესტოებთან უშველებელი ბუზი დაჯდომია....

და ასე სულ—ეს ორი ათასი ვერსი... აბა ვინ შეიბრალეებს მიხეილ დოდონოვს—ვინ დაეხმარება მას... მაგრამ არიან კეთილი ადამიანებიც... საკვირველია ეს—უკვირს მიხეილს—მაგრამ ყოფილან კეთილი ადამიანებიც...—სეროიოკა გზაზედ ავად გახდა—მუცვლათი. კვდება.. რა ქნას მიხეილმა.. მატარებელი მიდის.. მაგრამ ამხანაგს ხომ ვერ დააგდებს მარტო?!!

— სეროიოკას სიარული არ შეუძლია.. დალონდა მიშკა..—მაგრამ არიან კეთილი ადამიანები.. მოწყალების დამ მოაწყო სეროიოკა და მიშკა სანიტარულ ვიგონში..—მოკვდა სეროიოკა... დაობლდა მიხეილი.. მარტო არის ეხლა ის, სულ მარტო.. მაგრამ არ ტყდება მიხეილ.. ტაშკენტში უნდა ჩავიდეს—პური უნდა იშოვოს.. უცდიან მას დედა და ძმები... იბრძვის მიშკა გზაზედ—ტყუილებსაც ბევრს ხარჯავს.. აბა როგორ ვინდა, რომ გაიარო ორი ათასი ვერსი უბილეთოდ, უპუროთ და, უპაშპორტოთ!! კეთილი ადამიანები შველიან მიხეილს.. აი ამხ. დუნაევი ორტა-ჩეკაში რომ მსახურობს—და წითელი ვარსკვლავი—რომ აქვს გულზე—დაეხმარა მიხეილს—ვაგონში ჩასვა.. შემდეგ ამხ. კონდრატიევი—მემანქანე.. შეიცოდა მიშკა და დაისვა თავისთან.. „კარგი—ოხ, როგორი კარგი ადამიანი არის ეს ამხ. კონდრატიევი“.. ჩაი დააღვეინეს მიშკას—პურის ქერქიც მისცა კონდრატიევმა.. „პუ-



რის ქერქში კი არ არის საქმე, პურმა კი არ გაათბო ის უკუხუცედი, არამედ კეთილმა ალერსმა—ტყუილებსაღიმილმა.. ფიქრობდა მიშკა—რა კარგი ადამიანებია?..“

— დანა ქონდა თან მიშკას—მამისეული. ამ დანით—ბევრი რაიმეს შეძენას ფიქრობდა მიშკა.. გაყიდის მას ქალაქ ტაშკენტში—პურს იყიდის.. დანა რომ კარგია—პურსაც ბევრს მისცემენ.. მეტი არაფერი აქვს გასაყიდი მიშკას.. ტომარა და ბებრას კაბა—ხომ მოპარეს გზაზედ.. როგორ უვლის დანას—წამდაუწუმ ხელით სინჯავს—ხომ არავის მოუპარავსო. დალბა მშრალი ქერქი ცხელ წყალში, დალბა მიშკას გულიც ღრმა ამალღვებელ გრძნობისაგან, შექამა ქერქი, დალია ცხელი წყალი და გაუწოდა კონდრატიევს დასაკეცი, გაუყიდველი დანა და ათრთოლებული ხმით უთხრა:—„მიიღეთ ჩემგან საჩუქარი შებრალეებისთვის“!

კონდრატიევსაც ხმა აუთრდოლდა. რატომ?

ისე გრძნობით ეხვეწებოდა მიშკა, ისეთი ალერსით უბრწყინავდა თვალები, რომ უარის თქმა არ შეიძლებოდა, —გამოართვა კონდრატიევმა უშველებელი, ტარ გახვრეტილი სოფლის დანა, გადაიკიდა ბაწრით თითზედ, მიაქნმოაქნია, გაიღიმა გაყო თავი ფანჯარაში და დიდხანს შესცქეროდა სასან მინდვრებს სალამოს ეაშს, კეთილი მოციინარი თვალები... კარგათ ეძინა იმ ღამით მიშკას.. ტაშკენტში რომ ჩამოხტა—კონდრატიევს დაემშვიდობა..—ნახა, რომ დანა ჯიბეში ქონდა...

...ეჩქესი ფუთი—ფქვილი და მარცვალი ჩამოიტანა შინ მიშკამ...

მიშკა ფედკათი უკვე დაიხოცნენ. დედაც კვდება. გაპარტახებული, განიავებულია ყველაფერი... მაგრამ რა გასტეხს მიხეილ დოდონოვის გულს—რომელმაც გაუძლო ორი ათას ვერსს იქით და ამდენსავე აქეთ... განა ამ გულს აწი რაიმე გასტეხს?! სთქვა მიშკამ:—არაფერია. რაღა დროს მწუხა-

რებაა. ხელახლა დავიწყებ ოჯახის გაშენებას..

გათავდა მოთხრობა.. ის საშინელი დროც გათავდა, ჩაიყლაპა... არასოდეს განმეორდება იგი: მხოლოდ ნევეროვის

მოთხრობა — „ტაშკენტი — ქალაქი პურის“ დიდ ხანს, დიდ ხანს არ მოკვდება...  
ქართული თარგმანი — კარგევიძე

კ—ძე.

**ს. დანელია. — ანტიკური ფილოსოფია სოკრატის წინ.**

ტფილისის უნივერსიტეტის გამოცემა. ტფილისი 1926.

უკანასკნელი წლების განმავლობაში ს. დანელიამ ქართული სამეცნიერო ლიტერატურა გაამდიდრა რაძდენიმე ისტორიულ-ფილოსოფიური ხასიათის ნარკვევის გამოქვეყნებით. ასეთია მისი წერილები ძველი ბერძნული ფილოსოფიის ისტორიიდან — არისტოტელის, ძენონის, პარმენიდეს ო სხვ. შესახებ, განსაკუთრებით ინტერესის ღირსი იყო მისი წიგნი ქსენოფანე კოლოფონიელის შესახებ.

წინამდებარე ნაშრომი კი ერთგვარი შეჯამებაა იმ იდეებისა, რომელიც უკვე დასახელებულ ნარკვევებში იყო წარმოდგენილი. კიდევ მეტი. ეს წიგნი არის ისტორია ანტიური ფილოსოფიის განვითარებისა ფილოსოფიური სპეკულიაციის პირველ ჩასახვიდან დაწყებული, სოკრატეს ეპოქამდე მოყვანით. და ის გარემოება, რომ ეს წიგნი ისტორიაა და არა ნარკვევი კერძო საკითხებზე, უსათუოდ, მკითხველის მხრითაც მეტს უშუაღღებს და ინტერესს გულისხმობს. აქ საინტერესოა არამცთუ დეფინიტიური დაღაგება იმ მასალისა, რომელიც ამ ეპოქის ისტორიკოსის განკარგულებაში მოიპოვება, არამედ ის მეთოდოკ, რომელითაც ავტორი თავის შრომას სწერს, და ის თანმიმდევრითი ინტერპრეტაცია ისტორიულ-ფილოსოფიური პრობლემებისა, რომელიც მკვლევარს თავისი მეცნიერული ძიების გზაზე შეხვდება.

თუ ამ უკანასკნელი თვალსაზრისით პატივცემული ავტორის წიგნს მიუღვებით, უნდა აღინიშნოს, რომ ეს ნაშრომი იწვევს ბევრ საღაო საკითხებს. რადგან დასახელებული წიგნის შინაარსის გაღმოცემა საჭირო არ არის —

ის შეიცავს ძველი ფილოსოფიის განვითარებას თალესიდან სოკრატემდე — ამიტომ ჩვენ დავიწყებთ იმ პუნქტების აღნუსხვით, რომელშიაც შეუძლებელია დავეთანხმოდ ავტორს. რასაკვირველია, ყველა ასეთ საკითხებზე ჩვენ აქ ვერ ვილაპარაკებთ, ჩვენ შეგვიძლია აქ, სახელმძღვანელოთ დავასახელოდ რამოდენიმე.

1. უპირველეს ყოვლისა მიუღებელია ანტიკურ ფილოსოფოსთა ისეთი დაღაგება, რომელიც წარმოდგენილია ამ წიგნში. რით შეიძლება გამართლებული იყოს ის გარემოება, რომ პითაგორი და მისი სწავლა ავტორის მიერ მოკვმულია თითქმის სოფისტების ეპოქაში, ე. ი. მას შემდეგ რაც მკითხველი უკვე გაეცნო ატომისტური ფიზიკის საფუძვლებს დემოკრიტის ფილოსოფიაში. ეს უბრალო ქრონოლოგიური შეცდომა კი შეიცავს დიდ სისტემატიურ შეცდომას. მკითხველისათვის ყოველივე უშუაღღების გარეშე რჩება ის გარემოება, რომ დემოკრიტის მიერ აღმოჩენილ ბუნების ქვანტაფიკაციის ე. ი. რიცხვისა ო გეომეტრაული ფიგურის საშუალებით ბუნების საიდუმლოების ახსნის მეთოდზე უდიდესი გავლენა უნდა ჰქონებოდა სწორედ რომ პითაგორას რიცხვების მეტაფიზიკას, რომლის შესახებ არისტოტელი ამბობდა, რომ „პითაგორელებმა რიცხვის პრინციპები არსებულის პრინციპებად გამოაცხადესო“. არის თუ არა ამ დებულებასა და ატომისტისკან შორის უახლოესი კავშირი? უსათუოდ არის. კიდევ მეტი. არის თუ არა დებულების გნოსეოლოგიური საზრისი პარმენიდეს ფილოსოფიაში იგივეობის მეტაფიზიკის სახით დახურდავებული?

უსათუოდ არის.—არც ერთი ამ საკითხისათვის ავტორს ჯეროვანი ყურადღება არ მიუქცევია.

2. პითაგორიზმის ძირითად დებულებების უკმარი გაგება იწვევს მთელ რიგს სხვა გაუგებრობისა და დაბოლოს ის იქცევა მთელი ანტიკური აზროვნების ბუნების სხვა გვარ გაგებათ. ასე მაგ. თავისი წიგნის მე-234 გვერდზე ავტორი სწერს,—პითაგორელების აღმოჩენა, რომ ცოდნა მათემატიკურ ფორმებში უნდა ჩამოყალიბდეს გაუგებარი დარჩა მთელი ანტიკური ფილოსოფიისათვის. „თვით პლატონის ხელში ეს აზრი პითაგორელებისა ფანტასტიკის საზღვრებს ვერ გასცდა. საჭირო იყო ახალი მეთოდები ძიებისა, წამოყენებული გალილეო გალილეის, ბერნარდინო ტელეზიოს, და ახალი დროის სხვა მოაზროვნეთა მიერ, რათა ზემოაღნიშნულ მეთოდოლოგიურ პრინციპს ნაყოფი გამოეღო, და მეცნიერული კვლევა-ძიებისათვის ის სასარგებლო გამხდარიყო“. ყოველივე ეჭვს გარეშეა ერთი გარემოება, სახელდობრ ის, რომ პლატონი, მიუხედავად მათემატიკური გლანცისა და მანევრებისა პითაგორელებთან ფანტასტიკას არ გასცილებია, და პითაგორეიზმის მეთოდოლოგიური არსება არ გაუგია. სხვა ყველაფერი, რაიც ჩვენს მიერ მოყვანილ ციტატაში სწერია, ჩვენ სრულ გაუგებრობად მიგვაჩნია. არ არის მართალი ის, რომ ანტიკური აზროვნების ისტორიაში არვის დაუხურდავებია ბუნების რეალური შესწავლის მიზნით პითაგორის მიერ აღმოჩენილი მეთოდი და არც ის არის მართალი ვითომც გალილეის პითაგორას მიერ დაწყებული საქმე გავეკეთებოთ. იმ უდიდესი რევოლუციით, რომლითაც გალილეი ახალ დროში შეიჭრა მატერიისა და მოძრაობის ცნების გაგებაში მან თუმცაღა საბოლოოდ დაამკვიდრა ქვანტიფიკაციის მეთოდი, მაგრამ ამ დარგში მისი უშუალო წინაპრები იყვნენ სწორედ ისინი, ვინც პირველად ძველს საბერძნეთში პითაგორას პრინციპები ბუნების მეცნიერულ შესწავლის დროს გამოიყენა. გალილეის უდიდესი

წინაპარი იყო დემოკრიტი, მაგრამ ამის შესახებ ჩვენ ვერაფერს ვნახულობთ ჩვენი ავტორის წიგნში. და უკმა-რთლაც რაში მდგომარეობს გაყუდე-ნიუტონის მსოფლიო სისტემის არსება? იმაში რომ ის არის მექანიკა. და უპირველეს ყოვლისა სიმძიმის მექანიკა. სიმძიმის მექანიკის პირველი ავტორები კი არიან ანტიური ატომისტები. გალილეიმ ხელ-ახლა აღმოაჩინა ის, რაიც ანტიკურ ფილოსოფიაში უკვე დიდი ხანია აღმოჩენილი იყო. ს. დანელიას, რასაკვირველია, მოეხსენება ის გარემოება, რომ დემოკრიტის მექანიკაში სიმძიმის გაგებაში დაშვებული იყო ის შეცდომა, რომ ცალიერ სივრცეში დიდრონი ატომები მოძრაობდნენ უფრო ჩქარად ვიდრე პატარები. უკვე ეპიკურმა არისტოტელის ზოგი იდეების ზეგავლენით შეასწორა ეს დებულება და აღიარა ცალიერ სივრცეში ყველა სხეულების თანაბარი მოძრაობის ჰიპოთეზი. ლუკრეციუსის ცნობილ წიგნში კი სწორედ რომ სიმძიმის ცნების დახმარებით გადაჭრილია ის ნაკლიც, რომელიც შეიძლება შეხვედროდა ცალიერ სივრცეში თანაბარი მოძრაობით მოძრავ ატომებს. ეს ნაკლი იმაში მდგომარეობდა, რომ შესაძლებელი იყო სწორ ხაზოვნად და თანაბრად მოძრავი ატომები ერთი მეორეს არ შეხვედროდნენ და პირველი მექანიკური დაჯახება და აქედან მსოფლიოს დასაწყისი არ გამოეწვიათ. სიმძიმის ცნებით ასწორებს ლუკრეციუსი ამ ნაკლს. აი რას სწერს ის: „და კიდევ მსურს, ჩემო მგმიუს, შენთვის ისიც ნათელი გავხადო, რომ მატერიის სხეულები, რომლებიც სიცალიერეში პერპენდიკულარულად ვარდებიან, თავი ანთი სიმძიმის გავლენის გამო, ძველად განსასაზღვრავ დროში და ადგილსა, თავიანთი გზიდან ცოტათი უხვევენ. ისე ცოტათი—რომლისაც წარმოადგენა კი შეიძლებოდეს. ეს რომ ასე არ ყოფილიყო, მაშინ სხეულები სიცალიერის სიღრმეში პირდაპირ (პარალელურად) ჩავარდებოდნენ, დაჯახება არ მოხდებოდა და არც არა-

ფერი შეხვდებოდა ერთი-მეორეს“ (de rerum natura—II. ლექსი 210-17). და ეს სავსებით არის ის, რასაც გალილეი-ნიუტონის მსოფლიო მექანიკა გულისხმობს და რომელ პრინციპებსაც ეს მექანიკა ეყრდნობა. თუ ს. დანელია მიგვითითებს იმაზე, რომ ანტიკურ მეცნიერებას არ გააჩნდა ანალიტიური გზა, ე. ი. მას არ შესძლებია დედპრინციპის დახურდავება ბუნების კერძო მოვლენების გაგების სფეროში, ჩვენ მას ამაში დავეთანხმებით, მხოლოდ ხელათ მიუთითებთ არქიმედის გენიაზე, რომელმაც არამც თუ მიაკვლია გალილეი-ნიუტონის ყველა პრინციპები, არამედ მან აღმოაჩინა ამათი ყველა გზები და თვით ინფინიტესიმალური აღრიცხვის აღმოჩენამდეც კი მივიდა. — ჩვენ გვინდა ვიფიქროთ, რომ მთელი ეს ამბავი დღეს მეცნიერების ისტორიაში საკმაოდ გამორკვეულია და ძველი ფილოსოფიის ისტორიის დაწერა მეცნიერების ისტორიის გაუთვალისწინებლობის გვერდით არ გვგონია იყოს სწორი.

3. სწორედ საქმის ამ ნაწილის გაუთვალისწინებლობას ერთგვარი თავისებური დალი დაუსვამს მთელი წიგნისათვის. როდესაც ამ წიგნს კითხულობთ, გვგონებათ რომ მთელი ეს წინასორატული ფილოსოფია, სადაც მახვილ-აზროვნად მოყოლილი ზღაპრების კრებული ყოფილა და სხვა არაფერი. ჩვენ კი გვინდა ვიფიქროთ, რომ სოფისტების წინ ფილოსოფია იყო ერთი შეუსწავებელი დიალექტიური პროცესი, რომლის განვითარება დამთავრდა დემოკრიტის მატერიალისტური მსოფლმხედველობის წარმოშობით. დემოკრიტის სისტემა იყო უპირველესი და უდიდესი ამოძახილი ამ ეპოქისა. ამის შესახებ კი თითქმის არაფერი სწერია ამ წიგნში. ატომისტიკა ისეა გარჩეული, ვითომც ეს არაფრით განირჩეოდეს სხვა სპეკულიაციისაგან ბუნების შესახებ. ის კი არა ანაქსაგორას ქვალიტეტურ ატომიზმს უფრო დიდი ყურადღება აქვს მიქცეული, ვიდრე იმ ქვანტიტეტურ ატომისტიკას, რომელ-

მაც პირველად აზროვნების ისტორიაში საფუძველი ჩაუყარა მექანიკურ მსოფლმხედველობას. როდესაც შევხვდებით გალილეიმ, კეპლიერსა და ნიუტონს და სხვებმა განავითარეს.

თავისი კონსტრუქციის გამართლების სურვილით უბრალო ისტორიული ქორონიკაც კი უყურადღებოთ მიუტოვებია ავტორს. დემოკრიტი ერთ-ერთ ფრაგმენტში ამბობს: „მე მაშინ კიდევ ახალგაზრდა ვიყავი, როცა ანაქსაგორა მოხუცი იყო“. მაშ, რაშია საკმე? ანაქსაგორა რატომ უნდა იყოს გარჩეული დემოკრიტის შემდეგ? ისტორიულად ის ხომ ამას წინ უსწრობდა და სისტემატიურად კი ანაქსაგორას გაგებისათვის დემოკრიტის ცოდნა აუცილებელი ხომ არ არის?

ჩვენ ასეთი საკითხის დასმაც კი უკანონოდ მიგვაჩნია. ედ. ცელერი ფიქრობდა, რომ ანაქსაგორი დემოკრიტეს და ლევკიპოსის მოძღვრებას იცნობდაო. ცელერს ეს კონსტრუქცია სჭირდება იმის გასამართლებლად, რომ ნათელ გაბადოს ანაქსაგორის იდეალისტური „ნუს“-ის უპირატესობა ნატურალისტური ატომისტიკის მიმართ. ცელერის ამ კონსტრუქციას შეუსწორებლად და უკრიტიკოდ ლებულობს ჩვენი ავტორი და მის დამტკიცებას სცდილობს ისეთი ხასიათის არგუმენტებით, რომლისთვის, არამც თუ რაიმე ისტორიული ფაქტით გამართლება, არამედ მეცნიერებაში დაზვებული ჰიპოთეზით გამაგრებაც სავსებით შეუძლებელია. სახელდობრ ს. დანელია სწერს შემდეგს: „ანაქსაგორას მოძღვრების შესწავლა გვარწმუნებს, რომ ის იცნობდა ატომიზმს და რაკი დემოკრიტე ანაქსაგორაზე უფრო ახალგაზრდა იყო, უნდა ვიგულისხმოთ, რომ ატომიზმის პრინციპებს ანაქსაგორი გაეცნო ვილაც სხვა მოაზროვნის საშუალებით: უკანასკნელი უნდა ყოფილიყო ლევკიპე“. ამ კონსტრუქციას უპირველეს ყოვლისა ავიწყდება ის უბრალო ამბავი, რომ ზოგიერთი დებულების შემობრუნება შეიძლება. რა საჭიროა მარჩივლობა ვინმე ლევკიპო-

სის არსებობის შესახებ, ვსთქვათ უბრალოდ და ისტორიის ქრონიკოსთან შეთანხმებულად: დემოკრიტი იცნობდა ანაქსაგორას მოძღვრებას. კავხალობის პრინციპის ზოგი ნაწილები და ატომიზმი ანაქსაგორასაც ჰქონდა. ხოლო მისი მსოფლიო იყოფოდა ფერის, გემოს, ტანის, ძალის, დიდისა და მცირეს და სხვ. ატომებათ. დემოკრიტმა მიიღო ატომიზმი, როგორც პრინციპი, მაგრამ არ მიუღია მისი ქვალიტეტური შინაარსი. მან ატომიზმს მისცა ქვანტიტეტურ-მექანიკური სახე და სწორედ მექანიკის სისტემის შექმნა იყო ამ უდიდესი მეცნიერის უმთავრესი დამსახურება...

4. ერთი სიტყვით ასეთი კრიტიკული შენიშვნების გაგრძელება შეიძლება, მაგრამ მთავარი ის არის, რომ პატივცემულმა ავტორმა სავსებით არ

გაითვალისწინა მატერიალისტური მექანიკური ატომიზმის თავისებულება და ცენტრალური ადგილი ბრძნული ნატურფილოსოფიის განვითარებაში. ეს გარემოება იწვევს ბევრს გაუგებრობას და სადაო პრობლემებს, მაგრამ ყველა ამის შესახებ რეცენზიაში ლაპარაკი შეუძლებელია. დემოკრიტი იყო უდიდესი კლასიკი ბერძნული ფილოსოფიის ისტორიისა და პირველი მამა მთავარი ზუსტი მეცნიერებისა—ეს გარემოება კი ვითომც სავსებით გაუთვალისწინებელი დარჩენია ავტორს. მას ანგარიშს გაუწევლათ დაუტოვებია პირველად ვილდენმანდის მიერ წამოყენებული ცდა, გაეგო მთელი ბერძნული ფილოსოფიის ისტორია როგორც ბრძოლა ორს დიდ ანტიპოდს შორის: დემოკრიტსა და პლატონსა.

შოსე გოგიბერიძე.

„ქართული მწერლობა“ № 4—5.

ჟურნალის ეს ნომერი იხსნება შალვა დადიანის მოკლე მოგონებით ვასო აბაშიძეზე, და ნ. მიწიშვილის საკმაოდ ვრცელი წერილით „ფიქრები საქართველოზე“.

ნ. მიწიშვილი ცნობილი მწერალია საქართველოში—ამ შემთხვევაში რედაქტორიც დასახელებულ ჟურნალის. ამიტომ მის წერილზე შეჩერება საჭიროა. მართალია ეს წერილი დათარიღებულია—1922 წელი, სტამბოლი—მაგრამ, რადგან იგი იბეჭდება იმ ჟურნალში, რომლის რედაქტორი წერილის ავტორია და თვით წერილსაც არაერთარი შენიშვნა არა აქვს იმის შესახებ, რომ მას ავტორი დღეს ზოგ რამეში არ ფთანხმება—ამის გამო, ჩვენ შეგვიძლია ეს წერილი ჩავთვალოთ ავტორის დღევანდელ შეხედულებათა გამომხატველადაც... მით უფრო მეტი ინტერესი ეძლევა მას... საქართველოში მე არ მეგულება თანამედროვე პოეტთა შორის ისეთი პესიმიისტი—როგორც მიწიშვილია. მისი ლექსები—

სიკვდილის და დაშლილ ადამიანის საგალობელია... რასაკვირველია—ეს პლიუსათ არ ჩავთვლება მას, როგორც პოეტს,—თუმცა ეს კიდევ ნახევარი უბედურებაა.. მაგრამ როდესაც მიწიშვილი—უკვე როგორც რედაქტორი ჟურნალის—თითქმის „კრედოს“ მსგავს წერილს ათავსებს რაღაც წარმოუდგენელი გულგატეხილობით და იმედ დაკარგულის ხასიათისას—საქართველოს შესახებ—აქ სიჩუმე არ შეიძლება...

მიწიშვილის წერილის დასკვნები ასეთია:—„საქართველო პასიური მოვლენაა. მისი ენერჯია გამოწვეული იყო სხვა, მისი გარეშე მყოფ მოვლენისაგან (ენერჯია ჭიის როცა მას ფებს აჭირებენ).—საკუთარ შინაგან აქტივობას მოკლებული იყო საქართველო და მოკლებული იყო მაშასადამე შემოქმედების გენიასაც.—მოკლებულია აქედან გამართლებას, მსოფლიო გამართლებას,



საკუთარ რელიგიას, მოწოდებას, აზრს, შინაარს.

— ამითია რომ მშრალია და ფუყე საქართველო. აქედანაა მისი უშვილო-სნობა თუ ბერწობა.

— ამის შედეგია, ჩემის ფიქრით, სიმჩატე ქართველი არსებისა, ქართული კკუისა, განწირვა ქართული ხელოვნების, პოეზიის. მე მგონია ესაა მიზეზი იმისა, რომ ყველაფერი ქართული უდღეოა, რომ ქართული ბედი წყდება და ტყდება ყოველთვის შუა გზაზე დაუ-მთავრებელი, მიულწეველი.“

რომ იოტის ოდენა სიმართლეს არ პარხია მიწიშვილის ამ უამედობაში, მე მგონია ზედმეტია ამის მტკიცება.

მართლაც და რატომაა — „პასიური მოვლენა საქართველო?“ — და რას ნიშნავს ეს?... ვერაფერ ამას ვერ დაამტკიცებს. — მისი — საქართველოს ენერგია თურმე არის ენერგია ქიის, რომელსაც თეხს აჭირებენ. — მე ძალიან მიკვირს, რომ მიწიშვილი ენას არ იჭრის, რომ ქართულათ სიტყვა ვერ თქვას...

„ამის შედეგია ჩემის აზრით — სიმჩატე ქართული არსებისა, ქართული კკუისა, განწირვა ქართული ხელოვნებისა, პოეზიისა“ — არ ღირს ამის ზერელე უარყოფაც...

მიწიშვილი ქართველი ინტელიგენცია. ნუთუ ასეთი რამ გახრწნის და დაშლის სასიკვდილო პროცესი ხდება თუ გინდ ერთ ნაწილშიაც ქართველი ინტელიგენციისა — რომ — მის წარმომადგენელს მიწიშვილს — ასეთი რამ ათქმევინა?! ყოველ შემთხვევაში — ქართველი ხალხი და საქართველო აქ სრულიად არაფერშია.

— აჯობებდა კი ბევრად, რომ ასეთი წერილი სრულებით არ დაბეჭდილიყო.

ნ. საქარელის წერილის შესახებ — „ხელოვნება და ეროვნული საზოგადოებრივობა“ ბევრჯერ მეს უკმა შეიძლებოდა. სარეცენზიტო წერილშიც მეს შეუძლებელია. აღვნიშნავთ მხოლოდ, რომ ბევრ ღია კარებს — ამტვრევს ავტორი.

„ხელოვნების თვალუწვდენელი სამეფოსთვის მიუღებელია სამოქალაქო ომის თეორია და მეთოდები, რომელსაც ტყუილა უბრალოთ ჩაფრენიან რადიკალური ფრაზის მოყვარული ლიტერატორები“. — ჩვენ არ ვიცით ვისზე უთითებს ნ. საქარელი. — კომუნისტ ლიტერატორთა შორის — ასეთი აზრის და შეხედულების დამცველი ჩვენ არ ვიცით არავინ.

კარგი იყო — რომ ასეთი რადიკალურ ფრაზის მოყვარული ლიტერატორები დაესახელებინა ავტორს, თორემ ეს ცოტა ცილისწამებას წაიგავს... რასაკვირველია ეს სრულებითაც არ ნიშნავს იმას, რომ ხელოვნება კლასთა ბრძოლის გარეშე დგას, პოლიტიკის მას არაფერი აცხია და საზოგადოებრივ ცხოვრებიდანაც დამოუკიდებელია!!! მაგრამ ამას მგონი თვით ავტორიც არ უარყოფს.

ერთი პატარა შენიშვნა: მოყავს რა რ. კალაძის ერთ-ერთ წერილიდან, რომელიც მოთავსებული იყო ჟურნალ „მნათობის“ № 2 (1925 წ) აკაკი წერეთლის შემოქმედების შესახებ — ამონაწერი: „ხალხმა ის გაიგო და შეიგრძნო და მისი პოეზია თავის პოეზიად მიიჩნია. მან დასტოვა ძველი ზღაპარი, მითი და შეითვისა აკაკის სიმღერა ლექსი და შაირი“. — მოყავს რა ეს ამონაწერი — ნ. საქარელი ასკვნის: „ამ სიტყვების შემდეგ თავის თავად გასაგებია „მნათობის“ რედაქციის შენიშვნა: ავტორის ზოგიერთ მოსახრებას არ ვეთანხმებითო“.. საქმე იმა-

შია, რომ როგორც ჩვენ ვიცით რედაქციის ეს შენიშვნა ეხებოდა არა ახეთ დაფასებას აკაკის პოეზიისა, არამედ პირიქით: სწორედ იმ ადგილებს აშხ. კალაძის წერილისა, სადაც ის უარყოფდა აკაკის ხელოვნების ცხოველყოფილობას დღეისთვის... რედაქცია იმ აზრისა იყო რომ — რომ აკაკი ნარტოისტორიას არ ეკუთვნის, რომ ის ჯერ კიდევ არ მომკვდარა... ნ. საქარელმა კი რედაქციას „თავის თავათ“ მიაწერა საწინააღმდეგო აზრი.

გრ. გიორგაძის წერილი „ჯვარედინზე“ საინტერესოა უმთავრესათ იმიტომ, რომ იგი ეკუთვნის გრ. გიორგაძეს — ერთ-ერთ ყოფილ ხელმძღვანელთაგანს მენშევიკურ პარტიისა. წერილი შეიცავს უკვე საანბანო ჭეშმარიტებად ქცეულ აზრებს იმის შესახებ, რომ ბურჟუაზია ახალ ომებისათვის ემზადება, რომ მუშათა კლასის მოვალეობაა ამ ომს — ომით შეხედეს, რომ მე-11 ინტერნაციონალს გარკვეული პროგრამა დღესაც არა აქვს ომის შესახებ (თუმცა აქ ავტორი ცდება; მეორე ინტერნაციონალს საკმაოდ გარკვეული პროგრამა აქვს: თავის ქვეყნის ბურჟუაზიასთან ერთათ — მოპირდაპირების წინააღმდეგ —), რომ ომზე აგებული ეროვნული პრობლემის გადაწყვეტა სრული ავანტიურაა და სხვა. ავტორი ასე ათავეებს თავის წერილს: „ჩვენ შეგვიძლია სრული გარანტია მივსცეთ ხალხს, რომ ომი დიდ უბედურებას დაატეხს ქართველ ხალხს, გაანადგურებს მის ტერიტორიას, ქონებას, ახალგაზრდობას, ნაცრად აქცევს მის კულტურულ ძალებს და, თუ რუსეთის და საქართველოს ტახტის პროტენდენტმა დიდმა მთავარმა კირილე რომანოვმა გაიმარჯვა, — ყველა შეგნებულ ქართველს, კომუნისტს თუ სოციალისტს ერთ ხეზე ერთი ბაწრით ჩამოჰკიდებს“...

ეს ყველაფერი ასეა, მაგრამ დამატებაა საჭირო: რომ კირილე რომანოვის გამარჯვებას ხელს უწყობს ის ავანტიურული პოლიტიკა, რომელსაც „ეორდანიას“ კაცები ეწევიან საზღვარ გარეთ და აქაც, რომ კირილე რომანოვი სრუ-

ლი ნულია თუ მის გვერდით აღ არიან დემოკრატიის დამცველები მილიუკოვი, კერენსკი, ჯორდანიას, რომ რუსეთში რაზმელები და ქართველი მენშევიკები — შეკავშირებულათ ანთავისუფლებენ საქართველოს და რუსეთს ბოლშევიკებისაგან, და რომ სწორედ ამიტომ საჭიროა სასტიკი, დაუზოგავი ბრძოლა ამ ვაჟბატონების წინააღმდეგ. რამდენათაც უფრო ხმაძალდა და გარკვევით ვიტყვით ამას — მით უფრო კარგია.

მხატვრულ პროზაში მოცემულია მოთხრობები და ესკიზები: მ. ჯავახიშვილის „ცოფიანი“, ნ. ლორთქიფანიძის — ესკიზები, დ. შენგელიას „პაროველ“, ს. კლდიაშვილის „ძილბას“, დ. სულიაშვილის „პირველი სიტყვა“ და ლ. მეტრეველის „ალავერდობა“. მ. ჯავახიშვილის „ცოფიანი“ დამაფიქრებელია, სახითათო გზახეა შემდგარი „ჯაყოს ხიზნების“ და „კვაქანტირადის“ ავტორი... ძალიან სახითათო გზახე. მისი უკანასკნელი მოთხრობები — „თეთრი საყულო“-ს შემდეგ წინსვლას არ ამობენ. დიდ მწერალს უფლება აქვს კალმით ითამაშოს, მაგრამ მხოლოდ ხანდისხან, მხოლოდ სხვათა შორის, თორემ თუ — კალმით თამაში სავალ გზათ იქცა — ეს უკვე თამაშიც არ არის, ეს უკვე „დახურდავების ნიშანია“. „მნათობში“ მოთავსებული — „მესამე“, ეხლა ეს „ცოფიანი“ — ვერავითარ სახეზე მო რაიმეს ვერ ამბობენ. „თეთრი საყულო“ — როგორც ეტყობა ძალიან უჭერს ჯავახიშვილის „მუხას“. დახრობით ვერ დაახრობს — მაგრამ ხნაც, ჩაუწყვიტოს ესეც დიდი უბედურება იქნება ქართულ ლიტერატურისათვის... რატომ ვამბობთ თეთრ საყულოზე ამას, იმიტომ რომ „თეთრი საყულო“ — თი დაიწყო ჯავახიშვილმა ახალი სალიტერატურო გზა. ეს გზა კი შეცვლა იყო იმ მიმართულების — რომელსაც ადგა ავტორი, როდესაც „ჯაყოს ხიზნები“, „აბდულა“, „ლამბალო და ყაშა“ დასწერა. ეს იყო მხატვრული რეალიზმი — თანამედროობასთან დაკავშირებული. „თეთრი საყულო“-ს ერთი ნაწყვეტია „ცოფიანი“.

ხირჩლას ორი შვილი ყავს—ვეაი დალლიკა და ქალი კმარა. სახელიანი ხევსურია ხირჩლა—ოჯახი მისი პატიოსან ოჯახად არის ცნობილი. და იი უბედურება დაატყდა ხირჩლას. მისი შვილი დალლიკა შეიქნა მისი უბედურების მიზეზი. სამხედრო ბეგარა მონდილი დაბრუნდა სახლში დალლიკა. კმარაც გასათხოვარი ქალია. ხირჩლას უნდა გაათხოვოს კმარა. ამას ეტყვის დალლიკას, და გამოარკვევს საშინელებას: დალლიკას უყვარს კმარა. მას უყვარს და.—არა როგორც და—არამედ როგორც ქალი.

— დალლიკავ! დალლებმაც არ იციე ავეთი... არ იციე ავეთი მასხრობაი.  
 — მე არა ვმასხრობ—იღიმება შვილი.  
 — მაშ... არ ხუმრობ?—მაინც არა სჯერა მამას.

— არა, არ ვხუმრობ.  
 — დალლიკავ ნუ ხუმრობ მეთქი, თორემ... ეს ტყვია უფრო შაგერგების. დალლიკავ ნუ ხუმრობ—მეთქი, თითქო იხვეწება ხირჩლა.

— არა ვხუმრობ... შემერგების.  
 — იქნებ ხუმრობ დალლიკავ!—მუდართით ეკითხება მამა.  
 — სახუმრო არა მაქვს—რა.  
 — დალლიკავ უკანასკნელ გეკითხები, ხუმრობ თუ არა?

— არა...არა ვხუმრობ—ჟინით გამოიწურა კბილებიდან დალლიკამ.  
 — მაშ... არც მე ვხუმრობ. ღმერთო მიშველე! პირჯვარი გადიწურა და უცებ,—იქნებ ისე უნებურათ,—თვისი თვალი. თოფის ტუჩი და შვილი სშუბლი ერთ ლარზე გააბა.

— ვერ გამიმეტებს—ფიქრობს დალლიკა და იქნეულათ იღიმება. თოფის ლულიდან ერთათ გამოცვივდნენ ცეცხლი, ქუხილი და კვამლი, ხოლო ბნელ კარებიდან კმარას კივილი გრიგალივით შემოფარდა!!

მოკლა ხირჩლამ საყვარელი შვილი. შემდეგ... თვითონაც მოიკლა თავი... ასეთია მოთხრობის ჩონჩხი... ჩვეულებრივი ოსტატობით და ხერხიანათ აქვს ჯივახიშვილს იგი აგებული. მშვენიერი ენა,—მკვეთრი, სადა და მგრძობიარე.

ამბავი გაშლილი ოსტატურადვე...  
 — მიუხედავად ამისა—მოთხრობა მაინც უარყოფით მხარეს უნდა ახდენს—რადგან ყალბი ხელოვნებით მოგონილია—მისი დედაბოძი, მთავარი იდეა... რაში მდგომარეობს იგი: პირველყოფილი ხევსური—თავის ადათ-ჩვეულებით—ხირჩლა—ტ ქალაქის „კულტურის“ შემომტანი „ნასალდათევი“ დალლიკა... როგორ იშლება მათი ბრძოლა, რა ნიადაგზე სწარმოებს იგი: ხირჩლა იცავს პატიოსნებას, სიფაქიზეს, ვაჟაკობას—დალლიკა—„მორიელი, გველი“—განხორციელებაა ზნედაცემულობის და გათახსირების. სოფლის „უკულტურობა“ გამარჯვებულია დალლიკას „კულტურაზე“.— ვინაიდან—დალლიკაებს ზრდის ეს კულტურა... ასე ყავს დახატული ახლის და ძველის ბრძოლა ავტორს. ობიექტიურათ ეს ასე გამოდის „თეთრი საყულოს“—ლოლიკურ დასკვნამდე მიყვანაა ეს. აქაც იმარჯვებს ძველი ადათი—ახალყოფა-ცხოვრებაზე, აქ ხომ ბრმისათვისაც ნათელია ეს...—მართალია ასეთი დაპირისპირება? მართლა სწორადაა გაშლილი სოფლის და ქალაქის მდგომარეობა? მართლა დალლიკაებს იძლევა ქალაქი?! არა.. ტყუილია ეს, ყალბია, ძახინჯია ასეთი დაპირისპირება... ამბვე დროს უაღრესად რეაქციონური. საქმე იმაში კი არ არის, რომ შესაძლოა ასეთი რამეც მომხდარიყოს — რასაკვირველია შესაძლოა, მაგრამ:—ეს გამოჩაქისი, იშვიათი ნოვლენა იქნება... ჯავახიშვილმა კი მიმართულებათ გაიხედა ასეთი დაპირისპირება... უნდა კანონათ გამოაცხადოს გაყალბება იგი. ეს კი სინამდვილის დამახინჯებაა, გაყალბებაა და როგორც ეს ყოველთვის ასეხდება—რეაქციონურ, ანტიპროგრესიულ ხასიათს ღებულობს იგი.

საჭიროა ამაზე სერიოზულათ დაფიქრდეს „ჯაყოს ხიზნების“ და „თეთრი საყულოს“ ავტორი.  
 ნ. ლორთქიფანიძის ესკიზები: „ნიშნოა“ და „ფეოდალები“—ახალს არაფერს ამბობენ. როგორც ეტყობა ამ ნიჭიერ მწერალს საბოლოოთ გადაუწყვე-

ტია: წარსულში ეძიოს სამწერლო მასა-  
ლები—მხოლოდ წარსულში. ახალი მას  
არ აინტერესებს—ყოველ შემთხვევაში  
მის ნაწერებში ეს ასე სჩანს. ქართველი  
ბუნინია—ნ. ლორთქიფანიძე. დახვეწი-  
ლი კლასიკური ქართული ენით—დასტი-  
რის ის ძველ საქართველოს... ღიმი-  
ლიც არის ამ ტირილში—მაგრამ ეს  
ღიმილი მწუხარებას უფრო გამოხატავს,  
ვიდრე სიხარულს. რასა იქ?—უყვარს  
მწერალს ძველი საქართველო—თავის  
ადრე-ჩვეულებებით „სილატაკით, სიხა-  
რმაცით და უკუდო ამპარტავნო-  
ბით“... სისხლით და ხორციით არის  
იგი შეზრდილი მასთან. რევოლიუციამ  
მიანგრ-მოანგრია ეს ძველი საქართვე-  
ლო... სოფელშიაც—შევიდა ის თვისი  
„უხეში“ ღ „უმოწყალო“, მაგარი ნაბი-  
ჯებით... ატირდა ძველი სოფელი. ავ-  
ტორსაც ესმის ეს მისი წუხილი. „ვერც  
მედავითნემ აასრულა თავისი დაპირება  
—მას არ მოუვლია მიცვალებულთა-  
თვის, —რადგან არც ერთს არ ღირსე-  
ბია სამარე, ეკლესიის გალაგანში, სა-  
კუთარ სასაფლაოზე, ნაკურთხ მიწაში“.  
ნაღვლიანათ ათავეებს თავის ერთ ეს-  
კიხს „ფეოდალებს“ ავტორი. ნაღვლის  
გარდა ჩივილიც არის აქ—მიმართული  
სოფელში შემოსულ რევოლიუციის მი-  
მართ, ღ მართლაც: ნაკურთხი მიწა—  
„წაბილიწა“, ეკლესიები—არამც თუ  
გალაგნები—ბევრი დაანგრა. საკუთარი  
სასაფლაოები აბა ვის აქვს ეხლა?! არ  
უყვარს რევოლიუცია ნ. ლორთქიფანი-  
ძის კალამს. სამწუხაროა, ძალიან სამ-  
წუხარო...—რადგან იშვიათი ნიჭის პა-  
ტრონი მხატვარია იგი... მაგრამ, რე-  
ვოლიუციის ბრალი ხომ არ არის ოდ-  
ნაეათაც, რომ მწერალ ლორთქიფანი-  
ძეს არაფერი უნდა დაინახოს მასში—  
გარდა დანგრეულ ეკლესიებისა და  
„წაბილწულ“ ნაკურთხ მიწებისა?!  
**დემნა შენგელაია**—„პოროველ“—  
ნაქურდალია. „სანავარდოდან“ არის  
იგი ამოღებული. „სანავარდოც“ ხომ  
დემნას ეკუთვნის? მით უარეს მისთ-  
ვის... ცუდია, როდესაც მწერალი თავის  
თავს ქურდავს, მით უმეტეს, როდესაც  
იგი—ავტორია მხოლოდ ორი დამთავ-

რებული ნაშრომის. შეიძლება <sup>რემთ-</sup>  
ხვევითია ეს არა კარგი ამბავი. <sup>ლმე-</sup>  
რთმაც“ ქნას! ყოველ შემთხვევაში სი-  
ფრთხილე და მეტი დაკვირვება მარ-  
ტებს დემნას...  
— სერ. კლდიაშვილს კარგი „გვარი“  
აქვს. საუბედუროთ იგი ვერ ამართ-  
ლებს ამ გვარს ჯერ-ჯერობით მაინც.  
„რაინდი ბილბაო“ ამის უტყუარი სა-  
ბუთია.  
— „ყოველ ავტორს სჭირია დახმა-  
რება წამკითხავისაგან. ყოველი ამბავი  
ცარიელ სიტყვებათ დარჩება და მოთ-  
ხრობას დაუწუნებენ, თუ წამკითხველი  
ავტორს ვერ გაუსწორდა. ეს მოთხრო-  
ბა მარტივია, მაგრამ აქაც მჭირია  
გრძნობა იმის, რომ წამკითხავი გამი-  
თანასწორდა. მოთხრობა ეხება სიყვა-  
რულს და ამბავიც მოხდა შორეულ  
ქვეყნის შორეულ დროში. ამიტომ  
ხშირათ ვბედავ ვახსენო შეძლებული  
მთვარე“.  
— ასე იწყება „რაინდი ბილბაო“.  
ჩვენ შევეცადეთ შეგვესრულებინა  
ავტორის ეს მოთხროვნა მკითხველისა-  
გან,—მაგრამ მაინც არაფერი გამოვი-  
და. ვერაფერი ჩვენ ამ ნაწერში ვერ  
ვნახეთ. ჩვენ ისიც ვერ გავიგეთ რა-  
ტომ უნდა დაეწერა სერ. კლდია-  
შვილს ეს „ამბავი“. ღ თუ კი მაინც და  
მაინც აუცილებლათ საქირო იყო ეს  
—რატომ უნდა მოთავსებულიყო იგი  
რომელიმე ეურნალის ფურცლებზე.  
შეიძლება ჩვენ—მიუხედავათ ჩვენი გუ-  
ლწრფელი ცდილა—ვერ ავმაღლდით  
ისე, რომ ავტორს გავთანასწორობო-  
დით, და ამიტომ დაგვემართა ეს...  
ვინ იცის?! ყოველ შემთხვევაში—ეს  
ჩვენი ბრალი არ არის. ხომ ვიცით  
ფრანგული ანდაზა ლამაზ ქალის შე-  
სახებ.  
ლექსებით — მდიდარია „ქართულ  
მწერლობის“ ეს ნომერი. თითქმის ყვე-  
ლა ცნობილი ქართველი პოეტი—მო-  
ცემულია აქ.  
ჩვეულებრივათ კარგია და შნოიანი  
აბა ძელის სამი ლექსი.—განსაკუთრე-  
ბით მე-სამე—„მზე და ჰაერი“. „მზის  
პოეტი“—აი როგორ აწერს გათენებას:

„მოადგა ღრუბელს თეთრი ნათელი,  
ჯერ მორცხვით, მშვიდათ ზე მორი-  
დებით,

შემდეგ გაირღვა ღამის სარტყელი  
და მხემ გამოაყო ოქროს თითები.“

ი. გრიშაშვილის ლექსი „ჩუსტის  
მკერავი“ აშკარათ მოწმობს, რომ მის  
ავტორს არაფერი შეუძენია და არც  
არაფერი დაეწყებია. ჩვეულებრივი  
გრიშაშვილისებური ლექსი მისთვის  
ჩვეულ თემაზე ჩვეულებრივი დაწყე-  
ბით და ბოლოთი.

— „შე დავაცქერდი და ჩურჩულით  
წარმოვთქვი მერე.

მოდო და ეხლა, ამის შემდეგ ლექ-  
სები სწერე.“

სუსტია და გაუთლელი სტრიქონე-  
ბათ გაკეთებული რაჟდენ გვეტამის  
ლექსი „ქვის მჭერლი“. მარტო ეს  
სტროფა რათ დიოს:

„ეხლაცა ეხება მაღალ თეძოებს,  
გულზე უწყვია თეთრი კვახები.  
გაცილდა დარდით მცვრიან ეხოებს..  
სადღაც კოტი ჰკიოდა მკვახეთ“.

რ. გვეტაძე უწინ უფრო კარგათ  
სწერდა. — „კარგი არის ვით ყანაში სა-  
მხარი—შენი ნაზი ლაპარაკით დათ-  
რობა“—ამის ავტორი არ უნდა სწერ-  
დეს ისეთ უშნო ლექსებს, როგორცაა  
„ქვის მჭერლი“.

— კ. ლორთქიფანიძე—წარმოდგენი-  
ლია ორი ლექსით. „რამდენიმე სიტყვა  
ესენინს“ და „სიკვდილი.“ უნდა ვსთ-  
ქვათ—და ეს არ იქნება ოდნავათაც გა-  
დაჭარბება, რომ კ. ლორთქიფანიძე ამ  
ლექსებში—უკვე დიდ პოეტათ სჩანს.  
ეჟონალის ვერც ერთი სხვა ლექსი ვერ  
შეედრება, როგორც ფორმალური შეს-  
რულებით, იდეით და ამ იდეის ოსტა-  
ტური გაშლით—ლორთქიფანიძის ამ ორ  
ლექს.

დიდი ხანი არ არის მას შემდეგ,  
რაც კ. ლორთქიფანიძის მონაწილეო-  
ბით—ქუთაისში გასროლილ იქნა—  
„დინამიტი“ (ეჟონალი)... რომელიც...  
არ აფეთქდა... სულ ორი წელია მას-  
შემდეგ და კ. ლორთქიფანიძე უკვე  
დიდი (შედარებით) პოეტი შეიქნა...  
დაჯერებით შეიძლება ითქვას, რომ  
საქართველოში დღეს არ არის / არც

ერთი სხვა პოეტი—არც ქველბში, არც  
ახლებში, რომელიც შეძლებდეს ლი-  
რიულ ლექსის ისე გამართვას, როგორც  
ეს ახალგაზრდა „დინამიტი“... მკარ-  
თულ ლექსში შეძლას მან განესრატე-  
ლებინა მთელი სიმშვენიერე ესენინის  
გრძნობიერებისა. ლექსს მან დაუბრუნა  
ის, რომლითაც საკმაოდ გაქურდული იყო  
დღევანდელი ჩვენი პოეზია და ურომ-  
ლისოთ იგი არ არსებობს...—ეს მხა-  
ტვრული ოსტატობა, რომლითაც პოე-  
ტური ნაწერი—უხილავი ძაფებით ებ-  
მება და იჭერს მკითხველის გულს, აღე-  
ლევებს თუ აწყნარებს მას; ხელთ ყავს  
იბი... მოქმედობს მასზე... საშიში იყო,  
რომ ლორთქიფანიძე, ესენინის ლექსის  
ტექნიკასთან და ცოცხალ ლირიულო-  
ბასთან ერთათ გაჰყვებოდა ესენინის  
„იდეასაც“ და მის „ქადაგს“. ეს კი  
დალუბავდა მას ისევე, როგორც დაი-  
ლუბა ესენინი. მაგრამ ეს ასე არ მო-  
ხდა: ეს ორი ლექსი სწორედ ამ ესენი-  
ნის „ქადაგის“ წინააღმდეგ აქვს ავ-  
ტორს დაწერილი. დამაჯერებელი სი-  
მშვენიერით და დაურღვეველი სიმართ-  
ლით არის ამენებული ეს თორმეტ-  
სტრიქონიანი დაუვიწყარი ლექსი:

„აჰა ლექსიც დავიწყე, მამბიშებდა  
ფიქრები:  
ღამე იყო და გული მოგონებით მიძ-  
გერდა,  
შორს ქუჩიდან ფარანი ფერმიხდილი,  
მიმქრალი  
როგორც თავი დამხრჩვალე ესენინის  
მიცქერდა.  
მწუხარებამ შემბიპურო, მსურს გავეს-  
ძახო: მაენგა  
შენი უკანასკნელი ხულიგნობა ესენინ!  
განა ჩენი ცხოვრება ისე ჩლონგი  
რამეა,  
სასიკვდილო თოკზე რომ გადმოჰ-  
კიდო კისერი?  
თვით მკვლელობა რათ გვინდა, მოვა  
დრო და მოვკვდებით.  
პოეტებო, უმღეროთ ახალ ქვეყნის  
ალიონს,  
სჯობს კისერზე გრიგალი მოვიხვიოთ  
თოკივით



საწამლავის მაგიერ ეს ცხოვრება და-  
ვლიოთ“.

აქ თითოეული სიტყვა თავის ალა-  
გასაა. ვერაფერს ჩაამატებ, ვერაფერს  
ამოაგდებ. როგორი სიმართლით და  
დაჯერებით იშლება ლექსი... როგორი  
შედარებებია!! ამ ლექსიდან ამოგდებ-  
ული—უშნო და მყვირალა იქნებიან  
ისინი....

მაგ: „სჯობს კისერზე გრიგალი მოვი-  
ხვიოთ თოკივით“—ცალკე აღებული  
ეს სტრიქონები თავის შედარებით—რა-  
ღაც უშნო რიტორიკას და სიტყვათა ბრა-  
ხუნს მოგაგონებს... მართლაც რა მშრალი  
და უშინაარსო შედარებაა—გრიგალი  
თოკივით მოხვეული კისერზე, მაგრამ  
მთელ ლექსის შენობაში—როგორ შთა-  
ბეჭდილებას ახდენს იგი!! ამ მდგომარე-  
ობაში ყველფერი ცოცხალია აქ:  
კისერი, თოკი, მოვიხვიო და გრიგა-  
ლიც. (ესენინმა კისერზე თოკით დაი-  
ხრიო თავი) და უვიწყარ შთაბეჭდილე-  
ბას ახდენს ეს იმედიანი, ოპტიმისტური  
ძახილი! „საწამლავის მაგიერ ეს ცხოვ-  
რება დავლიოთ“ არა ნაკლები სიძლი-  
ერით და გარეგნული და შინაგანი გა-  
მართლებით—არის შესრულებული მეო-  
რე ლექსი „სიკვდილი“.. ამავე დროს ეს  
ლექსი უადრესად ორიგინალურია. ქარ-  
თულ ლიტერატურაში—მსგავს შინაარ-  
სის ლექს ძნელად იპოვით.—სიკვდი-  
ლი—მასხრად აღებული. და ეს ისეთ  
ფონზე გაშლილია—რომ არ მოელო  
ასეთ ფინალს:

„მოახლოვდა, საწოლთან დადვა ძონ-  
ძის შრიალით, ტუჩზე ცივი ღიმილი გა-  
აცურა გველივით; გამეცინა, უთხარი:  
—ბინა, ხომ არ შეგეშალათ. ეგებ მე  
თქვენ გგონივართ ტაბიძე ან დანელია!

კ. ლორთქიფანიძეს ამ ლექსების შე-  
მდეგ ბევრი მოეთხოვება. უნდა გააქართ-  
თლოს კიდევ.

დანარჩენ ლექსებს — უადგილობის  
გამო არ შევხები... „ვეგენი ონეგინ“-ის  
თარგმანი, რომელიც ეკუთვნის გრ.  
ცეცხლაძეს, სუსტია. საჭირო იყო—ასეთ  
კლასიკურ ნაწერის თარგმანისთვის მე-  
ტი ყურადღების მიქცევა..

— მხატვრობას მოკლებულია ს. ჩი-  
ქოვანის სიტყვების გროვა მყვირალა  
სათაურით: „მიძღვნა ახალ პოეტებს“:—  
იგი ასე თავდება:

ცხოვრება არს საფეხურთა წყება მა-  
ლალი  
და სურვილების მისაღწევათ გზა  
ჯვარედინობს  
და კიბეებზე ბევრი თუ სდგას უკვე  
დაღლილი  
ჩვენ გულწრფელობით გამარჯვება  
დაგვეჯერება“.

— ეს თუ პოეზიაა—მაშინ სოლომონ  
ზურგიელიძის „ნაწერებს“ რა უნდა  
დავარქვათ. რედაქტორია დამნაშავე,  
როდესაც ასეთი რამ ლექსათ საღდე-  
ბა და უკანასკნელ ფურცლებს იკავებს.

ასეთია ჟურნალ „ქართულ მწერლო-  
ბის“ ამ ნომერის შინაარსი უმთავრეს-  
ში. იგი არ არის ღარიბი, ბევრი და-  
საწუნია, მაგრამ ბევრი მისაღები.. გან-  
საკუთრებული ყურადღება რედაქციამ  
უნდა მიაქციოს მომავლისათვის ჟურ-  
ნალის კრიტიკულ და პოლიტიკურ ხასი-  
ათის წერილებს—რომ ხაზი, მიმართება  
ჟურნალის უფრო სწორი და გარკვეული  
შეიქნეს. ძნელი საქმეა ეს ამ ჟურნა-  
ლისათვის, მაგრამ არა შეუძლებელი.  
ნაყოფიც მეტი იქნება.

გ. — ლი.

# შინაარსი:

მხატვრული ლიტერატურა

საქართველო



ქართული  
ბიბლიოთეკა გერ.

1. კონ. ლორთქიფანიძე—ლენინი . . . . .	5
2. ვასილ გორგაძე—ბრძოლა წიფ. გვირაბთან 1905 წ. . . . .	6
3. ი. მოსაშვილი—სოფელში . . . . .	7
4. კონ. ლორთქიფანიძე—წინაპრებს . . . . .	9
5. სიმონ ჩიქოვანი—ძველ პოეტს . . . . .	10
6. ლეო ქიაჩელი—სისხლი . . . . .	11
7. დემნა შენგელაია—ტფილისი . . . . .	41
8. იონა ვაკელი—მეწისქვილე (პოემა) . . . . .	73
9. ანახ. ერისთავ-ხოშტარია—სალი . . . . .	87
10. მიხ. ჯავახიშვილი—თეთრი კურდღელი . . . . .	111

## რუსეთი

11. თედორე გლადკოვი ცემენტი (თარ. დემნა შენგელაიასი) . . . . .	155
--	-----

## კრიტიკა მხატვრობა პუბლიცისტიკა

12. ნ. ბუხარინი—გესლიანი შენიშვნები . . . . .	181
13. მიხ. კახიანი—იდეოლოგიურ ფრონტზე . . . . .	189
14. მიხ. ზანდუკელი—რომანტიზმი ქართულ ლიტერატურაში . . . . .	194
15. კიტა მევრელიძე—გერმანიის კაპიტალიზმის კრიზისი . . . . .	222

## ბიბლიოგრაფია

16. მკითხველი—გრიგოლ რჩეულოვი—„ქვრივის ლიმონები“ . . . . .	242
17. უცნობი—აკაკი პაპავა—„მეურმე ნესტორა“ . . . . .	244
18. კ.—ძე—ალ. ნევეროვი—„ტაშკენტი—ქალაქი პურის“ . . . . .	245
19. მოხე გოგიბერიძე—ს. დანელია—„ანტიკური მწერლობა“ . . . . .	248
20. გ.—ლი—„ქართული მწერლობა“ № 4—5 . . . . .	251